

INSTITUTIO *J. G.*  
LOGICA;  
ET  
PHILOSOPHIÆ  
EPICURI  
SYNTAGMA.

---

Authore *V. Cl.*  
*PETRO GASSENDO.*

---



---

LONDINI:  
Ex Officina *Johannis Redmayne.*  
MDCLXVIII.



HARVARD COLLEGE LIBRARY  
FROM THE LIBRARY OF  
JOHN CHIPMAN GRAY  
GIFT OF ROLAND GRAY

July 12, 1933

(1)  
INSTITUTIO  
LOGICA  
IN

Quatuor Partes Distributa.

---

Autore V. Cl.:

PETRO GASSENDO.

---




2-6

---

LONDINI:  
Ex Officina Johannis Redmayne,  
MDCLXVIII.

LOGICA



de  
G  
co  
de  
ag  
p  
u  
q  
f  
o  
r  
B  
M  
c  
f  
a  
f  
c  
e

*Typographus Lectori S.*

**N**on te capto (ingenue Lector) nec  
nec in limine, ut hodie plerique  
faciunt, hederam appendo. Et  
enim liber iste qui typis nostris  
descriptus prodit, tam suo pretio, quam  
*Gassendi* ipsius longe eruditissimi nomine  
commendatus, nullius laudes ac testimonia  
desiderat; tantum abest, ut Ego præconem  
agere necessum habeam. Eapropter meis  
partibus abunde defungar cum aliqualem  
utriusque Opusculi rationem exposuero. Et  
quod *Institutionem Logicam* attinet, eam  
se profitetur præclarissimus Vir, postquam  
omnes in eo genere, tam veteres quam  
recentiores, ex illis nempe *Stoicos*, &  
*Epicurum*; ex his vero, *Lullium*, *Ramum*,  
*Verulamium*, *Cartesium*, aliosque qui cir-  
cumferuntur minoris notæ scriptores excus-  
sisset, partim rescindendo, partim addendo,  
accurato delectu concinnasse. Quod ut factu  
summe arduum, ita etiam Eruditorum nati-  
oni utilissimum merito censeri debet. *Epi-  
curi* autem *Philosophia Syntagma*, cum sit  
pæne omnium *Gassendi* in *Diog. Laertium*  
*Elucubrationum* flos ac medulla, facile in-  
ducor ut credam illud omnes *Philosophiæ*

liberæ ac ingenuæ cultores æquos & faventes habiturum. Equidem tertio post anno quam *Gassendus* diem supremum explevisset, universa ipsius Opera quadruplici Volumine comprehensa prodierunt. At verò cum ea præ molis adeoque etiam pretii magnitudine, studiosæ juventutis usibus minus essent accomodata, atque insuper complura non pariter ab omnibus expetita continerent, visum est operæ pretium duos hosce Tractatus seorsim excusos in publicum emittere. Id quod ea cura præstitimus, ut habita characterum atque æris ratione, nos non tam rem nostram egisse, quam (quod & semper in votis est) studiosorum commodis inserviisse videamur.

Syl-

# Syllabus Canonum

quos singulae Partes Instituti-  
onis Logicae complectuntur.

## P A R S I. De simplici Rerum Imagina- tione.

CANON I. **S**implex rei Imaginatio talis est, qua-  
lis est Idea quae de re habetur 6

II. Omnis quae in Mente habetur  
Idea, ortum ducit a sensibus  
ibid.

III. Omnis Idea aut per Sensum transit, aut ex iis quae  
per sensum transiunt formatur 7

IV. Omnis Idea, quae per Sensum transit, singularis  
est; Mens autem est, quae ex singularibus consi-  
milibus generalem facit 8

V. Quae Idea generaliores sunt, ex minus generalibus  
consimiliter fiunt 10

VI. Prodest Mente tenere seriem quandam Idearum  
(rerumve, quarum Idea sunt) a singularibus, seu  
specialissimis, ad generalissimam usque 12

VII. Idea singularis tanto est perfectior, quanto plures  
partes, pluraque adjuncta rei representat 15

VIII. Idea generalis tanto est perfectior, quanto est  
completior, ac representat purius id in quo singula-  
ria conveniunt. 16

IX. Idea, aut propria experientia aut alterius doctrina,  
acquiritur 17

X. Quae Idea propriis acquiritur Sensibus, perfectior  
est ea, quae ex facta ab alio descriptione formatur 18

# INDEX.

- XI. Circumspiciendum tamen est ne propriorum *Sensuum* *experientia* quidquam imponat 19  
 XII. Itemque, ne *Temperies*, *Animi affectus*, *Consuetudo*, *præjudicata Opinio* 20  
 XIII. Cavendum quoque ne quid imponarrem *describentis autoritas* 21  
 XIV. Ne quid item *Nomen ambiguum* aut *figurata Loquutio* 22  
 XV. Qualis *idea rei est*, talis *traditur rei Definitio* 23  
 XVI. Qualis *Idea rei est*, talis *Instituitur illius in species, partes, adjunctaque Divisio* 24  
 XVII. Qualis *Idea rei est*, talis *intelligitur ipsius ad alia Relatio* 28  
 XVIII. Tanto quisque *Scientia præpollet*, quanto *et rerum plurium, et perfectiores ideas habet* 29

## P A R S H. De Propositione.

- CAN. I. **P**ropositio illa est vera, quæ id enunciat esse, quod est; vel id non esse, quod non est; & Falsa ex opposito, quæ vel id esse, quod non est; vel id, quod est, non esse 35  
 II. Veritas Propositionis Affirmativæ ex eo pendet, quod *Attributum congruat Subjecto*; Negativæ ex eo, quod non congruat 36  
 III. *Attributum congruit Subjecto*, ipsique coheret, aut inseparabiliter, & Necessarium dicitur; aut separabiliter, & dicitur Contingens 37  
 IV. *Attributum Necessarium*, aut *Genus est*, aut *Qualitas à Natura insita Subjectæ* 38  
 V. *Attributum Contingens*, aut *Qualitas est adventitia*, aut *Relativa denominatio* ibid.  
 VI. Non potest *Species* reciproce fieri *Attributum Generis*, nisi *Generi limitatio adhibeatur* 39  
 VII. *Qualitas quidem insita & propria*, reciproce fieri



# INDEX.

- ex *Attributo Subjectum potest; sed adventitia, & communis, nisi cum limitatione non potest* 40
- VIII. *Debet Attributum nomine concreto, nisi dum Qualitas de Qualitate, ut Genus de Specie, enuntiatur, efferi* ibid.
- IX. *Quoties Attributum est Genus, Qualitasve inhaerens Subjecti, Propositio Affirmativa vera est, ac necessaria; Negativa, falsa ac impossibilis* 41
- X. *Quoties Attributum aut Genus disparatum, alteriusve seriei à Subjecto est, aut Qualitas, ad quam Subjectum nativam habet repugnantiam; Propositio Affirmativa falsa, ac impossibilis est: Negativa vera, ac necessaria* 42
- XI. *Quoties Attributum qualitas adventitia, aut relativa denominatio est, & Subjectum singulare, ac determinatum, Propositio Contingens est; seu vera esse, & falsa potest. Et donec quidem Attributum in est, Affirmativa vera est, Negativa falsa: donec non inest, falsa Affirmativa, vera Negativa* 43
- XII. *Duarum Propositionum Contingentium oppositarum una vera est, alia falsa, idque seu tempus praesens fit, seu praeteritum, seu futurum* 44
- XIII. *Propositionis certitudo pendet ex Evidentia, quae illam esse necessariam patet* 45
- XIV. *Propositionis verisimilitudo seu probabilitas ex eo pendet, quod ad evidentiam magis, quam ad obscuritatem tendat* 46
- XV. *Prodest paratam habere copiam Propositionum Necessariorum, quae ut evidentiissimae, sic generalissimae sint; quales sunt, quas Maximas vocant* 47
- XVI. *Maximas inter Propositiones Logicae proprias esse sunt, quae ad Locos Communes, vocatae seu Sedes Argumentorum spectant.* 48



# INDEX.

## PARS III. De Syllogismo.

- CAN. II.** **F**orma Absoluti Syllogismi commodissima est, ut Medium medio inter Subiectum & Attributum loco collocetur 39
- III.** Formæ Absoluti Syllogismi Figuræ sunt duæ: una Cohærens, seu Conjuncta, alia Incohærens, seu Dejuncta; illa Affirmativa, ista Negativa 61
- IV.** Quod cohæret cum aliquo, Cohærens est etiam cum eo, cum quo illud necessario cohæret 63
- V.** Quod cohæret cum aliquo, incohærens cum eo est, cum quo illud est incohærens 64
- VI.** Figuræ utriusque tres sunt Modi, nempe Generalis, Particularis, Alius 65
- VII.** Prima Aristotelis Figura partim ad Cohærentem, partim ad Incohærentem pertinet 68
- VIII.** Secunda Aristotelis Figura ad Incohærentem ducitur 70
- IX.** Tertia Aristotelis Figura partim ad Cohærentem, partim ad Incohærentem refertur 72.
- X.** Enthymema, seu Syllogismus, in quo altera Sumptionum sic supprimitur, ut tamen subintelligatur, ad utramvis Figuram spectat 74
- XI.** Gradatio, qua Syllogismus Sumptionibus abundat, in Cohærente solum Figura locum habet 76.
- XII.** Inductio, qua quid univérse ex plurium singularium recensitione colligitur, alterutrius est Figura 77
- XIII.** Hypotheticus seu Conditionalis Syllogismus nihil aliud est, quam idem Enthymema bis positum; semel suspensio, semel ratio judicio 80
- XIV.** Analogicus, seu Proportionalis Syllogismus, aut proportionem prolatus, aut adjuncto eam explicat, aut simpliciter commutat, quo casu Enthymema fit 81
- XV.** Diezeucticus seu Disjunctivus Syllogismus aut 80 hic

# INDEX.


- tollit ut ponat, ponitve ut tollat; aut in *Hypothesi-*  
cum definit; ac efficitur *Planus*, vel *Cornutus* 84
- XVI. Ex *Premissis* veris *Conclusio* duntaxat vera se-  
quitur; ex falsis autem non modo falsa, sed vera etiam  
sequi *Hypothesice* potest 87
- XVII. Cujus *Syllogismi* *Premissae* necessariae ac evi-  
denter verae sunt; is *Apodicticus*, seu *Demonstrati-*  
vus, & *Scientificus* est 89
- XVIII. Varii sunt *Loci*, ex quibus per *Medium* siue  
*Argumentum* ad *Syllogismum* demonstrativum po-  
test 92
- XIX. Cujus *Syllogismi* *Premissae* contingentes veri-  
similesque sunt, is *Suasorius*, *Probabilis*, *Opinabilis*-  
que est 94
- XX. Varii sunt *Loci*, ex quibus potest *Medium* ad  
*Syllogismum* *Suasorium* desumi 96
- XXI. Cujus *Syllogismi* *Premissae* fallaces anticipesque  
sunt, is *Erroneus*, *Sophisticus*, & *Paralogisticus* est 99
- XXII. Unus fere *Locus* ad *Syllogismum* *Sophisticum*  
ambiguus est, ex cuius refectione manifestum fit,  
eum, qui videbatur, *Syllogismum* non esse. 100

## PARS IV. De Methodo.

- CAN. I. **M**ethodus *Inventionis* in *Medio* sagaciter  
exquirendo consistit 105
- II. *Medii* inquisitio aut à *Subiecto* incipiens, *Analy-*  
sis, seu *Resolutio* est; aut ab *Attributo*, *Synthesis*,  
siue *Compositio* 106
- III. *Methodus* *Iudicii* seu *Examinis*, aut *Compositio*  
est, cum *Inventio* fuit per *Resolutionem*; aut *Resolu-*  
tio, cum per *Compositionem* 109
- IV. *Methodus* *Iudicii* duplici *Criterio*, se iudicandi  
*Instrumento* perficitur, *Sensu* scilicet, ac *Ratione*  
ibid.
- V.

# INDEX.

- V. *Methodus Doctrina à Resolutione incipit, & per Compositionem procedit* 111
- VI. *Methodus Doctrina talis esse debet, ut subiecta materies quam-maxime potest, clare exhibeatur* 114
- VII. *Prima proinde cura esse debet, ut Verba non ambigua, Phrascs non ambagiose sint* 115
- VIII. *Si quæ traditur Doctrina sit Ars, ea constare ex præceptis debet; si Scientia, ex speculationibus* ibid.
- IX. *Debes autem primum proponi, Definitioneque explicari quid sit id, de quo agitur* 116
- X. *Debent & subinde, quæ tractanda sunt, congrua partitione distribui* ibid.
- XI. *In distributione vero tractationeque Membrorum danda est opera, ut generalia generaliter, ac primo ponantur* 117
- XII. *Vt nihil inducatur quod alienum sit, nihil præmittatur quod proprium* ibid.
- XIII. *Vt semper à notioribus, & ad sequentia intelligenda magis necessariis incipiatur, ac procedatur* ibid.
- XIV. *Vt distributio proinde, tractatioque omnis discreti simul accommodetur, ac pro ipsius rei conditione sit* 118



# INSTITUTIO LOGICA

## IN

*Quatuor Partes distributa.*

---

### P R Æ F A T I O.

**L**ogica est Ars bene cogitandi. Nomen habet λόγος ἢ λόγῳ, hoc est, *sermone*; quoniam cogitatio nihil aliud est, quam sermo interior, quo Mens apud se loquitur. Experimur certe, quoties cogitamus, nos tacite uti iisdem vocibus, quibus cogitata ore exprimeremus. Quod λόγος etiam *Ratio* sit, Logicam Latine Rationalem dicunt.

Aliud ipsi nomen est Dialéctica, λόγος ἢ ἀλγε-  
αίμας, quod est, *rationari*, seu *differere*; unde Artem bene rationandi, differendive illam definiunt. Sed nimirum Ratiocinatio præcipua quædam est cogitatio, in qua dum Mens seu Intellectus versatur, Ratio dicitur.

Non desunt, qui hanc Artem Canonicam vocent; quod sit quasi Canon, sive Regula, ad bene cogitandum instituta. Quia enim potest Mens facile inter cogitandum errare, seu à vero descisere, ideo errores suos agnos-

A

scens,

scens, præcavereque ipsos volens, quemadmodum Regulam faber, sic ipsa sibi Artem hanc parat, qua opus suum, hoc est, proprias operationes dirigat, easque errore immunes reddens, ipsam Veritatem, seu scopum, ad quem collineat, assequatur.

Quod dicimus porro *Bene cogitare*, videtur quatuor ista complecti; Bene imaginari, Bene proponere, Bene colligere, Bene ordinare.

Ad bene enim cogitandum operæ pretium imprimis est unamquamque rem *bene imaginari*, hoc est, legitimam ac veram cujusque rei imaginem Animo præconcipere, ac per ipsam rem Animo quasi obversantem habere. Tale est, dum Hominem, Solem, cæterasque res cogitamus, experimur enim nobis obversaritalium rerum imagines, in quas voluti intueamur. Hæc vero quasi intuitio cogitatio est, quæ Imaginatio dicitur, itemque Notio, Conceptio, Apprehensio, & simplex quidem, quatenus rem simpliciter apprehendimus, nec quicquam de ea vel affirmamus ve Inegamus.

Deinde operæ pretium est *bene proponere*, hoc est, de unaquaque re id, quod ipsa est, vel non est, vere ac legitime enunciare, cuique scilicet asserendo tribuendove quod illi congruit, negando quod non congruit. Tale est, dum exempli gratia dicimus, *Homo est Animal, Homo non est Planta*: asserimus enim de Homine quod Animal sit, quia hoc illi congruit; negamus quod Planta, quia illi non congruit. Cogitatio autem, qua id dicimus, vocari Propositio, Enunciatio, Iudicium, & cætera solet.

Tertio,

Tertio, operæ præteritum est bene colligere, hoc est, ex propositione una aut altera legitime ac vere, aliquid inferre. Tale est, dum dicitur, *Homo est animal & omne animal sentit, Homo igitur sentit.* Ex eo enim, quod proponitur *Hominem esse animal, & omne animal sentire*, legitime inferitur, *hominem sentire*. Quæ sic nos proinde subit cogitatio, dici Latine Collectio potest; usus tamen obtinuit, ut Græce potius Syllogismus dicatur, quæ vox etiam reddi Ratiocinatio Latine solet. Dici quoque solet Discursus, Argumentatio, &c.

Denique operæ est præteritum bene ordinare, hoc est, quoties plura de aliqua re imaginari, proponere, colligereve expedit, legitimo & congruo ordine ea disponere, juxtaque ordinem viam tenere. Tale est, si quis scrutaturus, declaraturusve quæ homini agenda sint, illa partiatur, deducatque juxta Virtutum genera, quæ sunt Prudentia, Justitia, Fortitudo, & Temperantia. Quæ tunc nos subit cogitatio, cum ordinis excogitatio sit, dici Ordinatio, seu Dispositio posset; sed familiare tamen, ut Græca voce Methodus dicatur.

Cum tot ergo modis bene cogitemus, & Logicæ officium sit Canones sive Regulas ad bene cogitandum dare, videntur omnes ii Canones juxta expositam bene cogitanda varietatem posse distingui, atque adeo videtur posse Logica in quatuor Partes dividi, quarum Prima sit de simplici Imaginatione; Secunda de Propositione; Tertia de Syllogismo, Quarta de Methodo.

Præmonendum vero, tametsi quos circa unamquamque Partem proponemus Cano-



nas, non sint futuri omnes quasi Regulæ, seu præcepta quædam aliquid agendum præscribentia, sed plerumque potius quasi quædam Theoremata quidpiam speculandum proponentia; quia tamen hæc quoque Theoremata ejusmodi erunt, ut attendere ad ipsa Mens debeat, quo cogitationes melius dirigat, ideo videri ipsa quoque posse non abs re *Canonas* inscribi.

---

## INSTITUTIONIS LOGICÆ

### P A R S I.

#### *De simplici Rerum Imaginatione.*

**I**maginationis vocem hic accipimus pro Cogitatione, seu actione Mentis, quæ ad rei cogitatæ imaginem Mente obversantem terminatur. Hoc autem notandum, quia talis vox sumitur interdum pro facultate imaginatrice, quæ nonnullis & Græca voce appellatur Phantasia, & tribuitur parti Animæ inferiori, quæ est Homini communis cum Brutis; quippe ipsa quoque Bruta imaginantur.

Dicitur autem Imaginatio (ac etiam Conceptio, Apprehensio, Intellectio, Notio rei) simplex, quod, ut jam innui, rem per ipsam simpliciter imaginemur, nec de ea quidquam pronunciemus, quod propositionem, perfectumve sensum efficiat. Talis est, cum dicitur, vel concipitur, v. c. *Homo*; neque enim simul additur, quid homo sit, aut non sit; sed  
simplici-

simpliciter, & citra affirmationem & negationem concipitur homo.

Adjicio tamen, nihil pronunciari, quod propositionem, perfectumve sensum efficiat; quoniam qui sic imaginatur, dicitve, *Homo albus*; vel, quod est idem, *Homo, qui est albus*; affirmat quidem aliquid, sed imperfecto tamen, seu incompleto sensu; expectatur enim, quid dicere velit de homine, qui albus est. Unde &, ut Affirmatio, aut Negatio, quæ ad propositionem requiritur, quæque hinc excluditur, sit, debet dicere, v. g. *Homo albus extra Æthiopiam nascitur*; vel, *Homo, qui est albus, non nascitur in Æthiopia*.

Sic, dum quis solum ita dicit, animove concipit, *Vir bonus, & sapiens, & qui est iudex ipse sui*; est in ipso adhuc simplex Imaginatio, quia nondum affirmatio est, quam propositio exigat, ut res complete enuncietur; quemadmodum sit, dum subjicitur, *totum se explorat ad unguem*. Potest proinde simplex Imaginatio, ut hic quidem accipitur, totam etiam rei descriptionem ita complecti, ut de ea quidpiam affirmare negareve deinceps liceat.

Imago porro illa, quæ nobis rem quampiam cogitantibus Menti obversatur, ac veluti objicitur, plerisque etiam aliis donari nominibus solet. Dicitur enim etiam Idea ac Species, & accommodato nomine actionis, etiam Notio, Prænotio, Anticipatio, seu anticipata notio (prout nempe fuit prius acquisita) ac rursus Conceptus, itemque Phantasma, prout sedem habet in Phantasia, facultateve imaginatrice.

Nobis Idea crebrius dicetur, quod & jam vox hæc familiaris tritaque sit, & minus



præ aliis ambiguo laboret. Certe etiam Imaginis vox ad nimis multa extenditur, & vox speciei pluribus datur, quam ut tam proprie accommodari ad institutum valeat. Sed jam Canones isti sunt.

## C A N O N I.

*Simplex rei Imaginatio talis est, qualis est Idea quæ de re habetur.*

**E**Xperimur videlicet nos eam rem clare distincteque imaginari, cujus ideam claram distinctamque habemus; eam rem obscure atque confuse, cujus obscuram atque confusam. Neque enim ita perspicue imaginamur hominem, quem pridem, quem semel, quem in transcurso solum vidimus, ac eum, quem nuper, quem sæpius, quem attente conspicati sumus; quoniam quæ illius idea in animo hæret, tenuis ac evanida est; quæ istius, fortis & viva.

Sic imaginatio proinde germana, legitima, veraque est, cum Idea rei, quam imaginamur ipsi rei conformis est, ut dum equum quadrupedem currentemque imaginamur; spuria vero, aliena, & falsa, cum Idea rei dissimilanea est, veluti dum equum alatum volantemque, & qualem fingunt Pegasus, concipimus. Scilicet prior illa Idea, quem de equo habemus, est equo conformis; posterior vero minime.

## C A N O N II.

*Omnis quæ in Mente habetur Idea, ortum ducit à Sensibus.*

**I**Dcirco enim, qui est cæcus natus, nullam habet ideam coloris; quia sensu Visus destitui-

stituitur, cujus interventu eam habeat : qui surdus natus, nullam soni, quia caret sensu Auditus, cujus ope illam acquirat. Adeo proinde, ut si esse posset, qui omni privatus sensu viveret (sed nempe non potest saltem sine Tactu, qui unus Animalibus intra uterum competit) is nullius rei ideam haberet, sicque nihil imaginaretur.

Huc proinde spectat celebre Effatum, *Nihil in Intellectu est, quod prius non fuerit in Sensu.* Spectat & quod dicunt Intellectum, seu Mentem, esse *tabulam rasilem*, in qua nihil cælatum depictumve sit. Quippe qui illi esse dicunt Ideas à natura impressas, neque per Sensum acquisitas, ii quod dicunt, minime probant.

## C A N O N III.

*Omnis Idea aut per Sensum transis, aut ex iis, quæ transeunt per Sensum, formatur.*

**E**X hoc Canone illa explicantur, quæ in superiorem possent objici ; quatenus Ideas habemus in Mente quarundam rerum, quæ neque sunt, neque esse ullatenus possunt ; quæque adeo Sensus ferire, ideasque sui transmittere per ipsos non valent.

Imprimis itaque transire per Sensum, Mentique imprimi illæ Idæ dicuntur, quæ sunt rerum per se in Sensus incurrentium ; ut sunt, quas habemus Solis, Lunæ, Nubium, Tonitruum, Terræ, Aquæ, Hominum, Equorum, Plantarum, Florum, Lapidum, Metallorum, omnium, ut paucis dicam, rerum, quas occurrentes, & exhibitas Sensui, vidimus, tetigimus, olfecimus, &c.

Deinde vero, ex iis, quæ per Sensum tran-

fiunt, ac in Mente sunt, variæ variisque modis formantur : ut compositione, & quasi adunatione plurium ; ampliacione, aut imminutione ejusdem ; translatione, & accommodatione unius ad rem aliam, quam illam, de qua sumpta est.

Et Compositione quidem, ut cum ex montis aurique ideis, compingitur à Mente idea Montis aurei, cum ex ideis Hominis & Equi, ideam Centauri ; cum ex ideis Leonis, Draconis, & Capræ, ideam Chimæræ ; atque ita de cæteris.

Ampliacione autem, vel imminutione, ut cum ex idea Hominis magnitudinis vulgaris, facit ad augendo ideam Gigantis ; aut ex eadem extenuando, ideam Pygmæi.

Translatione denique, & accommodatione ; seu similitudinē, ac proportionē ; ut cum ideam urbis, ad urbem non visam transfert & accommodat, sicque urbem non visam visæ instar fingit. Sic nempe ille,

*Urbem, quam dicunt Romam, Melibæe, putavi,  
Stultus ego, huic nostræ similem.*

Porro hac ratione etiam Deum, qui cadere sane in Sensum non potest, concipere Mens solet sub idea visi alicujus senis venerabilis, quam ipsi velut accommodat ; solet Angelum sub idea visi formosi adolescentis, ac pari modo cætera.

#### C A N O N IV.

*Omnis Idea, quæ per Sensum transit, singularis est ;  
Mens autem est, quæ ex singularibus consimilibus  
generalem facit.*

**Q**uippe, cum res omnes, quæ in Mundo sunt, incurrereque in Sensu possunt, singulares

gulares sint, ut Socrates, Bucephalus, hic lapis, hæc verba, & cæteræ res digito demonstrabiles (id nempe defectu nominum propriorum, quibus singularia omnia designentur) non possunt profecto ideæ, quæ ex illis in Mentem transeunt, inque ipsa hærent, singulares non esse.

Cum vero Mens habet multas similes, tum unam ex illis generalem facit, & modo quidem duplici; uno aggregando, alio abstrahendo.

Priore enim modo Mens similes ideas veluti seponens in unam cogit aggeriem, quæ omnes proinde continens, universarum Idea fit, ac universalis proinde, & communis, generalisque dicitur; imo & sub uno nomine communi appellatur Genus.

Talis est, v. c. aggeries ex Ideis Socratis, Platonis, Aristotelis, cæterorumque omnium similium, quæ ob commune Hominis nomen accommodatum singulis dici solet *Hominum Genus*. Sic autem etiam dicitur Genus Equorum, Genus Leonum, &c.

Posteriore modo, cum licet Ideæ illæ singulares in aliquo similes sint, seu mutuo conveniant, multa tamen simul discrimina habent, quibus inter se differant, ideo Mens seorsim spectando, ac ideo veluti abstrahendo ex omnibus id, in quo omnes conveniunt, & detractis seu non spectatis discriminibus quibus differunt; illud sic abstracte spectatum, nihilque non commune habens, pro Idea communi, universali, generali habet, quæ & ipsa dicatur Genus.

Exempli enim gratia, dum Mens eorundem Socratis, Platonis, Aristotelis ideas, in eo convenire, similesque esse attendit, quod unaquæque;

earum repræsentet Animal bipes, erecta facie, ratiocinans, ridens disciplinæ capax, &c. istud (nempe esse Animal bipes, erecta facie, &c.) velut abstrahit, inque idem format, à qua sint detracta discrimina omnia, quibus illi mutuo differunt (ut quod iste sit filius Sophronisci, ille Aristonis, alius Nicomachi; iste senex, ille vir, alius adolescens; iste simus, ille humeris latis, alius tibiis gracilibus) ac talem rursus ideam habet pro Idea universali seu generali hominis; quatenus illa repræsentatur non hic, aut ille, aut alius speciatim; sed generatim, seu communiter, Homo.

## C A N O N V.

*Quæ Ideæ generaliores sunt, ex minus generalibus consimiliter fiunt.*

**C**ONSTAT enim priore modo, sive aggregando, ex aggeriebus (seu Ideis generalibus) Hominum, Equorum, Leonum, &c. fieri unam aggeriem (seu Ideam) generaliore[m] Animalium: Ex aggeriebus Animalium, & Plantarum (ut Herbarum, & Arborum) fieri aggeriem adhuc generaliore[m] Viventium: Ex aggeriebus Viventium, & Inanimorum (ut Lapidum, ac Metallorum) generaliore[m] adhuc Corporum: Ex aggeriebus Corporum, & Incorporeorum (ut sunt Deus, & Angeli) generaliore[m] adhuc Substantiarum: Ex aggeriebus denique Substantiarum, & Adjutorum, quæ & vocant Accidentia (ut sunt Magnitudo, Color, cætera) aggeriem seu ideam omnium generalissimam Entium, sive Rerum.\*

Posteriore, sive abstrahendo, postquam  
Mens

Mens Ideas generales Hominis, Equi, Leonis, Tauri, abstractione illa formavit, tum attendens ipsas convenire in aliquo, dissidere in alio (conveniunt nimirum in eo, quod unaquæque repræsentet corpus sentiens; dissident in eo, quod una repræsentet ridens, alia hinniens, alia rugiens, alia mugiens) ideo illa omnia, quibus dissident, detrahit, seligensque solum id in quo conveniunt, nempe Corpus sentiens, quod nomine uno dicitur Animal, Ideam ex eo facit, ideis illis generaliore.

Pari autem modo, ex formatis prius Herbarum, Arborumque ideis generalibus, ac formata Idea generaliore Plantæ; dum Mens attendit Animalis, ac Plantæ ideas in eo convenire, quod utraque repræsentet corpus vegetabile; differre autem, quod illa sentiens, hæc Sensus expers referat; ideo differentiam saponens, ac reliquum assumens, Corpus scilicet vegetabile, quod nomine uno Vivens dicitur, ex eo Ideam viventis facit, quæ utraque adhuc generalior sit.

Nec dissimili vero modo formatur Idea adhuc generalior Corporis, ex ea, quæ Viventis, & Non-viventis, ut lapides sunt: Et generalior adhuc Substantiæ, ex iis, quæ sunt Corporis, & Incorporei, ut Angeli: Et generalissima tandem Entis, sive Rei, ex iis, quæ sunt Substantiæ, & Adjuncti, qualis est color.




## C A N O N VI.

*Prodest Mente tenere seriem quandam Idearum (rerumve, quarum Idæe sunt) à singularibus, seu specialissimis, ad generalissimam usque.*

**M**ens quippe exinde illustratur, & ex una serie discit cæteras, confusionemque præcaver, qua plerumque inter imaginandum, definiendum, partiendum, recensendum res obfuscatur.

Talis est series, quàm Porphyrius à Socrate ad usque Substantiam instituit, & ad quam nos quoque mox respeximus; nisi quod, cum ille in serie, seu, ut cum Aristotele vocat, Categoria Substantiarum constiterit, nos uno gradu eam promoventes, efficimus seriem Categoriarumve Entium, seu Rerum. Ea vero, ut melius Menti inhæreat, Schemate sequenti ponenda ob oculos est.

Notandæ autem sunt Differentiæ, quæ hinc inde appositæ sunt; quæ enim ad lavam antecedunt, ex sunt, quas detrahendo à Socrate pervenimus ad Ens; cum & vicissim componendo ab Ente pervenire ad Socratem liceat. Ens enim per se substantia; Substantia mole prædita est corpus; Corpus vegetabile est vivens; Vivens sensu præditum est Animal.



Animal rationale est Homo; Homo hic, ut-puta Sophronisci filius, magister Platonis, &c. est Socrates.

Quæ vero ad dextram sequuntur, prioribusque oppositæ sunt, ad totidem series usurpari possent, quot sunt singularia, quæ suo ambitu.



ambitu continent. Nempe, ut *Ens per se* Substantias omnes continet, sic *Ens in alio* omnia adjuncta; & ut Substantia mole prædita continet omnia corpora, sic Substantia mole immunijs omnia incorporea, & sic cætera.

Cum porro quicquid hac ratione multa continet, Genus sit, & quæ continentur, sint illius Species (Cicero dicit potius Formas, alii Partes subiectas dicunt) constat Ens, seu Rem, Genus esse summum seu generalissimum, quia continet omnia, & à nullo continetur; ac ita est genus, ut species non sit; ex opposito, Socratem esse infimam seu specialissimam speciem, quia continetur, & non continet; ac ita species, ut genus non sit; Intermedia vero, quia continent, & continentur, esse alternatim Genera, & Species. Homo enim, ex gr. respectu Socratis, quem continet, est genus; respectu Animalis, sub quo continetur, est species: ac pari modo Animal genus est hominis, species Viventis, atque ita de cæteris.

Neque te moveat, quod Porphyrius Hominem non Genus, sed Speciem specialissimam faciat; id enim facit præter usum apud probatos omnes Authores, Platonem, Aristotelem, Ciceronem, Senecam, Quintilianum, Martianum, alios, etiam Jurisconsultos, qui Hominem Genus, Stichum & Pamphilum hominis species dicunt. Inauditumque est, ut aut homo dicatur species Socratis, aut quidpiam omnino sit species, nisi quatenus referatur ad genus.

Si quæras forte, cur ab eo, & ab Aristotele singularia tum *Individua*, tum *numero differentia* dicantur; causa ex dictis patet. Individua enim dicuntur, quia dividi superiorem in-

star

tar non possunt. Nam dividimus quidem in Ens per se, & Ens in alio; Substantiam in more præditam, & immunem, & sic porro, quousque cum divisimus hominem in hunc, ut puta Socratem, in illum, ut puta Platonem, & alios; dividere jam Socratem pari modo non licet. Numero vero differentia dicuntur, quia quæ sint numerantium instar, quasi digito demonstramus, dum dicimus hoc, illud, aliud, &c.

## C A N O N VII.

*Idea singulari tanto est perfectior, quanto plures partes, pluraque adjuncta rei repræsentat.*

**Q**uia enim Idea, ut perfecta sit, rem repræsentare, cujusmodi est, debet, ea propter, cum res singularis, cujusmodi est omne corpus, quod in Sensum incidit, sit & quoddam Totum ex suis constans partibus, ut Homo ex capite, trunco, brachiis, cruribus, partibusque aliis minutioribus, ex quibus hæ sunt; & præterea quoddam Subjectum suis adjunctis, seu dotibus, proprietatibus, qualitibus præditum; ut idem homo magnitudine, forma, colore, robore, ingenio, memoria, virtute, sapientia, &c. manifestum profecto est, tanto perfectiorem fore ejus ideam, quanto plures ipsius partes, pluraque adjuncta repræsentarit.

Quo magis commendandæ sunt Anatomia, Chymia, cæteræque Artes, quæ nobis plures rerum partes qualitatesque, quam vulgo pateant, secernunt atque retegunt; præstantque adeo, ut ideas perfectiores adipiscamur.

Hic proinde nota esse quoque suas singula-

rum partium ideas, quæ & respectu totalis dici partiales valeant, & respectu aliarum minutorum, totales; caput enim, pars hominis, totum est respectu faciei, facies respectu oculi, oculus respectu pupillæ.

Nota & suas quoque esse adjunctorum, seu proprietatum, qualitatumque ideas, prout illæ quidem abstractis exprimuntur. nominibus, dum spectantur; quasi secretæ à suis subiectis, quæ nominibus concretis vulgo exprimuntur. Ita non modo ideam candidi subiecti habemus, sed seorsim quoque candoris; non modo iusti, sed seorsim quoque iustitiæ; atque ita de cæteris.

#### C A N O N VIII.

*Idea generalis tanto est perfectior, quanto est completior ac repræsentat purius id in quo singularia conveniunt.*

**C**Um generalis enim dicatur, primum quidem aggregatione, quod sit aggeries continens omnes, quæ ejusdem sunt generis, tanto sane perfectior erit, quanto pauciores deerunt, quibus veluti completa reddatur. Quo pacto si quis hominum Idea non modo Europæos, Africanos, Asiaticos, sed Americanos etiam complectatur, perfectiorem illam habebit, quam si Veterum more, solos Europæos, Africanos, Asiaticos complecteretur.

Et sperandum quidem non est, ut plerorumque generum omnia singularia noscantur, quippe cum illa prope infinita innumerabiliave sint, verum opera saltem danda, ut ad minores quasdam aggeries, & quasi capita redigantur; ut si hominum genus per Nationes

nes

nes Provinciasque distinctum acceperimus, & quid proprium quibusque sit, quantum fas est, nosse adnitamur.

Cumque deinde etiam abstractione generalis dicatur, quod selecta veluti sit, ut repræsentet quidpiam commune omnibus singularibus; si quid sane admistum habeat, quod omnibus non competat, eo minus erit generalis, atque adeo minus perfecta. Quo se habet modo Hominis idea, si repræsentet Animal staturæ quadricubitalis, candida facie, naso recto, &c. quippe hæc, aliaque id genus aliquorum propria, non omnium hominum sunt communia.

Ac difficile quidem est, ne dicam impossibile, ita pure hominem in commune imaginari, ut neque magnus, neque parvus, neque mediocris staturæ sit; ut neque senex, neque infans, neque intermedia ætatis; ut neque albus, neque niger, neque alterius specialis coloris: At Mente saltem tenere oportet, hominem, quem communiter consideratum volumus, debere esse his omnibus discriminibus absolutum.

#### C A N O N IX.

*Idea, aut propria experientia, aut alterius doctrina acquiritur.*

Siquidem res ipsæ aut præsentēs sunt, aut sunt vel loco, vel tempore, vel utroque simul absentes.

Ac, si præsentēs quidem sint, tum proprios sensus usurpamus, ut experiamur cujusmodi sint; nam Visu quidem percipimus apparentem cujusque colorem, magnitudinem, figuram,

figuram, numerum; quietem, motum, conjunctionem, disjunctionem, intervallum, &c, Auditu vero percipimus sonum, Olfactu odorem, Gustatu saporem; Tactu, tum eadem quæ Visu, tum præterea levorem, asperitatem, mollitiem, duritiem, humiditatem, siccitatem, calorem, frigus, &c.

Sin quovis modo absentes sint, tum alterius operis cuiusmodi sint, fuerintve, edocemur, seu audiendo quæ narret, seu legendo quæ scripserit. Utrovis enim modo Ideas rerum sive auditarum, sive lectarum in Mente formamus, earum rerum instar, quæ perceperimus: ac tanto magis, si adhibeatur gestus, pictura, aut aliud quid, quod expressiorem nobis rem faciat.

#### C A N O N X.

*Quæ Idea propriis acquiritur Sensibus, perfectior est ea, quæ ex facta ab alio descriptione formatur.*

Idea nimirum ex re, quæ incurrit in Sensum, accepta, ipsiusmet rei idea est; quæ autem ex relatu alterius formatur, non tam ipsius rei est, quam alterius prius cognitæ, cuius instar concipitur, cuiusque Idea proinde ipsi quomodocunque repræsentandæ accommodatur.

Ex hoc autem fit, ut re aliqua audita, lectave, remaneat quidam in nobis idea, in quam intuentes de eadem re loqui, audire, & ratiocinari valeamus; sed eveniat nihilominus, ut si res nobis præsens sistatur, tum non talem esse præcise, qualem fuerimus imaginari, comperiamus. Neque enim unquam præcise talem hominem, talem urbem, talem regionem, aut aliam rem, dum fit coram, deprehendi-

audimus, qualem Mente finxerimus, dum  
voce, aut scripto depingeretur. Haud abs re  
proinde celebre est illud,

*Segnius irritant Animos demissa per aures,  
Quam quæ sunt oculis commissa fidelibus.*

## C A N O N X I.

*Circumspiciendum tamen est ne propriorum Sensuum  
experientiâ quidquam imponat.*

Plerumque videlicet ea, quæ percipiuntur  
sensibus, alia, aliove modo apparent, quam  
in se reipsæ sint. Nam Orichalcum, v. c. au-  
rum apparet, cum æs sit; Turris, quæ alioquin  
quadrata est, eminus visa apparet teres; Ba-  
culus, qui in se est rectus, si partim in aere  
partim in aqua statuatur, apparet recur-  
vus. Quare quæ ideæ hujusmodi rerum pri-  
mo aspectu imprimuntur, imponere facile  
possunt; ac ideo, ut indubie veram germa-  
namque habeamus, explorandum studiose  
est, talisne sit, qualis & apparet.

Hinc ad probandum, v. c. sitne Orichalcum  
id, quod esse apparet, lapidem Lydium adhi-  
bemus; ad probandum, Turrisne teres, prope  
ipsam accedimus; ad probandum, Baculusne  
curvus, ipsum ex aqua educimus; atque ita  
de cæteris.

Nimirum licet experientia Sensibus per-  
acta sit regula summâ, ad quam, dum de re  
quapiam dubitatur, confugiendum sit; non  
quævis tamen talis est habenda; sed ea solum,  
quæ est purgata omni instantia, omnique;  
dubio quæque adeo est evidens, ut expensis  
omnibus, contradici jure non possit.



## C A N O N XII.

*Itemque, ne Temperies, Animi affectus, Consuetudo præjudicata Opinio.*

**E**T enim quisque facile pro ea, qua est Temperie, rerum Ideas excipit, quæ haberi proinde spurix præposteræque valeant; idque, seu illa à Natura sit; quo pacto abstemius vini ideam ut gustatui ingratam habet; seu ætate, morbo; aut alia ratione immutata; quo pacto ætate proveciores alias rerum, ut voluptatem doloremve creantium, ideas habemus, quam pueri; ægri, quam sani; calentes, quam algentes; famelici, quam saturi.

Facile etiam quisque Ideas pro eo, quo est affectu, fingit; sic enim amantes ideas navorum pro luminibus in amasis habent; osiores in exosis luminum ideas pro ideis navorum.

Facile rursus quisque pro ea, que se habet, Consuetudine: Sic enim, quæ exstiterit prius idea rei, ut gustatu amaræ, ex usu & consuetudine tanquam rei dulcis evadit. Ex eodemque capite est, quod ideam patrii moris, præ externi moris idea, germanam habeamus; tamen si possit externus mos videri patrio præferendus.

Facile demum pro ea, qua est, præjudicata Opinione. Sic enim qui præjudicarit nullos esse Antipodas, Antipodum ideam pro falsa habebit, neque admitteat posse illis Cælum vertici imminere, perinde ac nobis.

Quare attendendum diligenter est ne, cum agitur de habenda alicujus rei germana idea, ex hisce aut similibus capitibus quidpiam imponatur;

ponatur; ac opera, danda, ut exuto omni sive ex temperie sive ex alia causa facto præjudicio, Mens indifferens ac libera fiat ad expendendum, deligendumque, quam-nam ut germanam habiturus sit.

## C A N O N XIII.

*Cavendum quoque ne quid imponas rem describentis auctoritas.*

QUIppe usu-venire videās, ut Viri etiam habitū graves certo prætextu fucum faciant, ac prodigia narrent, quæ non viderint; ut-cunque interdum ( si sint minus mali, sed creduli tamen ) vidisse se putent, aut de aliorum fide, qui se vidisse autument, non hæreant.

Exinde certe fit, ut plerumque tam ipsis abrogetur fides, quam Priscis illis narrantibus homines *Enotocatas*, seu incubantes auri-bus ad usque pedes dependentibus; *Seropodas*, seu præditos ejuscemodi pedibus, quorum umbra se resupinos ab æstu Solis protegant; *Acephalos*, seu capite orhos, oculosque habentes intra humeros; ac plerosque id genus alios, quos, quia peregrinationes navigationesque nuperæ nusquam deprehenderunt, conceptæ de illis *Ideæ* rerum non verarum, sed fabulosarum merito habentur.

Quamobrem, cum tam pauci sint, qui sint falli & fallere nescii, non facile est habenda fides cuique quidlibet referenti, quovisve modo describenti; sed tum solum, cum de illius & perspicacia in cognoscendo, & veracitate in referendo describendoque constar.

Juvat & illud explorare, quod is vel scribit,

ve



vel loquitur; sibi ne visum, scrupulosoque examine perspectum narret, an quod fide aliena stet; quî verisimile, aut possibile id sit, aut non sit; ac id genus similia. Sane enim fuisse videtur præclare ab Epicharmo dictum *Nervos & artus esse Sapientiæ, nihil temere credere.*

## C A N O N XIV.

*Ne quid item Nomen ambiguum, aut figurata Loquutio.*

**P**ERSPICUUM est enim, si impositum rei nomen ambiguum sit, variaque adeo significet, contingere posse, ut, nomine audito, ideam sub uno ejus significatu formemus, quæ nobis rem aliam, quam propositam, seu de qua sermo sit, repræsentet.

Sic, cum Cephalo dicente, *Aura veni* (ut hoc ex Poeta exemplum ducatur) Procris ex Auræ nomine audito, finxit sibi Nymphæ, non venti ideam, signum sui dedit, ex quo sibi malum accersit. Sic tritum in ore omnium est, qua delusi Oraculorum ambiguitate fuerint Croesus, Pyrrhus, & alii.

Ac, ut præteream maximam partem deludentium homines Sophismatum inde pendere; semper enim vox aliqua æquivoce accipitur; deprehensu facile est rarum esse, ut opinioniones, ob quas homines altercantur, non ex eo sint, quod ex eadem voce, aut phrasi, hic unam, idem ille aliam Animo fingat.

Perspicuum est quoque, si Loquutio sit figurata, ac præcipue, ut fieri moris est, Hyperbolica, idem efformari, quæ in rem non quadret; quod res per ipsam vel æquo major, vel æquo minor repræsentetur; ut dum ea descri-

criptiones fiunt, ex quibus quis imaginetur  
aut Elephantem pro Culice, aut Culicem pro  
Elephante; ac pari ratione, aut Nereum pro  
Thersita, aut Thersitam pro Nereo, &c.

## C A N O N XV.

*Qualis Idea rei est, talis traditur rei Definitio.*

QUoties videlicet rogamur, aut declarare  
volumus quid, aut cujusmodi res sit; sta-  
tim ad eam, quam habemus ejus Ideam respe-  
ctamus, & juxta illam definimus, describi-  
musve ipsam rem: adeo proinde, ut si Idea  
rem perfecte repræsentet, Definitio, hoc est  
Oratio, qua rei naturam essentiamve (seu  
quid, aut cujusmodi sit) declaramus, accurata  
sit; sin minus perfecte, minus accurata.

Cumque sit tritum Definitionem debere ex  
Genere, & Differentia (sive ex communi, &  
proprio) constare; labor quidem non mag-  
nus est, in agnoscendo Genere; facile enim  
occurrit series aggeriesve rerum, qua res  
continetur; at difficultas plerumque est in  
deprehendendo differentia, quæ esse debet  
ejusmodi, ut per ipsam res ab omni omnino  
alia discernatur.

Sic, cum inquirenti quid sit homo, facile  
occurrit ea rerum series, in qua Genus est,  
sub quo Homo continetur, nempe *Animal*  
(continetur quidem etiam sub Generibus re-  
motioribus, Viventis, Corporis, &c. sed præ-  
stat semper proximum) Quod spectat tamen  
ad Differentiam, licet in promptu sit *Ratio-  
nale*, Unde & juxta ideam quæ vulgo de ho-  
mine habetur, *Animal Rationale* definitur;  
nihilominus, quia Antiqui reputabant Deum  
quoque

vel loquitur; sibine visum, scrupulosoque examine perspectum narret, an quod fide aliena stet; quî verisimile, aut possibile id sit, aut non sit; ac id genus similia. Sane enim fuisse videtur præclare ab Epicharmo dictum, *Nervos & artus esse Sapientiæ, nihil temere credere.*

## C A N O N XIV.

*Ne quid item Nomen ambiguum, aut figurata Loquutio.*

**P**erspiciuum est enim, si impositum rei nomen ambiguum sit, variaque adeo significet, contingere posse, ut, nomine audito, ideam sub uno ejus significatu formemus, quæ nobis rem aliam, quam propositam, seu de qua sermo sit, repræsentet.

Sic, cum Cephalo dicente, *Aura veni* (ut hoc ex Poeta exemplum ducatur) Procris ex Auræ nomine audito, finxit sibi Nymphæ, non venti ideam, signum sui dedit, ex quo sibi malum accersit. Sic tritum in ore omnium est, qua delusi Oraculorum ambiguitate fuerint Cræsus, Pyrrhus, & alii.

Ac, ut præteream maximam partem deludentium homines Sophismatum inde pendere; semper enim vox aliqua æquivoce accipitur; deprehensu facile est rarum esse, ut opinioniones, ob quas homines altercantur, non ex eo sint, quod ex eadem voce, aut phrasi, hic unam, idem ille aliam Animo fingat.

Perspiciuum est quoque, si Loquutio sit figurata, ac præcipue, ut fieri moris est, Hyperbolica, idem efformari, quæ in rem non quadret; quod res per ipsam vel æquo major, vel æquo minor repræsentetur; ut dum ea descri-

criptiones fiunt, ex quibus quis imaginetur  
aut Elephantem pro Culice, aut Culicem pro  
Elephante; ac pari ratione, aut Nereum pro  
Thersita, aut Thersitam pro Nereo, &c.

## C A N O N X V.

*Qualis Idea rei est, talis traditur rei Definitio.*

QUoties videlicet rogamur, aut declarare  
volumus quid, aut cujusmodi res sit; sta-  
tim ad eam, quam habemus ejus Ideam res-  
pectamus, & juxta illam definimus, describi-  
musve ipsam rem: adeo proinde, ut si Idea  
rem perfecte repræsentet, Definitio, hoc est  
Oratio, qua rei naturam essentiamve (seu  
quid, aut cujusmodi sit) declaramus, accurata  
sit; sin minus perfecte, minus accurata.

Cumque sit tritum Definitionem debere ex  
Genere, & Differentia (sive ex communi, &  
proprio) constare; labor quidem non mag-  
nus est, in agnoscendo Genere; facile enim  
occurrit series aggeriesve rerum, qua res  
continetur; at difficultas plerumque est in  
deprehendendo differentia, quæ esse debet  
ejusmodi, ut per ipsam res ab omni omnino  
alia discernatur.

Sic, cum inquirenti quid sit homo, facile  
occurrit ea rerum series, in qua Genus est,  
sub quo Homo continetur, nempe *Animal*  
(continetur quidem etiam sub Generibus re-  
motioribus, Viventis, Corporis, &c. sed præ-  
stat semper proximum) Quod spectat tamen  
ad Differentiam, licet in promptu sit *Ratio-  
nale*, Unde & juxta ideam quæ vulgo de ho-  
mine habetur, *Animal Rationale* definitur;  
nihilominus, quia Antiqui reputabant Deum  
quoque

quoque esse Rationale Animal, ideo Porphyrius quoque, ut esset, quo Homo differret à Deo, addendam vocem censuit, *Mortale*: & quia plerique existimant Bruta quoque rationalinari, seu esse rationalia, quæ & ipsa mortalia sint; ideo sunt, qui addant vocem, *Risuscapax*; ut proinde integra hominis definitio sit, *Animal rationale, mortale, risuscapax*.

Simile est, quod aiunt Platonem, cum eam concepisset hominis ideam, juxta quam illum definiret, *Animal bipes*; quia id pervidisset tamen non sufficere, esse enim Aves quoque bipedes, idcirco adjecisse, *implume*; & cum fuisset Gallus deplumis objectus, adjecisse adhuc, *latis unguibus*.

Nota vero id quod definitur, esse proprie Speciem, cum ipsa sit, cui competit habere genus & differentiam; ac ideo suam quoque Individuo, cum sit Specierum infima, definitionem convenire. Unde & pari modo est circa Socratem, v. c. ac circa Hominem procedendum; ac nisi dixisse sufficiat esse *Hominem*, aut *Philosophum Atheniensem*, addere oportet, *Sophonisci filium*; & nisi sit satis, quia forte Sophroniscus plures habeat filios, addere, *Magistrum Platonis*; & si forte Platoni plures Magistri sint, addere *Cicuta sublatum*, &c.

Nempe universe appositum est, quod Cicero ait, dum *Sic igitur*, inquit, *Veteres præcipiunt, Cum sumpseris ea, quæ sunt ei rei, quam definire velis, cum aliis communia, usque eo persequi, dum proprium efficiatur, quod nullam aliam in rem transferri possit.*

## C A N O N XVI.

*Qualis Idea rei est, talis instituitur illius in species, partes, adjunctaque Divisio.*

QUandocunque enim Idea repræsentat rem aliquam ut Genus, ipsam repræsentat ut continentem species; quandocunque ut Totum, repræsentat ipsam ut constantem ex partibus; quandocunque ut Subiectum, repræsentat ipsam ut subjacentem adjunctis: Quare prout perfectior imperfectiorve idea est, eo perfectius imperfectiusve potest Divisio institui Generis in species, Totius in partes, Subiecti in adjuncta.

Et de Generis quidem divisione id solum adnotandum est, quod jam ante attigimus; videlicet eam esse posse Specierum multitudinem, ut dinumerari singulæ non valeant; quamobrem debere singulares, aut minus generales, ad generaliores reduci, ipsasque adhuc ad generaliores, quousque paucissimæ sint, quæ & cæteras omnes contineant, quasque enumerare sit promptum; tunc enim divisio generis in ipsas ita institui poterit, ut eas deinceps subdividere, & porro quousque opus erit, pergere liceat.

Sic reduximus infinitam hominum multitudinem in Europæos, Asiaticos, Africanos, Americanos; perspicuum est autem posse Hominum genus ita proinde dividi, ut alii sint Europæi, alii Asiatici, &c. ac subdividendo ita licere prosequi, ut Europæorum alii sint Galli, alii Hispani, alii Angli, alii Germani, &c. enumerando puta Nationes, quæ deinceps possint in Provincias Civitatesque, & si velis etiam, Familias distribui. Quomodo Animalium genus redu-



ctione ad species generalissimas facta ita licebit dividere; Animalium alia Gressilia, alia Volatilia, alia Natatilia, alia Reptilia, alia Zoophyta (quasi *plantanimalia*, veluti spongiæ, & ostrea) sunt. Gressilium autem quædam bipeda, quædam quadrupeda; quadrupedum quædam solidipeda, quædam bisulca, quædam multifida, &c.

Idem pene est dicendum de Toto, quod & fere Integrum vocant, quia ex Partibus, quas appellant Integrantes, componitur. Possunt nempe quæ istarum partium minutiores sunt, innumeræ esse; unde & pari modo reducendæ sunt ad grandiores quasdam, quæ & dicuntur Membra; actum, exempli gratia, juxta allatum quoque ante exemplum sic procedendum; Hominis alia pars est Caput, alia Truncus, &c. vel Hominis partes sunt Caput, Thorax, Abdomen, Brachia, Crura. Capitis aliæ sunt externæ, aliæ internæ partes. Externarum, & Anticarum quidem, oculi, frons, nasus, genæ, os, mentum. Oculi, membranæ, humores, muscoli, nervi, &c.

Quod tale autem Totum Integrum vocetur, non modo fit ad discrimen Generis, quod aliqui dicunt Totum potentiale (uti & Species partes subjectas) sed ad discrimen etiam Speciei, quam dici audias Totum essentialē, quasi compositum ex partibus vocatis essentialibus, quas aut Metaphysicas dicunt, puta Genus & Differentiam, de quibus tractetur in Metaphysica; quo pacto Homo ex Animalī & Rationali componitur; aut Physicas, puta Materiam & Formam, de quibus in Physica agitur; quo pacto idem Homo ex Corpore & Anima constat.

Denique & idem de Subiecto dicendum; posse



posse nempe adjuncta eo numero esse, ut debeant consimiliter ad præcipua quædam capita referri, & juxta ipsa subdividi. Ut si dicatur, v. g. esse in homine alia adjuncta Corporis, alia Animi; & Corporis quidem proceritatem, robur, sanitatem, pulchritudinem, &c. Animi autem facultates varias, habitusque Artium, Scientiarum, Virtutum; quæ deinceps enumerentur.

Diximus superius Adjuncta esse eadem, quæ plerique Accidentia vocant. Posse etiam dici Qualitates innuimus; scilicet responderi solent ad quæstionem Qualis res sit; quo nomine etiam Quantitas, sive Magnitudo, qualitas est quædam: quærenti enim qualis quis sit, etiam quantus sit, staturave ejus, inter cætera respondetur.

Prætereo autem esse omnem Qualitatem aut à Natura insitam, inseparabilemque à subiecto, ut candorem à Cycno; aut adventitiam, separabilemque, ut candorem à pariete. Insitam autem inseparabilemque esse aut propriam, aut communem; & propriam esse, quæ uni tantum alicujus generis speciei competit, ut homini facultas ratiocinandi, aut ridendi, equo hinnendi, leoni rugiendi, & sic de speciebus Animalis cæteris (hæc est autem, quæ dici solet & Proprietas, & Differentia maxime propria, tanquam sola præstans ut specierum una differat ab omnibus aliis) aut communem, quæ vel omnibus convenit speciebus, ut facultas sentiendi homini, equo, &c. aut solummodo aliquibus, ut bipedem esse homini, & volucris; album esse cycno, columbæ, & quibusdam aliis.

## C A N O N XVII.

*Qualis Idea rei est, talis intelligitur ipseus ad illa Relatio.*

Sicilicet unaquæque res per sui ideam, non modo qualis sit in se, absoluteve cognoscitur, sed intelligitur etiam qualis sit ad aliud, sive comparate: quare & prout idea est, intelligitur qui res sit affecta, sive referatur ad aliud. Sic enim, ut adhuc proxime dictis hæream, ex idea Hominis, v. c. non modo intelligitur, quod in se, & absolute sit rationale animal, sed etiam, quod Genus, respectu specierum, Totum, respectu partium, Subiectum, respectu adjunctorum, idque cum species, partes, adjuncta intelligantur reciproce ad genus, totum, subiectum referri.

Verum generalius attendi respotest penes nominum varietatem, quibus quælibet res donatur: siquidem præter nomen proprium, aut vocatum *Appellativum*, quod ad rem absolute significandam primo imponitur, ut sunt nomina, Socratis, Hominis, Animalis, innumera pene relativa sunt, quibus eadem designatur cum relatione, seu ordine ad aliud: Suntque ea partim Appellativa, ut quo Socrates filius dicitur, partim Adjectiva, idque seu positiva sunt, ut quo dicitur similis, seu comparativi, aut superlativi gradus, ut quibus sapientior & sapientissimus dicitur; partim vocata *Participia*, quæ nempe suorum verborum instar, aut actionem in aliud, aut passionem ab alio notant, ut quibus idem amans dicitur, aut amatus.

Hinc certe Relata innumera sunt, quæ in aliqua Actione, & Passione fundamentum habent Generalissima vero sunt Causa, quæ producit; Effectus, qui producitur; ut Artifex, qui facit; Opus, quod fit; Pater qui generat, Filius qui

qui generatur; spectantque huc adeo Magister, qui docet; Discipulus, qui docetur; Dominus, qui imperat; famulus, qui paret; ac pari ratione Movens & Motum, Calefaciens & Calefactum, &c.

Sunt autem præterea alia capita, ex quibus Relationes sumuntur; communissimum vero est Convenientia, & Discrepantia. Quæcunque enim conveniunt in qualitate aliqua dicuntur similia; quæcunque discrepant, dissimilia; quæcunque in aliqua mensura conveniunt, æqualia; quæcunque discrepant, inæqualia, quo spectant, quæ dicuntur duplum, & dimidium, triplum, & triens, &c. Notandum vero circa dissimilia, si ea quidem extreme opposita sint, ut Album, & Nigrum, dici contrarias; sin minus, ut Album, & Rubeum, dici disparatas; quo nomine donantur etiam quæcunque diversorum, & maxime remotorum generum sunt, ut homo, & planta; animal, & lapis.

Cætera prætereo, quæ comparantur inter se aut ratione Loci, ut superius, inferius; anticum, posticum; dextrum, sinistrum; internum, externum; propinquum, remotum: aut ratione Temporis, ut diurnum, nocturnum præteritum, futurum; vetus, recens; diuturnum, momentaneum: aut ratione Ordinis, ut primum secundum; prius, posterius; antecedens, consequens: aut ratione Usus, ut aptum, ineptum, utile, noxium, &c. ac ita de aliis prope infinitis.

#### C A N O N XVIII.

*Tanto quisque Scientia præpollet, quanto & rerum plurium, & perfectiores Ideas habet.*

**N**imirum quodcunque de re aliqua scitur, illud in Idea ejus continetur; ex eoq; fit, ut quo plurium rerum Ideæ in Mente habentur,

eo scientia uberior diffusiorq; sit; & quo Ideæ singulæ clare & distincte plura continent, eo talis scientia sit simul præclarior.

Hinc in Viro eximie sapiente Scientia est pene sine discursu, & quasi simplex intelligentia, quod in Ideam intuens uno prospectu antecedentia consequentiaq; pervideat; in rudiore vero non sine discursu aliquatenus laborioso, ac ideo cum tempore sit, quod speculatione, ac mora indigeat, ut antecedentibus cognitis, ea, quæ sunt ipsis consequentia, perspiciat.

Cum suspiciendum porro sit, si qui reperiuntur, qui & multa norint, & singula exquisite calleant; quia paucis tamen utrumque licet, non tam enitendum profecto videtur, ut multarum rerum ideas habeamus, quam ut habitas excolentes, ipsas undique perfectas red-damus. Præstat nimirum pauca, & bene, quam multa, sed male tenere.

Saltem, si quis velit plura degustare, hæere eum decet plusquam perfunctorie in iis cognoscendis atque perdiscendis, quæ veluti palmaria sunt, quæque præ aliis scire est operæpretiū. Sed de rerum quidem Ideis, atq; adeo de simplici Rerum Imaginatione, hæc satis.

## INSTITUTIONIS LOGICÆ P A R S II.

### *De Propositione.*



Equitur de Propositione seu Enunciatione dicamus, qua non jam rem aliquam simpliciter imaginamur, & quasi nude intuemur, sed aliquid etiam

iam de ea aut affirmando aut negando iudicium interponimus. Id nempe fit, dum Mens ad varias, quas habet Ideas, attendens, eas, quæ mutuo congruunt, affirmatione copulat; eas, quæ non congruunt, negatione deungit: sicque ex simplicibus imaginationibus compositam facit.

Dici autem solet Propositio, quod per ipsam Mens quid sentiat, proponat; & Enunciatio, quod id enunciet; qua eadem de causa dicitur etiam Enunciatum, Pronunciatum, Effatum, & nonnullis quoque Græca voce *Axioma*, quasi quidpiam effatu dignum. Moris etiam est, ut ad simplicis Imaginationis discrimen, appelletur Iudicium, quatenus per ipsam quid res sit aut non sit iudicamus, ac veluti decidimus.

Cum omnis porro Propositio aut affirmativa aut negativa generatim sit, & notum sit affirmationem negationemque fieri intercedente verbo *Est*, aut (particula negativa adhibita) *Non est*: ut cum dicitur, *Socrates est Sapiens, Iustitia non est vitium*; adnotandum est illud nomen, quod verbum præcedit, vocari Subiectum, quasi illud sit, quod alteri subicitur; ut in propositionibus mox attatis *Socrates*, & *Iustitia*: quod vero sequitur, Attributum, aut Prædicatum; quasi illud sit, quod alteri tribuitur, aut de eo prædicatur, hoc est, enunciatur; ut *Sapiens* & *Vitium* in iisdem exemplis.

Et quanquam solet usu venire, ut Propositiones verbis aliis consent, veluti si dicas *Socrates differis, Iustitia non regnat*; clarum est tamen sub his verbis tam verbum *Est*, quam attributum comprehendere; quatenus hæ propositiones sic resolvi possunt, ut perinde sit, ac si

diceretur, *Socrates est differens, Iustitiâ non est regnans*. Sane volunt etiam, quoties verbum *Est* solum adhibetur, neque attributum sequitur, comprehendî sub eo speciale attributum, quatenus sic resolvitur, ut dicendo, exempli gratia, *Homo est*, idem sit, ac si diceretur, *Homo est existens*; sensus enim est, quod revera exstet in Rerum natura.

Sed enimvero, quia huiusmodi similesque Propositiones simplices sunt, ut ex simplici & nudo subjecto, attributoque constantes; notum est plerumque occurrere Compositas, cum alterutrum nempe, aut utrumque ex multis constat vocibus, v. c. cum dicitur, *Id, sine quo vita transigi non potest, ad vitam necessarium est*; ubi totum illud, *Id sine quo vita transigi non potest*, subjecti est loco; illud *ad vitam necessarium*, loco attributi. Neque secus dum dicitur, *Sapientis non est dicere non putabam*; ubi totum illud *dicere non putabam*, est quasi subiectum; illud *Sapientis* (supple *proprium*) quasi attributum.

Neque te moretur, quod in priore exemplo verbum *Est* non interjaceat, sed sequatur; in Posteriori subiectum sequatur, attributum præcedat: huiuscemodi enim transpositio elegantiae causa solummodo fit.

Rursus autem, quia istæ omnes sive Simples sive Compositæ Propositiones, Absolutæ dicuntur, quasi aliquid simpliciter enunciant; occurrunt etiam aliæ, quas Hypotheticas, seu Conditionales, ob particulam *Si* appositam dicunt; ut, *Si Sol lucet, dies est*; itemque aliæ, quæ dici Analogicæ, seu Proportionales, ob particulas proportionis *Vt, Ita, Quemadmodum, Sic*, v. c. *Vt se habet ad columnam basis, ita ad*

Rem-



*Rempublicam Iustitia* : alia, quas Diezeusticas, seu Disiunctivas, ob particulas disjunctionis *vel, aut sive*, appellant; ut, *Socrates vel iuste, vel iniuste cicutam bibit*.

Prætereo quas pari ratione Copulativas, Exclusivas, Reduplicativas, & cætera vocant: nam quas Modales quidem vocant, quibus una istarum vocum, *Necessarium, Contingens, Possibile, Impossibile* additur, ut modus quo attributum inest subjecto significetur, veluti dum dicitur, *Necessarium est hominem esse animal; Contingens est Socratem sedere; Possibile est hominem esse iustum; Impossibile est hominem esse lapidem* ( quæ & Adverbialiter efferuntur, ut dicendo, *Homo necessario est Animal, Socrates contingenter sedet* ) constat non solum has quatuor voces, sed pene etiam omnia Adjectiva & Adverbia significationis modum addere, ac pari iure facere Propositiones Modales; ut si dixerò, *Iustum est parentes honorari à liberis; Dulce & decorum pro Patria mori, &c.*

Satius est observare omnem Propositionem, seu affirmans, seu negans sit, aut Generalem, Universalemve; aut Particularem, Singularemve esse. Et generalis quidem est cujus subjectum generale, ut cum dicitur, *Homo est Animal*; Particularis, cum particulare, ut cum dicitur, *Socrates est bonus*: sed quia subjectum generale potest particulare reddi limitante particula, ut cum dicitur, *hic homo, vel aliquis homo est iustus*; ideo Generalis insigniri solet si affirmativa sit, voce *Omnis* si negativa voce *Nullus*, hoc modo, *Omnis Homo est Animal, Nullus Homo est lapis*.



Ad Particularem quod spectat, cum Nomen quidem proprium est, nulla limitante particula est opus; cum proprium autem vel ignoratur, vel non alioquin usurpatur, & loco illius Appellativum, sed commune accipitur, tunc tali particula adhibetur. Est vero aut Demonstrativa, ut *hic, i se*; aut Vaga, ut *quidam, aliquis, nonnullus*; unde & tam Affirmativæ, quam Negativæ propositiones texuntur, ut *Socrates est Græcus, Socrates non est Barbarus, hic Homo sapit, ille Homo non sapit; Aliquis Homo est probus, aliquis Homo est improbus, seu (quod idem est) non est probus.*

Hic nota; cum duæ sunt Propositiones, una Affirmativa, alia Negativa, quarum idem Subiectum, idemque Attributum est, illas dici Oppositas, Contrarias, Contradictorias, Repugnantes: idque seu amba generales, seu amba particulares, seu una generalis alia particularis sit: ut cum dicitur, *Omni Homo est Animal, Nullus Homo est Animal: Socrates est Sapiens, Socrates non est Sapiens: Omnis Homo est justus, Aliquis Homo non est justus.* Cum autem amba Affirmativa, aut amba Negativa sunt, & nihil aliud quam Subiecti & Attributi vice commutantur, tunc appellari Reciprocas, ut cum dicitur, *Omni Homo est Rationalis, Omnis Rationalis est Homo: Nullum Rationale est Irrationale, Nullum Irrationale est Rationale.*

Cum superius principia Propositionis distinctionis, quæ in Veram, & Falsam solet dividi, ipsa est, de qua maxime sunt insequentibus Capitebus instituenti.

## C A N O N I.

*Propositio illa est vera, quæ id enunciat esse, quod est; vel id non esse, quod non est: & Falsa ex opposito, quæ vel id esse, quod non est; vel id, quod est, non esse.*

**R**es est perspicua; quia nihil aliud Veritatis nomine intelligi solet, quam Enunciationis cum re enunciata, seu Cogitationis cum re cogitata conformitas; & Falsitatis nomine nihil aliud, quam Enunciationis cum re enunciata, seu Cogitationis cum re cogitata difformitas, seu discrepantia.

Ac habuimus quidem parte superiore eam Ideam veram, quæ est conformis rei, cuius esse idea putatur, & falsam ex opposito: at, quia donec nihil affirmatur, aut negatur, Veritas aut Falsitas hæc hæret veluti in suspensio, expectaturque, donec pronuncietur rem talem esse aut non esse, qualem idea representat: ideo Veritas, Falsitasque ad Propositionem proprie pertinet, quæ eam talem esse, aut non esse pronunciat.

Ex hoc certe capite est, cur Propositio seu propriæ per verbum modi Indicativi, ut Grammatici vocant, debeat, quippe quod aliquando nihil veri aut falsi orationis habet, ut cum dicitur,

*Quædam res sunt, quæ in seipsis consistunt.*

vel,

*Omnia proprietates referuntur à seipsis.*

vel,

ius est *Infitia*. Efficitur nempe, ut particulis huiusmodi limitantibus Genus veluti contrahatur, neque amplius pateat quam Species, ac proinde ut Species de eo enunciari, fierive illius Attributum reciproce possit.

## C A N O N VII.

*Qualitas quidem infita & propria, recipere fieri ex Attributo Subiectum patet, sed adventitia, & communis, nisi cum limitatione non patet.*

Constat scilicet, posse quidem dici *Humo est infita capax*. *Infita capax est Humo*. seu, ut expressius reciprocatio fiat, *Omne Humo est infita capax*. *Omne infita capax est Humo*. quia capacitas ad eundem qualitas est ut infita, hominisque propria, sic species eius omni competit, tamque late, quam ipse patet; at non posse pariter dici, *Omne Cycnus est albus*. *Omne album est Cycnus*, quia albedo qualitas est Cycno quidem infita, at ipsi communis cum aliis rebus. Neque etiam dici reciproce posse, *Paries est albus*. *Album est paries*: quia albedo parieti neque infita, neque propria est, sed adventitia, & communis.

Additum vero etiam hic, *Nisi cum limitatione*: constat enim posse pari de causa dici, *Quoddam album est Cycnus*, *Quoddam album est paries*.

## C A N O N VIII.

*Debet Attributum nomine concreto, nisi dum Qualitas de Qualitate ut Genus de Specie, enunciat, ut ferri.*

Nam, si Qualitas quidem enunciatur de Qualitate, tanquam Genus de Specie, perspicuum

Speciem est illam debere abstracto nomine  
 efferi: sic enim dicimus, v. c. *Albedo est co-*  
*lor, Dulcedo est sapor.* Quo casu vides etiam  
 requiri, ut subjectum quoque, seu species  
 abstracto nomine exprimatur, nam si expri-  
 matur quidem concreto, tunc attributum  
 quoque, seu genus concreto exprimitur, di-  
 cimus videlicet: *Album est coloratum, Dulce est*  
*sapidum.*

Quod superest autem, Attributum sive ut  
 Genus, sive ut Qualitas, & seu de Substantia,  
 seu de Qualitate enunciatum, effertur semper  
 in concreto. Propterea enim dicimus, *Albus*  
*est Animal, Pinus est arbor, Marmor est lapis: Vir,*  
*Flumen est sapiens, Pinus est viridis, Marmor est durum;*  
 Ac rursum, *Albedo est clara, Dulcedo est jucunda,*  
*Iustitia est amabilis, &c.*

Notandum vero cum duæ Qualitates, quæ  
 diversorum sunt generum, in eodem subiecto  
 consistunt, ut albedo & dulcedo in lacte, non  
 posse eas quidem de se invicem abstracte e-  
 nunciari: neque enim dicimus, *Albedo est*  
*Dulcedo, aut Dulcedo est albedo:* sed enunciari  
 tamen concrete; dicimus quippe, *Album est*  
*dulce, & Dulce est album;* quia sensus solummo-  
 do est, idem subiectum albedine dulcedine-  
 que præditum esse.

### C A N O N IX.

*Quoties Attributum est Genus, Qualitasve infra sub-*  
*jecti, Propositio Affirmativa vera est, ac necessa-*  
*ria; Negativa, falsa ac impossibilis.*

**R**Es ex eo patet, quod Attributum necessa-  
 rium sit, inseparabiliterque cum Subiecto  
 cohæreat, ac fieri idcirco non valeat, ut sub-  
 jectum

diceretur, *Socrates est differens, Iustitia non est regnans*. Sane volunt etiam, quoties verbum *Est* solum adhibetur, neque attributum sequitur, comprehendere sub eo speciale attributum, quatenus sic resolvitur, ut dicendo, exempli gratia, *Homo est*, idem sit, ac si diceretur, *Homo est existens*; sensus enim est, quod revera existet in Rerum natura.

Sed enim vero, quia huiusmodi similesque Propositiones simplices sunt, ut ex simplici & nudo subiecto, attributoque constantes; notum est plerumque occurrere Compositas, cum alterutrum nempe, aut utrumque ex multis constat vocibus, v. c. cum dicitur, *Id, sine quo vita transigi non potest, ad vitam necessarium est*; ubi totum illud, *Id sine quo vita transigi non potest*, subiecti est loco; illud *ad vitam necessarium*, loco attributi. Neque secus dum dicitur, *Sapientis non est dicere non putabam*; ubi totum illud *dicere non putabam*, est quasi subiectum; illud *Sapientis* (supple *proprium*) quasi attributum.

Neque te moretur, quod in priore exemplo verbum *Est* non interjaceat, sed sequatur; in Posteriore subiectum sequatur, attributum præcedat: huiuscemodi enim transpositio elegantiae causa solummodo fit.

Rursus autem, quia istæ omnes sive Simples sive Compositæ Propositiones, Absolutæ dicuntur, quasi aliquid simpliciter enunciant; occurrunt etiam aliæ, quas Hypotheticas, seu Conditionales, ob particulam *Si* appositam dicunt; ut, *Si Sol lucet, dies est*; itemque aliæ, quæ dici Analogicæ, seu Proportionales, ob particulas proportionis *Vt, Ita, Quemadmodum, Sic*, v. c. *Vt se habet ad columnam basim, ita ad*

Rem-

*Rempublicam Iustitia* : aliæ, quas Diezeucticas, seu Disiunctivas, ob particulas disjunctionis *vel, aut sive*, appellant; ut, *Socrates vel iuste, vel iniuste cicutam bibit*.

Prætereo quas pari ratione Copulativas, Exclusivas, Reduplicativas, & cætera vocant: nam quas Modales quidem vocant, quibus una istarum vocum, *Necessarium, Contingens, Possibile, Impossibile* additur, ut modus quo attributum inest subjecto significetur, veluti dum dicitur, *Necessarium est hominem esse animal; Contingens est Socratem sedere; Possibile est hominem esse iustum; Impossibile est hominem esse lapidem* ( quæ & Adverbialiter efferuntur, ut dicendo, *Homo necessario est Animal, Socrates contingenter sedet* ) constat non solum has quatuor voces, sed pene etiam omnia Adiectiva & Adverbia significationis modum addere, ac pari iure facere Propositiones Modales; ut si dixerò, *Iustum est parentes honorari à liberis; Dulce & decorum pro Patria mori, &c.*

Satius est observare omnem Propositionem, seu affirmans, seu negans sit, aut Generalem, Universalemve; aut Particularem, Singularemve esse. Et generalis quidem est cujus subjectum generale, ut cum dicitur, *Homo est Animal*; Particularis, cum particulare, ut cum dicitur, *Socrates est bonus*: sed quia subjectum generale potest particulare reddi limitante particula, ut cum dicitur, *hic homo, vel aliquis homo est iustus*; ideo Generalis insigniri solet si affirmativa sit, voce *Omnis* si negativa voce *Nullus*, hoc modo, *Omnis Homo est Animal, Nullus Homo est lapis*.

Ad Particularem quod spectat, cum Nomen quidem proprium est, nulla limitante particula est opus; cum proprium autem vel ignoratur, vel non alioquin usurpatur, & loco illius Appellativum, sed commune accipitur, tunc tali particula adhibetur. Est vero aut Demonstrativa, ut *hic, i le*; aut Vaga, ut *quidam, aliquis, nonnullus*; unde & tam Affirmativæ, quam Negativæ propositiones texuntur, ut *Socrates est Græcus, Socrates non est Barbarus, hic Homo sapit, ille Homo non sapit; Aliquis Homo est probus, aliquis Homo est improbus, seu (quod idem est) non est probus.*

Hic nota; cum duæ sunt Propositiones, una Affirmativa, alia Negativa, quarum idem Subjectum, idemque Attributum est, illas dici Oppositas, Contrarias, Contradictorias, Repugnantes; idque seu ambæ generales, seu ambæ particulares, seu una generalis alia particularis sit; ut cum dicitur, *Omnis Homo est Animal, Nullus Homo est Animal: Socrates est Sapiens, Socrates non est Sapiens: Omnis Homo est iustus, Aliquis Homo non est iustus.* Cum autem ambæ Affirmativæ, aut ambæ Negativæ sunt, & nihil aliud quam Subjecti & Attributi vires commutantur, tunc appellari Reciprocas, ut cum dicitur, *Omnis Homo est Rationalis, Omne Rationale est Homo; Nullum Rationale est Brutum, Nullum Brutum est Rationale.*

Cum supersit præcipua Propositionis distinctio, qua in Veram, & Falsam solet dividi; ipsa est, de qua maxime sunt sequentes Cæones instituendi.



## C A N O N I.

*Propositio illa est vera, quæ id enunciat esse, quod est; vel id non esse, quod non est: & Falsa ex opposito, quæ vel id esse, quod non est; vel id, quod est, non esse.*

**R**es est perspicua; quia nihil aliud Veritatis nomine intelligi solet, quam Enunciationis cum re enunciata, seu Cogitationis cum re cogitata conformitas; & Falsitatis nomine nihil aliud, quam Enunciationis cum re enunciata, seu Cogitationis cum re cogitata difformitas, seu discrepantia.

Ac habuimus quidem parte superiore eam Ideam veram, quæ est conformis rei, cuius esse idea putatur, & falsam ex opposito: at, quia donec nihil affirmatur, aut negatur, Veritas aut Falsitas hæc hæret veluti in suspensio, expectaturque, donec pronuncietur rem talem esse aut non esse, qualem idea repræsentat; ideo Veritas, Falsitasque ad Propositionem proprie pertinet, quæ eam talem esse, aut non esse pronunciat.

Ex hoc certe capite est, cur Propositio fieri proprie per verbum modi Indicativi, ut Grammatici vocant, debeat, quippe quod alioquin nihil veri aut falsi orationi subsit; ut cum dicitur,

*Rampe moras omnes, & turbata arripe castra.*  
vel,

*O, mihi præteritos referat si Iupiter annos.*  
vel,

*Cum tot sustineas & tanta negotia solus, &c.*  
Expectatur videlicet, quid iussus factururus post imperium sit; quid. *vovens, voti com-*  
pos.

pos factus; quid ex supposito sit consequutum, aut quid simile.

Aliunde vero, cum veritas Enunciationis proprie sit in Mente, Intellectuve cogitante, unde & Veritas Cogitationis (uti & dum Cogitatio voce exprimitur, Veritas Sermonis; dum scripto, nutu, signove alio, Veritas Scripturæ, aut Signi) Notandum est hanc esse Veritatem, cui Falsitas esse opposita potest, quatenus Mens est errori obnoxia, ac potest cogitare enunciareque rem & qualis est, & qualis non est.

Cæterum enim ipsi rei Veritatem comperere, quæ dici Essentiæ seu Existentiæ valeat, cuique opposita falsitas sit nulla. Quippe omnis res, seu nos de ea cogitemus seu non cogitemus, & seu fallamur seu non fallamur, est semper in se vera res, seu ipsum, quod est, & non aliud, nihil differt dicere ipsam esse aut existere, & veram rem esse. Sic nempe nos quidem falli possumus Orichalcum esse aurum indicantes; unde & solemus Orichalcum falsum aurum dicere: at ipsum in se, non sane aurum falsum, sed verum Orichalcum est.

### C A N O N II.

*Veritas Propositionis Affirmativæ ex eo pendet, quod  
Attributum congruat Subiecto, Negativæ ex eo,  
quod non congruat.*

**S**Cilicet tum solum res enunciatur esse id quod est, cum Attributum Subiecto congruit, hoc est, sic illi est consentaneum, ut sit propterea ipsi conjunctum; seu una cum ipso eademque res, non dissita, aut dissociata:

Ac

Ac pari modo, tum res non esse enunciatum id quod non est, cum Attributum est Subiecto incongruum, hoc est, illi ita dissentaneum, ut ipsi propterea insociatum sit, seu ab eo sejunctum, planeque distinctum.

Sic cum, exempli gratia, dicitur, *Sol est lucidus*, vera est Affirmatio: quia Sol qualis est, talis enunciatum, & qualis enunciatum, talis est; quia *Lucidum esse*, seu *Lux*, propter quam Sol est lucidus, ita Soli congruit, seu illi sic inest, ut una eademque cum ipso, non vero disjuncta res sit.

Parique modo, cum verbi causa dicitur, *Sol non est cubicus*, vera est Negatio, quia Sol enunciatum talis non esse, qualis non est; & qualis non esse enunciatum, talis non est; quia *cubicum esse*, seu *Cubi figura*, res ita est Soli incongrua, & ab illo abest, ut si quid ab eo sepositum atque dejunctum.

### C A N O N III.

*Attributum congruit Subiecto, ipsique coheret, aut inseparabiliter, & Necessarium dicitur; aut separabiliter, & dicitur Contingens.*

**C**UM *Inseparabiliter* dico, ita congruere coherereque Attributum intelligo, ut Subiectum esse sine ipso non valeat. Tale est Animal respectu Hominis; neque enim esse Homo, quin simul sit Animal, potest. Cum *separabiliter* autem, sic intelligo, ut esse Subiectum sine Attributo possit. Tale est lucidum, seu lux, respectu Aeris; potest enim aer esse sine luce, sive non esse lucidus.

## C A N O N IV.

*Attributum Necessarium, aut Genus est, aut Qualitas à Natura insita Subjecto.*

**N**imirum, quia quicquid inseparabile est à Subjecto, aut ipsius est genus, idque tam proximum, quam remotum, ut respectu Hominis esse Animal, esse Vivens, esse Corpus; aut est qualitas eidem Subjecto à Natura insita, eaque sive illius propria, ut Hominis Ratio, aptitudo ad risum; sive ipsi, aliisque communis, ut est Homini facultas sentiendi, quam habet communem cum omnibus aliis Animalibus; esse bipedem, quod habet commune cum aliquibus, puta Avibus; ut jam ante dictum,

## C A N O N V.

*Attributum Contingens, aut Qualitas est adventitia, aut Relativa denominatio.*

**Q**uipe cum id Contingens sit, quod est separabile, id fere duorum alterum est. Et primum quidem perspicuum est separabiles esse Qualitates, quæ non à Natura insunt, sed externe adveniunt, Accidentariæque dicuntur, quia Subjecto sic accidunt, ut abesse ab illo sine ejus interitu possint. Talis est in homine calor, quo à Sole fit calidus; humor, quo ab aqua humidus; albor, quo à cerussa albus; ex eoque fit, ut tamen si esse calidum in Sole, humidum in aqua, album in cerussa, Attributa sint necessaria, quia insitæ ipsis Qualitates sint; in Homine tamen esse calidum, humidum, album, Attributa sint contingens

tingentia, quia qualitates sunt ipsi adventitiae.

Deinde perspicuum est quoque separabiles esse Denominationes, quæ ob relationes ad res externas attribuuntur : utpote, cum quibus desinentibus, aut immutatis pereant, neque amplius congruant. Talis est in Cræso denominatio Regis, aut divitis, ob relationem ad regnum, & divitias, quas possidet, donec quidem eas possidet; at illis direptis, evanescit relatio neque subest amplius, cur Cræsus Rex, aut dives denomine-  
tur. Sic ad mutationem dextræ Animalis, qui paries ab illa obversa dexter dicebatur, dexter amplius non dicitur. Sic ad mortem filii, aut uxoris, Pater, aut Maritus esse desinit; ad fugam servi Dominus, & similia.

## C A N O N VI.

*Non potest Species reciproce fieri Attributum Generis, nisi Generi limitatio adhibeatur.*

CUM dicamus videlicet, *Homo est Animal, Candor est color, Iustitia est virtus*; non possumus tamen reciproce dicere, *Animal est Homo, Color est Candor, Virtus est Iustitia*; quia, cum dicimus, v. c. *Homo est Animal*, sensus est esse Hominem specierum Animalis unam, & quicquid est homo, esse Animal: at si diceretur, *Animal est Homo*, sensus foret esse Animal unam Hominis speciem, & esse Hominem, quicquid Animal foret.

Additur nihilominus, *Nisi Generi limitatio adhibeatur*; dicere enim possumus, ut jam ante insinuatum est, *Aliquod Animal est Homo; Certus quidam color est candor; Vna quæpiam Vir-*

*ius est Iustitia.* Efficitur nempe, ut particulis huiusmodi limitantibus Genus veluti contrahatur, neque amplius pateat quam Species; ac proinde ut Species de eo enunciari, fierive illius Attributum reciproce possit.

## C A N O N VII.

*Qualitas quidem insita & propria, reciproce fieri ex Attributo Subiectum potest; sed adventitia, & communis, nisi cum limitatione non potest.*

Constat scilicet, posse quidem dici *Homo est risus capax*, *Risus capax est Homo*; seu, ut expressius reciprocatio fiat, *Omnis Homo est risus capax*, *Omne risus capax est Homo*, quia capacitas ad ridendum qualitas est ut insita, hominisque propria, sic speciei ejus omni competit, tamque late, quam ipse pater; at non posse pariter dici, *Omnis Cycnus est albus*, *Omne album est Cycnus*, quia albedo qualitas est Cycno quidem insita, at ipsi communis cum aliis rebus. Neque etiã dici reciproce posse, *Paries est Albus*, *Album est paries*: quia albedo parieti neque insita, neque propria est, sed adventitia, & communis.

Additum vero etiam hic, *Nisi cum limitatione*: constat enim posse pari de causa dici, *Quoddam album est Cycnus*, *Quoddam album est paries*.

## C A N O N VIII.

*Debet Attributum nomine concreto, nisi dum Qualitas de Qualitate ut Genus de Specie, enuncietur, efferi.*

NAm, si Qualitas quidem enunciatur de Qualitate, tanquam Genus de Specie, perspicuum

spicuum est illam debere abstracto nomine  
 efferri: sicut enim dicimus, v. c. *Albedo est co-*  
*lor, Dulcedo est sapor.* Quo casu vides etiam  
 requiri, ut subjectum quoque, seu species  
 abstracto nomine exprimatur; nam si expri-  
 matur quidem concreto, tunc attributum  
 quoque, seu genus concreto exprimitur; di-  
 cimus videlicet, *Album est coloratum, Dulce est*  
*sapidum.*

Quod superest autem, Attributum sive ut  
 Genus, sive ut Qualitas, & seu de Substantia,  
 seu de Qualitate enuncietur, effertur semper  
 in concreto. Propterea enim dicimus, *Homo*  
*est Animal, Pinus est arbor, Marmor est lapis:* Et,  
*Homo est sapiens, Pinus est viridis, Marmor est durum;*  
 Ac rursus, *Albedo est clara, Dulcedo est jucunda,*  
*Iustitia est amabilis, &c.*

Notandum vero cum duæ Qualitates, quæ  
 diversorum sunt generum, in eodem subjecto  
 consistunt, ut albedo & dulcedo in lacte, non  
 posse eas quidem de se invicem abstracte e-  
 nunciari: neque enim dicimus, *Albedo est*  
*Dulcedo, aut Dulcedo est albedo:* sed enunciari  
 tamen concrete; dicimus quippe, *Album est*  
*dulce, & Dulce est album;* quia sensus solummo-  
 do est, idem subjectum albedine dulcedine-  
 que præditum esse.

## C A N O N IX.

*Quoties Attributum est Genus, Qualitasve insita sub-*  
*jecti, Propositio Affirmativa vera est, ac necessa-*  
*ria; Negativa, falsa ac impossibilis.*

R Es ex eo patet, quod Attributum necessa-  
 rium sit, inseparabiliterque cum Subjecto  
 cohæreat, ac fieri idcirco non valeat, ut sub-  
 jectum



jectum sit, quin attributum adsit. Quare & illæ Propositiones *Homo est Animal, Sol est lucidus*, ac id genus aliæ, non modo veræ sunt, sed etiam necessariae, seu necessario veræ; illæ autem, *Homo non est Animal, Sol non est lucidus*, non modo falsæ sunt, sed fieri etiam, ut veræ sint, non potest, unde & dicuntur impossibiles.

Nihil porro est necesse adnotare sub Negativa propositione comprehendere etiam illam, quæ sub specie affirmationis, negationem tamen perinde importat, ac si Adverbium negandi intercederet, videlicet ob Attributum privativa voce expressum; ut si quis diceret, *Homo non est inanimis, Sed est tenebrosus*.

#### CANON X.

*Quoties Attributum aut Genus disparatum, alteriusve seriei à Subiecto est, aut Qualitas, ad quam Subiectum naturam habet repugnantiam; Propositio Affirmativa falsa, ac impossibilis est; Negativa vera, ac necessaria.*

PATet hoc quoque; ac idcirco Propositiones huiusmodi, *Homo est Planta, Animal est lapis, Candor est odor, Color est sapor*, falsæ ac impossibiles sunt, quia genera disparata sunt: hoc est, *Planta*, & *Lapis* in aliis Substantiæ seriebus, quam *Homo*, & *Animal*; *Odor*, & *Sapor* in aliis Qualitatum seriebus, quam *Candor*, & *Color*. Neque minus falsæ, impossibilesque sunt istæ, *Cygnus est niger, Piscis est loquax, Aurum est leve, Nix est calida*; quia *Cygnus* naturam habet repugnantiam ut *niger* sit, *Piscis* ut loquatur, *Aurum* ut sursum petat, *Nix* ut caleseat, quin pereat.

At

At vero, quod ad Negativas, istisque oppositas spectat, *Homo non est Planta, Animal non est Lapis, &c.* Patet ipsas non modo veras, sed necessario quoque veras esse.

## C A N O N XL.

*Quoties Attributum qualitas adventitia, aut relativa denominatio est, & Subiectum singulare, ac determinatum, Propositio contingens est; seu vera esse, & falsa potest. Et donec quidem Attributum inest, Affirmativa vera est, Negativa falsa: donec non inest, falsa Affirmativa, vera Negativa.*

Rursus id patet, ex eo, quod Attributum contingens est, seu subiecto inesse, ac non inesse potest; efficiturque adeo, ut Propositiones istæ tam Affirmativæ, *Pamphilus est justus, Pamphilus est dives*, quam Negativæ *Pamphilus non est justus, Pamphilus non est Dives*, seu Æquivalentes, *Pamphilus est injustus, Pamphilus est pauper*, Contingentes sint; & tam Affirmativæ sint veræ, Negativæ falsæ, dum Pamphilo adsunt Iustitia, & Divitiæ; quam Affirmativæ falsæ, Negativæ veræ, dum absunt.

Exigitur porro, ut Subiectum singulare sit; quoniam si sit Universale, Propositio proprie Contingens non est, quatenus, seu Affirmativa, seu Negativa sit, falsa semper est, nunquam vera: tam enim falsum est *Omnem hominem esse justum, Omnem hominem esse divitem*, quam *Nullum justum, nullum divitem esse*. Quo fit, ut tales Propositiones non inter Contingentes, sed inter impossibiles reputari quodantenus possint.

Exigitur etiam, ut sit determinatum, quia si indeterminatum sit, non est etiam proprie con-

contingens Propositio, quatenus seu Affirmativa, seu Negativa sit, vera semper est, nunquam falsa; tamen verum est *Aliquem hominem esse justum, aliquem divitem, quam Aliquam non justum, aliquem non divitem esse*: quippe, quod nullæ ambæ, oppositæque propositiones de homine eodem singulari intelligantur. Unde & fit, ut Vagæ hujusmodi Propositiones, non modo inter Possibiles, sed etiam inter Necessarias sint quadantenus reponendæ.

## C A N O N XII.

*Duarum Propositionum Contingentium oppositarum una vera est, alia falsa, idque seu tempus præsens sit, seu præteritum, seu futurum.*

**E**T de Præsentis quidem tempore, nemo ambigit; ut si propositiones sint, *Coriscus ludit, Coriscus non ludit*: neque etiam de Præterito, ut si propositiones sint, *Coriscus heri lusit, Coriscus heri non lusit*; at sunt, qui ambigant de Futuro, ut si propositiones sint, *Coriscus cras ludet, Coriscus cras non ludet*; scilicet, quia non, ut illarum, sic istarum scitur, utra vera, utra falsa sit.

Verum, ut ex duobus, quorum unus dicit, *Coriscus ludit*, alter, *Coriscus non ludit*; vel unus, *Coriscus heri lusit*, alter, *Coriscus heri non lusit*; ex his, inquam, duobus unus dicit verum, alius falsum; tamen ego, qui jam sum, aut fui heri à Corisco absens, dicere non possum, uter duorum verum, uter falsum dicat: sic si unus dicat, *Coriscus cras ludet*, alter, *Coriscus cras non ludet*; eorum unus verum, alius falsum dicet; tamen uter verum, uter falsum dicat, ignorem.

Quippe,

Quippe, ut ille verum dicit, qui enunciat esse quod est, & fuisse quod fuit; sic qui enunciat fore quod erit, quodque ipso eventu comprobabitur (non evenire autem non potest duorum alterum) verum dicit. Et veritas certe Propositionis ex eo, quod res est, aut non est; non ex eo, quod scitur, aut ignoratur, pendet.

## C A N O N XIII.

*Propositionis Certitudo pendet ex Evidentia, qua illam esse necessariam patet.*

QUIA enim Certitudo nihil aliud est, quam firmitas illa assensus, qua Mens adhæret Propositioni, quam necessariam reputat; oportet sane, quo reputet, fieri illam ipsi evidentem.

Hinc cum res fieri evidens aut Sensu aut Ratione possit, non sufficit, ut Sole exorto necessarium sit diem esse, ut Mens certa sit huius Propositionis, *Diem est*: verum aperire oculos oportet, ac rem fieri ipsi sensui evidentem. Et cum hæc propositio, *Sol est major Terra multis vicibus*, necessaria sit; talem tamen esse in se non est satis, ut Mens illius certa sit, sed fieri etiam ipsi Ratione seu Demonstratione evidentem oportet.

Hoc modo etiam Contingentium Propositionum certi reddimur, cum ipsis aut sit, aut facta per sensum evidentia fuit. Qui enim Coriscum ludentem aut hodie videt, aut heri vidit, illum ludere, aut lusisse est certus, nec dubitare de eo potest; quod manifestum sit ipsam rem se aliter habere non posse.

Nam, nulla quidem necessitas fuit Coriscum ludere; sed si lusit quidem, fieri non potest, ut non luserit; & si ludat, fieri non potest, ut lu-

ludendo non ludat. Unde & res præterita  
necessariæ sunt, & de præsentibus illud haud  
abs re dicitur, *Quicquid est, quamdiu est, necesse  
est esse.*

## C A N O N XIV.

*Propositionis verisimilitudo seu probabilitas ex eo pen-  
det, quod ad evidentiam magis, quam ad obscurita-  
tem accedat.*

CUM propositio enim dubia, incertaque ea  
sit, quæ ex æquo inter evidentiam & ob-  
scuritatem jacet; quippe cum nihil sit, quod  
ad assentiendum, magis-quam ad dissentien-  
dum, aut contra inclinet; ut circa istam pro-  
positionem, *Stellæ sunt pares numero*: Oporteret  
sane, ut propositio, quam Mens habet non  
certam quidem, sed verisimilem seu probabi-  
lem tamen, amplius quid evidentia, quam  
obscuritatis obtineat.

Sic ista Propositio, *Proximo Solstitio vige-  
bunt calores*, ideo verisimilis est, quia cum sæpe sæ-  
pius observatum sit calores Solstitio vigere,  
perraro autem vigere frigus; ideo res quidem  
in futuri caligine posita est: sed Propositio  
interim longe propius ad evidentiam, quam  
ad obscuritatem accedit.

Pari modo, dum aliquis rem à se visam re-  
citatur, ut *Æquinoctio hirundinem*, si constet  
Virum fuisse solitum non mentiri, ideo fa-  
cile fidem adhibemus, hæcque propositio,  
*Visa est hirundo*, sit nobis verisimilis; quia tam-  
etsi hirundo raro nisi post Æquinoctium ap-  
pareat, & pauci aliunde inter homines sint,  
qui aut falli non possint, aut fallere nolint,  
ille tamen sit verax evidentius, quam fallax.

C A N O N.

## C A N O N XV.

*Prodest paratam habere copiam Propositionum necessariarum, quæ ut evidentissimæ, sic generalissimæ sint; quales sunt, quas Maximas vocant.*

**M**aximas videlicet vocant, quæ etiam dicuntur Communes Sententiæ, itemque Effata, Pronunciata, Axiomata, Prima & per se nota Principia; tales siquidem propositiones sunt, quarum sensum capere intelligere, ut illis assensus præbetur, sufficiat.

Prodest autem multas hujuscemodi Propositiones Mente tenere; quoniam ipsæ sunt quasi Fontes, ex quibus deinceps aliæ speciales quasi rivuli derivantur, quibusque uti promptum est, quoties quidpiam est speciatim probandum. Sed nempe Scientiæ quælibet suas speciatim suppeditant, celebresque sunt cum primis v. c. istæ.

*Quodlibet est, vel non est.*

*Impossibile est idem simul esse, & non esse.*

*De quolibet Affirmatio vel Negatio vera est.*

*Totum majus est sui parte.*

*Pars est Toto suo minor.*

*Si ab equalibus equalia demas, residua erunt equalia.*

*Si equalibus equalia addas, tota erunt equalia.*

*Quæ sunt equalia uni tertio, equalia sunt & inter se.*

*Quæ ejusdem sunt duplum, vel dimidium, illa sunt inter se equalia.*

*Numerus omnis par est, aut impar.*

*Nullus numerus ita est magnus, ut assignari major non possit.*

*Neque natura, neque Ars quicquam facere ex nihilo potest.*

*Deus & natura nihil frustra agunt.*

*Frustra,*



*Frustra fit per plura, quod æque commode per pauciora.*

*Bonum est, quod omnia appetunt; & Malum, quod omnia refugiunt.*

*Bonum edisse, quia bonum est; malum amare, quia malum est, nemo potest. Aliæque id genus complures.*

### C A N O N XVI.

*Maximas inter Propositiones Logicæ proprias hæ sunt, quæ ad Locos Communes, vocatae sive Sedes Argumentorum spectant.*

**N**imirum omnes isti quidem, quos proponimus, Canones, Maximæ quædam Logicæ sunt; at speciatim tamen dici tales solent, quæ spectant ad singulos Locos, ex quibus solent Argumenta ad aliquid probandum peti.

Finguntur quippe Animo omnes omnium rerum, v. c. Definitiones in uno loco contineri, omnes Causæ in alio, omnia Adjuncta in alio, atque ita de cæteris, adeo ut, quando ad arguendum, probandumve aliquid, Definitionem rei, v. c. accipimus, tum hæc definitio Argumentum vocetur, tum hoc Argumentum desumi ex Definitionum Loco, seu quasi domicilio, & sede dicatur. Et quia hæcere quis posset de vi, qua tale Argumentum ad aliquid probandum pollet, ideo cuique Loco sua est aliqua Maxima, ex qua suum robur Argumentum accipiat.

Ut præcipuas autem quasdam attingamus, supponendum est, Locorum, qui vulgo traduntur, alios esse Rerum, alios Authoritatis. Et Res quidem esse, vel Cohærentes, vel Incohærentes: Ex cohærentibus autem esse Genus,

Genus, & Speciem; Speciem, & Proprietatem; Definitionem, & Definitum; Totum, & Partes; Subjectum, & Adjuncta; ipsa inter se adjuncta, prout Antecedentia, & Consequentia sunt; Causa, & Effectus; mutuo Similia, mutuo Paria, universe mutuo Relata. Ex Incoherentibus vero, Disparata, Opposita, eaque Dissimilia, Disparia (quæ vel Majora, vel Minora sunt) Contraria, seu Adversa, Repugnantia (seu Contrarium unum cum effectu alterius) Privantia, Negantia, seu Contradictoria. Authoritatem denique aut Divinam esse, aut Humanam.

Cum totidem ergo distinguantur Loci, ex quibus proinde cum Argumenta desumuntur, dicantur peti à Genere, à Specie, à Proprietate, à Definitione, &c. Ecce Maximæ sunt, cum Argumentum petitur, verbi causa.

## A G E N E R E.

**Q**uicquid convenit Generi, Speciei etiam convenit; ut, quia convenit Animali esse sensu præditum, id Homini etiam conveniet. Et, Posito Genere, non ideo ponitur talis Species: ut, posito in Rerum natura Animali, non ideo sequitur esse Hominem, potest enim aliud Animal esse.

## A S P E C I E.

**P**osita Specie, ponitur Genus: ut, posito Homine in Rerum natura, sequitur esse Animal. Et, Cui convenit Species, convenit & Genus: ut, quia convenit Socrati ut sit Homo, convenit etiam ut sit Animal. Et, Quod omnibus speciebus convenit, generi conveniet: ut, quia Prudentia, Justitia, Fortitudo, Temperantia, amabiles sunt, & Virtus amabilis erit.

## A PROPRIETATE.

**U**bi est *Proprietas*, ibi est & *Species*; ut ubi est Sensus, ibi Animal; ubi est Ratio, ibi Homo. Et, *Proprietas* est, qua quidque differt; ut Sensus est, quo Animal differt à Planta; Ratio, qua Homo differt à Bruto.

## A DEFINITIONE.

**Q**uod convenit *Definitioni*, *Definitio* etiam convenit; ut quia convenit *Arti bene dicendi* persuadere, ipsi *Rhetoricæ* persuadere conveniet. Et, *Cui definitio convenit, convenit etiam definitum*; ut, Si *Ars bene dicendi* in *Cicerone* est, & *Rhetorica* in *Cicerone* erit.

Nota obiter hasce *Maximas* quadrare etiam in *Etymologiam*, sive *Notationem*, quæ est *definitio nominis*; ac in ipsa etiam *Conjugata*, quæ voces sunt *originis ejusdem*: Ut quia in *Platone* est amor *Sapientiæ*, est etiam *Philosophiæ*: Et, quia *Platoni* convenit *Philosophum* esse, etiam vivere *Philosophice* conveniet.

## A TOTO.

**Q**uod competit *Toti*, competit, & *Parti*; ut quia *toti mari* esse *salum* competit, competit quoque *cyatho aquæ maris*. Et, *Qui totum dicit, nihil excludit*; ut, qui *totam* dicit *Rempub. licam*, nemo est *Civium* quem non comprehendat.

## A PARTIBUS.

**Q**uod congruit *omnibus Partibus*, congruit *Toti*; ut, quia & *Zonæ torridæ*, & *Zonis temperatis*, & *Zonis frigidis* esse *habitatam* congruit, *toti Terræ* congruit esse *habitatam*. Et, *A quo Partes absunt, abest Totum*; ut, in qua regione neque *Imperator*, neque *Duces*, neque *milites* sunt, in ea neque *Exercitus* est.

## A SUBJECTO.

**Q**ualis est Subjectum, talia sunt Adjuncta; ut Qualis est æger, talia sunt ægri Symptomata. Et, *Ubi est Subjectum, ibi Adjuncta sunt;* ut, ubi ignis, ibi calor; ubi cadaver, ibi fœtor; Ubi vir bonus, ibi æquitas.

## AB ADIUNCTIS.

**U**bi sunt Adjuncta, ibi est & Subjectum; ut, cui venter tumet, & mammae lactescunt, est in ea conceptus. Et, *Adjuncta ex Adjunctis perpendenda sunt;* ut, quia & qui crimen commisit, & qui non commisit, trepidare potest; id ex inimicitia, ex minis, ex progressu in locum, ex ense cruento, & similibus, aut ex oppositis indiciis circumstantiisque expendendum est.

## AB ANTECEDENTIBUS.

**P**osito Antecedente, comitatur id, quod est Consequens. Ut posito odio, comitantur rixæ: Cor est vulneratum, consequitur mors.

## A CONSEQUENTIBUS.

**C**onsequens non est sine Antecedente: Ut, non est partus sine conceptu; non est senectus sine iuventa; non fructus sine flore; non dies sine aurora, &c.

## A CAUSA.

**Q**ualis causa, talis effectus: Ut, si arbor bona, fructus boni; si laudabilis finis, laudabilis actio. Et, *Idem manens idem semper facit idem;* Ut, Vir manens justus, semper juste agit. Et, *Qui per alium facit, facere per seipsum censitur.* Ut iussisti occidere, occidisse ipse censeris.

## AB EFFECTU.

**S**i Effectus est, Causa sit, vel fuerit, oportet: Ut, si dies sit, Sol luceat oportet: si ædificium est, faber fuerit necesse est. Et, *Propter quod*

*unumquodque est tale, & illud magis tale est (si tamen utrumque ejusdem sit qualitatis capax) ut, quia aqua est calida propter ignem, debet ignis esse magis calidus. Adhibetur autem exceptio; quoniam licet Homo sit propter vinum ebrius, non ideo est tamen vinum magis ebrium.*

## A SIMILI.

**D***E Similibus idem est judicium; ut, perinde est Regis curare Rempublicam, ac Patris familias curare familiam. Et si gloria est Patris familias prosperitas domus, Regis gloria est Patris familias prosperitas domus, Regis gloria est prosperitas regni.*

## A PARI.

**E***t Atria Paribus congruunt, aut repugnant; ut, si Demostheni propter summam eloquentiam tribuitur laus, est & propter summam Ciceroni tribuenda. Et, si non debuit Demosthenes vereri Philippum, quamvis ab illo occidendus: neque debuit Cicero Antonium, quamvis ab illo trucidandus.*

## A RELATIS.

**R***elata sunt simul natura. Nempe posito uno Relatorum, aliud ponitur; sublato, auferitur. Talia sunt Pater & filius, Dominus & servus, Duplum & dimidium; imo & cætera, de quibus jam dictum.*

## A DISPARATIS.

**D***isparatorum diversa est ratio: ut, si Animalis est esse sensu præditum, Plantæ est esse sensus expertem.*

## A DISSIMILI.

**D***issimilibus opposita congruunt: ut, Princeps bonus dignus amore, Tyrannus dignus odio est: Lupus perdit oves, Canis ea servat.*

## A MAJORE.

**S**i id, quod videtur magis esse debere, non est, neque  
 erit id, quod minus videtur: ut, si quem non  
 potuerunt mille aurei ad prodicionem indu-  
 cere, illum sane aurei decem non inducent.

## A MINORE.

**S**i id, quod videtur minus esse debere, est, erit quoque  
 id, quod videtur magis: ut, si qui mediocriter  
 labefactat Rempublicam gravi supplicio dig-  
 nus est, quanto est dignior is qui eam susque  
 deque evertit?

## A CONTRARIIS.

**C**ontraria contrariis curantur: ut, calida frigi-  
 dis, humida siccis. Et, Contraria se ab eodem  
 subjecto vicissim (nisi alterum insit à natura) ex-  
 pellunt. Vt frigus calorem, calor frigus ab  
 aere; nigror candorem, & candor nigrorem  
 à pariete. Exceptio interim additur, ob can-  
 dorem Cycno insitum, & similia.

## A REPUGNANTIBVS.

**R**epugnat effectum unius contrarii, ubi est contrari-  
 um alterum, adesse: - ut, ubi amor est, ibi  
 nocumentum, qui effectus est odii, non adest;  
 & ubi est nigror, disgregatio visus, qui effectus  
 est candoris, non fit.

## A PRIVANTIBVS.

**S**i unum adest, alterum abest: ut, si lux est, te-  
 nebræ non sunt; si tenebræ non sunt, lux  
 non est. Et, A privatione ad habitum regressus in  
 plerisque non datur: Neque enim datur à morte  
 ad vitam, à cœcitate ad visum; inque aliis  
 huiusmodi.

## A NEGANTIBVS.

**S**i unum est verum, alterum est falsum: Ut, si ve-  
 rum est Coriscum ludere, eum non ludere  
 falsum



falsum est; & si illud falsum, hoc verum.  
Hinc proinde & illud est, *Duo contradictoria  
non possunt esse simul vera.*

#### AB AUTHORITATE DIVINA.

**D***Eus verax est, & mentiri non potest: Unde &*  
quia Deus dixit, verbi causa, esse eos qui  
propter iustitiam persecutionem patiuntur,  
beatos, id omnino tenendum est.

#### AB AUTHORITATE HUMANA.

**Q***uod probatur vel omnibus, vel plurimis, vel Sapi-*  
*entibus; iisque vel omnibus, vel plurimis, vel*  
*maxime notis & clavis, id improbandum minime est.*  
Tale est, quod omnes obsequium Parentibus  
exhibendum censent; quod plurimi Legatos  
non esse male afficiendos; quod Sapientes  
omnes esse honeste vivendum; quod plurimi  
eruditionem esse potiore opibus; quod  
maxime noti & clari, vitam beatam etiam in  
taurum Phalaridis esse descensuram; quod  
singuli denique ex istis, ut quæ Cicero enu-  
merat, *Tempori parere, Sequi Deum, Scire noscere,*  
*Nihil nimis, &c.* Verum hætenus de Propo-  
sitione.

## INSTITUTIONIS LOGICÆ

### P A R S III.

#### *De Syllogismo.*



Nunc, ut ex simplicibus notionibus  
Propositio contextitur; sic ex  
Propositionibus constat, quæ ha-  
betur præcipua Cogitationis spe-  
cies, appellata, Syllogismus.  
Quoties enim Mens apprehendit duas quas-  
dam

dam notiones congruere cum tertia, quod duplici propositione fit, statim colligit pronunciatque ipsas congruere ad invicem: Vel, si deprehendat congruere unam, non congruere alteram, quod duplici rursus propositione fit, pronunciat statim neque ipsas ad invicem congruere.

Syllogismus itaque nihil aliud est, quam Cogitatio, internave oratio, qua ex duabus quibusdam Propositionibus positis, colligitur necessario tertia. Hinc, ut Græce si dicitur, si Latine Collectio, & frequentius Ratiocinatio, quod sit veluti quædam computatio, qua addendo, aut subtrahendo, summa aut residuum colligitur. Ut enim, si duo ad tria addas, quinque colliges; ita si ad illam propositionem. *Homo est Animal*, addas illam, *Omne Animal sentit*, istam colliges, *Homo ergo sentit*. Dicitur vero etiam Discursus, quod ex uno in aliud quasi discurratur; dicitur & Argumentatio, quod ex uno alterove arguatur aliud.

Trium porro Propositionum, ex quibus Syllogismus constat, prima, quasi per excellentiam, vocari solet Propositio, quod proponatur veluti basis totius Ratiocinationis (unde & deinceps Propositionis vox isto ut plurimum usurpabitur sensu) secunda vero Assumptio, quasi assumatur in subsidium ad inferendum tertiam; ambæ autem dicuntur Sumptiones, quod ejusdem gratia sumantur; ambæ Præmissæ, quod illi præmittantur: ac ob eandem causam, quod eam antecedant, utraque simul dicitur Antecedens.

At vero ipsa tertia dicitur Conclusio, quod sit veluti clausula totius Ratiocinationis;

itemque Complexio, quod duas notiones, postquam sunt scorsim cum tertia comparata, complectatur: Consequutio quoque, & Consequens, quod consequatur ex antecedente; denique & Illatio, & Illativum iudicium, quod ex positis inferatur, idque vi illativæ, quæ adhibetur, particulæ, *Ergo, Ideo, Igitur, Quare, Quamobrem, &c.*

Enimvero, quia Conclusio pars Syllogismi præcipua est, ideo fit, ut licet tam Propositio, quam Assumptio suis ex Subjectis, & Attributis consent; in Syllogismi tamen negotio, Subjectum, & Attributum Conclusionis, Subjectum, & Attributum quasi per excellentiam dicantur.

Supponitur nempe Conclusio quasi in quæstione posita, & ex ea effectum quod vocant Problema, in hunc, exempli causa, modum, *Est-ne Homo vivens, an-non?* (notum est autem tale Problema, cum generale est, dici Thesin; cum speciale, ut *Est-ne Plato vivens, an-non?* Hypothesin) Et quia duæ sunt Problematis partes, quarum responderi alterutra potest, una Affirmativa, ut puta, *Homo est vivens*; alia Negativa, ut puta, *Homo non est vivens*: ideo una deligitur, ac illi ut futuræ Conclusioni argumentum, quo probetur, quæritur; argumentum, inquam, quod recta ratione ad eius Subjectum Attributumque affectum sit.

Quoniam vero tale Argumentum est intercedens aliquid inter Subjectum & Attributum: ideo frequens est, ut vocetur Medium, & hac de causa tam Subjectum quam Attributum dicuntur Extrema, sive Termini. Constat res præsertim in iis Syllogismis quorum

rum Conclusio est Affirmativa. In allato enim exemplo, *Homo est Animal, Animal est vivens, ergo Homo est vivens.* Homo, & vivens extrema sunt, usque intercedit Medium Animal, quod ut Genus est respectu Hominis, ita Species est respectu viventis.

Exinde autem res est etiam ad eum Syllogismum traducta, cujus Conclusio negativa est. Nam in hoc quoque Syllogismo, *Homo est Animal, Animal non est lapis, Homo igitur non est lapis,* non desinit Animal Medium dici, tamen quid medium perinde non sit. Sed nimirum dici quoque Medium potest, quatenus est id, quo mediante elicitur Conclusio.

Solet vero etiam Subjectum appellari Minus Extremum, & Attributum Extremum Majus, quia illud minus late patet quam hoc; ut presentim quoque in Syllogismis Affirmativis constat: Neque enim tam multa complectitur *Homo* v. c. quam *Vivens*. Quo loco nota, quia allatum Syllogismum Affirmativum cum transpositione. Præmissarum sic vulgo texunt, *Animal est vivens, Homo est Animal, ergo Homo est vivens;* & hac ratione Majus Extremum est in Propositione, Minus Extremum in Assumptione; ideo crebrum esse, ut quam Propositionem dicimus, Majorem, quam Assumptionem, Minorem vocent.

Quod soleat porro etiam Subjectum appellari Antecedens, & Attributum Consequens (alio nempe sensu, quam mox dictum sit) ideo est, quod posito Subjecto in rerum natura, consequatur necessario esse Attributum, non contra; ut circa Maximas Generis, Speciei que  
C 5 attigimus.

attigimus. Nam si Homo, v. c. in Mundo sit, necessario consequitur, ut sit in Mundo quidpiam vivens; at si vivens sit, non necesse est esse Hominem, cum esse aut Planta, aut aliud Animal possit.

Afferimus hic interim exempla per simplices voces, *Homo, Animal, Vivens, Lapis*; atque adeo per simplices, quæ ex illis constant, propositiones, *Homo est Animal, Animal est vivens, Homo non est lapis, &c.* ut quia exinde Syllogismus sit simplex, illius natura clarius explicetur, ac observari facilius possit, ubi deinceps proferuntur Coniuncti, seu Compositi.

Nam in hoc, v. g. *Cibus & potus ejusmodi res sunt, sine quibus vita transigi non potest; Res autem ejusmodi, sine quibus vita transigi non potest, ad vitam omnino necessariae sunt; Cibus & potus igitur res omnino ad vitam necessariae sunt*: Facile observatum est Subjectum, seu Minus Extremum, esse illud, *Cibus & potus*; Attributum, seu majus Extremum, illud, *Res omnino ad vitam necessariae*; Medium denique, seu Argumentum, illud, *Res ejusmodi, sine quibus vita transigi non potest*.

Quandoquidem vero seu Simplex seu Compositus Syllogismus sit, esse potest vel Absolutus, cujusmodi allati sunt; vel (ut præcipuos alios attingam.) Hypotheticus, seu Conditionalis; ut, *Si Sol lucet, dies est; atqui Sol lucet; igitur dies est*. Vel Analogicus, seu Proportionalis, v. c. *Ut se ad columnam basis habet, ita ad Rempublicam Iustitia; at subducta basis evertitur columna; quare & sublata Iustitia evertitur Respublica*. Vel Diezeugticus, seu Disiunctivus, v. c. *Aut prodesse volunt, aut delectare; prodesse non aurgunt; ergo delectare*: Quandoquidem, inquam,

res ita se habet, & ea, quæ hæcenus diximus, Absoluto præsertim conveniunt; age, priusquam de cæteris, Canones de eo proponamus.

## C A N O N. II.

*Forma Absoluti Syllogismi commodissima est, ut Medium medio inter Subiectum & Attributum loco collocetur.*

NEmpe, ut si hæc tria concipiantur hoc ordine, Subiectum, Medium, Attributum, cuiusmodi sunt v. c. Homo, Animal, Vivens; itemque Homo, Animal, Lapis; & Propositionem fieri concipiamus, enunciando Medium de Subiecto: Assumptionem, enunciando, aut inficiando Attributum de Medio; & Conclusionem denique, enunciando, aut inficiando Attributum de Subiecto. Hac sane ratione efficitur Medium id quod dicitur; & nihil est commodius, seu magis secundum Naturam, quam ut incipiendo ab uno extremo, transeat per Medium, ut perveniatur ad aliud extremum.

Est vero & hæc ipsa Aristotelis Syllogisticæ Artis inventoris Mens, dum primam Figuram declarans, *Voco, inquit, Medium, quod ipsum est in alio, cum aliud in ipso sit, & positione efficitur Medium.* Ubi indicatur primum Propositio, qua Medium esse dicitur in alio, hoc est in Subiecto, ut Animal in Homine, cum dico *Homo est Animal*; ac deinde Assumptio, qua dicitur aliud, hoc est Attributum, esse in ipso Medio, ut vivens in Animali, cum dico *Animal est vivens*. Denique autem inculcatur debere Medium medio loco poni, quemadmodum hic loci fit.

Hinc



Hinc & Aristoteles ipse observavit hanc positionem constitutionemve in Medio, cum nominum vice literas usurpans, nimirum pro Homine *C*, pro Animali *B*, pro Vivente *A*, inverse, & suo modo enuncians, Syllogismum sic texuit: *A inest omni B, ipsum B inest omni C, igitur A inest omni C.*

Et quamvis communi, receptoque modo enunciando idem sit, ac si diceretur, *Omne B est A, omne C est B, igitur omne C est A*; vel re-  
sumptis nominibus, *Omne Animal est vivens, omnis Homo est Animal; igitur omnis Homo est vivens*: Positio nihilominus ab Aristotele inculcata non perinde servatur, ac dum dicitur; *Omne C est B, omne B est A, igitur omne C est A*: Vel *omnis Homo est Animal, omne Animal est vivens; igitur omnis Homo est vivens*. Quippe illo modo Medium Propositionem inchoat, & Assumptionem terminat, Extremaque in medio sunt: hoc vero & Propositio incipit ab uno extremo, & Assumptio desinit in alterum, & Medium medio interjacet loco.

Ac præclara quidem etiam illa forma, cum & re ipsa eadem sit, & sola Sumptionum transpositione differat, eoque evadat quodammodo magnificentior, quod à generaliore incipiat, sicque aliquando ut ad ostensionem, sic ad ostentationem faciat: sed hæc, ut simplicius procedit, suoque constat robore, ita magis est, ut dixi, secundum naturam; est enim magis naturale, ut ab initio, quam ut à medio incipiatur.

Id vero accedit facilitatis, quod seu Conclusio Affirmativa, seu Negativa sit, illius subjectum, quod primum occurrit, primum accipiat, & ex ipso ac Medio texatur Propositio, quæ Affirmativa semper sit; ac id negotii  
solum



solum superfit, ut Conclusionem existente Affirmativa, Assumptio ex Medio & Attributo fiat Affirmativa; & Negativa existente, fiat ex iisdem Negativa.

An adjiciam, cum probaturi Conclusionem ad rerum series aggeriesque respectemus, attendere nos primum ad Subjectum, ut discernamus qua in serie sit, & hac inventa exploremus Subjectum ne sit intra eam aggeriem, quæ ipsa intra aggeriem Attributi ut media consistat. Proposita enim questione, *An homo sit vivens*, attenditur series, in qua Homo est, eoque deprehenso intra aggeriem Animalium, & hac consistente intra aggeriem Viventium, Mens statim esse Hominem intra Viventium aggeriem pronunciat; hocque idem est, ac dicere, *Homo est Animal, Animal est vivens, Homo ergo est vivens*.

Res eo prorsus modo fit, quo si requiratur, *Lutetiane in Europa sit*: Mens quippe nihil aliud, quam momento investigat, qua in regione Lutetia sit: ac ubi illam esse in Gallia; quæ Europæ sit pars, deprehendit, esse incunctanter pronunciat, hoc nempe modo racioninans, *Lutetia est in Gallia, & Gallia in Europa est*: igitur *Lutetia in Europa est*. Ac licet quidem etiam (& alios præsertim affando) priore illa forma dicere, *Gallia est in Europa, Lutetia est in Gallia*: ergo *Lutetia est in Europa*. Verum hoc est solum invenire Formam, juxta quam res inventa sit.

### C A N O N III.

*Formæ Absoluti Syllogismi Figure sunt duæ: una Coherens, seu Conjuncta: alia Incoherens, seu Dejuncta: illa Affirmativa, ista Negativa.*

Cum enim Forma, seu quasi idea, Absoluti, Syllogismi ea sit, ut Subjectum primo Medium

Medium secundo, Attributum tertio loco collocetur, & celebre aliunde sit Syllogismorum esse Figuras; ideo, ne nomen sit absque re, videntur hæc tria posse eo modo exhiberi, ut interductis quibusdam quasi lineamentis, cohærentia fiant; aut, non interductis, incohærentia maneant.

Hinc scilicet duo generatim Schematismi fient, seu duæ Figuræ, quarum prior ideo Cohærens, Conjuncta, & Affirmativa dicatur, quod in ea omnes partes cohæreant, conjunctæve sint, Subjectum cum Medio, Medium cum Attributo, & Subjectum cum Attributo; ac ideo tres Propositiones, siue Enunciationes fiant, quæ fiat omnes Affirmativæ.

Posterior vero Incohærens, seu Dejuncta, & Negativa; quod tametsi in ea Subjectum cum Medio cohæreat, & Medium tamen ab Attributo, & Subjectum ab eodem Attributo dejectum sit, ac tres Propositiones fiant, quarum licet prima Affirmativa sit, reliquæ tamen sint Negativæ.

Ut ambæ Figuræ eadem sint cum prima Aristotelis bipertita, dicetur aliquanto post: Illæ interim delineari sic possunt.

*Figura Cohærens, seu Conjuncta, & Affirmativa.*



CANON

## C A N O N IV.

## Pro priore Figura.

*Quod coheret cum aliquo, Cohærens est etiam cum eo,  
cum quo illud necessario coheret.*

**R**Es est manifesta, ac exinde fit, ut quia Subjectum est conjunctum cum Medio, & Medium cum Attributo, sit quoque Subjectum conjunctum cum ipso Attributo; utque proinde cum Medium affirmetur de Subjecto, Attributum quoque, quod affirmatur de Medio, affirmetur de eodem Subjecto.

Possit & sic Canon proponi, *Quod ab aliquo continetur, ab eo etiam continetur, quo illud comprehenditur.* Id nempe spectando ad aggerierum seriem, qua Homo, ex. gr. continetur ab Animali, quod continetur à Vivente; vel Socrates ab Homine, qui continetur ab Animali; prorsus eo modo, quo Lutetia continetur in Gallia, quæ continetur in Europa. Verum priore modo Canon accommodatior Figuræ est.

*Figura Incoherens, seu Dejuncta, & Negativa.*



CANON.

## CANON V.

## Pro Figura posteriore.

*Quod Cohæret cum aliquo, incohærens cum eo est  
cum quo illud est incohærens.*

**E**St etiam hic res manifesta; ac exinde fit, ut quia Subiectum est conjunctum cum Medio, & Medium dejectum est ab Attributo, fit quoque Subiectum dejectum ab ipso Attributo; utque proinde licet Medium affirmetur de Subiecto, Attributum tamen, quia negatur de Medio, negetur etiam de Subiecto. Posset & sic Canon institui; *A quo excluditur Continerens, excluditur etiam Contentum.* Id nempe respectando etiam ad rerum series seu aggeries, juxta quas, quia Animal, ex. gr. excluditur à serie aggerierum lapidum, aliarumque rerum inanimatarum, ideo excluditur etiam Homo, qui continetur ab Animali, Animaliumve aggerie; & Socrates similiter contentus ab Homine, qui continetur ab Animali. Plane, ut quia Gallia excluditur ab Africa, excluditur etiam Lutetia, quæ exstat in Gallia. Sed hic quoque Canon est altero modo ipsi Figuræ accommodatior.

Quod si requiras, ut primum est, cur cum in priore Figura omnia sint cohærentia, non sint in posteriore omnia incohærentia, sed in ea Subiectum Mediumque cohæreant: Dico causam esse, quia nisi in Syllogismo aliqua cohærent, forent omnia scopæ quædam dissolutæ, nullaque esset Consequentiæ vis. Constat scilicet non alia ratione probari posse Attributum non cohærere cum Subiecto, quam quia non cohæret

cum

cum Medio, cum quo cohæret ipsum Sub-  
jectum.

Atque exinde est, quod aiunt, *Ex ambabus  
Sumptionibus negativis nihil tuto concludi*. Siquidem  
quo modo reputabis te vere hac ratione con-  
clusisse, *Nullus Homo est Planta, nulla Planta est  
lapis, igitur nullus Homo est lapis*, erit quamo-  
brem reputes te etiam vere sic conclusisse,  
*Nullus Homo est Planta, nulla Planta est Animal;*  
*nullus ergo Homo est Animal*.

## C A N O N VI.

*Figure utriusque tres sunt Modi, nempe Generalis,  
Particularis, Mistus.*

CUM enim Figuris generatim spectatis, &  
Assumptis pro Subjecto, v. c. *Homine*, pro  
Medio *Animali*, & pro Attributo *Vivente*, aut  
*Lapide*, dicere solum indefinite liceat, *Homo est  
Animal, Animal est vivens, Homo ergo est vivens:*  
Vel, *Homo est Animal, Animal non est lapis, Homo  
igitur non est lapis*: Constat posse utramque  
Figuram pluribus Modis quasi variari, qua-  
tenus, præterquam quod in priore omnes  
Propositiones seu Enunciationes sunt Affir-  
mativæ, in posteriore prima Affirmativa,  
duæ reliquæ Negativæ, possunt tales Proposi-  
tiones definite fieri Generales, Particulares,  
Mistæ.

Nam si omnes quidem generales fuerint,  
dici poterit generalis Modus; si particulares  
omnes, particularis; si una generalis (nimi-  
rum Assumptio) & duæ particulares, Mistus.

Non potest verò esse Mistus ex una parti-  
culari & duabus generalibus; quia, si ambæ  
Sumptiones generales sunt, generalis etiam  
Conclusio sponte naturæ consequatur; sin-  
una

una Sumptionum semel particularis fit, non potest Conclusio non consequi particularis. Scilicet Conclusio (vulgari Effatio) *semper sequitur debiliorem partem*; hoc est, si vel una Sumptionum particularis fuerit, Conclusio particularis est, si Negativa, Negativa.

Quæres vero, cum, ut mox ante de Negativis dictum est, sic etiam de ipsis Particularibus dicatur, *Ex ambabus Sumptionibus particularibus nihil tuto concludi*, admittamus tamen Syllogismi Modum, in quo ambæ sint particulares? Respondeo autem dictum illud esse intelligendum de Sumptionibus, quæ sint vagæ, ac indeterminatæ; qua nempe ratione sic concluditur, *Aliquis Homo est Animal, aliquod Animal est vivens, ergo aliquis Homo est vivens*; eadem sic concludes, *Aliquis Homo est Animal, aliquod Animal est quadrupes, ergo aliquis Homo est quadrupes*: Et qua sic, *Aliquis Homo est Animal, aliquod Animal non est Planta, ergo aliquis Homo non est Planta*: Eadem sic, *Aliquis Homo est Animal, aliquod Animal non est rationale, ergo aliquis Homo non est rationalis*.

Non intelligi vero id Effatum de Sumptiones, quæ sunt aut proprio nomine, aut pronomine demonstrativo determinatæ; quod dispar longe ratio sit. Nam in vagis quidem prior Sumptionum de uno particulari intelligitur, posterior de alio; ut mirum proinde non sit, si, cum proponatur de uno, concludatur de altero. In determinatis autem utraque Sumptionum de eodem intelligitur, ac de eodem proinde elicitur Conclusio. Quod si in Modo Misto una Sumptionum vaga admittatur, ideo est, quod altera, generalis cum sit, quodvis Individuum, seu particulare

tam



tam vagum, quam determinatum completa-  
tur; conclusioque adeo elici de utrovis possit.  
Singulorum porro Modorum utriusque  
Figuræ exempla hæc sunt.

*Figura Cohærentis, seu Affirmativæ, Modi.*

- Generalis.** { *Omne Homo est Animal.*  
                  { *Omne autem Animal est vivens.*  
                  { *Omnis ergo Homo est vivens.*
- Particularis.** { *Socrates (vel hic Homo) est Sophro-*  
                      { *nisci filius,*  
                      { *Sophronisci autem filius est præceptor*  
                      { *Platonis.*  
                      { *Socrates igitur (vel hic Homo) est*  
                      { *præceptor Platonis.*
- Mistus.** { *Socrates (vel hic Homo, vel aliquis*  
              { *Homo) est Animal.*  
              { *Omne autem Animal est vivens.*  
              { *Socrates igitur (vel hic Homo, vel*  
              { *aliquis Homo) est vivens.*

*Figura Incohærentis, seu Negativæ, Modi.*

- Generalis.** { *Omnis Homo est Animal.*  
                  { *Nullum autem Animal est lapis.*  
                  { *Nullus igitur Homo est lapis.*
- Particularis.** { *Socrates (vel hic Homo) est filius*  
                      { *Sophronisci.*  
                      { *Filius autem Sophronisci non est disci-*  
                      { *pulus Platonis.*  
                      { *Socrates igitur (vel hic Homo)*  
                      { *non est discipulus Platonis.*
- Mistus.** { *Socrates (vel hic Homo, vel aliquis*  
              { *Homo) est Animal.*  
              { *Nullum autem Animal est lapis.*  
              { *Socrates igitur (vel hic Homo, vel*  
              { *aliquis Homo) non est lapis.*



## C A N O N VII.

*Prima Aristotelis Figura partim ad Cohærentem, partim ad Incohærentem pertinet.*

CUM hæc sit ut facillima, ita generalissima contexendorum Syllogismorum ratio; videtur tamen operæpretium pervidere nuntres Figuræ ab Aristotele traditæ quidpiam aut facilius aut uberius contineant.

Tres has Figuras sic jam discernunt, ut prima habeatur, in qua Medium Propositionem terminat, & in qua Conclusio Generalis, Particularis, Affirmativa, Negativa elicitur. Secunda in qua Medium tam Propositionem, quam Assumptionem terminat; & in qua elicitur Conclusio solum Negativa. Tertia, in qua Medium tam Propositionem, quam Assumptionem inchoat, & in qua elicitur Conclusio solum particularis.

Et primæ quidem Aristoteles quatuor dumtaxat Modos fecit, qui & præcipui, & naturales sunt (sponte scilicet naturæ concludunt) additi autem sunt illis quinque, qui & dicuntur non-naturales (quod quasi natura averfante concludant) sicque habentur numero noveni: Secundæ habentur quatuor, Tertiæ sex; omnes numero undeviginti, quos & solent exprimere technicis hæc vocibus,

*Barbara, Celarent, Darii, Ferio, Baralipson.*

*Celantes, Dabitis, Fapesmo, Frisefemorum.*

*Cesare, Camestres, Festino, Baroco, Darapti.*

*Felapton, Disamis, Datiss, Bocardo, Ferison:*

Quarum uniuscujusque prima Syllaba Propositionem denotat, secunda Assumptionem,

tertia

tertia Conclusionem ; & Litera vocalis *A*, connotat Enunciationem sibi respondentem esse Generalem Affirmativam, *E*, Generalem Negativam, *I*, Particularem Affirmativam, *O*, Particularem Negativam. Et varia quidem præterea velati mysteria sunt, quæ sub Literis tam initialibus *B*, *C*, *D*, *F*, quam intermediis *S*, *P*, *M*, *C*, involvunt ; sed nihil est necesse in iis immorari.

Observandum solum, quatuor illos primos primæ Figuræ Modos, *Barbara*, *Celarent*, *Darii*, *Ferio*, merito haberi ab omnibus perfectos ; sunt enim revera ; cum cæteri omnes imperfecti sint, & si quid habent virium, id ex reductione ad illos sortiantur.

Prætergo autem potissimum quinque illos addititios, quorum discrimen in concludendo à quatuor illis, ut videas, ecce quam secundum naturam in *Barbara* sic concluditur,

Barbara. { *Omne Animal est vivens.*  
                   { *Omnis Homo est Animal.*  
                   { *Omnis ergo Homo est vivens.*

Tam contra naturam sic in *Baralipson* infertur,

Baralip. { *Omne Animal est vivens.*  
                   { *Omnis Homo est Animal.*  
                   { *Aliquod ergo vivens est Homo.*

Quippe conclusio vera est quidem, sed præter ratiocinii filum, inexpectatoque detorta, vice illius, *Omnis ergo Homo est vivens.*

Quod superest vero, manifestum est ex quatuor illis perfectis Modis, primum & tertium, seu *Barbara* & *Darii*, reipsa eosdem esse cum *Generali* & *Misso* Figuræ Cohærentis ; secundum & quartum, seu *Celantes* & *Ferio*, eosdem cum *Generali* & *Misso* incohærentis (quatenus solum discrimen est in Sumptionum trans-

transpositione) sicque Figuram Aristotelis primam partim ad Cohærentem, partim ad Incohærentem spectare.

Hinc, & huiusmodi Figuram, Modosque ipsius non improbamus sane, sed commendamus maxime, quatenus his illisve Modis uti indiscriminatim licet, ac perinde est; quamquam illam duplicis Figuræ, & triplicis in utraque modi distinctionem inveximus ob causas ante expositas, quodque hac ratione Syllogismi omnes (etiam particulares, de quibus Aristoteles nihil) uniformiter perrexantur, & qui alia forma, quam ista fuerint, facile ad ipsum reducantur, ad eamque, ut ad Lydium lapidem probentur; quippe cum tum demum inferendi vis persentiat, cum Medium esse inter Extrema positum intelligitur.

### C A N O N VIII.

*Secunda Aristotelis Figura ad Incohærentem reducitur.*

**I**D nimirum fiet, si, quia etiam in Incohærente debet Propositio esse Affirmativa, in Modis *Cesare*, & *Festino*, ex Assumptione Propositionem feceris, & ex Propositione Assumptionem, sed ipsam simpliciter invertendo; hoc est, faciendo ex Subiecto Attributum, & ex Attributo Subiectum. Sic enim, v. c. ex isto in *Cesare* Syllogismo.

*Cesare.* { *Nullum Animal est lapis.*  
           { *Omnis gemma est lapis.*  
           { *Nulla ergo gemma est Animal.*

Syllogismum facies **Generalem Negativum** huiusmodi,

*Omni*

{ *Omnis gemma est lapis.*  
*Nullus lapis est Animal.*  
 { *Nulla ergo gemma est Animal.*

In Modis autem *Camestres*, & *Baroco*, quia *Propositio Affirmativa*, idcirco retinenda est nisi quod in *Baroco* facienda est ex generali particularis: *Assumptio* autem, tum in utroque convertenda simpliciter est, tum in *Baroco* ex particulari generalis facienda: Sic enim sponte in utroque sequetur conversa conclusio. Et iste, v. c. in *Camestres* Syllogismus,

*Camestres.* { *Omnis gemma est lapis.*  
*Nullum Animal est lapis.*  
 { *Nullum ergo Animal est gemma.*

evadet Generalis negativus hujusmodi,

{ *Omnis gemma est lapis.*  
 { *Nullus lapis est Animal.*  
 { *Nulla ergo gemma est Animal.*

Hic vero in *Baroco*,

*Baroco.* { *Omnis gemma est lapis.*  
*Aliquod Animal non est lapis.*  
 { *Ergo aliquod Animal non est gemma.*

efficietur mistus negativus hujusmodi,

{ *Aliqua gemma est lapis.*  
 { *Nullus lapis est Animal.*  
 { *Aliqua ergo gemma non est Animal.*

In quibus omnibus turbare nihil debet facta illa Subjecti Attributique commutatio; quia illa fit solum in Enunciationibus Negativis, in quibus Subjectum & Attributum mutuo repugnant; sicque tam nullum Animal esse potest gemma aut lapis, quam nulla gemma aut nullus lapis esse Animal. Neque item illa in *Baroco* ex generali particularem, & ex particulari in generalem facta conversio, sic enim

enim compensatio fit, & particularis conclusio utrovis modo elicitur.

Hic nota, quamvis hanc Figuram concludere velint solum Negative; posse eam tamen quoque Affirmative concludere, & maxime si Attributum sit medii definitio; non alio certe modo probare facultatem aliquam, v. c. Rhetoricam, esse Artem solent, quam hoc:

*Ars est collectio præceptorum ad certum finem tendentium.*

*Rhetorica est collectio præceptorum ad certum finem (puta ad bene-dicendum) tendentium.*

*Rhetorica ergo est Ars.*

Præterea autem hunc Syllogismum reduci ad Modum Affirmativum nistum sola Sumptionum transpositione, & generalis simplici inversione, quæ ideo turbare nihil debet, quod definitio & definitum reciproce dicantur, ac talis idcirco fiet Syllogismus,

*Rhetorica est collectio præceptorum ad certum finem (ut-puta ad bene-dicendum) tendentium.*

*Collectio autem præceptorum ad certum finem tendentium est Ars.*

*Rhetorica igitur est Ars.*

### C A N O N IX.

*Tertia Aristotelis Figura partim ad Cohærentem, partim ad Incohærentem refertur.*

**Q**uipe, cum ex illius sex Modis tres Affirmativi, tres Negativi sint, ac omnium Conclusio sit particularis; constat tres priores, ut puta *Darapti*, *Disamis*, *Datissi* ad Nistum Affirmativum; tres posteriores, ut puta *Felapton*, *Bocardo*, *Ferison*, ad Nistum Negativum referri.

Reduci

Reduci autem omnes tam Affirmativi, quam Negativi possunt, faciendo ex Assumptione Propositionem, ipsamque invertendo, & particularem (nisi jam sit) ex generali reddendo, Ex Propositione vero Assumptionem, ipsamque (nisi jam sit) generalem statuendo. Sic enim iste, exempli causa, in *Darapti* Syllogismus,

*Darapti.* { *Omnis Homo est Animal.*  
               { *Omnis Homo est vivens.*  
               { *Aliquod ergo vivens est Animal.*

Fiet *Mistus Affirmativus* sic :

{ *Aliquod vivens est Homo.*  
 { *Omnis Homo est Animal.*  
 { *Aliquod ergo vivens est Animal.*

Et in *Bocardo* iste,

*Bocardo.* { *Aliquis Homo non est lapis.*  
               { *Omnis Homo est Animal.*  
               { *Aliquod ergo Animal non est lapis.*

Efficitur *Mistus Negativus* sic :

{ *Aliquod Animal est Homo.*  
 { *Nullus Homo est lapis.*  
 { *Aliquod ergo Animal non est lapis.*

Neque hic movere etiam quemquam debent inversiones hujusmodi ; legitime scilicet fiunt, propter æquipollentiam, qua vox Aliquid enunciationem generalem particulari æquivalentem reddit ; ac facit proinde, ut tam *omnis Homo*, v. g. sit *Animal* aut *vivens*, quam *aliquod vivens* aut *Animal* est *Homo*.

Sunt hæc titivilitia ; sed attingenda nihilominus, tum ut exinde addiscamus, consuecamusque ratiocinationes, quæ interdum nobis ambagiosæ tortuosæque occurrunt, evolvere, dirigere, & planas perspicuasque



formare; tum ut, si ab aliis proponantur, quæ etiam detortæ obscuræque sint, noverimus quemadmodum fieri emendatæ apertæque valeant; ut Propositione, Assumptione, & Conclusionem coram positis, quid virum aut habeant, aut non habeant, expendi possit.

Hac certe de causa consentaneum est, ut quidpiam etiam attingamus de Enthymemate, Gradatione, & Inductione, quæ cum argumentandi formæ imperfectiores haberi soleant, ad alterutram tamen Figurarum expositarum referantur.

## C A N O N "X.

*Enthymema, seu Syllogismus, in quo altera Sumptionum sic supprimitur, ut tamen subintelligatur, ad utramvis Figuram spectat.*

**S**iquidem potest Enthymema videri ex eo dictum, quod una Sumptionum expressa, altera *en θυμη* in Animo veluti hæreat; ac tamen si ore suppressa, Mente tamen intelligatur. Quo fit ut cum Enthymema Syllogismus imperfectus dicitur, id ore tenus habendum sit; nam Mente quidem seu Animo, & perfectus est, & cum aut Affirmativus, aut Negativus sit, ad Figuram aut Cohærentem, aut Incohærentem perinde attineat oportet.

Sane vero, nisi quæ ore supprimitur sumptio Mente teneretur, Mens illationis vim non sentiret, nec subesset, quorsum Conclusionem adjiceret. Quippe & quoties quis dicit, v. c. *Omne Animal sentis, Homo igitur sentis*; non aliam ob causam Conclusionem infert, quam quia simul intelligit *Hominem esse Animal*; Et cum dicit, *Homo est Animal omnis igitur Homo*



*Homo sentit*; ob id solum sic infert, quia simul intelligit proprium esse *Omne Animalis sentire*. Et nisi certe sic fieret, ne Syllogismus quidem imperfectus foret, sed temere facta illatio, perinde, ac si quidlibet sequeretur ex quolibet, ut si diceretur, v. c. *Luna in Caelo est*; *Homo igitur sentit*.

Ex quo efficitur, ut, nisi qui audit summptionem suppressam satis assequatur, ac perspiciat, aut consequutionem neget, aut roget quamobrem ex sola summptione expressa talis conclusio deducatur; & is, qui proposuit, teneatur rationem ipsi reddere; quod quidem nihil aliud est, quam ipsam Summptionem suppressam proferre.

Prætereo autem vulgare esse, ut summptio expressa appelletur Antecedens, uti & conclusio ipsa consequens, cum aliunde Consequutio, sive consequentia, sit ipsa illationis vis, seu colligatio, dependentia Consequentis ab Antecedente; unde fit ut tam Antecedens, quam Consequens esse possint vera, ut in exemplo allato, *Luna est in Caelo*, *Homo igitur sentit*; & consequutio tamen sit nulla; ac tum proinde non Antecedens, non Consequens, sed sola consequutio, seu consequentia negetur.

Prætereo & idem censendum, quacunque alia forma Enthymema proponatur; ut si præmissa Conclusionem summptionum altera adhibeatur, cum causali particula, exempli causa in hunc modum, *Homo sentit, quia est Animal*; vel *Homo sentit, quia omne Animal sentit*; quocunque enim modo summptio altera reticeatur, Mente tamen supplenda est, ut sit legitima consequutio.

## C A N O N XI.

*Gradatio, qua Syllogismus Sumptionibus abundat,  
in Cohærente solum Figura locum habet.*

**N**Empe Gradatorius interdum Syllogismus pertextitur; ut puta, dum inter Subjectum & Attributum plura sunt Media, quæ serie quadam per Assumptiones multiplicatas deducuntur: v. c. dum dicitur, *Omnis Homo est Animal; & omne Animal est vivens; & omne vivens est corpus; & omne corpus est substantia; omnis igitur Homo est substantia: Quod non abs re dicunt à primo ad ultimum argumentari.*

Tunc porro, aut plures illæ Assumptiones habendæ sunt vice unius; aut intelligendum est posse ex ipsis totidem Syllogismos fieri. Quia enim probandæ isti Conclusioni, *Omnis Homo est substantia*, Animal pro Medio usurpatum, cohæret quidem, ut cum Homine, sic etiam cum substantia, veruntamen non immediate, sed per intermedios Mentis & Corporis gradus; ideo isti gradus una opera percurruntur, aut quasi temporari parcat; cum alioquin totidem possent ex iis Syllogismi contexi.

Supponitur quippe debere Syllogismum hunc primum fieri, *Omnis Homo est Animal; Omne Animal est Substantia; omnis ergo Homo est substantia: Ac tum probandæ Assumptioni istum subijci; Omne Animal est vivens, omne vivens est substantia, omne igitur Animal est substantia. Et novæ rursus Assumptioni istum, Omne vivens est corpus, & omne corpus est substantia; omne igitur vivens est substantia. Quare, ut compendiose res fiat, Attributum semel enunciatur de Sub-*  
jecto;

jecto; quatenus notum est Substantiam co-  
hærere cum corpore, quod cohæret cum vi-  
vente, quod cohæret cum Animali, quod co-  
hæret cum Homine.

Hujuscemodi interim Gradationes non  
habere locum nisi in Cohærente Figura; vel  
ex eo patere potest, quod in Incohærente,  
possit secunda, aut ulterior Negativa Assum-  
ptio ad eam Attributorumseriem, quæ cum  
Subjecto cohærent, redire, sicque Conclusi-  
oni præire, quæ non cohærere inferantur;  
quemadmodum, si dixeris, *Omnis Homo est Ani-  
mal; nullum Animal est lapis; nullus lapis est vivens;*  
*nullus igitur Homo est vivens.*

Speculare ad Gradationem potest, quod vul-  
go Subsumptum & Prosyllogismum appel-  
lant. Cum enim quispiam sic dixerit, *Omnis  
Homo est Animal, & omne Animal est vivens;* ergo  
*omnis Homo est vivens;* atqui *omne vivens est substan-  
tia;* ergo *omnis Homo est substantia.* Nempe quia  
perfecto conclusoque Syllogismo hoc sub-  
sumitur, *Atqui omne vivens, &c.* ideo istud est,  
quod Subsumptum vocant. Et quia hoc Sub-  
sumptum est quasi Enthymema, cuius quæ  
subtrahitur propositio *Omnis Homo est vivens,*  
probato Syllogismo fuit, quippe illius con-  
clusio; ideo præmissus Syllogismus Prosyllo-  
gismus appellatur.

## C A N O N XII.

*Inductio, qua quid universe ex plurium singularium  
recensione colligitur, alterutrius est Figura.*

**E**T enim ipsa quoque Inductio Syllogismus  
reipia est, & quatenus quidem mediæ

inter Enthymema & Gradationem conditionis : Quippe, ut Enthymema Propositione deficit, quæ subintelligitur tamen ; & ut Gradatio Assumptionibus, sed quæ sint tamen collaterales ejusdemve gradus abundant.

Sic cum dicitur, v. c. *Omne Animal Gressile vivit, omne item Volatile vivit, omne etiam Natatile, omne Reptile, omne Zoophytum ; igitur omne Animal vivit* : Assumptiones hic plures sunt, juxta generaliores species gradus Animalis collectæ, & quasi in unam coadunatæ, quam ista Propositio intelligatur præcedere, *Omne Animal aut Gressile, aut Volatile, aut Natatile, aut Reptile, aut Zoophytum est.*

Scilicet, nisi hujusmodi Propositio supponeretur, suppressæ licet, subintelligeretur tamen, consequutionis vis nulla foret ; cum si præter enumerata existeret aliud quodpiam Animal, conclusio evaderet falsa.

Unde & licet intelligi, debere Inductionem, ut legitima sit, continere omnium specierum, partiumve enumerationem ; ne, si una quæpiam deficiat, ea exceptionem faciat, probationemque labefactet. Quamquam, quia ut superius semel iterumque monuimus, difficile plerunque, aut impossibile etiam est enumerationem omnium fieri, dici, aliquibus enumeratis, solet, quod Lucretius, & Horatius, *Cætera de genere hoc* ; supponendo videlicet, præter membra enumerata, occurre nullum, quod secus se habeat.

Posse autem Syllogismum Inductivum alterutrius Figuræ esse, ex eo patet, quod cum ut exemplum allatum Affirmativæ est, sic esse Negativæ possit, si retenta, intellectave propositione

positione eam dicatur, *Nullum Gressile est sensus expert, nullum item volatile, nullum natatile, nullum reptile, nullum Zoophysum; nullum ergo est Animal sensu expert.*

Speculare Exemplum (quod etiam dicunt Argumentationem imperfectam) ad Inductionem potest; quatenus & ipsum Aristoteles Inductionem dicit Oratoriam, & reipsa nihil aliud est quam imperfecta quædam Inductio; cum & quicquid habet ad probandum energiae, ex eo habeat, quod, licet non appareat, reipsa tamen Syllogismus sit, cujus quæ ore reticetur, Mente suppletur Propositione.

Qui enim dicit, v. c. *Codrus pro Patria fortiter occubuit; igitur & tibi pro patria fortiter occumbendum est; hanc propositionem Mente concipit. Tibi idem est agendum, quod Codro.*

Speculare & pari ratione potest Testimonium, authoritasve, quæ sive unius, sive plurium inducitur, ad eliciendum conclusionem, cujus vis ob tacitam quidem, sed subintellectam tamen Propositionem sentiatur. Cum enim dicitur, verbi causa. *Dicit Archimedes, dicunt ceteri Mathematici, Solem esse multis vicibus majorem quam Terram; senendum est igitur Solem esse multis vicibus majorem, quam Terram. Suppletur illa Propositione, Id senendum, quod Archimedes & ceteri Mathematici, tanquam in Arte periti dicunt.*

Sed hisce dimissis, subjiciendum est quidpiam de tribus illis aliis Syllogismi formis, Hypothetici nempe, Analogici, & Diezeuctici, quas de Absoluto acturi insinuavimus.

## C A N O N XIII.

*Hypotheticus seu Conditionalis Syllogismus nihil aliud est, quam idem Enthymema bis positum; semel suspensio, semel ratiō iudicio.*

Cum enim dicitur, v. g. *Si Homo est Animal, est ergo Homo vivens; atqui Homo est Animal; est ergo Homo vivens*: Vel contractius, ut fieri solet, *Si Homo est Animal, est & vivens; est autem Animal; est igitur vivens*: Manifestum imprimis est, illam, quæ habetur Propositio, *Si Homo est Animal, est vivens*, Enthymema esse; subintelligitur enim Assumptio, *Omne Animal vivens est*; vi enim illius conclusio infertur, Enthymematisque energia sic integre concipitur, *Si Homo est Animal, quia omne Animal est vivens, Homo igitur est & vivens*.

Manifestum deinde est, eam, quæ habetur Assumptio, ac simul Conclusionem esse idemmet Enthymema, cum subintellecta eadem Assumptione *Omne Animal est vivens*; ac discrimen solummodo esse, quod cum prima vice sit suspensum iudicium, ob conditionalem particulam *Si*; secunda, ob eiusdem amotionem, sit ratum.

Nec secus est vero, cum dicitur, exempli gratia, *Si Sol lucet, dies est; atqui Sol lucet, dies ergo est*: Utrumque enim Enthymema, hoc est tam conditionatum, quam ratum, supponit illam Assumptionem, *Quandocunque Sol lucet, dies est*; exinde enim consequitur, ut quia jam Sol lucet, jam dies sit.

Hinc nota nullum fieri posse Syllogismum Absolutum, qui apposita particula *Si* fieri Hypotheticus non possit; Nullum Hypotheticum, qui eadem amota, non possit fieri Absolutus.

Notandum



Notandum etiam, cum Enthymema conditionatum duas habeat partes, quarum priora ut, *Si Sol lucet*, dicitur Antecedens, posterior, ut *Dies est*, Consequens; ideo quædam tradidit præcepta, quibus ratum deducatur; & ex illis præcipua duo esse.

Unum, *Assumere Antecedens, ut concludatur Consequens*; veluti in exemplo allato assumitur, *Atqui Sol lucet*; & concluditur, *Ergo dies est*.

Alterum, *Tollere Consequens, ut tollatur Antecedens*; veluti si dicatur, *Atqui dies non est*; & concludatur, *Sol ergo non lucet*. Sane istius quoque praxis familiaris est, ut dum dicitur, *Si scirem, odissem te*; ex quo planum est, ut addatur, *Non odi te*; igitur non scio.

## C A N O N . XIV.

*Analogicus, seu Proportionalis Syllogismus, aut proportionem prolatat, aut adjuncto eam explicat, aut simpliciter commutat, quo casu Enthymema fit.*

**A**Nalogia enim, seu Proportio nihil aliud est, quam Relationum (quas Geometræ Rationes vocant) similitudo; hoc est dum ex quatuor Relatis, ut primum ad secundum, sic tertium ad quartum se habet. *Ut dum v. c. acceptis quatuor numeris 2. 4. 3. 6. quæ relatio est dimidii, & dupli inter 2. & 4. consimilis est inter 3. & 6. Vel acceptis in Triangulo duobus angulis cum duobus lateribus oppositis, quæ relatio æqualitatis aut inæqualitatis inter angulum & angulum est, consimilis est inter latus & latus. Vel acceptis hisce quatuor, Basi, Columna, Iustitia, Republica; quæ relatio sustentantis & sustentati inter illa est, eadem est & inter ista.* Dicere autem



& hic solent primum & tertium Antecedentia, secundum & quartum Consequentia.

Analogicus ergo Syllogismus contextitur primum, proportionem, quæ instituta in Propositione est, prolatando; quod quidem fit, cum in Assumptione consequentia, habita tanquam antecedentia, referuntur ulterius ad alia consequentia; ac tum concluditur inter prima antecedentia & hæc ultima consequentia proportionem similem esse.

Exempli gratia, dum dicitur, *Sunt 2. ad 4. ut 3. ad 6. Sunt 4. ad 8. ut 6. ad 12. Sunt igitur 2. ad 8. ut 3. ad 12.* Quo loco vides 4. & 6. quæ in Propositione sunt consequentia, fieri in Assumptione antecedentia; & quia sunt Relata media, quibuscum extrema (seu hinc antecedentia, illinc consequentia) cohærent; ideo & ipsa inter se extrema cohærere inferuntur.

Quod proinde autem talis Syllogismus dicatur *Extrema per Mediorum subductionem concludere*; ideo fit, non quod in omni Syllogismo medium non subducatur (neque enim unquam conclusionem ingreditur) sed quod inter varias Geometris solennes circa proportionem argumentandi formas, id in hac præsertim appareat. Dicitur vero etiam *concludere ex æquo*, quod in ipso geminæ relationes, ut ex æquo incipiunt, ex æquo procedunt, ita ex æquo terminentur.

Observandum porro valere hic maxime Gradationem, qua per plura, media prolatur proportio; ut si dicatur, *Sunt 2. ad 4. ut 3. ad 6. Sunt 4. ad 8. ut 6. ad 12. Sunt 8. ad 24. ut 12. ad 36. Sunt igitur 2. ad 24. ut 3. ad 36.*

Deinde

Deinde Analogicus Syllōgismus contexitur, cum proportionē pari modo in Propositione instituta, adhibetur in Assumptione adjunctum, quo explicetur proportio, quodque proinde uni antecedenti respectu sui consequentis ita competat; ut subinde concludatur competere quoque antecedenti alteri respectu sui consequentis.

Exempli causa, si in Triangulo duo latera vocentur *A*, & *B*, duo anguli oppositi *C*, & *D*, ac dicatur sic, *Est latus A ad latus B, ut angulus C ad angulum D; est Angulus C angulo D major: Est ergo latus A latere B majus.* Ac pari modo si dicatur, *Est Justitia ad Remp. ut Basis ad columnam: Basis subducta evertitur columna; ergo & sublata Justitia evertitur Respub.* Ubi adjuncta adhibita sunt illic majus esse, hic esse evertendum, quibus explicatur, in quo sit proportio.

Postremo Analogicus Syllōgismus conrexitur facta duntaxat proportionis commutatione; dum nimirum, ubi proportio pari modo instituta in propositione est, subtricitur Assumptio, & Relata sic commutantur, ut inferantur, concludanturve de se invicem, aut reciproce, aut alternis, aut composite, aut alia ratione. Assumptio autem, quæ subtricitur, cujusque defectu Enthymema sit, haberi generatim potest illa Maxima, *Paribus paria competunt; vel Similibus similia conveniunt.*

Exempli causa dum dicitur, *Justitia ad Rem publicam, ut basis ad columnam se habet; igitur reciproce Respublica ad Justitiam ut columna ad basin se habet.* Consequutionis enim vis ex eo dependet, quod Justitia, & basis, Respublica, & columna res similes admittantur; & supponatur similibus, cujusmodi columna & Respublica

Respublica sunt, convenire similia, hoc est pari modo ad sua correlata referri.

Id celebre vero apud Geometras Arithmeticosque præsertim habetur; apud quos cum dicitur *Sunt 2. ad 4. ut 3. ad 6.* Sunt igitur reciproce 4. ad 2. ut 6. ad 3. Illud subintelligitur, *Similia similibus reciproce conveniunt.* Et cum dicitur, *Sunt 2. ad 4. ita 3. ad 6.* sunt ergo alternis 2. ad 3. ut 4. ad 6. Subintelligitur illud, *Similia similibus alterne conveniunt.* Et cum sic. *Sunt 2. ad 4. ut 3. ad 6.* Sunt igitur 2. & 4. compositæ (hoc est 6.) ad ipsa 4. ut 3. & 6. compositæ (hoc est 9.) ad ipsa 6. Illud subintelligitur, *Similia similibus compositæ conveniunt;* atque ita de cæteris.

## C A N O N . XV.

*Disiunctivus seu Disjunctivus Syllogismus aut tollit ut ponat, ponitve ut tollat; aut in Hypotheticum desinit; ac efficitur Planus, vel Corruptus.*

NAm primum quidem, præmissa Propositione dis-junctiva, tollit in Assumptione membrum unum, ut in Conclusionem ponat alterum; exempli causa, dum dicitur, *Aut dies est, aut nox est; Dies non est, igitur est nox:* vel, *Nox non est, igitur est dies.* Ponit vero, ut tollat, exempli causa dum dicitur, *Aut dies est, aut nox est; dies est, nox ergo non est:* vel, *nox est, non est ergo dies.*

Quia porro iste Syllogismus eo principio nititur, quod duo contradictoria (ut diem esse, & noctem esse, quatenus noctem esse, idem est, ac diem non esse) non possint esse simul vera: Ideo sciendum est, cum sunt plura membra disjunctionis quam duo, esse unum cum reliquis,

reliquis, quæ pro altero sint, opponendum.

Hinc, si Propositio hæc fiat, *Socrates aut est Europæus, aut Asiaticus, aut Africanus, aut Americanus, aut ex Terra incognita*; vel in Assumptione unum ponitur, ut in Conclusionem cætera omnia pariter tollantur, hoc modo: *Est vero Socrates Europæus; Igitur non est neque Asiaticus, neque Africanus, &c.* Vel in Assumptione cætera tolluntur, ut unum in Conclusionem ponatur, hoc modo, *Socrates vero non Asiaticus, non Africanus, &c. est ergo Europæus.* Ut prætermitti autem nullum in Propositione membrum debeat; ex dictis circa Inductionem intelligitur.

Quod si & nullum disjunctionis membrum prætermisum sit, ac illud membrum contradictionis, ad quod sit plurium reductio sit legitime stabilitum; conclusio tuta habenda est. Videlicet Geometræ quoque non rara hac forma argumentationis utuntur, maximeque dum probant ex duabus figuris unam esse alteri æqualem, ut *Circulum Triangulo rectangulo, cujus unum crus sit circuli semidiameter, altitudo ipsa circumferentia*; aut *Superficiem Sphæræ superficiem curvæ circumscripti, ejusdemque cum illa altitudinis cylindri*: Probant, inquam, ex eo, quod cum talem figuram, si non sit æqualis, esse aut majorem, aut minorem oporteat, esse nec majorem, nec minorem demonstrent.

Deinde, præmissa Propositione Disjunctiva, utrumque membrum in Assumptione afficitur particula *si*, ut si duplex Syllogismus Hypotheticus inchoaretur, ac tum utriusque adhibetur illatio consentanea, nihil subsumendo

mendo quasi ad ratum iudicium. Ut si dicatur, *Aut dies est, aut nox; si dies, laborandum; si nox, quiescendum.*

Cum possint vero plura esse membra, non tamen necessaria est plurium ad unum reductio; quod unicuique adhiberi sua conditionalis particula valeat: veluti, si juxta Aristotelem dicatur, *Omne corpus simplex aut movetur ad centrum, aut à centro, aut circa centrum: Si ad centrum, grave est, ut Terra: si à centro, leve est, ut ignis: si circa centrum, nec grave est, nec leve, ut ignis.*

Donec autem est Propositio præsertim bimembris, qui duplex Syllogismus Hypotheticus sequitur, si plane concludat, liquidove seu naturaliter consequatur, potest Disjunctivus Syllogismus Planus censerì, ut dum dicitur, *Aut dies est, aut nox est; Si dies est, Sol igitur lucet; si nox est, tenebræ ergo sunt:* Ubi utrumque consequens intelligitur simul cum antecedente.

Verum, si consequatur quidem, sed ductu tamen improvìso, tum Syllogismus dicitur Cornutus, quod non plana veluti fronte, sed quasi obverso cornu mucrone Mentem feriat; & Græce vocatur Dilemma, quasi utrimque capiens, quod utrumvis membrum deligas, veluti capiaris, seu consequutionem improvìsam sentias. Tale est illud Epicuri, *Aut quia longus est formidatur dolor, aut quia magnus; at si longus est, levis est; si magnus vero, brevis est; tito enim solvitur, aut solvit.* Tale illud *Aut formosa erit uxor, aut deformis: Si formosa, non communis erit; si deformis, non impanis non erit.*

Nullum tamen est Dilemma celebrius, quam quod retortum memorant inter Euathlum

lum discipulum, & Præceptorem Protagoram, cui amplam mercedem pollicitus fuerat, si prima modo causa, quam ageret, superior foret. Cum enim prima foret ipsa, qua de non solvenda mercede contestaretur, hoc Dilemmate est Euathlus usus, *Aut cadam hac causa, aut vincam; si cadam, non debebo ex pacto; si vincam, non debebo ex sententia.* Protagoras vero hoc excepit, *Aut cades hac causa, aut vinces; si cadas, debebis ex sententia; si vincas, debebis ex pacto.*

Prætereo porro Iudices, ancipites cum forent, causam distulisse in longissimum diem, ac id dixisse interim, quod cessit in Proverbium, *Mali corui malum ovum.* Sed quæ supersunt, jam prosequamur.

## C A N O N XVI.

*Ex Præmissis veris Conclusio duntaxat vera sequitur; ex falsis autem non modo falsa, sed vera etiam sequi Hypothesice potest.*

**R**Es esse videtur perspicua; quoniam, si Præmissæ modo veræ sint, quantumvis supponas habeasve eas falsas, Conclusio tamen sequitur, quæ secundum se, five re ipsa vera sit. Habe enim falsam, quantum lubuerit; unam alteramve, aut utramque harum Sumptionum, *Omnis Homo est Animal, & omne Animal est vivens;* aut istarum, *Omnis Homo est Animal, & nullum Animal est lapis;* quæ nihilo minus Conclusio sequetur ex illis, *Ergo omnis Homo est Animal;* aut quæ ex istis, *Ergo nullus Homo est lapis,* vera est re ipsa, & secundum se.

At, si præmissæ falsæ sint, sed pro veris tamen habeantur, seu tales esse supponantur, tunc



tunc sequetur conclusio, quæ esse possit non modo falsa, verum etiam re ipsa vera. Et sequi falsam quidem posse, nimis quam manifestum est: posse autem & veram parere hinc potest.

Nam in Cohærente quidem Figura, tametsi Medium falso enuncietur de Subiecto, assumi tamen Attributum potest, quod seu vere, seu falso enuncietur de Medio, cohæreat cum ipso Subiecto; ut si dicatur, *Omnis Homo est Equus, omnis Equus est Animal, ergo omnis Homo est Animal*. Vel, *Omnis Homo est lapis, omnis lapis est Animal, ergo omnis Homo est Animal*.

In Incohærente vero, licet Medium similiter falso enuncietur de Subiecto; sumi Attributum tamen potest, quod & negetur de Medio, & incohærens sit cum ipso Subiecto; ut si dicatur, *Omnis Homo est lapis, nullus lapis est Planta; nullus igitur Homo est Planta*.

Spectare huc Syllogismus potest, quem Aristoteles vocat *Hypotheticum*, vulgo *Argumentum ad Hominem* dicunt, dum nempe cum aliquo homine differentes, postquam ille quidpiam admisit, illud seu verum seu falsum sit, tanquam verum ex ipsius mente & supponimus, & assumimus, ut Conclusionem eliciamus illi oppositam, quam ipse defendat. Ut si admisserit corpus esse, quod impactum in corpus resiliat, quodque dispersum addensari & addensatum dispergi valeat, ac lucem tamen esse corpus neget, tum sic obijciatur: *Lux in corpus impacta resiliit, dispersa addensatur, addensata dispergitur, ut docet experientia: quod tale est, per se, corpus est; & lux igitur corpus est*. Nota, si aliquid negarit, supponi assumique oppositum ut verum, ac pari ratione Syllogismum texi.



## C A N O N    X V I I .

*Cujus Syllogismi Præmissæ necessariae ac evidenter  
veræ sunt, is Apodicticus, seu Demonstrativus,  
& Scientificus est.*

**T**alis scilicet dicitur, propter notitiam Conclusionis, quam ita esse veram demonstrat, ut dici ideo Scientia mereatur.

Cum enim scire id dicamur, quod nobis ita evidens est, ut de eo plane certi simus; & Scientia proinde nihil aliud sit, quam quæ habetur de aliqua re evidens & certa notitia; constat notitiam Conclusionis evidentem esse ac certam, quod Præmissæ, sive Principia, ex quibus dependet, ejusmodi sint.

Hic proinde nota, quia Scientia, seu clara certaue notitia, quæ de Præmissis habetur, eam parit, causave est ejus, quæ de Conclusionem habetur; ideo quod dicunt *Scire per causam*, nihil esse aliud, quam Conclusionem scire per certas atque evidentes Præmissas: idque, cum ipsæ alioquin præmissæ dicantur sciri, seu quod est idem, notæ esse per se, ac notiores quoque ipsa conclusione, juxta illud Effatum, *Propter quod unumquodque est tale, & illud magis tale est.*

Quanquam, quod Præmissæ dicantur sciri, sive notæ esse per se, id universe intelligendum respectu Conclusionis est: Nam si ipsæ aliunde, tanquam aliquæ Conclusiones demonstrarentur per alias, tunc sunt illæ aliæ potius per se notæ; quousque ad tales perveniatur, quæ ipsa sensus evidentia (qua nulla est major, & à qua omnis alia sive mediate,  
sive

sive immediate dependet) sint notæ: cuiusmodi sunt, v. c. *Sol est lucidus, ignis calidus, nix candida, &c.*

Hac de causa, cum duplex soleat distingui Demonstratio (sic enim uno nomine Demonstrativum Syllogismum dicunt) una, quam vocant *à priori*, hoc est à generaliiori (cum Præmissæ nempe aut ambæ, aut altera earum generales sunt) alia, quam dicunt *à posteriori*, hoc est, à minus generali, aut etiam singulari (cum præmissæ sunt singulares, aut certe earum altera) Videtur sane illa potius, quæ à singularibus procedit, esse *à priori* dicenda, & quæ à generalibus *à posteriori*, quoniam singularia prius cognoscuntur, generalia posteriorius; ac non videtur omnino illa esse præ hac parvipendenda; quando evidentia, & certitudo omnis, quæ de generali propositione habetur, dependet ab ea, quæ ex singularium inductione collecta est.

Quod evidenter enim certoque noscimus omnem Hominem, v. c. esse Animalem, ex eo est, quia prius percepimus sensu & Platonem, & Socratem, & singulatim cæteros esse Animalia. Sane etiam illud, quod habent maxime omnium notum, ac per se evidens certumque Principium. *Omne totum majus est sui parte*, non aliunde fidem invenit in Mente, quam ex eo, quod fuit ab infantia usque sigillatim observatum, & hominem totum esse majorem capite, & totam domum majorem uno cubiculo, & totam silvam majorem una arbore, & totum Cælum majus una stella; atque ita de cæteris.

Solet porro & alia ratione Demonstratio distingui duplex; siquidem alia *Ostensiva*,  
alia

alia D  
est, qu  
cipius  
quidp  
sit, ad  
dum,  
modi  
fectu  
tentio  
Si  
onen  
semi  
ab e  
inter  
ex h  
mor  
lum  
dua  
se, e  
qua  
eod  
circ  
S  
inc  
lun  
sim  
tro  
qu  
in  
on  
of  
va  
fi  
id  
ti

alia Deductiva ad incommodum dicitur. Illa est, qua quidpiam directe per se, & ex principis propriis demonstratur: Ista vero, qua quidpiam ex eo demonstratur, quod nisi ita sit, admittendum sit necessario aliquid absurdum, contradictorium, impossibile; cuiusmodi est, esse partem maiorem toto, dari effectum sine causa, continens esse minus contento, ac huiusmodi cætera.

Sic, cum juxta primam Euclidis propositionem, recta linea data, factaque communi semidiametro duorum circulorum, ductisque ab ejus extremis, duabus aliis rectis lineis ad intersectionem circulorum alteram, creetur ex hisce tribus lineis Triangulum, si quis demonstrare Ostensive velit esse hoc Triangulum æquilaterum, id ex eo præstabit, quod duæ postremo ductæ lineæ sint æquales inter se, quia sunt æquales eidem data; & sint æquales eidem datæ, quia utraque seorsim ab eodem centro cum ea procedit ad eandem circumferentiam.

Sin autem velit demonstrare Deductione ad incommodum, id ex eo præstabit, quod nulum latus alteri inæquale admitti valeat, quin simul admittatur non esse omnes lineas à centro ad circumferentiam ductas, æquales; aut quæ duo sunt æqualia uni, non esse æqualia inter se.

Ac Demonstratio quidem, quæ sit Deductione ad incommodum, non æque nobilis ac ostensiva est; ac ubi illa datur, videri super-  
vacua potest; verum quia plerumque Ostensiva deest, & invictæ aliunde est necessitatis, idcirco ipsa quoque suo commendabilis pretio est.

sive immediate dependet) sint notæ: cuiusmodi sunt, v. c. *Sol est lucidus, ignis calidus, nix candida, &c.*

Hac de causa, cum duplex soleat distingui Demonstratio (sic enim uno nomine Demonstrativum Syllogismum dicunt) una, quam vocant à priori, hoc est à generaliori (cum Præmissæ nempe aut ambæ, aut altera earum generales sunt) alia, quam dicunt à posteriori, hoc est, à minus generali, aut etiam singulari (cum præmissæ sunt singulares, aut certe earum altera) Videtur sane illa potius, quæ à singularibus procedit, esse à priori dicenda, & quæ à generalibus à posteriori, quoniam singularia prius cognoscuntur, generalia posterius; ac non videtur omnino illa esse præ hac parvipendenda; quando evidentia, & certitudo omnis, quæ de generali propositione habetur, dependet ab ea, quæ ex singularium inductione collecta est.

Quod evidenter enim certoque noscimus omnem Hominem, v. c. esse Animal, ex eo est, quia prius percepimus sensu & Platonem, & Socratem, & singulatim cæteros esse Animalia. Sane etiam illud, quod habent maxime omnium notum, ac per se evidens certumque Principium. *Omne totum majus est sui parte,* non aliunde fidem invenit in Mente, quam ex eo, quod fuit ab infantia usque sigillatim observatum, & hominem totum esse majorem capite, & totam domum majorem uno cubiculo, & totam silvam majorem una arbore, & totum Cælum majus una stella; atque ita de cæteris.

Solet porro & alia ratione Demonstratio distingui duplex; siquidem alia Ostensiva,  
alia

alia D  
est, qu  
cipi  
quidp  
sit, ad  
dum,  
modi  
festu  
tentor  
Si  
onen  
semi  
ab e  
inter  
ex h  
mor  
lum  
dua  
se, e  
qua  
eod  
circ  
S  
inc  
lun  
sim  
tro  
qu  
in  
on  
of  
va  
si  
id  
ti

alia Deductiva ad incommodum dicitur. Illa est, qua quidpiam directe per se, & ex principis propriis demonstratur: Ista vero, qua quidpiam ex eo demonstratur, quod nisi ita sit, admittendum sit necessario aliquid absurdum, contradictorium, impossibile; cuiusmodi est, esse partem maiorem toto, dari effectum sine causa, continens esse minus contento, ac huiusmodi cætera.

Sic, cum juxta primam Euclidis propositionem, recta linea data, factaque communi semidiametro duorum circularum, ductisque ab ejus extremis, duabus aliis rectis lineis ad intersectionem circularum alteram, creetur ex hisce tribus lineis Triangulum, si quis demonstrare Ostensive velit esse hoc Triangulum æquilaterum, id ex eo præstabit, quod duæ postremo ductæ lineæ sint æquales inter se, quia sunt æquales eidem data; & sint æquales eidem datæ, quia utraque seorsim ab eodem centro cum ea procedit ad eandem circumferentiam.

Sin autem velit demonstrare Deductione ad incommodum, id ex eo præstabit, quod nullum latus alteri inæquale admitti valeat, quin simul admittatur non esse omnes lineas à centro ad circumferentiam ductas, æquales; aut quæ duo sunt æqualia uni, non esse æqualia inter se.

Ac Demonstratio quidem, quæ fit Deductione ad incommodum, non æque nobilis ac ostensiva est, ac ubi illa datur, videri super-  
vacua potest; verum quia plerumque Ostensiva deest, & invictæ aliunde est necessitatis, idcirco ipsa quoque suo commendabilis pretio est.

## C A N O N XVIII.

*Varij sunt Loci, ex quibus peti Medium, sive Argumentum, ad Syllogismum Demonstrativum potest.*

**E**iusmodi nimirum sunt, ex quibus Medium eruitur, quod ipsius Subjecti est aut Genus, aut Proprietas, aut Definitio, aut partium, specierumve Enumeratio; aut causa necessario Agens, aut Effectus necessario dependens: Atributum vero est ipsius Medii, in Cohærente quidem Figura aut Genus, aut Proprietas, &c. in Incohærente vero aut Disparatum, aut Oppositum.

Exempli enim gratia, Si demonstrandum sit Acari Animalculumve illud intercutaneum, quod majus puncto non videtur, constare nihilominus propemodum innumeris, poterit pro Medio sumi illius Genus, & sic confici Syllogismus, *Acari est Animal; omne autem Animal ex innumeris prope constat partibus (pene enim innumeræ sunt, quas organa vegetarionis, sensus, & motus exigunt) Acari igitur ex partibus prope innumeris constat.* Subjicio autem Assumptioni aliquantulam probationem, quæ &, si locus pateretur, foret pluribus deducenda.

Sic ad demonstrandum Nivem oblædere visum, accipi poterit pro Medio proprietas illius, quæ est eximius candor, hoc modo, *Nix est eximie candida; quicquid autem est eximie candidum oblædit visum* (quippe affatim lucis radios, tanquam fodiciaria quædam spiculata reflectit, immittitque in oculum) *Nix igitur oblædit visum.*

Sic Planta, accepta pro Medio Definitione,  
egere



egere alimento demonstrabitur in hunc modum, *Planta corpus est vegetabile; vegetabile autem corpus alimento indiget (quia, cum depascente ingenito calore nativum ejus humidum indefinenter consumatur, jactura illius sola alimenti substitutione reparabilis est) Planta igitur indiget alimento.*

Sic Terra, ex partium enumeratione accepta ostendetur tota habitabilis, *Terræ totius quinque sunt Zone, una Torrida, duæ Frigida, duæ Temperatæ: singule autem hæ Zone habitabiles sunt, etiam Torrida, etiam Frigida (id enim, secus ac putarunt Antiqui, navigationibus peregrinationibusque nuperis deprehensum est) Terra igitur est habitabilis tota.*

Sic Eclipsis Lunæ ex accepta causa probabitur contingere, cum Luminaria sunt in oppositis Nodis, seu intersectionibus suarum Orbitalium: *Eclipsis in Luna contingat oportet, quoties Terra ipsi Solique interposita, lucem, quam à Sole mutuatur, & ob quam solum lucet, avertit; Terra autem Lunæ ac Soli interposita, lucemque istius ab illa avertens tunc est, cum Sol & Luna sunt in Nodis, seu intersectionibus Orbitalium oppositis (tum enim ita è diametro opponuntur, ut Terra in diametro sit) Eclipsis ergo Lunæ tum contingat oportet, cum Sol & Luna sunt in Nodis, seu intersectionibus oppositis suarum Orbitalium.*

Sic Luna globosa ex effectu (varietate nempe facierum, quam figura hæc creat) poterit ostendi, *Luna pro vario ad Solem situ corniculata, semisecta, gibbosa, pleno orbe fulgens apparet; quicquid autem tale apparet, necessario globosum est (quoniam si figura quidem plana foret, nullam subiret varietatem; si alia, non subiret talem) Globosa igitur Luna est.*

Sic

Sic eadem Luna ex Disparato, cuiusmodi est Sol, non esse creatrix Tempestatum monstrabitur; *Luna est aliud à Sole; sed quicquid est aliud à Sole Tempestates non creat* (solus enim Sol suo ad nos accessu & recessu creat Veris, Æstatis, Autumni, ac Hyemis vices) *Luna igitur Tempestates non creat.*

Sic Inane ex sibi opposito demonstrabitur non esse resistentiæ capax: *Inane est oppositum pleno; quod est autem oppositum pleno* (estque adeo corporeæ molis, qua tangatur & tangat, expers) *resistentiæ capax non est; non est ergo Inane resistentiæ capax.*

## C A N O N XIX.

*Cujus S. Ilogismi Præmissæ contingentes verisimilesque sunt, is Suasorius, Probabilis, Opinabilisque est.*

**T**Alis scilicet etiam dicitur propter notitiam conclusionis, quam ita persuadet, probatque, ut tamen si plus evidentiae, quam obscuritatis habeat, relinquit nihilominus hæsitationis aliquid, ac idcirco dici Opinio mereatur. Opinio quippe, quatenus volunt eam differre à Scientia, nihil aliud est, quam notitia non plane certa, sed cum quadam formidine imbecillitateve assensus. Hinc *ὑπόληψις* etiam Græce dicitur, quasi sit suspicio, ne forte fallamur.

Id vero ex eo oritur, quod Præmissæ præ se non ferant necessitatem aut connexionis Subjecti cum Medio, Medii ve cum Attributo, si Figura Cohærent sit; aut dejectionis Medii ab Attributo, si Incohærens. Sic nimirum fieri non potest, ut Mens conclusioni sine  
scrupulo

scrupulo quodam assentiatur ; utque ipsi præmissæ maiorem evidentiam certitudinemque, quam ipsæ obtineant, largiantur.

Prætereo autem talem Syllogismum solere etiam Rhetoricum dici, quasi suadeat quidem, quod Oratoris proprium est ; sed assensum tamen non cogat & vi quadam extorqueat, quod est proprium demonstratoris. Eadem ratione Dialecticum dicunt, quatenus volunt Dialecticam esse eam solum Logicæ partem, quæ de Probabilibus agit. Problematicum etiam vocant, quod unam quæstionis partem non ita confirmet, quin enervari valeat, sicque altera pars possit confirmari. Quin dicunt etiam Epicherema ; quasi vim quidem faciat, ac non tamen plane penitusque Mentemque convincat.

Hic adnotandum, licet non-nunquam Opinio & Fides pro eodem habeantur, congrue tamen Fidem accipi pro ea persuasionem, quæ insidet Animo ob auctoritatem dicentis. Quod autem hæc persuasio nunc firmior, nunc imbecillior sit, res pendet ex præhabita persuasionem opinionemve de dicentis veracitate. Ex quo efficitur, ut Fides divina, seu quam Deo habemus, firmissima sit, quia præconcepimus Deum sic certo certius esse veracem, ut mentiri omnino nec velit, nec possit ; Humana autem, seu quæ homini habetur, tametsi interdum sit admodum tuta, cum eo tamen gradu incertitudinis semper est, quo prænovimus esse neminem, qui mentiri si velit, non possit.

Quod quidem dico, ut observemus licet Divina Fides non habeat, quam Scientia per Demonstrationem obtinet, evidentiam, Divinam

vinam tamen Authoritatem esse illi pro evidētia, ac non minorem sane, quam ipsam, certitudinem parere; adeo proinde, ut quasi stare ex parte Demonstrationis possit: Humanam autem, cum evidētia pari modo careat, non parem tamen loco evidētiæ authoritatem habere, quæ omnimodam faciat certitudinem; adeo proinde ut stet potius ex parte suasorii, seu opinabilis Syllogismi.

CANON XX.

*Varii sunt Loci, ex quibus potest Medium ad Syllogismum Suasorium desumi.*

**E**iusmodi nempe sunt omnes, de quibus superius Maximas quasdam attulimus; etiam ii, qui sunt paulo ante pro Demonstrativo Syllogismo selecti: Quippe ipsi quoque ad Suasorium pertinent, si Medium quidem Subjecti sit, at non Attributum sit ipsius Medii aut Genus, aut Proprietas, aut aliquod unum ex enumeratis. Ut res autem breviter declaretur exemplis.

Suadebitur ex Genere esse utilem Rhetoricam hoc modo, *Rhetorica est Ars; Omnis autem Ars est ad vitam utilis; Rhetorica igitur est ad vitam utilis.* Quo in Syllogismo est quidem Medium Subjecti Genus, *Ars* nimirum *Rhetorica*, at esse utile, quod est Attributum, non est Genus ipsius Artis, non proprietas, quæ omni conveniat, non aliud necessarium; sed Adjunctum solum contingens, seu qualitas communis. Unde & conclusioni adhæretur quidem, sed cum quadam formidine; quasi *Rhetorica* esse possit ex iis Artibus, quæ subtiles quidem, sed inutiles sunt; quæ sunt perniciosæ, quæ

quæ indifferentes sunt ut profint aut noceant,  
quæ probatæ aliquibus explodantur ab aliis  
&c.

Sic ex Proprietate Justitiam expeti ab omnibus, *Justitiæ est proprium suum cuique tribuere*; quod suum cuique tribuit, expeditur ab omnibus; ab omnibus ergo expeditur *Justitia*; quo pariter loco, *Tribuere suum cuique non habet pro necessario adjuncto*, esse expetibi e, quatenus nimis multi sunt, qui auferre potius, aut detinere, quam tribuere suum cuique expetunt; unde & conclusio admittitur quasi ita res se habere deberet: at de ea hæretur, quod non ita se univérse habeat.

Sic ex Definitione dicetur, *Medicina est Ars ad sanandum comparata*: sed quod ad sanandum comparatum est, ægris sanitatem restituit: *Medicina igitur ægris sanitatem restituit*. Verum quia non semper, quod ad sanandum est comparatum sanitatem restituit, sive adhibentis sive ægrotantis defectu, aut quia non loci, non temporis, non virium, non doseos, non aliarum id genus circumstantiarum habetur ratio; efficitur, ut conclusio quidem quasi ut plurimum, non quasi ita semper fiat, admittatur.

Sic ex Enumeratione Partium, *Ciceronis Oratio elegante Exordio, Narratione, Confirmatione, Confutatione, Peroratione constat*; sed quæ ex his constat, persuadet; *Ciceronis ergo oratio persuadet*: Verum quia Assumptio non est semper vera ideo neque Conclusio necessaria est; neque illa celebris pro Milone Oratio obstitit, quin ille esitarit *Massiliæ barbatulos pisces*.

Sic ex Causa, *Hi versus sunt facti ab Homero*;

E

Homeri

*Homeri versus mali non sunt ; hi ergo versus mali non sunt.* Probabilis quidem conclusio ; at omnimodæ illius certitudini obstat, quod, ut adversus Assumptionem potest excipi, aliquando bonus dormitet Homerus.

Sic ex effectu, *Ista in ore equi spuma est egregie picta ; quod egregie autem pingitur, magno artificio à Pictore elaboratur ; ista igitur in ore equi spuma magno à Pictore artificio elaborata est.* Probabilis quoque conclusio ; at notum tamen quid Apelli etiam in ore equi spumam pingenti contigerit.

Sic ex Disparato, *Canis est aliud ab Homine ; at quicquid est aliud ab Homine non est rationale ; Canis igitur non est rationalis.* Probabilis etiam, & hoc ut addam, vera conclusio ; sed illi tamen non sine quadam adhæretur formidine, quod Rationis indicia ut circa alia, sic circa Canem speciatim observentur.

Sic ex Opposito, *Æstas imminens est tempestas Hyemi opposita ; per oppositam autem Hyemi tempestatem non friget ; æstate ergo imminente ut frigeat, futurum non est.* Probabilis rursus Conclusio ; at non plane certa, quod contra Assumptionem, deprehendatur aliquando per oppositam Hyemi tempestatem frigare.

Sic ex Adjunctis, *Hic est crine ruber, niger ore, brevis pede, lumine læsus ; atqui est talis, malignus est ; hic igitur malignus est.* Esto & hæc conclusio verisimilis ; at quia Assumptio deprehensa in aliquibus fallere ; fallere potest & in hoc, ac ideo conclusio certa esse non potest.

Sic demum (ne omnia confectæ) ex auctoritate humana ; *Quiescere Terram in centro Mundi censuere hætenus vel omnes, vel saltem plurimi, ac in ipsis Sapientes, iique maxime celebres : quod autem vel omnes, vel plurimi, vel Sapientes, vel in iis maxime celebres*



celebres censent, id ita se habere reputandum est; Terram ergo in centro Mundi quiescere reputandum est. Esto vero & hoc probabile, ac verum, ut conclusioni tamen non sine hæsitatione adhæreatur, facit, quod tum olim placuerit nonnullis inter Sapientes maxime clavis, ut Platoni, ac Pythagoræ, tum nunc quoque placeat non paucis, non quiescere, sed moveri Terram, aut in ipso centro, ut diem & noctem faciat, aut circa centrum, ut annum creet.

## C A N O N XXI.

*Cujus Syllogismi Præmissæ fallaces ancipitesque sunt, is Erroneus, Sophisticus, & Paralogisticus est.*

**N**Empe Erroneus dicitur, quod errorem pariat, hoc est opinionem oppositam veræ, atque adeo falsam; unde etiam Fallax, & Deceptorius dicitur. Sophisticus autem, seu Sophisma vocatur, quod illi uti Sophistæ soleant, ii scilicet, qui nihil aliud, quam cavillos obtrudunt, unde & Syllogismus appellatur Cavillatorius; quique in eo gloriam ponunt, ut respondentem intricent, ac irretiant, unde & Syllogismus dicitur Captiosus, quod respondens, ubi ad conclusionem pervenit, esse captum se, & quasi illa queatum sentiat.

Dicitur vero etiam Paralogisticus, seu Paralogismus, quod præter Rationem procedat, supponendo nempe Præmissas veras, & necessarias, quæ licet tales esse appareant, reipsa tamen tales non sunt, ob implicitum aliquod, de litescensque in ipsis vitium. Dicitur porro Paralogismus in Geometrica maxime materia,

in qua etiam quia interdum contingit, ut descriptiones fiant erroneæ, ac falsæ; ideo solet etiam *Pseudographicus*, & *Pseudographema* vocari.

## C A N O N XXII.

*Unus fere Locus ad Syllogismum Sophisticum ambiguitas est, ex cuius refectione manifestum fit, eum, qui videbatur, Syllogismum non esse.*

QUIppe Aristoteles quidem tredecim enumerat Locos; ab Homonymia, ab Amphibolia, à Compositione, à Divisione, ab Accentu, &c. Sed omnes tamen id generale habent, ut ambiguitas aliqua vel in voce, vel in phrasi; & sensus vocis, vel phraseos in Propositione sit unus. in Assumptione alius; ut mirum proinde non sit, si utroque ut vero admissio, conclusio absurda sequatur.

Ex refectione porro ambiguitatis manifestum fieri eum, qui esse videbatur Syllogismus, Syllogismum non esse, ex eo constat, quod cum, ut Syllogismus sit, esse unum Subiectum, unum Medium, unum Attributum oporteat, in Sophistico duo Subiecta, & duo Attributa sint, nullum autem Medium; id enim quod videtur Medium, duarum disparatarum enunciationum, unius quidem Attributum, alterius vero Subiectum est; unde & ambæ & conclusio nihil aliud sunt, quam dissolutæ scopæ.

Exempli enim gratia, ut ex Homonymis seu æquivocis hoc attingam: quando dicitur, *Quoddam Sidus est Canis; Canis autem est Animal latrans; quoddam ergo Sidus est Animal latrans; quoniam ambiguitas est in voce Canis, quæ*  
fit

fit duabus rebus diversissimis attributa, & in Propositione accipiat pro una, nimirum pro Stella, aut Constellatione, quæ Orionem insequitur, in Assumptione pro alia, pro Animal scilicet terrestri atque familiari; constat voce Canis nihil significari medium, quod Subjecto coherens, cohereat etiam Attributo, aut coherens Attributo, Subjecto etiam cohereat; sed ex illo ac ipsis, quorum uni tribuitur, & alteri subjicitur, duas propositiones disparatas fieri, ex quibus nihil magis sequatur, quam ex istis, *Quidam Homo est Animal; lapis autem sensu caret.*

Idque ut melius percipias, cum idem Sidus non modo Canis sed etiam Sirius appelletur, hoc nomen usurpa in Propositione, & in Assumptione relinque nomen Canis tanquam proprium illi Animal: Et quia tum Præmissæ sic se habebunt, *Quoddam Sidus est Sirius; Canis autem Animal est latrans;* pervidebis sane non magis sequi ex ipsis istam conclusionem *Quoddam ergo Sidus est Animal latrans;* quam ex mox propositis hanc, *Quidam igitur Homo sensu caret.*

Idem deprehendes in cæteris, cum circa enim dictam, v. c. Amphiboliam texi valeat hic Syllogismus, *Cræsus Halyn penetrans magnam pervertet opum vim; magna hæc opum vis est Persarum; Cræsus igitur Halyn penetrans magnam pervertet vim opum Persarum:* Præmissæ idcirco disparatæ & sine Medio connectente sunt, quia *Magna opum vis* in Propositione de opibus ipsius Cræsi intelligitur, & in Assumptione de opibus Persarum usurpatur.

Pari vero modo deprehendes ambiguitatem esse, quæ in omnibus deceptionem faciat.

Qui enim inferet, v. c. *Quempiam sedentem ambulare*, quia admissum fuerit possibile esse *sedentem ambulare*, ideo faciet, quia istud accipi possit aut divisim, quasi diversis temporibus, aut compositè, quasi eodem: Et qui inferet *te comedere carnem crudam*, quia dicas *te eandem quam emeris comedere*; ideo faciet, quia caro eadem intelligi aut substantia, aut accidente, ut puta cruditate possit. Et qui inferet, *Socratem hominem non esse*, quia admissus sit *non esse idem quod Coriscus*; ideo faciet, quia istud idem intelligi potest aut specialiter, aut communiter; atque ita de cæteris.

Sane & cum locus apud Aristotelem celebris sit *Ignoratio Elenchi*, seu redargutionis, cum nempe ignoratur in quo consistat contradictio, (consistit autem in eo, ut sit *de eodem, respectu ejusdem*, supple partis, loci, temporis, aliussve circumstantiæ) idem esse is locus potest cum ignoratione ambiguitatis. Ambiguum est nempe, an cum dicis, *Æthiops est albus, & non albus*, id intelligas secundum totum; an ita ut albus secundum dentes, niger secundum genas sit: quo casu non est contradictio, quoniam est quidem de eodem, at non respectu ejusdem partis. Item an cum dicis *Canis est videns, & non videns*, id intelligas de toto vitæ tempore, an ita sit videns reliqua ætate, non videns ante nonum diem; ac pari modo cætera.

Uno itaque verbo, generalis ratio solvendi Sophismata, ut ambiguitatem detegas, & distinguas. Facies autem, si argumentationem ad debitam formam reducas, nisi forte sit, & fere non est; & attendens ad Medium, pervideas, quo sensu in Propositione, quo in

As-

Assumptione accipiat. Sic nempe Sophistam facile exarmabis, deridiculumque ostendes, planum faciens ipsum Syllogistice, secus quam putet argumentari.

Poteris & facile, si contradictionem, ad quam te adigere contendit, præsentiens eam præoccupes: *Mus caseum rodit*; Animal utique, non syllaba. *Quod non amisisti habes*; Ita scilicet, ut quod possem amittere habuerim. *Patrem tuum nosti*; Non obvelatum tamen, *Æthiops est niger*, at non dentibus. *Sempronius riget*; hyeme, non æstate. *Titius est vir magnus*; corpore quidem, at non doctrina. *Sunt arma Domino reddenda*; Ne modo evaserit furiosus; & sic porro omnia ejusdem farinae.

Quanquam & dum contingit nos in Sophistas incidere, planius est ut illos valere jubeamus, utpote qui nobis loco Veritatis, quam inquirimus, errorem obtrudant, aut qui certe cum serio agere deberent malint ludere: Cordate Seneca, *Pudet me*, inquit, *in re tam seria senes ludimus*. *Mus syllaba est*; *Mus autem caseum rodit*; syllaba ergo caseum rodit. *Putas nunc me istud non posse solvere*? quod mihi ex ista sententia periculum imminet? quod incommodum? Sine dubio verendum est, ne quando in muscipula syllabam capiam, aut ne quando, si negligentior fuero, caseum liber comedas. Nisi forte acusior est illa collectio, *Mus syllaba est*; syllaba autem caseum non rodit; *Mus ergo caseum non rodit*. O pueriles ineptias! In hoc supercilium subduximus, in hoc barbam demisimus, hoc est quod tristes docemus & pallidi, &c. Et hæc de Syllogismo.

## INSTITUTIONIS LOGICÆ

## P A R S IV.

*De Methodo.*

**S**uperest Methodus, quæ cum nihil sit aliud, quam ordinata aliqua, seu facta cum certa ratione cogitationum Progressio; videri jure potest completi cæteras partes Logicæ, quatenus docent ordinate ex cogitatis simplicibus per enunciata progredi ad Syllogisticam conclusionem. Et sunt sane, qui Syllogismum esse Methodum proprie dictam velint, Progressionem vero in Scientiis tradendis servatam non tam Methodum, quam Ordinem dici debere contendant. Sunt qui eam Logicæ partem, quæ de Definitione & Divisione agit, Methodum Definitivam & Divisivam vocitent; sunt qui esse omnem Methodum aut Resolutivam, aut Compositivam tueantur.

Nobis, ut ea, quæ hujus loci sunt præsertim propria tradamus, videntur posse cogitationes certa ratione ordinari, procedereque, ac dirigi, aut ad disquirendum, inveniendumque sagaciter; aut ad examinandum, judicandumque solerter id, quod inventum fuerit; aut ad dirigendum apposite quicquid inventum, & judicatum fuerit, ut alius doceri idem possit. Hac sane ratione videtur triplex Methodus distingui sic posse, ut una Inventionis, altera Judicii, tertia Doctrinæ indigetur.



gitetur. De ipsis proinde institui Canones huiusmodi possunt.

## C A N O N I.

*Methodus Inventionis in Medio sagaciter exquirenda consistit.*

**N**Empe hoc præsertim est operæ-pretium, ut quæstione proposita inveniatur Medium, sive Argumentum, quo pars illius altera (hoc est seu affirmans, seu negans) vera esse, aut falsa probetur. Quamobrem, ut Canis, nisi feram videat, ejus vestigium arripit, subodorandoque sectatur, quousque feram detegat; ita nisi Medium prima specie occurrat, arripiendum quidpiam, seu ex parte Subjecti, seu ex parte Attributi est, quod sit quasi vestigium, cujus ductu eo perveniatur, ut detegatur Medium, quod cohærens cum uno extremo, cohæreere etiam aut non cohæreere cum reliquo deprehenditur.

Ac in promptu quidem sunt Loci, sedesve Mediorum, seu Argumentorum, de quibus jam semel ac iterum dictum; verum quia sæpe est labor, aut in deligendis locis maxime idoneis, aut in Mediis propriis, quæ in illis continentur, deprehendendis; ideo aliquid arripiendum est, quod ut ad locum congruum, ita ad Medium requisitum deducat.

Hoc esse debet quid primo notum, ac potest appellari Signum, quia nos in rei lateptis notitiam deducat, eo modo, quo vestigium signum quoddam est, cani indicans; quæ sit insistendum, ut feram inveniatur. Soliti tamen Prisci sunt Signum vocare ipsum Medium, ac

dicere *Τεμπνέρ* quidem, cum Necessarium est; *Συμνέρ* vero, cum est Contingens. Quamquam & illud primo arreptum etiam Medium est, licet immediatum non sit, cuiusmodi illud, quod exquiritur, & per excellentiam *Medium* appellatur.

## C A N O N II.

*Medii inquisitio aut à Subjecto incipiens, Analysis, seu Resolutio est; aut ab Attributo, Synthesis, siue Compositio.*

SIingas enim, exempli gratia, & ut res dicatur familiarius, difficilem esse solutionem Problematis, probationemve affirmativæ partis, quod *Homofit substantia*; Disquisitio incipere, aut ab *homine Subjecto*, aut à *substantia Attributo*, prout perspectius alterutrum est, potest.

Et, si ab *homine* quidem, id fiet resolvendo ipsum in id quod habet commune, & in id quod proprium, seu in Genus, quo dicitur Animal, & in proprietatem, seu Differentiam, qua Rationalis. Subinde autem arrepto Animal, tanquam ulterius deducturo, ipsum similiter resolvendo in genus, quo dicitur vivens, & proprietatem, qua sentiens: & rursus vivens, in genus, quo corpus, & proprietatem, qua vegetabile; denique autem, quia Corpus sua proprietate est quidpiam mole præditum, ac tale quid esse Substantiam, siue rem per se subsistentem intelligimus, fit, ut intelligamus quoque genus, in quod corpus immediate resolvitur, ipsam esse substantiam.

Sia vero à Substantia incipiatur, id retrogrado

grado fiet ordine, componendo Substantiam cum altera proprietatum, seu differentiarum, quibus dividitur, & non quidem cum molis experte, quoniam homo talis non est, sed cum mole prædita, cui conjuncta dicitur Corpus. Quid deinde modo ipsum corpus, cum proprietate vegetabilis (qualis homo est) constituit vivens, & vivens cum proprietate sentientis (qualis iterum Homo est) constituit Animal, & ipsum denique Animal immediate, & cum proprietate Rationalis Hominem constituit.

Itaque licebit usurpare pro Medio, aut facta resolutione Corpus, aut peracta compositione, Animal; quatenus primum cognita cohesione immediata Animalis cum Homine, perventum est ad Corpus, quod immediate coheret cum Substantia; aut cognita primum immediata cohesione Corporis cum Substantia, perventum est ad Animal, quod cum Homine immediate coheret: Sicque utrovis modo certi sumus de connexionione Extremorum inter se, ob eam, quæ est ipsorum, cum intermediis connexionem.

Simile est, ac dum Genealogiam retexentes, probaturi sumus esse aliquem ex certa prosapia oriundum. Aut enim ab eo incipientes de quo quæritur, an sit ortus, per gradus Patrii, Avi, Proavi, Abavi, Atavi, Tritavi, &c. ad caput denique stirpis pervenimus; aut ab isto exorsi per gradus Filii, Nepotis, Pronepotis, Abnepotis, Adnepotis, Trinepotis, &c. ad eum pervenimus, de quo quæritur.

Ex hoc vero etiam intelligitur, cum pars negativa Problematis probanda est, consimilem esse seu Resolutionis, seu Compositionis pro-

progressum: Siquidem, ut in Genealogia statim ac occurrit quispiam graduum intermediorum, qui à proximo dejectus sit, non esse illum hominem ex ea familia arguitur; ita ex quo gradus occurrit, qui ab attributo dejectus sit, arguitur & ipsum Subiectum esse ab Attributo dejectum.

Sic vero ex hoc quoque intelligitur, quæ Resolutio, & Compositio Geometris solemniter est. Apud ipsos nempe id, quod quæritur, cuiusque aut veritas, aut factiōis possibilitas ignoratur, tanquam concessum supponitur; & ex eo per consequentia sic proceditur, ut tandem aliquid perveniatur; quod si verum quidem, concessumque & quasi primum principium sit, tum esse quoque verum concludunt id, quod ab initio quæsitum propositumve fuerit; & factibile, si incidatur in aliquid, quod fieri posse concedatur: Sin perveniatur ad aliquid, quod falsum repugnantque sit, tum falsum quoque id, quod quæsitum propositumve fuerit, concludunt, aut etiam non factibile, si incidatur in aliquid, quod ostendatur fieri non posse; atque hæc quidem ipsis est Analysis, seu Resolutio.

Synthesis autem, seu Compositio est, cum subinde incipitur ab eo, in quod fuerit Resolutione desitum, resumendo nempe ordine eadem Consequentia, quæ iam fiant Antecedentia, idque ad texendum Demonstrationem, qua quæsitum propositumve esse verum aut falsum probetur, vel propositam ad faciendum rem, possibilem esse aut impossibilem factum.

## C A N O N III.

*Methodus Iudicii seu Examinis, aut Compositio est, cum Inventio fuit per Resolutionem; aut Resolutio, cum per Compositionem.*

**I**D nimirum prorsus, ut in Arithmetica fit, dum Additionem Subtractione, & Subtractionem Additione probamus. Pari enim modo progressus legitimus fuisse approbatur, si relegendo vestigia ex illo ad hoc, & reciproce ex hoc perveniatur ad illud; quatenus esse, ut ille ait, tantundem itineris debet Athenis Thebas, & Thebis Athenas; & Methodus proinde duplex idem Ariadnes filum est, quo comite utitur, sic ductore reditur tuto.

Prætereo autem hanc Methodum ad opera omnia, quæ ex pluribus partibus texuntur, miscentur-ve, expendi. Sic enim Machina, v. c. Horologii, recte-ne se habeat, probatur, cum ipsius partes aut resolutæ, recte se habere; aut compositæ, recte quadrare, effectumque præstare noscuntur. Sic aut metalla commiscuentes, qualis inde massa prodeat, experimur; aut massam resolventes, ex quibus nam, & quatenus fuerit commista, expendimus. Ac cætera pari ratione.

## C A N O N IV.

*Methodus Iudicii duplici Criterio, seu iudicandi Instrumento perficitur, Sensu scilicet, ac Ratione.*

**Q**Uippe, cum res omnes aut in Sensum cadant, aut Intelligentia sola percipiantur  
(tamen si

(tametsi facta à Sensibus occasione, ut initio dictum) ideo quoties ambigitur de re, quæ sensu probari potest, *sit ne, an non sit; talis ne, an alia;* idcirco ad sensum recurrendum est, & ab evidentia, quæ per ipsum fit, standum. Evidentia, inquam, quæ habetur, quoties impedimentum nullum est; aut si est, postquam est sublatum. Impedimentum autem appello, v. c. distantiam, ob quam res magna videtur parva; quadrata, teres; & cætera, quæ etiam attigimus, de Ideis cum ageremus.

Quoties vero de re, quæ sola Intelligentia potest percipi, tunc ad Rationem est recurrendum, quæ rem quampiam Sensu non perceptam, ex re alia, quæ Sensu percipitur, deducat: ut dum quæritur, *Sint ne pori in cute, an non.* Esse ea ratione (quantumlibet sensu non percipiantur) arguitur, quod nisi forent, nullus sudori interne extrorsum prodeunti, sensuique perspecto, transitus pateret. Aut dum quæritur, *an detur Inane* (quod sensui inconspicuum est) esse Epicurus ea ratione colligit, quod nisi daretur nullus foret Motus, quem esse tamen Sensu evidens est.

Quia vero interdum contingit, ut Ratio cum Sensu pugnare videatur, præclare Aristoteles docet, esse à Sensu magis quam à Ratione standum; idque, quia talis Ratio potest non recte inita, sicque apparens solum esse, latente interim germana ratione, ob quam res sensui talis pateat. Sic cum Ratio prius suaderet sagittam è puppi navis progredientis sursum emissam non in ipsam puppim, sed in mare, procul navi interim casui subducta, cedat jam ratio sensui oportet; quando & experientia fieri secus docet, & germana quod

motus



motus sagittæ non modo ab arcu, sed ab ipsa quoque navi imprimatur.

Sic quotquot pridem opinabantur nullos dari Antipodas, ea quidem ratione utebantur, quod illi deorsum versus cœlum caderent; at cum ii jam sensu deprehensi sint, evanescit plane ea ratio præ sensus evidentia; cum & ratio agnita sit, quod cadere in partibus tam globi Terreni, quam Mundanorum cæterorum, sit versus centrum tendere, non vero recedere à centro; & nihil proinde sit mirum si Antipodes non minus erecti incedant, quam nos, qui ipsis Antipodes simus, neque magis, quam nos in cœlum, sibi perinde ac nobis imminens, non suppositum cadant.

#### C A N O N V.

*Methodus Doctrinæ à Resolutione incipit, & per Compositionem præcedit.*

**S**iquidem, cum omnis Doctrina aut de re Operabili, aut de re speculabili sit, unde & vulgaris illius divisio in Practicam sive Activam, & Theoritam sive Speculativam est; patet res primum in Artibus, quæ Doctrinæ sunt de agilibus, sive operabilibus rebus. Quippe in Artibus proponitur Finis, quem tanquam opus exsequi, aut tanquam scopum assequi oporteat, doceturque ex quibus grandioribus, minoribusque conficiatur partibus; quibus tum generalibus, tum singularibus obtineatur mediis, quæ omnia resolvendo fiunt: ac tum docetur quemadmodum factò à partibus minutioribus, mediisque singularibus initio, per grandiores partes, generaliaque Media procedendum sit, ac  
opus

opus tandem integrum, scopusque expetitus resultet; quod quidem componendo fit: neque est abs re quod dicitur, Id, quod in Resolutione est ultimum, esse in Compositione primum.

Sic, qui exempli gratia Artem Ædificatoriam docet, tradit primum, quæ domus partes sint, parietes, fundamentum, rectum, tabulata, laquearia, cubicula, gradus, portæ, fenestræ, alia; itemque ex qua, unde, & qua ratione paranda multiplex materia, quæ singulis illis partibus inserviat, lapides, cæmentum, trabes, tigna, clavi, tegulæ, &c. quæ partes minores, simplicioresve sunt: deinde vero Resolutione huiusmodi in partes facta, tradit qui componendæ sint, usurpando lapides & cæmentum fundamento æternando, erigendis parietibus, trabes, tignaque ad tabulata, ac pari modo cætera, quousque tota consurgat domus. Neque secus Grammaticus Orationem congruam edoctrurus, dividit eam primum in suas partes, Nomen, Verbum, & alias (ne quidpiam de minoribus, ut syllabis & litteris, dicam) ac tum ostensis singularum Accidentibus, proprietatibusve, docet illas in congruas phrasas, periodosque componere.

Sic in Medicina, sanitatisve Arte tradenda, docetur imprimis quid sit, quamque variis modis, & quibus ex causis labefactetur sanitas, ac tum varietate remediorum descripta, traditur à quibus ordiendum, & per quæ procedendum sit, ut morbis depulsis restitui servarique sanitas possit. In tradenda autem Ethica, hoc est vitæ ac Morum Arte, declaratur primum in quo beatus vitæ status consistat, doceturque Media ipsi consequendo tuendoque

que congrua esse honestos Mores, Virtutesve, & actiones ex Virtute profectas; actum quomodo parandæ Virtutes, quomodo eliciendæ honestæ Actiones, quomodo ex his beatus vitæ status perficiatur, deducitur.

Pater res deinde in Scientiis, quæ doctrinæ speculabilium, contemplabiliumve sunt rerum. Etenim tametsi ipsi nos non simus, qui nostra industria res hujusmodi adoperemur, nihilominus, quia sive Naturam, sive Naturæ Opificem pro illarum causa habeamus, philosophamur de iis instar rerum, quarum ipsi Authores sumus (imo & ex iis, qui Mundum infectum putarunt, non desuere, qui ipsum tanquam factum supponerent, ut de ejus structura, seu compagine concinnius philosopharentur) ideo circa ipsas non abfimili procedimus modo.

Hinc Physicus Scientiam Naturalem docens, hac Naturæ faciem, seu Machinam Mundi præ oculis statuit; Cælum, Terram, quæ sunt in ipsis, ut partes ingentes ædificii majores, minoresque habet, resolvendoque ad minimas usque, ipsa assumit, tanquam Principia, ex quibus constant universa; ac deinceps explorat ex quibus, & qua ratione coadunatis potuerint componi Cælum, & in eo Sol, Luna, aliâ Sidera; ex quibus, & quomodo Terra, ac in ea tot Inanima, Vegetabilia, Sentientia, quæ propagari etiamnum generarique deprehendantur; quousque molem Mundi universam perinde edisseruerit, perspectamque fecerit, ac is qui ædificium explorarit, perspexeritque, quod tamen non fecerit ipse.

Sane

Sane & in quibus Naturæ rebus possumus, utimur Anatomia, Chymia, similibusve subsidiis, ut quatenus licet corpora resolyentes, ac veluti decomponentes, possumus intelligere ex quibus, & quam ratione ea fuerint composita; & simili-ne, an alia ratione cætera potuerint, possint-ve componi.

Geometer quoque Magnitudinem universe spectatam resolyit, ipsamque profundam, latam, longam esse deducit; ac tum à puncto, quo nihil posse minus concipi, compositionem exorditur, dum reputat punctum quasi fluere, ut sui quasi repetitione continentem lineam, magnitudinemve nihil aliud, quam longam describat; fluere lineam, ut superficiem, seu magnitudinem etiam latam; fluere superficiem, ut corpus, seu profundam quoque crassamve magnitudinem. Deinceps autem varia fieri, seu delineari construique docet, aut jam facta, seu delineata, constructaque supponens, ea considerat, quæ ex affectione hujuscemodi consequuntur.

# C A N O N VI.

*Methodus Doctrinæ talis esse debet, ut subiecta materies quam-maxime potest, clare exhibeatur.*

Cum Doctrina enim, & Disciplina eadem res sit, Doctrina enim dicitur, prout traditur à Docente, & Disciplina quatenus à Discente excipitur; notum est Docentem sic debere eam tradere, ut Discens, quam potest optime perspiciat. Hoc autem tum maxime fit, cum Docens materiam subiectam ita exhibet, ut desiderari nihil ad perspicuitatem possit.

CANON

## C A N O N VII.

*Prima proinde cura esse debet, ut Verba non ambigua, Phrases non ambigiosæ sint.*

Cum obscuritas enim aut ex Vocibus, aut ex ipsis Rebus oriatur; nihil sane fieri perverius potest, quam ad laborem, qui in rebus percipiendis plerumque est, illum addere, qui ex Vocibus creatur. Non præstat certe, quod profitetur, qui docere quidpiam aggressus, ponit dicenti obicem, quo minus diserte percipiat; & rem interpretans obscuram, eget ipse interpretatione.

## C A N O N VIII.

*Si quæ traditur Doctrina sit Ars, ea constare ex præceptis debet; si Scientia, ex speculationibus.*

Nempe Ars omnis Activa est, spectatque aut ad actionem facile exserendam, ut Arscantus, seu Musica, Arsvitæ, & morum, seu Ethica; aut opus suo fini congrue conficiendum, ut Ars Muraria domum, quæ inhabitetur, Ars Ferraria clavim, quæ fores aperiat. Scientia vero omnis est Contemplativa, ut Physica, quæ Mundum & quæ in eo sunt contemplatur; non quod ista Artis Divinæ, seu Naturæ, opera non sint, sed quod ipsius contemplantis opera esse minime possint, ac liceat solum qua ratione à Deo, aut Natura fiant, fuerintve facta speculari. Quamobrem is qui Artem tradit, Præcepta dare de agendo conficiendove opere debet; qui Scientiam, Mentem deducere, specularando, in notitiam rerum.

CAN-

## C A N O N IX.

*Debet autem primum proponi, Definitioneque explicari quid sit id, de quo agitur.*

**I**D nempe, ut constet an agendum, an speculandum solum sit, & omnia, quæ tractanda sunt, aut ad recte agendum, aut ad recte speculandum dirigantur. Et tenebræ certe sint meræ, si qui se docere quidpiam profiteatur, verba inania fundat, dum non declarat quale id sit. Quare oportet, ut, si res ambiguo nomine offeratur, vocem distinguat, & quo sensu accipiatur, apertum faciat; ac nisi res obvia perspectaque sit, ipsam sic definiat, utve describat circumstantiis, ex quibus intellectis, pro alia, quam re ipsa sit, accipi non possit.

## C A N O N X.

*Debent & subinde, quæ tractanda sunt, congrua partitione distribui.*

**P**artitio quippe, seu distributio est veluti fax discenti præluens, ne quasi incertus oberret, sed tota tractationis seu disciplinæ serie, norit ubi sit; quantum viâ peregerit; quid porro super sit; qua sit emersurus. Erit autem congrua Partitio, si membra omnia in unam quandam veluti harmoniam conspirent.

C A N O N



## C A N O N X I.

*In distributione vero tractationeque Membrorum danda est opera, ut generalia generaliter, ac primo ponantur.*

Id nimirum, ut semel dicta, esse dicta supponi possint, neque, ut repetantur. necessitas cogat: cum nihil esse Tantologia, quae idem saepius dicitur, ut inutilius, sic importunius. Innuo interim, ut initio distributio fit in Membra praecipua; ita in singulis pertractandis, subdistributiones in Membra minus praecipua praemittantur.

## C A N O N X I I.

*Ut nihil inducatur quod alienum sit, nihil praetmittatur quod proprium.*

Quicquid enim alienum est, praeter institutum assumitur, ac veluti navus in facie apparet; & quicquid rei proprium non intexitur, quasi haec atum facit, mutilumque indigitat corpus. Alienum interim non dico, si quid aliunde assumatur, sine quo id intelligi, quod traditur, non valeat; aut si quid interdum, quasi corollarium inde deducendum, obiter innuatur.

## C A N O N X I I I.

*Ut semper à notioribus, & ad sequentia intelligenda magis necessariis incipiatur, ac procedatur.*

Sic enim discenti complanatiores viae, illiusque tum utilitati tum voluptati consulitur, dum temporis simul parceretur ac labori.

C A N O N

## C A N O N XIV.

*Vt distributio proinde, tractatioque omnis discendi simul accommodetur, ac pro ipsius rei conditione sit.*

**N**Am aliter quidem novitii, aliter provectiores instituendi sunt; quod quæ Rudimenta illi postulant, hi nota supponant; at quicquid tamen utrisvis traditur, id ex ipsius rei natura conditioneque est desumendum. Videlicet rei natura perspecta, facile providetur, magisne congrue & ad rem ipsam, & ad discantis captum procedatur, distribuendo rem tanquam Genus in Species, an tanquam Integrum in Partes, an tanquam Subjectum in Adjuncta, an tanquam Causam in Effecta, an tanquam Effectum in Causas, an tanquam Finem in Media, an tanquam Medium in Fines seu usus, atque ita de cæteris. Sed hætenus sit Logica Institutio.

---

F I N I S.



° P

E

S

C

—

—

(2)  
PHILOSOPHIÆ  
EPICURI  
SYNTAGMA,

CONTINENS  
*Canonicam, Physicam,*  
ET  
*Ethicam.*

---

Authore V. Cl.  
PETRO GASSENDO.

---



LONDINI:  
Ex Officina Johannis Redmayne.  
MDCCLXVIII. |

IN THE  
EPICUR

SYNOPSIS

OF THE  
CANONICAL

2  
P  
u  
a  
i  
o  
t  
a



# PRÆFATIO.

**B**revem Philosophiæ Epicuri Syntaxim exhibeo, qua serie mihi jam occurrit (otio quidem majore posset & congeri plenius, & distribui clarius) utpote quæ neque aliena ab Epicuri methodo sit, neque tamen habeatur illi adeo scrupulose illigata, ut non, sicut ipse Epicurus ordinem eundem in eadem re pertractanda non semper tenuit, & Lucretius quoque non illum absque immutatione servavit; ut non, inquam, utar ea libertate, qua pleraque emoveam, transponam, & quæ esse videbitur magis commodum, interjiciam. Inducam autem Epicurum uno tenore, suisque verbis tota serie Philosophantem; quatenus quidem ea verba exstant apud Laertium, M. Tullium, Senecam, & Authores alios; nisi quod, ut res evadere possit ali-

2 2

quanto

quanto concinnior, adnitar meis ea  
colligare, quæ haberi alioquin possent,  
quasi confusa rudera, & scopæ quæ-  
dam dissolutæ. Attribuam vero ipsi  
Epicuro, si quid dictum à Metrodoro,  
Hermacho, Colote, aliove quopiam  
ex illius Sæctatoribus fuerit; quando  
*Apud istos, ut Seneca habet, quicquid*  
*dicit Hermachus, quicquid Metrodo-*  
*rus, ad unum refertur: Et, Omnia,*  
*quæ quisquam in illo contubernio loqu-*  
*tus est, unius auspiciis dicta sunt.* At-  
tribuam quin etiam ea, quæ videbun-  
tur esse aliquando supplenda, decer-  
pendaque ex Lucretio: quoniam &  
Lactantius (tamen si verbo sane illauda-  
ro) Epicuri, inquit, *sunt omnia, quæ de-*  
*clarat Lucretius:* Et Lucretius ipse cum  
opere toto id satis declarat, tum his  
speciatim versibus;

— *inque tuis nunc*  
*Fixa pedum pono pressis vestigia signis.*  
Et, — *tuisque ex inclute chartis,*  
*Floriferis ut apes in saltibus omnia li-*  
*bant,*

*Omnia*

*Omnia nos itidem depascimur aurea  
dicta.*

*Et, Cujus ego ingressus vestigia, nunc ra-  
tiones.*

*Persequor.*

Fiet quoque, ut interdum, ubi sententia erit obscurior, neque usquam apud Authores satis diserte explanata, ipsam meis verbis declararem, & quæ præsertim quidem ex ipsius Physices locis deducam; quanquam & rarum erit, ut faciam, & ad Epicuri mentem sic accommodabo, ut nihil ipsi non congruum sit. UNUM est, quod admoneamte, ut sollicite nempe attendas, quod ad ea capita, quibus Epicurus quidpiam proferet Fidei sacræ dissentaneum, indicentur hic à nobis loca Physices, in quibus, quæ ille in Fidem peccavit, refutata sunt, ne quidquam mali absque remedio præsentaneo excipi possit. Scilicet ut possit ejus Philosophia, quantum quidem ferunt relictæ vestigia, integre cognosci, nihil esse videtur ex ea reseindendum,

dum, supprimendumque ; ut neque  
fieri moris est in Aristotele, aliisque  
(ac in ipso etiam Lucretio) quorum  
eduntur libri integri, & ne adjunctam  
quidem habent (uti habitura opella  
hæc est) errorum, qui adversus fidem  
in iis leguntur, repressioem. Quod  
superest, & ne longum faciam, cedo,  
ecce, Epicuro, ut loquatur, locum.

---

Elenchus

# Elenchus Partium, Sectionum & Capitulorum.

*De Philosophia universe.*

Pars Philosophiæ Prima, Quæ est Canonica,  
sive de Criteriis.

C A P. I. **D**E veritate, illiusque Criteriis

page 5

II. **D** Canones de Sensu, Criteri-  
orum primo 7

Can. 1. *Sensus nunquam fallitur ; ac proinde est om-  
nis sensus, omnisque phantasia, seu apparentiæ, per-  
ceptio vera* ibid.

2. *Opinio est consequens sensum, sensumque superad-  
jecta, in quam veritas aut falsitas cadit* 10

3. *Opinio illa vera est, cui vel suffragatur, vel non  
refragatur sensus evidentia* 12

4. *Opinio illa falsa est, cui vel refragatur, vel non  
suffragatur sensus evidentia* 13

III. Canones de Prænotione, Anticipatione-  
ve, Criteriorum altero 15

Can. 1. *Omnis quæ in mente est Anticipatio, seu Præ-  
notio dependet à sensibus ; idque vel incurfione, vel  
proportionem, vel similitudine, vel compositione* ibid.

2. *Anticipatio est ipsa rei notio, & quasi definitio, siue  
qua quidpiam querere, dubitare, opinari, imo &  
nominare non licet* 16

3. *Est Anticipatio in omni Ratiocinatione principium ;  
quasi nempe id, ad quod attendentes inferimus unum  
esse idem, aut diversum ; conjunctum, aut disjunctum  
ab alio* 17

4. *Quod Inevidens est, ex rei Evidentis anticipationem  
demonstrari debet* 18

4.

IV.

## Elenchus Capitulorum,

### IV. Canones de Affectione, Passioneve, Criteriorum postremo

- Can. 1. *Ea voluptas, quæ nullam habet annexam Molestiam, amplectenda est* 19
2. *Ea Molestia, quæ nullam habet Voluptatem annexam, fugienda* ibid. 20
3. *Ea Voluptas, quæ aut majorem Voluptatem impedit, aut graviores Molestias parit, fugienda* ibid.
4. *Ea Molestia, quæ aut majorem avertit Molestiam, aut uberiores Voluptates creat, amplectenda* ibid.

### V. Canones circa usum Vocum.

- Can. 1. *Dum loqueris, delige voces communes & perspicuas; ne aut ignoretur quid velis, aut interpretando tempus frustra tæreas* ibid.
2. *Dum audis, idemitere, ut vim subjectam vocibus teneas; ne te vel præ obscuritate lateant, vel præ ambiguitate illudant* 21

## Pars Philosophiæ Secundæ, Quæ est Physica, sive de Natura.

### S E C T. I.

#### De Universo, seu Natura rerum.

- C A P. I. *Constare Vniuersum ex Corpore & Inani, seu Loco* ibid.
- II. *Esse Vniuersum infinitum, immobile, immutabile* 27.
- III. *De Divina in Vniuerso Natura* 29
- IV. *De Prima Materia, sive de Principiis concretarum in Vniuerso rerum* 34
- V. *Dari in natura rerum Atomos, quæ sint concretorum Corporum principia* 35
- VI. *De Atomorum Proprietatibus, Magnitudineque imprimis* 37
- VII. *De Atomorum figura* 40

### VIII.



## Elenchus Caputum.

VIII. De Gravitate, seu Pondere, ac multiplici motu Atomorum	41
IX. Atomus, non item vulgaria Elementa, aut Homomera, esse prima principia rerum	43
X. De Prima & radicali Concretionum Causa; hoc est, de Agente, siue Efficiente	47
XI. De Motu, qui idem cum Actione Effectioneve est; ac de Fortuna, Fato, Fine, & Sympatheticis Antipatheticisque causis	48
XII. De rerum Concretarum Qualitatibus, generalim	51
XIII. Qualitates ex Atomis, spectatis secundum substantiam ac Inanis interceptionem	53
XIV. Qualitates ex Atomis, spectatis secundum proprietates singulatim sumptas	54
XV. Qualitates ex Atomis, spectatis secundum proprietates conjunctim acceptas	56
XVI. De iis Qualitatibus, quæ habentur rerum Eventu; ac præsertim de Tempore	60
XVII. De Ortu, & Interitu; seu Generatione, & Corruptione rerum Concretarum	62
XVIII. De iis, ob quæ genitum corpus in ceterorum genere est, & discernitur à cæteris rebus	66

## SECT. II.

### De Mundo.

CAP. I. DE Forma, & Figura Mundi	ibid.
II. De Novitate Mundi	71
III. De Causa Mundi	72
IV. De Exortu Mundi	74
V. De obeunte suas vices Mundo	77
VI. Obiter de Geniis, seu Demonibus	80
VII. De Fine, seu Interitu Mundi	82
VIII. De Infinitis Mundis	85

## SECT.

# Elenchus Capitum.

## SECT. III.

*De rebus Humilibus, seu Terrenis.*

CAP. I.	<b>D</b> E Terra in medio Mundi consistente	88
II.	De Terræ-motu; ac obiter de <i>Ætneæ Incendio</i>	90
III.	De Mari, Fluviiis, Fontibus, & de Inundatione Nili	92
IV.	De Aquarum quarundam proprietatibus, & de Glacie	94
V.	De Terrenis rebus Inanimis	96
VI.	De Magnete specialiter	98
VII.	De Animalium generatione	100
VIII.	De Usu parium in Animalibus	103
IX.	De Anima, quæ Animalium interna est forma seu nota	105
X.	De Sensu, qui est Animæ quasi anima, universe	108
XI.	De Visu, deque Simulachris in ipsum incurrentibus	111
XII.	Peragi Visionem intercedentibus hujusmodi Simulachris	114
XIII.	De Auditu	117
XIV.	De Olfactu	119
XV.	De Gustatu	120
XVI.	De Tactu	121
XVII.	De Animo, seu Intellectu, Mente, Ratione, illiusque sede	122
XVIII.	Non cogitare Animum, nisi per simulachra incurrentia	124
XIX.	De Affectibus, seu Passionibus Animæ	126
XX.	De Motu Voluntario, ac speciatim de Loquutione Nominumque impositione	130
XXI.	De Somno, ac Insomniis	133
XXII.	De Morbo	135

SECT.

## Elenchus Caputum.

### SECT. IV.

*De rebus Sublimibus, tam Cælestibus, quam Arcis.*

CAP. I.	<b>D</b> E Substantia, & Varietate Siderum	142
II.	De Magnitudine, & Figura Siderum	144
III.	De Motu, & Anteversione; Conversioneque Siderum	146
IV.	De Ortus & Occasu Siderum; deque Dierum & Noctium longitudine alternante	148
V.	De Siderum Luce; & de Phasibus, ac Maculis Lunæ	150
VI.	De Siderum Eclipsibus, Periodisque earum statis	152
VII.	De Præsignificationibus Siderum	153
VIII.	De Cometis, seu Stellis Crinitis; & de vocatis Cadentibus	155
IX.	De Nube	156
X.	De Vento, ac Prestere	157
XI.	De Fulmine	159
XII.	De Fulgure & Tonitru	161
XIII.	De Pluvia & Rore	163
XIV.	De Grandine, Nive, & Præina	164
XV.	De Iride, & Halone	165
XVI.	De Avernus	166
XVII.	De Pestilentia	167

**Pars Philosophiæ Tertia, Quæ est  
Ethica, seu de Moribus.**

CAP. I.	<b>D</b> E Felicitate, seu fine Bonorum, quatenus illius Homo capax est	171
II.	Voluptatem, sine qua notio Felicitatis nulla est, rem bonam sapere natura esse	174
		III.

## Elenchus Caputum.

III. Felicitatem uniuersae in Voluptate consistere	176
IV. Voluptatem, in qua sita Felicitas est, esse Indolentiam corporis & Tranquillitatem mentis	179
V. De iis, quae hanc Felicitatem, seu Voluptatem pariunt, ut cum primis Virtutes sunt	182
VI. De Recta ratione, ac Libero arbitrio, à quo laus omnis Virtutum est	185
VII. De Virtutibus ipsis generatim	187
VIII. De Prudentia uniuersae	190
IX. De Prudentia Privata	192
X. De Prudentia Domestica	195
XI. De Prudentia Civili	197
XII. De Temperantia uniuersae	200
XIII. De Sobrietate aduersus Gulam	202
XIV. De Continencia aduersus Libidinem	207
XV. De Lenitate aduersus Iram	210
XVI. De Modestia aduersus Ambitionem	212
XVII. De Moderatione aduersus Avaritiam	215
XVIII. De Mediocritate inter spem desperationemque futuri	218
XIX. De Fortitudine uniuersae	220
XX. De Fortitudine circa Metum Numinis	222
XXI. De Fortitudine circa Metum Mortis	225
XXII. De Fortitudine aduersus corporis dolorem	228
XXIII. De Fortitudine aduersus Animi Aegritudinem	231
XXIV. De Iustitia uniuersae	234
XXV. De Iure, seu Iusto, à quo Iustitia dicta	236
XXVI. De Origine Iuris, ac Iustitiae	238
XXVII. Quos inter Ius ac Iustitia versetur	242
XXVIII. Quam merito iure Iustitia colatur	247
XXIX. De Beneficentia, Gratiitudine, Pietate, Obseruantia	250
XXX. De Amicitia.	253



## *Philosophia* EPICURI *Syntagma.*

---

### *De Philosophia universe.*

Philosophia, seu studium Sapientiz, est  
 P Rationis exercitatio, qua meditando  
 colloquendoque vitam beatam parat,  
 eaque fruitur. Nempe Philosophia id  
 speciale habet præ cæteris artibus, ut  
 operis finem pro suo fine habeat, il-  
 lumve sic spectet, ut ipso fruatur.

Cum beata autem vita consistat in animi tran-  
 quillitate & indolentia corporis, sed in illa po-  
 tissimum (quatenus sunt animi bona potiora bonis  
 corporis, uti & mala sunt deteriora malis) idcirco  
 Philosophia animi præsertim medicina est, prout  
 ipsum reddit, ac tuetur sanum; scilicet ejus sani-  
 tas ipsamet tranquillitas est.

Quare & hinc efficitur, ut neque debeat Juve-  
 nis philosophandi trahere moram, neque Senex  
 ullatenus philosophando defatigari. Quippe ad  
 habendum sanam mentem nemo immaturus, aut  
 vietus est; & qui prætexit philosophandi tempus  
 aut nondum adesse, aut jam præteriisse, non secus  
 facit, ac is qui dicit bene beateque vivendi tempus  
 aut nondum adesse; aut esse elapsum.

Philosophandum itaque & juveni & seni est:  
 illi quidem, ut dum senescet, perseveret bonis ef-  
 florescere, ob perseverantem, eorum quæ decore  
 eatenus peregerit, gratiam; isti vero, ut annis senex

A.

animis

animis tamen juvenis sit, quatenus erit à futuris independentibusque securus.

Nempe Philosophia est sola, quæ sui cultores fidentes, & ab omni vano timore facit liberos; ipsique adeo serviendum est, ut contingat vera libertas.

Felices ii tamen, qui eo corporis animique habitu sunt, aut in ea gente nascuntur, ut possint sive ex seipsis sive impulsu ab aliis Philosophiæ operam dare, & veritatem prosequi, cujus assequutione homo vere liber, seu sapiens, sibi que imperiosus efficitur.

Siquidem, triplicis sunt notæ, qui animum huc applicant. Sunt enim quidam, qui ad veritatem sine ullius adjutorio exeant. Sunt, qui opera aliena indigeant; non ituri, si nemo praeceperit, bene sequuturi. Sunt, qui cogi ad rectum, compelli que possint; quibus non duce tantum opus est, sed ad jutore, & ut ita dicam, coactore.

Ac sunt primi quidem maxime laudandi; verumtamen egregium quoque secunda fortis ingenium; ac ne genus quidem tertium fastidiendum. Cum certe ex secundo fuerit Metrodorus, ex tertio vero Hermachus; ut illi magis gratulor, ita istum magis suspicio; quoniam quamvis ad eundem finem uterque pervenerit, tamen major est laus idem effecisse in difficiliore materia.

Cum nihil vero esse Philosopho debeat ipsa Veritate antiquius; ideo is ad ipsam recta tender via, & nihil neque finget, neque ab aliis fictum admittet; quoniam nullum figmenti genus veri Professoribus convenit; ac ne probanda quidem videtur illa Socratis ironia perpetua, qua effert in coelum laudibus Protagoram, Hippiam, Prodicum, Gorgiam, ceteros: se autem rerum omnium in-  
feriorem finget & rudem.



Quo minus profecto oportuit confingi à Philosopho illam fabulam de Ero Armenio. Cur enim, si rerum coelestium notionem, si habitum nos animorum docere voluit; non simplici, & absoluta hoc insinuatione curatum est; sed quæ sita persona, casusque excogitata novitas, & composita advocati scena figmenti, ipsam quærendi veri januam mendacio polluerunt.

Hac ergo de causa vir sapiens neque Poetarum fabulas audiet, neque ipse poemata fabulosa elucubrabit. Quinetiam Oratorum technas fucosque averfabitur; ac ut nihil aliud ex Grammatica quam orationem congruam, sic ex Rhetorica nihil aliud quam perspicuam exigens, dictione utetur simplici atque familiari, & sive scholam aperiat, sive libros scribat, sive rogatus scriptorum quid coram multitudine legat; cavebit, ne id panegyricæ, atque hyperbolice fiat.

Quandoquidem vero ex philosophantibus quidam sunt, qui circa veritatem nihil certi tradant, sed de omnibus dubitent; quidam, qui omnia sciri putent, ac indiscriminatam affirmant: videtur Sapiens, & qui germane philosophari instituit, sic se habiturus, ut non asserat quidem omnia; sed quæpiam tamen placita rata, & de quibus non sit hærendum, defendat.

Nam quoties quidem aliqua sunt, quæ possunt multis peragi modis, uti Eclipses Siderum, uti eorundem ortus, occasus, Sublimiaque cætera; tunc unam modum ita probare, ut improbentur cæteri, ridiculum profecto est: at quoties agitur de iis, quæ nisi uno modo esse non possunt aut fieri, cujusmodi sunt illa Effata; Ex nihilo nihil fit; Universum ex Corpore & Inani constat; Principia rerum sunt insectilia; cæteraque hujusmodi; tunc quoque perabsurdum est iis non firmiter adherere.

Hinc fit, ut sit Sapientis proprium, sicut in illis multiplicem, sic in istis modum unicum tueri, ac non vacillare, neque à quæsita semel Sapientia discedere. Videlicet, secus ac illi, qui quasi ex legis præscripto agentes, non ut ipsæ res exigunt, de natura philosophantur, ac ideo à recto tramite excedunt, & ad fabulas delabuntur: non advertentes, ut ad vitam nihil conferat, aut placita propria jactare, aut inani gloria gestire, sed animo imperturbato esse.

Cæterum cum duæ præcipue statuantur Philosophiæ partes; una Physica, quæ in Naturæ contemplatione sita sit; altera Ethica, quæ in dirigendis ad beatam vitam moribus versetur: patet profecto, aut Ethicam universam esse Philosophiam, aut Physicam quidem in partem venire; verum quatenus ipsa quoque ad beatam vitam conducit.

Nam, si nihil quidem nos conturbarent quæ suspicamur veremurque à rebus illis Sublimibus, ac etiam à morte, quasi aliquid pertineat ad nos: Si item satis caperemus qui sint cupiditatum fines, & quousque dolor, qui est ex illis, sedandus sit; nihil Physiologia, hoc est, naturæ explicatione, indigeremus.

Verum, quia fieri non potest, ut tantum bonum, nisi perspecta rerum natura, assequamur, sed ut pueri in tenebris trepidant ac nihil non metunt, ita nos misere versantes in ignorantia caligine, ea timeamus, quæ fabulosa, ac magis metuenda non sunt, quam quæ pueri in tenebris pavitant, & futura fingunt; ideo est necesse, ut terrorem hunc, tenebrasque has animi, non ipsi sane radii Solis, sed naturæ species, ac ratio; seu, quod idem est, Physiologia discutiatur. Est ergo etiam Physica ut pars Philosophiæ habenda.

Quam

Quam aliqui autem præterea, quasi tertiam partem, Dialecticam addunt; ea repudianda idcirco est, quod, quatenus quidem vulgo traditur, nihil aliud quam spinas vellat, inanis loquacitas sit, & cavillorum officina; imo & quod sit etiam superflua ob finem quem præstituunt; ut videlicet Physicorum ratiocinia percipere, & dijudicare possimus; quoniam nulla alia ad hoc re est opus, quam ut Physici & consuetis & perspicuis rerum vocibus utantur.

Quod si quidpiam præterea esse videretur utile, id esse aliud nihil potest, quam collectio Canonum, Regularumve quarundam paucarum; quæ ut de ipsis vocabulis, sic de Criteriis, quibus solemus res dijudicare, tradantur.

Quo pacto vice operosæ prolixæque Dialecticæ, haberi hæc brevis Canonica potest; & aut reputari Philosophiæ pars (tametsi minus præcipua) aut haberi veluti quædam accessio facta Physicæ; quippe quasi ad illam brevis introductio.

## PARS PHILOSOPHIÆ PRIMA,

*Quæ est*

### CANONICA, sive DE CRITERIIS.

Itaque, ut inde exordiamur; cum omnis, quæ in Philosophia excitatur Quæstio, aut de Re, aut de Uoce sit, & ad illius solutionem varii tradi Canones valeant; ideo pars Philosophiæ prima illos continens, vocari Canonica potest.

Quia vero de Voce non aliud quam usus significatione ejus quæritur, de ipsa Re vero ejus veritas quæ est quid abstrusum, investigatur; ideo complexuri Canonibus paucis, quæ ad usum Vocum

attinent, plusculos prius afferemus de ipsa Veritate, ejusve Criteriis; sed ubi tamen pauca præfari de illa, ac de his fuerimus.

### C A P. I. *De Veritate, illiusque Criteriis.*

**I**Nitio ergo Veritas intelligi potest, ac distingui duplex; una Existentiæ existentiaevæ, & Enunciationis seu Judicii alia.

Veritas Existentiæ ea est, qua unaquæque res in ipsa rerum natura existans, est id ipsum quod est, nihil vero aliud. Unde & nulla Falsitas huic Veritati opponitur (neque enim Orichalcum v. c. falsum aurum est, sed verum Orichalcū) nihilq; adeo differt aliquidne existans existensve dicas, an verum.

Veritas autem Enunciationis seu Judicii nihil aliud est, quam conformitas enunciationis ore factæ, aut judicii mente peracti, cum ipsa enunciata, seu judicata re.

Veritas vero ista est, cui opponitur Falsitas: nam, ut Verum est, quod ita se habet, ut se habere dicitur; sic Falsum, quod ut se habere dicitur, non ita se habet.

Obiter porro circa id, quod Contingens futurum vocant, Veræ sunt quidem quæ dicuntur ex contrariis disjunctiones, seu complexiones mavis, quæ fiunt per disjunctivas particulas; veluti si dicatur, Aut vivet cras Hermachus, aut non vivet; at quæ in his enunciantur (seu oppositorum membrorum) neutrum verum est; neque enim ulla est in natura necessitas, ut Hermachus cras vivat; neque iterum, ut non vivat.

Ad hæc, quoniam res, cujus veritas quaeritur, aut ad solam speculationem, aut ad vitæ actionem spectat, & priore modo scientiæ Naturalis, posteriore Moralis est; idcirco habendum Criterium,

terium, sive judicandi instrumentum est, quo utrovis modo expendi, judicari, cognosci possit.

Cæterum, quia res naturales, aut Sensu, aut Mente; & res morales, ipso Affectu, appetitive, percipiuntur; ideo ex parte istorum accipienda Criteria sunt.

Et ex parte quidem Sensus, non potest aliud accipi quam ipsa ejus functio, seu Sensio, quæ ipsa quoque Sensus nomine donatur.

Ex parte autem Mentis, quia præter functionem quam habet, dum rem quasi præsentem & apparentem, sensus instar contuetur (unde & perceptio apparentiæ, seu ejus, quod res tam Menti, quam Sensui esse apparet, Phantasia vocatur) quia, inquam, præter hanc functionem, Mentis proprium est, ut ratiocinetur: ideo exigitur Prænotio, seu Notio quædam anticipata, ad quam respectando quidpiam inferatur.

Ex parte denique Affectus, sive Appetitus cujus proprium est prosequi aut refugere aliquid, aliud accipi quam ipsa Affectio, seu Passio non potest; eaque aut alliciens, utputa Voluptas; aut averrens, ut Molestia, seu dolor.

Itaque tria sunt omnino Criteria; Sensus nimirum, sive Sensio; Prænotio, seu Anticipatio; & Affectio, seu Passio; de quibus singulis proinde Canones aliquot sunt tradendi.

## C A P. II. *Canones de Sensu Criteriorum primo.*

AC ut primum quidem de Canonibus, quæ ad Sensum spectant, dicamus; ii statui possidentur quatuor.

## CANON I.

*Sensus nunquam fallitur ; ac proinde est omnis sensio, omnisque phantasia, seu apparentia, perceptio vera.*

Id vero probatur imprimis, quoniam omnis Sensus ratiocinationis est expers, recordationisque prorsus incapax; quippe cum neque à seipso moveatur, neque motus ab alio, addere quidpiam, detrahereve, five enunciando copulare, aut disjungere, concludendove inferre valeat; ut propterea possit quidpiam opinari, aut opinando falli. Scilicet Mens quidem id potest; at non ipse Sensus, cuius proprium est id solum, quod est præsens, quodque ipsum movet, apprehendere, ut visus objectum colorem; non item vero discernere illud quidem esse, quod hic; aliud, quod illic subjicitur. Nude porro apprehendentis, nihilque omnino pronunciantis, neque mendacium, neque falsitas est

Deinde, quia nihil est, quod refellere, falsive arguere ipsos sensus possit. Neque enim sensus genere similis similem genere refellet, ut visus dextri oculi visum sinistri, aut visus Platonis visum Socratis; idque propter æquipollentiam, seu quod par ratio utriusque sit; neque enim lippus minus videt id, quod videt, quam Lynceus id videt quod videt: Neque genere dissimilis genere dissimilem, ut visus auditum, gustatus olfactum: quoniam diversa objecta habent, ferendoque iisdem de rebus iudicio minime inserviunt. Neque item una sensio ejusdem sensus aliam; quoniam nulla est, qua non afficiamur, cuique, donec ipsa affici-mur, non adhæreamus, assentiamusve; ut dum baculum nunc extra aquam rectum spectamus, nunc



ex parte immersum recurvum contuemur ; neque enim, quantumvis nitamur, aut in priore statu curvum, aut in posteriore rectum videre fas est : Neque denique ratio, seu ratiocinatio ; quoniam omnis ratiocinatio à præviis pendet sensibus, oportetque sensus prius esse, quam ipsam rationem iis innixam, veros.

Confirmatur autem, quia Sensus est Criteriorum primum, ad quod provocare quidem à cæteris licet ; ipsum vero debet constare per se, ac manifestæ esse veritatis. Nam si falli quidem omnem sensum dixeris, deerit tibi Criterium, quo vel idipsum de aliquo sensu particulari dijudices, ac probes : Sin aliquem solummodo, perplexa te disputatione intricabis, dum requiretur, quis, quomodo, quando fallatur, aut non fallatur sensus ; adeo ut cum dirimi controversia non valeat, necesse sit omne Criterium tibi excidat. Unde & inferre licet, si ullum sensibus visum falsum est, nihil percipi posse ; seu (ut aliis verbis dicam) nisi omnes phantasiæ, nudæve rei perceptiones sint veræ, actum esse de fide, constantia, atque iudicio veritatis. Nam qui phantasiarum inducunt discrimen, probare hoc ipsum non possunt, esse videlicet ex iis alias quidem veras, al'as autem falsas. Neque enim probabunt ulla re apparente, quoniam questio est de rebus apparentibus ; neque ulla immanifesta, quoniam quod est immanifestum, per quidpiam apparens demonstrandum est.

Confirmatur iterum, quia sublata sensuum certitudine, atque adeo germana rerum cognitione & scientia, tollitur omnis & vitæ degendæ & rerum gerendarum ratio. Nam ut in fabrica, si regula prima sit prava, si norma fallax, si libella claudicans, fieri mendose omnia, atq; evadere obstipa absonaque necessum est ; sic omnia in vita præpo-

stere fiant, ac evadant perturbationis confusionis-  
que plena oportet, si quæ est habenda quasi prima  
regula, norma, ac libella in dignoscendis bonis ac  
malis, iisque, quæ agenda sunt, aut non agenda  
discernendis, prava, atque perversa sit; hoc est,  
certitudine, quæ illius quasi rectitudo est, careat.  
Ex quo proinde efficitur, ut licet ratio, exempli  
gratia, explicare causam non possit, cur ea, quæ  
juxtim quadrata sunt, rotunda procul appareant,  
præster nihilominus balbutire, & mendose dicere  
causam, quam fidem primam labefactare, & fun-  
damenta convellere, quibus vitæ constantia in-  
columitasque ita nititur, ut nisi sensui credere  
ausis, non sit, quo caveas, ut præcipitium, perni-  
ciemve aliam evites.

Tertio, quia veritas sensuum vel ex eo patet,  
quodeorum functiones in ipsa rerum natura ex-  
sistent, seu reipsa vereque sint; quippe videre nos,  
& audire, tam est aliquid, quod revera est, quam  
ipsum dolere; nihilque, ut mox dictum, di-  
scriminis est, seu quid exstans dicas, seu ve-  
rum.

Sane, ut res paulo uberius dicatur; quemadmo-  
dum primæ passionēs, voluptatis puta & molestiæ,  
pendent ab aliquibus causis ipsas efficientibus, ac  
ob hujuscemodi causas in ipsa rerum natura con-  
stant; Videlicet voluptas pendet à rebus jucundis,  
molestia vero à molestis. & neque contingit illud,  
quod efficiens est Voluptatis, non esse jucundum,  
neque quod molestiam exhibet, non esse mole-  
stum; sed necesse est, quod voluptatem creat,  
jucundum; quod molestiam, molestum secundum  
naturam sit. Eadem ratione circa passionēs phan-  
tasiarum, que sunt in nobis, quicquid cujuslibet  
illarum efficiens est, prorsus omninoque est tale,  
ut sit phantasiæ efficiens & tale cum sit, effici  
non

non potest, ut aliud evadat, quam cujusmodi deprehenditur id, quod phantasiæ est effectivum. Idem porro speciatim est de singulis existimandum. Quippe quod est visibile, id non apparet modo visibile, sed tale etiam est, quale & videtur; Et audibile non modo apparet modo audibile, sed revera quoque est tale : atque ita de cæteris. Quare omnes phantasiæ veræ, & congrue quidem ad rationem fiunt.

Exinde autem patet, visa quoque tam delirantium, quam somniantium ea de causa vera cæseri, quod revera sint, seu re ipsa existent; siquidem facultatem movent; cum id quod non est, nullatenus moveat; adeo proinde ut in natura necessitas, sit, qua speciebus rerum, quæ in mente aut imaginatione recipiunt, talimodo motis, commistis, turbatis, non possint talia visa non fieri; quicquid postea sit de opinione, qua res tales esse in se, quales apparent, judicantur, & de qua dicendum jam est.

## CANON II.

*Opinio est consequens sensu, sensuique superadjecta, in quam veritas, aut falsitas cadit.*

Probatur id autem, quia, exempli gratia, dum Turris apparet oculo rotunda, sensus quidem verus est, quia revera specie rotunditatis afficitur; eaque species & talis est, & causam habet necessariam, propter quam in hujusmodi distantia sit talis. Non fallitur autem, quia talem esse turrim non pronunciat, sed passive solum se habet, speciem accipiens, ac referens duntaxat quid sibi appareat. Verum Opinio, seu mavis, Mens cuius est opinari, seu iudicium ferre, quatenus addit, quasi de suo; Turrim esse id, quod sensui apparet,

rot, seu esse turrin in se & revera rotundam; opinio, inquam, ipsa est, quæ vera esse, aut falsa porest.

Quocirca & inferre licet, omnes quidem phantasias, seuensiones, quibus res apparentes percipiuntur, veras esse; sed opiniones quod attinet, admittere ipsas aliquod discrimen; quippe aliæ veræ, aliæ falsæ sunt, quatenus sunt nostra iudicia phantasiis superaddita, & nos quædam recte, quædam perperam iudicamus: ob id scilicet, quod phantasiis addatur imputeturque aliquid, aut aliquid etiam ipsis detrahatur, ac universe Sensus, qui ratiocinii expers est, mendaciter insimuletur.

Nonnullos autem decipit ea phantasiarum, quæ ab eodem contingere sensibili, (ut adspectabili, v. c.) existimatur, diversitas, iuxta quam subiectum aut alterius coloris, aut alterius figuræ, aut alio quodam modo immutatum apparet. Reputant enim discrepantium pugnantiumque sic phantasiarum, aliam quidem esse oportere veram, aliam vero esse ex opposito falsam; quod stolidum profecto est, ac hominum qui ipsam rerum naturam non considerant. Non enim totum solidum, seu tota ipsa corporis soliditas est, quæ videtur (ut verba faciamus de visibilibus) sed ipsius solidi color. Coloris vero aliud quidem est, quod in ipso est solido, qualeque apparet in iis quæ prope aut mediocri ex intervallo conspiciuntur; aliud, quod extra solidum (utpote dimanans ab ipso species, seu simulacrum) recipiturque in locis ordine succedentibus, qualeq; apparet in iis quæ ex intervallo prolixo spectantur. Hoc autem posterius in spatio intermedio immutatum, propriamque assumens figuram, talem phantasiam exhibet, quale ipsum revera est.

Quo

Quo ergo modo neque vox, quæ in ære pulsato est, neque ea quæ in ore est vociferantis, exauditur, sed ea quæ in sensum nostrum incidit (nempe idem esse in duobus dissitis subjectis non potest :) & quemadmodum nemo dicit eum falso audire, qui ex intervallo seu distantia vocem exiguam percipit, quoniam cum proprius accesserit eam percipit quasi maiorem : Sic neque visum dixerim falli, quod eminus turrim parvam videat ac tere-rem, cominus maiorem & quadrangularem ; sed ipsum potius se vere habere, quoniam quando ipse sensibile parvum, ac huiusmodi figuræ apparet, parvum ibi revera est, ac huiusmodi figuræ, contractis nempe simulacrorum ipso per aerem trajectu extremis, (ac adeo angulo minore in oculum subeuntibus) & rursus quando magnum apparet, figuræque alterius, illic rursus & magnum est, & alio modo figuratum : videlicet idem utrobique non est (ut puta hic jam integrioribus, & maiore angulo in oculum subeuntibus simulacrorum extremis) Caterum enim illud jam perversæ opinionis est, existimare id quod prope, proculque spectatum apparet, oculumve afficit, idem esse.

Non est vero etiam cur falli visum dicant, cum videmus umbram in Sole moveri, sequi nostra vestigia, ac gestus nostros imitari. Siquidem aliud nihil est umbra, quam aer lumine privatus ; & quia procedentibus nobis, terra succedenter nunc hic, nunc illic privatur Solis lumine, uti & qua erat ante privata, id succedenter recuperat ; fit quidem, ut umbra videatur & locum mutare, & nos consequi ; at non ideo tamen oculi falluntur, quatenus illorum solummodo est contueri lucem, contueri umbram, quocunque tandem loco fit ; pronunciare autem eam lucem, vel umbram  
que

quæ hic est, eandem esse, aut aliam quæ mox fuit illic, hoc non illorum opus est, sed mentis, five animi, cuius munus est discernere, ac opinari; adeo proinde, ut quicquid hic falsitatis intervenit, id sit opinioni, non sensui tribuendum.

Idem porro etiam proportionem dicendum est ad sexcenta alia, quæ objici solent; cuiusmodi illa sunt, de navivisa immota, ac prætereunte littore; de Sideribus quiescere visis; de montibus disitis, & procul tamen visis conjunctis; de circumcursatione post gyrationem pueris apparente; de Sole proxime montes viso, cum tanta spatia interjaceant; de tanto spatio sub aqua viso, quantum inde ad cœlum est; de flumine, dum trajicitur, in caput suum relabi viso; de porticu visa abire in angustum; de Sole viso ex undis emergere, in undas deinergi; de remis inflexis, seu refractis visis; de nocturnis Sideribus præter nubila properare visis; de rebus ob distortam pupillam geminatis visis; & quæ id genus alia sunt.

### CANON III.

*Opinio illa vera est, cui vel suffragatur, vel non refragatur sensus evidentia.*

Sensus evidentiam hic voco illam sensationis phantasiæve speciem, cui, remotis omnibus ad judicandum obstaculis, ut distantia, ut motu, ut medio affecto, & quæ alia sunt ejusmodi, contradici non potest. Unde & quæstione facta, An res, qualis apparet, talis sit, non est temere pronunciandum, sed observandum illud est, quod dicere soleo *Προσμενδύειν*, *Expectabile*; quasi scilicet expectandum sit, quousque modis omnibus, quibus fieri potest, res expensa sit atque explorata.

Suffra-



Suffragatio autem à me dicitur comprehensio per evidentiam facta, quod opinabile tale sit, quale fuerimus prius opinati. Veluti, Platone procul accedente, conjicio quidem & opinor, quantum per intervallum licet, esse eum Platonem; at vero, cum appropinquaret, & intervallum sublatum est, tunc fit attestatio, quod Plato sit, suffragatioque per ipsam rei evidentiam habetur.

Non-refragatio vero dicitur consequutio rei inevidentis, quam supponimus, & opinamur ad quidpiam apparens sive evidens respicientes. Uti dum dico esse Inane, quod quidem est inevidens, id per rem evidentem, ut puta per Motum suadet. Quippe Inani non existente, neque motus futurus est; cum corpus movendum loco destitatur, in quem se recipiat, quod omnia plena pressaque sint. Quo fit ut rei inevidenti id quod est apparens, seu evidens, non refragetur, videlicet motus cum sit.

Itaque Suffragatio, & Non-refragatio Criterium est, quo verum esse quidpiam probatur. Adhibendus autem ad hunc Canonem.

#### CANON IV.

*Opinio illa falsa est, cui vel refragatur, vel non suffragatur sensus evidentia.*

Quo loco Refragatio est quidpiam oppositum Non-refragationi; siquidem rei evidentis una cum inevidenti supposita, conversio est. Quemadmodum, exempli gratia; dicunt aliqui non esse Inane; cum hoc autem supposito converti debet quod evidens est, motus nimirum; quandoquidem, si Inane non sit, necesse est motum quoque non esse, prout jam declaratum est.

Pari autem modo Non-suffragatio Suffragationi opposita est ; videlicet Subversio est, qua constat esse opinabile, cujusmodi fuerat opinione conceptum. Ut, quopiam procul accedente, cum pro intervalli ratione Platonem esse conjicimus ; sublato autem intervallo, constat nobis per evidentiam, quod Plato non sit. Atque talis quidem est Non-suffragatio ; nam opinioni præhabitæ res evidens non suffragatur. Itaque sicut Suffragatio & Non-refragatio Criterium est, quo aliquid verum probatur ; ita Refragatio & Non-suffragatio Criterium, quo quidpiam evincitur falsum ; ipsaque interim Evidentia, basis, ac fundamentum est, cui innititur omnis recta de vero falsoque opinio.

Prætereo autem Evidentiam interdum uno sensu haberi, ut circa proprium sensibile ; interdum etiam pluribus, ut cum sensibile est commune, sicut magnitudo, & figura ; distantia, & situs ; quies, & motus ; aliaque id genus, quæ possunt visu, tactuque percipi ; ac nisi sensu uno, saltem alio manifesta evadere ; quo modo quoque interdum fit, ut propter varias qualitates advocari possint sensus varii, ut quæ evidentia non habetur uno, obtineatur alio ; veluti cum visu discerni non potest, panis ne oblatus sit verus, an fictus ; advocari potest gustatus, quo utrum sit, fiat evidens.

Hoc vero insinuo, ut adinoneam, postquam omnia rite expenderimus, adhaerendum esse iis rebus, quas coram positas habemus ; ac usi quidem sensibus, sive communibus circa sensibilia communia, sive propriis circa propria ; quippe cum standum sit universe omni Evidentiæ, quæ in promptu est juxta unumquodque, sed istud præsertim Criterium ; ac omnino tenere istud, quasi inconcussum principium oporteat ; ne aut Criteria, quæ stabiliuntur per Evidentiam, evertantur ;

aut Error pari robore, quo Veritas, constabilitus, omnia susque deque perturbet.

Nihil necesse est autem repetam, speciatimve admoneam, quid sit agendum circa allatum de turri procul terete rotundave visa exemplum: oportere enim ex deductis constat, priusquam aliquid pronuncietur, & expectare, & accedere cominus, & explorare, addiscereque, talisne turris cominus, qualis & eminus appareat.

Unum generatim duntaxat inculco; videlicet, nisi servata, quo dictum est modo, veritate sensuum, id quod est Opinabile, distinguas in id quod Expectabile est, tempusve (quasi nondum debite perspectum) deposcit, priusquam quale sit pronuncietur, & in id quod Præsens, positumve coram, exploratumque est; fore ut vana penitus opinione te ipsum conturbes. Sin autem id omne, quod hic appellatur Exspectabile, cum opinabilia mente agitabuntur, firmiter habueris ut tale, neque leviter præterieris, quasi constans, & admitendum id, quod, nullius Evidentiæ suffragium habens, falsum est; fore eo casu, ut te geras pro eo, qui ab omni ambiguo cavet, attenditque sollicitè, quale omne iudicium sit, quod de re opinabili aut recte, aut perperam fertur.

## CAP. II. *Canones de Prænotione, Anticipatione, Criteriorum altero.*

UT jam de ipsa Prænotione, seu Anticipatione, dicamus, videntur posse quoque de ipsa quatuor institui Canones.

## C A N O N I.

*Omnis quæ in mente est Anticipatio, seu Prænotio, dependet à sensibus; idque vel incurfione, vel proportionem, vel similitudine, vel compositione.*

Intelligo autem notionem, seu quasi ideam, ac formam, quæ anticipata dicatur Prænotio, gigni in animo incurfione, seu mavis, incidentia, dum directe & per se incurrit inciditve in sensum, veluti homo coram spectatus. Proportionem vero, dum notio aut forma ante habita amplificatur, aut extenuatur, sed partium tamen numero, situ, figuraque servatis, cum congrua cujusque magnitudine; ut dum viso iustæ magnitudinis homine deformamus animo speciem, amplificando quidem Gigantis, extenuando vero Pygmæi. Similitudine, dum instar rei, quæ fuerit prius sensu percepta, similem aliam imaginamur; ut dum civitatem non visam visæ instar concipimus. Compositione denique, dum quas duarum aut plurium rerum distinctas notiones habemus, in unam quasi compingimus; ut dum equi & hominis notiones ita adunamus, ut quæ Centauri sit consurgat; sed nempe ratiocinio ad hoc non-nihil conferente.

## C A N O N II.

*Anticipatio est ipsa rei notio, & quasi definitio, sine qua quidquam querere, dubitare, opinari, imò & nominare non licet.*

Quippe nomine Anticipationis, Prænotionisve, intelligo comprehensionem animi, opinionemve quandam congruam, sive mavis intelligentiam menti defixam, existentemque quasi memoriam  
monu-

monumentumve ejus rei, quæ extrorsum sapius apparuerit (quamve mens in se aliquo expositorum modorum deformaverit) cuiusmodi est v. c. idea, seu forma, atque species illa, ad quam respicientes, dicimus apud nosmetipsos, Tale quid est homo. Quippe simul atque audimus pronuntiarī hanc vocem, Homo, illico hominis effigies intelligitur, juxta deformatam in animo præviis sensibus anticipationem.

Quamobrem, quæ res cuique voci primo præcipueque subiecta, animo apprehenditur, est quidpiam perspicuum atque evidens; neque enim, dum quid quærimus, aut de eo hæremus, quidpiamve opinamur, id faceremus, nisi illius Prænotionem jam haberemus. Veluti, quando quærimus, Id quod procul apparet, Equusne, an Bos est? Quippe aliquando vidisse, anticipationequē novisse Equi & Bovis formam oportet. Sane enim alioquin, ne nominaremus quidem aliquid, nisi prius quandam illius effigiem Anticipatione notam teneremus.

Ex his autem fit, ut si requiratur, quid quæpiam res sit, illam definiamus, sive describamus, quatenus se habet, quam in animo habemus illius Anticipationem. Neque id modo, cum quid qualisve res singularis sit, rogamur, v. c. quid, aut qualis sit Plato; sed etiam cum quid qualisve sit universalis, ut Homo, non iste, aut ille, sed generatim consideratus. Nimirum id fit, prout mens, visis pluribus singularibus, variisque discriminibus illorum quasi sepositis, Anticipationem ejus, quod commune habent, effingit, ac in se defigit, quasi universalem notionem, ad quam respiciendo, dicimus, Hominem, v. g. esse aliquid animatum, ac tali forma præditum.

## C A N O N I I I.

*Est Anticipatio in omni Ratiocinatione principium ; quasi nempe id, ad quod attendentes inferimus unum esse idem, aut diversum ; conjunctum, aut disjunctum ab alio.*

Etenim, dum quid sive enunciando, sive ratiocinando opinamur, id à quapiam re prius evidente dependet ; utpote ad quam attendentes, cogitationemve nostram referentes, inferimus id, de quo agitur, tale esse, aut non esse ; hoc est, idem aut aliud, cohærens aut non cohærens cum illo. Sic enim, si probandum sit, hoc, quod videmus, hominem esse ; ad prænotationem de homine habitam sic respicimus, ut nihil hærentes dicamus, Homo est quidpiam animatum, ac tali forma præditum ; Hoc quod video & animatum, & tali forma præditum est ; Quare hoc, quod video, est homo : vel, Non est istud animatum, talive forma præditum ; Quare istud homo non est.

Non est verò necesse omnia exquisitis, & cujusmodi à Dialecticis jactantur, confirmare rationibus, scrupulosive ratiocinandi formis. Nam interest quidem inter argumentum, conclusionemque rationis, & inter mediocrem animadversionem, atque admonitionem : quod altera occulta quædam & quasi involuta aperiantur, altera prompta & aperta judicentur. Verum ubi Anticipationes quales oportet, exstiterint, tum citra ullum artificium, dialecticamque machinationem, & perspicue dignoscitur, & sponte naturæ infertur, quid ex iis vel sequatur, vel non sequatur ; seu quid illis congruum, incongruumve sit ; adeo proinde, ut nihil aliud quam curandum sit, ut claræ & distinctæ de rebus Anticipationes habeantur.

CANON



## C A N O N I V.

*Quod Inevidens est, ex rei Evidentis anticipatione demonstrari debet.*

Nempe hoc est, quod mox dicebam, debere perspicuas evidentese esse Anticipationes rerum, ex quibus quidpiam inferimus, & de quibus opinando sumptiones seu propositiones quasdam facimus, quæ sint effata, sive principia, quibus demonstrari illud quod infertur, sive concluditur, censeatur. Est enim Demonstratio, oratio, quæ per sumptiones concessas colligendo, aperit non manifestam veritatem. Quo modo, ut dari Inane, quod immanifestum est, demonstretur; supposita Inanis anticipatione, itemque anticipatione rei evidentis, cujusmodi est motus, sumptiones istæ præmittuntur, Si motus est, inane est; Atqui motus est; tumque infertur, Ergo est inane.

Hoc loco autem Motus accipitur quasi Argumentum, seu Medium; aut, si mavis, Signum, quod proprie res esse sensibilis debeat. Sensus enim est, juxta quem necessarium est facere ultimo ad id, quod occultum est, ratiocinando conjecturam. Tamen si tale Signum, seu Medium, non semper necessariam cum eo, quod infertur, habet connexionem; sed est interdum contingens solum, seu probabile, & quod aliter se habere possit.

Hujusmodi autem sunt multa, ex quibus ratiocinamur de rebus præsertim sublimibus, utpote, quæ fieri non uno, verum pluribus modis possint, ut jam ante insinuatum est.

Potest quin etiam huc spectare quam dicere  
*ἰσομετρίαν, Ἀεὶ ἀπορροήν, & ἀεὶ ἀπορροήν*  
 soleo; juxta quam infertur, posito uno contrario-  
 rum

rum in rerum natura, poni debere & alterum; ut cum ita ratiocinor: Si mortalium tanta multitudo sit, esse immortalium non minorem; &, Si quæ interimant, innumerabilia sint, etiam ea, quæ conservent, infinita est debere.

Quod superest, adversus illos, qui Demonstrationem ullam dari negant, hoc uti ratiocinio licet. Aut intelligitis, quid sit Demonstratio, aut non intelligitis. Et si intelligitis quidem, habetisque ejus notionem; igitur Demonstratio est. Si vero non intelligitis, quomodo id requiritis, quod ne animo quidem assequimini?

Cum vero ipsi iidem sint, qui fidem sensuum abrogent, ac nihil sciri profiteantur; an non, cum se quoque fateantur nihil scire, id ipsum, an sciri quidpiam possit, nesciunt? Non igitur adversus illos, quod capite retro insistant vestigia, esse videtur contendendum; sed si dicant tamen, & ego concedam id ab illis sciri, percontabor jure; cum ante nihil verum in rebus ipsis viderint, undenam quid rei sit scire, quid vicissim nescire, sciant?

#### C A P. IV. *Canones de Affectione, Passioneve, Criteriorum postremo.*

**D**Enique & circa Affectionem, Passionemve, quam esse dixi Voluptatem, atque Molestiam, esse possunt Canones quatuor.

##### C A N O N I.

*Ea Voluptas, quæ nullam habet annexam Molestiam, amplectenda est.*

##### C A N O N II.

*Ea Molestia, quæ nullam habet Voluptatem annexam, fugienda.*

CANON

## CANON III.

*Ea Voluptas, quæ aut maiorem Voluptatem impedit,  
aut graviolem Molestiam parit, fugienda.*

## CANON IV.

*Ea Molestia, quæ aut maiorem avertit Molestiam,  
aut uberiolem Voluptatem creat, amplectenda.*

Hæc edifferenda in Ethicis fusius. Interim autem totum hoc de Voluptate sic precipio, ut Voluptatem ipsam per se, quia Voluptas sit, optandam expetendamque putem; eademque ratione Dolorem, seu Molestiam, ob id ipsum quod dolor sit, semper esse fugiendum. Unde & censeo esse Sapientem hac compensatione usurum, ut Voluptatem fugiat, si ea maiorem dolorem effectura sit; & Dolorem suscipiat, maiorem efficientem Voluptatem. Ipse certe recessurus à Voluptate sum, Dolorem etiam appetiturus, si aut Voluptati imminet Pœnitentia, aut Dolor minor pro graviore sumetur.

CAP. V. *Canones circa usum vocum.*

**N**unc ut, quod posteriore loco attingendum susceperam, subijciam pauca de Vocum usu, & eo quidem maxime qui in differendo attenditur, videntur posse duo Canones circa illum sufficere; alter pro illo, qui loquitur; alter pro illo, qui ipsum audit. Ii autem sunt hujusmodi.

## CANON I.

*Dum loqueris, delige voces communes, & perspicuas;  
ne aut ignoretur quid velis, aut interpretando tem-  
pus frustra teras.*

CANON

## C A N O N   I I .

*Dum audis, id enitere, ut vim subjectam vocibus teneas; ne te vel præ obscuritate lateant, vel præ ambiguitate deludant.*

Scilicet ante omnia res subjectas vocibus, seu quid voces significant, tenere oportet, ut habeamus, quo respicientes, quæcunque sive opinamur, sive quærimus, sive ambigimus, dijudicare tuto possimus; ne si omnia nobis injudicata præterant, tum illi, qui nobis demonstrare aliquid volunt, in immensum procedant; tum nos nihil aliud quam verba inanæ sive voces habeamus. Necessesse est enim respicere nos ad cujusque vocis notionem significationemve primariam, ac nulla ad eam rem percipiendam demonstratione indigere; si habituri quidem sumus, quo illud, de quo quæstio, dubitatio, aut opinio est, referamus.

Exinde autem est, cur omnis in quærendo, quæ via quadam & ratione habetur oratio, præscribere primum debeat, ut quibusdam formulis ea res agatur, ut inter quos differitur, conveniat, quid sit id, de quo differitur. Adeo ut, si cui non conveniat, sed lubeat magis cavillari, ambiguoque ludere, differendum cum eo non sit, aut cogendus identidem sit quid intelligat planum facere; nempe & ars ejus hoc modo patefcet, & captiones ejus seipsas dissolvent, & non tam quempiam illaqueabit, quam se ipse Sophistam ridiculum prodet. •

P A R S

PARS PHILOSOPHIÆ II.  
*Quæ est*  
 PHYSICA, sive DE NATURA.

**A**gredi jam Physicam decet, quam & Physiologiam soleo dicere, quod sit sermo quidam, & ratiocinatio circa rerum naturam, in qua contemplanda tota occupatur.

Dictum porro jam ante est, esse eum nobis illius scopum, ut ex perspectis rerum naturis, nihil in nobis perturbationis seu à rebus Sublimibus, seu à Morte, seu ab ignoratis Cupiditatum finibus, seu undelibet suboriri possit. Cum vero tam multa ac tam varia sint, quæ hæc contemplatio ambitu suo complectitur, esse perutile videtur, si quibus forte implicitis profundiore aliquo studio liberalium disciplinarum, aut præ occupatione alia, non vacet omnia sigillatim exquisitæque cognoscere; saltem apparatus habere idoneum aliquod totius de natura scientiæ Compendium, ut quodocunque animum ad argumenta rerum præcipua advertere voluerint, possint ipsimet sibi opem ferre, pro eo certe modulo, quo ipsam naturæ contemplationem attigerint.

Sane vero iis etiam, qui in rerum omnium, de quibus tractat Physiologia, speculatione sunt proVectiores, perutile est compendiosa quadam tractationis totius Idea ipsarum rerum per capita summa digestarum memoriam tueri; scilicet crebro evenit, ut generali quadam rerum inspectione indigeamus; disquisitione speciali non item.

Quamobrem hæc via tenenda, ac deinceps id studii in excolenda memoria adhibendum continuo est, ut & ipsa ad res attentio constans facilisq; evadat, &

& ex rerum formis, seu notionibus generaliter comprehensis animoque defixis, ac aliunde juxta prima principia, juxtaque voces, quibus explicantur, expensis, si quid fuerit specialiter disquirendum, inveniri possit. Quippe ubi talis constantia facilitasque parata est, & animus est generali eaque exquisita informatione præditus, efficitur, ut celeriter perspicere, si quid libeat, liceat. Dico interim, etiam juxta voces; quandoquidem fieri non potest, ut cohærens summa generalium capitum crebro memoria repetatur, nisi quidvis ita contineat, ut vocibus paucis explicari possit; idque etiam ubi aliquid exploratum speciatim fuerit.

Ex quo proinde efficitur, ut cum isthæc agendi ratio sit maxime utilis iis qui sunt Physiologiæ nati deditque, author sim illis ejusmodi in Physiologiæ operæ (& maxime quidem, si genere vitæ tranquillo fruantur) ut ipsimet sibi talem quampiam Epitomen, & quasi per capita summa informationem conficiant. Sin ipsi non possint, aliunde saltem habeant, cujusmodi nos aliquoties, ut studiosos adjutaremus, alacriter confecimus, sperantes, si quæ edisseruimus, mente accurate, quantum licet, teneantur, tamen si quis non excurrat ad omnia, quæ disquiri possunt, argumenta specialia, fore tamen, ut Physiologiæ copiam præ reliquis hominibus incomparabilem consequatur. Nam ex seipso bene multa ex iis, quæ in Opere universaliori habentur, comprehendet; & illa quoque ipsa memoriæ committens, juvabit se ipse, & continuo proficiet.

Quippe hæc ejusmodi sunt, ut & qui non medicriter particularia jam discussierunt, & qui se perfecte hujuscemodi cogitationibus dediderunt, complures de tota Natura dissertationes instituerent



ac perficere valeant. Et quicumque ex ipsis fuerint in his penitus consummati, illi tacite secum cogitantes possint dicto citius, & tranquille percurrere quicquid rerum est in Physiologia præcipuarū.

Sed ne in limine amplius hæream, cum tam multa, ut dixi, ac tam varia sint, quæ Physiologia continet, Operæ-premium videtur illa in Sectiones quasdam præcipuas partiri, quas liceat deinceps sigillatim prosequi, & quod speciatim ad unamquamque attinuerit, ad eam referre.

Videntur autem huiusmodi Sectiones esse posse quatuor: Prima de Universo, seu Natura rerum, quæ nempe & hunc Mundum, & cætera omnia, quæ sunt extra ipsum, complectitur. Secunda de Mundo, isto puta in quo nos sumus, & ex quo capere conjecturam de alijs innumeris licet. Tertia de rebus Humilibus, hoc est, de humo, sive Terra, cui ipsi hæremus, deque rebus, quæ in ea sunt. Quarta de rebus Sublimibus, seu quæ supra Terram, sursumve ab ipsa visuntur, ac fiunt.

SECT. I.

*De Universo, seu Natura rerum.*

Itaque, ut à Tractatione de Universo exordiamur, constat sane id tale dici, quod universa contineat, hoc est, præter istum Mundum etiam alia; unde Totum quoque, & Omne vocatur, cum ipsi quoque & Summam rerum, & Naturam rerum dicere soleamus.

Videmur autem debere primum generatim dicere ex quibus Universum constet; deinde ex quibus tam multa in Universo fiant; tum à quibus fiant; postea quales fiant; denique tum quomodo fiant, tum quomodo etiam intereant.

## CAP. I. *Constare Universum ex Corpore & Inani, seu Loco.*

**P**Rincipio ergo Universum ex Corpore & Inani constat; neque enim tertia natura concipi mente præterea potest.

Intelligitur autem Corpus ex congerie veluti quadam Magnitudinis, sive molis, itemque figuræ, resistantiæ (seu soliditatis, ac impenetrabilitatis) & gravitatis; tale præterea, ut ipsum solum tangi possit, & tangere.

Inane vero, seu Vacuum, quod opponitur corpori, an solum seu proprie & per se incorporeum est, ex horum negatione intelligitur, maximeque ex eo quod naturæ intactilis sit, expertæque omnis soliditatis, & nihil neque pati possit, neque agere; sed motum duntaxat quam-liberrimum transeuntibus per se corporibus præbere.

Scilicet hæc natura est, quæ destituta Corpore appellatur Inane; occupato à corpore, Locus; trajecta à corpore, Regiō: spectata, ut diffusa, Intervallum, seu Spatium.

Et quod sint quidem in Universo Corpora, attestatur sensus; ex quo aliunde ducere conjecturam necesse est, ad id quod est immanifestum; ut superius jam attigi. Certe non aliud sunt hæc omnia quæ adspectamus, quæ tangimus, quæ versamus, quæ ipsi sumus, quam corpora.

Esse vero etiam Inane, ex eo manifestum sit, quod nisi in rerum natura esset, non haberent corpora neque ubi essent, neque qua motus suos obirent, cum moveri ea quidem res evidens sit.

Sane, si plena forent omnia, & materia rerum veluti stipata, non possent non esse omnia immobilia; quia nec moveri quicquam posset, nisi  
omnia

omnia protruderet, neque locus porro, in quem quicquam protruderetur, esset. Quod enim aliqui respondent, posse Pisces ideo moveri, quod relinquunt locum post se, in quem pulsæ prorsum & cedentes locum undæ recipiantur; non advertunt primam, quæ prorsum fit, impulsionem inchoari non posse; quia nondum locus ullus est, neque retro, neque ad latus, in quem recipi aqua possit. Adeo proinde, ut sit necesse intercipi rebus, ac fluidis præsertim, spatiola inania, in quæ pulsæ particulæ ita recipiantur, ut compressione facta locus fiat, versus quem impellens corpus promoveatur, ac interim pone locum deferat, in quem compressum fluidum sese explicet, ac veluti refluat.

Prætereo autem alia argumenta; ut quod fulmen, aut vox, per domorum septa penetrare non valeat; neque item ignis penetrare in ferrum, aurum, metalla cætera, nisi in illis sint spatiola inania, intermista. Quod rursus, cum sit gravitas propria corporum, non possit ipsum rerum pondus majus minusve fieri, ne prout minus ampliusve Inanis intermistum habent.

Cum vero Inane incorporeum sit, ita penetratur à corporibus sive inexsistentibus, sive prætervadentibus, ut invariæ maneat, dimensionesque quibus ipsis coæquetur, easdem tueatur. Unde & assumpta Inanis recta, recta quidem est; sed non contorquetur nihilominus cum corpore, à quo occupatur; quoniam Inane neque ex toto neque ex parte mobile est.

Quo fit, ut cum notio sit Loci capere locatum, coextendi ipsi, cum eo non moveri, neque ipsam deferere; ne aut corpus moveatur, & non mutet locum; aut locum mutet, nec tamen moveatur; ideo soli Inani comperat, ut Locus sit, sive Loci naturam habeat; quando ipsum solum &

dimensionibus suis incorporeis in longum, latum, ac profundum locato coextenditur, exquisiteque ipsi adæquatur; & ita est immotum, ut seu corpus accedat, seu abscedat, seu hæreat, idem ac invariatur constet.

Quod dixi porro, non posse tertiam præterea naturam mente concipi, ideo est, quod, seu concipi dicas comprehensive (quo modo ea, quæ per se directeque in notitiam cadunt, percipiuntur) seu comparate ad ea, quæ comprehensa fuerint (quo modo ea intelliguntur, quæ per proportionem solam innotescunt; ut circa Anticipationem dictum est) id quodcunque concipitur, aut aliquam molem solidatamque habeat, sicque corpus sit; aut omni prorsus mole ac soliditate careat, sicque sit Inane. Intellige hoc tamen, si modo concipiatur ut quædam per se existens subsistens, cohærens natura; non vero quasi quoddam illius Coniunctum, Eventumve, seu Accidens.

Nempe, cum Coniunctum sit proprietas, quæ tolli à re, cuius est, sine eius pernicië non potest, ut Tactilitas à corpore, Intactilitas ab Inani; & concretius, Pondus à saxo, Calor ab igne, Liquor ab aqua: Eventum autem seu accidens, cuius adventu abituque natura manet incolumis, ut Libertas & Servitus, Paupertas & Divitiæ, Bellum & Pax, &c. Idcirco hæc omnia, non tertiam quandam per se naturam, quæ nimirum sit à corporea incorporeq; diversa, constituunt; sed solummodo aliquid ad alterutram attinens, se habent.

*Quod Epicurus hoc capite non aliam naturam incorpoream quam Inane admittens, peccavit, refutatur copiose in phys. sect. 3. memb. post. tam circa Animam Rationalem, lib. 14. c. 3. & circa Deum ter-Maximum, sect. 1. lib. 4. c. 3 & 4.*

## CAP. II. *Esse Universum infinitum, immobile, immutabile.*

**J**AM Universum ex Inani & corpore constans, Infinitum est. Id enim, quod finitum est, extremum habet : Quod vero extremum habet, id ex alio quopiam cernitur, seu ex intervallo extra assumpto cerni potest. At Universum ex alio quopiam extrinsecus non cernitur : quippe cum nihil sit intervalli, seu spatii, quod intra seipsum non contineat ; alioquin enim Universum, nisi universum spatium contineret, non foret : Quare neque habet extremum. Quod porro non habet extremum, id neque finem habet : Quod vero finem non habet, id non finitū sane, sed infinitū est.

Confirmatur autem, quia si extremumingas, & supponas quempiam in eo constitui, qui valida vi telum extrorsum vibret ; aut telum procedet, aut non, sed cogetur consistere. Et si procedat quidem, est ergo extra locus, quocirca & illic non fuit extremum ; sin minus, ergo est aliquid exterius, quod motum inhibeat : sicque illic rursus extremum non fuit.

Porro isthæc infinitudo Universo comperit & multitudine Corporum, & magnitudine Inanis ; idque Infinitatibus sese invicem, alternisque, seu ex ordine protendentibus. Nam, si Inane quidem infinitum, & corpora finita forent, tum corpora, quæ in perpetuo sunt motu ( ut dicendum non multo post ) nusquam consisterent, sed per infinitum Inane dispersa ferrentur ; tanquam nihil habentia, à quo sisterentur compescerenturque variis retusionibus. Sin vero Inane finitum, corpora infinita forent ; tum non pateret locus, in quo existere infinita corpora possent.

Hinc proinde ipsi Universo, infinitove spatio, non ita attribuendum est esse supra, ac infra, ut si quidpiam esset in Universo supremum, quidpiam infimum; illud quidem, concipiendo spatium, quod est supra caput, non in infinitum protendi; hoc vero, cogitando illud, quod sub pedibus, non in infinitum produci; perinde, ac si tam illud quod supra, quam illud quod infra, ad aliquid unum Idemque determinaretur; uti sit ad nos, aut ad medium hujusce Mundi, altera partium ejus extremarum cogitata suprema, altera infima: In infinito scilicet, quod æque ut extremis, ita medio caret, mente assequi id non licet.

Quamobrem præstabilius est, assumere unam aliquam motionem, quæ sursum procedere in infinitum intelligatur; & pari ratione aliam, quæ deorsum, tamen si proinde illud mobile, quod à nobis loca vertici nostro imminetia feretur, milles occurrat ad eorum pedes, qui supra sint, quique id advenire inferne opinentur (aliis scilicet cogitatis Mundis) aut quod à nobis versus regionem pedibus subjectam, ad verticem eorum, qui infra, quique idcirco adventare superne credituri sint: Nihilo enim minus tota utraque opposita motio intelligitur procedere in infinitum.

Hiscæ est consentaneum, ut Universum tale semper fuerit, quale & jam est; & quale jam est, tale semper futurum sit. Quippe & nihil est, in quod, quasi naturam Universi habere desinat, mutetur; & præter complectens omnia Universum, nihil est, quod in ipsum irrumpens sit illi mutationis causa.

Iure ergo habetur Universum ut immobile, prout extra illud nullus locus est, in quem emoveatur; sic & Immutabile, quatenus neque decrementum



mentum neque incrementum accipit ; & ortu, ~~in-~~  
terituque caret ; ac æternum proinde est, five du-  
rationis principium finemque non habet.

Ac moventur quidem mutanturque intra ipsum  
multa ; verum , & qualescunque motus mutatio-  
nesve accipiantur, nullius plane momenti sunt, si  
ad ipsam Universi immensitatem comparentur ; &  
non ideo totum ipsum Universum aut movetur  
alio, aut mutatur in aliud ; & non propterea non  
semper idem, quale semper fuerit, esse perseverat,  
quoniam pares semper motiones mutationesque in  
eo fuerint : adeo proinde, ut dicere liceat, Nihil  
in Universo novum fieri, præter id quod in tem-  
poris infinitate est iam factum.

*Quod hoc loco de Universi infinitate dicitur , quasi  
extra hunc Mundum aliud quidpiam sit , ex eo  
refutatur, quod adversus Infinitos Mundos, in  
sect. 1. phys. lib. 1. cap. 2. differitur. Quod vero  
de immutabilitate, seu æternitate ejusdem, quasi  
aliquid sit tale præter Deum , ex eo, quod de  
Mundi exortu, illiusque authore est dictum ibidem,  
lib. 4. c. 5, & 6.*

### C A P. III. De Divina in Universo Natura.

**C**Æterum, priusquam dicatur de rebus, quæ in  
Universo generantur & corrumpuntur, deque  
Principiis, ex quibus fiunt ; merito præmit-  
tenda est, & quasi habenda præter ordinem, quæ  
est de Natura Divina tractatio, tum ob summam  
ejus naturæ præstantiam, tum quod tametsi ex  
genere corporeæ naturæ sit, non tamen tam cor-  
pus, quam quasi corpus sit ; nihilque adeo commu-  
ne habeat cum cæteris corporibus, hoc est, cadu-  
cis, seu orientibus, atque intereuntibus rebus.

Cum vero illud primum requiri de Natura Divina soleat, aliquane in Universo sit? videtur tamen res non debere prorsus verti in controversiam; quod Deorum notionem in animis impresserit ipsa natura. Quæ est enim omnino gens, aut quodnam genus hominum, quod non habeat sine doctrina anticipationem aliquam Deorum?

Quamobrem, cum non instituto aliquo, aut more, aut lege sit opinio constituta, maneatque ad unum omnium firma consensus; intelligi necesse est, esse Deos; quoniam infinitas eorum, vel potius innatas, cognitiones habemus: De quo autem omnium natura consentit, id verum esse necesse est. Esse igitur Deos confitendum est.

Ac videri quidem possunt homines, cum cerneant cœli rationes, & varia annorum tempora verti redireque certo ordine; neque possent, quibus id causis efficeretur, cognoscere; id sibi persugium habuisse, ut Diis omnia tribuerent, facerentque eorum nutu omnia flecti; ac simul in cœlo ipsos collocarent, quod revolvi in cœlo Solem, Lunam, ac stellas conspicerent: At quomodo ista Diis attribuisent, nisi prius esse Deos cognovissent?

An ergo potius Deorum notitiam hauserunt ex somniorum visis? Potuerunt certe magnis quibusdam, & humana forma incurrentibus per somnium Imaginibus, existimare esse revera aliquos huiusmodi humana forma præditos Deos. Potuerunt, inquam, dum non tam in somnis, quam cum inter vigilandum meminissent, apparuisse sibi in somnis præclaras illas Imagines, adeo grandes, adeo tennes, adeo coherentes, intelligere, nihil repugnare; imo oportere, ut exstarent alicubi conformes ipsis naturæ, quæ & sensus seu intelligentiæ capaces forent, propterea quod membra movere, vocesque mittere cernebant; Et immortales essent,

sent, propterea quod illarum semper suppeditaretur facies, quod forma maneret, quod ea granditate forent, ut non temere ulla vi convinci posse viderentur: Et beatæ præterea, quod neque mortem metuerent, neque ullam ex iis, quæ efficerent, caperent laborem.

Potuerit & ratiocinando, illa *ισομετρία*, seu *aquali tributione* uti, qua, de Criteriis cum ageremus, effici diximus, Si mortalium tanta multitudo sit, esse Immortalium non minorem; &, Si quæ interrimant, innumerabilia sint, etiam ea, quæ conferrent, infinita esse debere.

Utcunque fuerit, illud certe ex anticipatione habemus, ut Deos beatos & immortales putemus. Quæ enim nobis natura informationem Deorum ipsorum dedit, eadem insculpsit in mentibus ut eos beatos & æternos haberemus. Quod si ita est, vere exposita est nostra illa sententia, Quod æternum beatumque sit, id nec habere negotii quicquam, nec exhibere alteri: Itaque neque gratia, neque ira teneri; quod quæ talia sint, imbecilla sint omnia.

Ac, si nihil quidem aliud quæreremus, quam ut Deos pie coleremus, & ut superstitione liberaremur, satis esset dictum: Nam & præstans Deorum natura hominum pietate coleretur, cum & æterna esset & beatissima; habet enim venerationem justam quicquid excellit; & metus omnis à vi atque ira Deorum pulsus esset; intelligitur enim à beata immortalique natura, & iram, & gratiam segregari, quibus remotis, nullos à superis impendere metus: Sed ad hanc confirmandam opinionem, inquit animus & formam, & vitam, & actionem mentis, atque agitationem in Deo.

Ac de Forma quidem, partim natura nos admonet, partim ratio docet. Nam à natura, habemus

mus omnes omnium gentium, speciem nullam aliam, nisi humanam Deorum. Quæ enim alia forma occurrit unquam aut vigilantibus cuiquam, aut dormienti? Sed ne omnia revocentur ad primas notiones, ratio hoc idem ipsa declarat. Nam, cum præstantissimam naturam, vel quia beata est, vel quia sempiterna, convenire videatur eandem esse pulcherrimam; quæ compositio membrorum, quæ conformatio lineamentorum, quæ figura, quæ species humana potest esse pulchrior?

Quod si omnium animantium formam vincit hominum figura, Deus autem animans est; ea figura profecto est, quæ pulcherrima sit omnium. Quoniamque Deos beatissimos esse constat; beatus autem esse sine virtute nemo potest; nec virtus sine ratione constare; nec ratio usquam inesse, nisi in hominis figura: hominis esse specie Deos confitendum est.

An vero, cum Deos esse hominis animantisque specie dico, tale ipsis propterea, quale vulgo est hominum animantiumque, corpus tribuo? Id sane absit. Etenim, non est quidem Deus res, ut Plato voluit, mere incorporea; quoniam id quale esse possit intelligi non potest: Careat enim sensu necesse est, careat prudentia, careat voluptate; quæ omnia una cum Deorum notione comprehendimus: at non ideo tamen crassum corpus est, imo neque etiam quam potest subtilissimum ex atomis coagmentari: sed omnino est corpus sui generis, quod sane non sensu, sed mente cernatur; nec soliditate quadam, nec ad numerum, sed imaginibus, similitudine, & transitione perceptis; quodque comparatum ad ea, quæ vulgo occurrunt, appellanturque corpora, dici possit, esse non corpus, sed quod jam dixi, Quasi corpus, & v. c. non sanguinem, sed Quasi sanguinem habere.

Obiter

Obiter interim insinuo, non esse hoc qualecunque corpus coagmentatum ex atomis; quoniam sempiternum alioquin non foret, & ex ipso ortu consequeretur interitus, ex concretione dissipatio, sicque non esset sempiternum. Adeo proinde, ut quatuor quædam habenda æterna incorruptaque sint; Nempe, Universum, cui nullus locus, in quem dilabi valeat, subfit; Inane, quod nec tangi valeat, nec plagam ullam accipere; Materies rerum, quæ nisi immutata subsisteret, ea, quæ dissolvuntur, in nihilum abirent; ac tandem Natura Divina, quæ & inconcreta est, & ob tenuitatem attingi, plagamque accipere non potest.

Quo fit, ut Physicorum quispiam maximo in errore versetur, cum eam dicit Deorum naturam, quæ imagines fundat, mittatque ex se. Quippe hoc modo deripi ex illa aliquid sic posset, ut admitteretur exsolubilis: Nonnulli vero perperam mentem nostram interpretentur, dum ex eo, quod plures admittimus Mundos, ac dari proinde Intermundia, hoc est, intervalla inter Mundos dicimus, aiunt Deos à nobis metu ruinarum collocari in Intermundiis. Siquidem, ut ipsum Inane, sic Deorum natura longe est tenuior, quam ut aliquid metuat ruinarum à corporibus; à quibus si metueret, in nullo magis loco quam in Intermundiis, tum cum futurum esset ut Mundi dissolverentur, metuendum foret.

Ac designare quidem non licet, quibus in locis Dii degant; cum ne noster quidem hic Mundus digna illorum sedes sit: sed dicere tamen universe licet, qualem Poetæ Olympum describunt, tales esse, ubicunque sint, beatas Deorum quietasque sedes;

Quæ

*Quas neque concutiunt venti, neque nubila nimbis  
Adspargunt, neque nix acvi concreta pruina  
Cana cadens violat, semperque innubilus æther  
Integit, & large diffuso lumine ridet.*

Hinc, cum præterea requiritur, quænam vita Deorum sit, quæque ab iis degatur ætas; respondere licet, eam sane, qua nihil beatius, nihil omnino bonis omnibus affluentius excogitari possit. Nihil enim agit Deus; nullis occupationibus est implicatus; nulla opera molitur; sua sapientia, & virtute gaudet; habet exploratum fore se semper cum in maximis tum in æternis voluptatibus. Hunc Deum rite beatum dixerimus; qui beatam vitam in animi securitate, & in omnium vacatione munerum ponimus: non vero qualem alii describunt, qui laboriosissimum inducentes, implicant ipsum operosis molestisque negotiis.

*Quod hic peccatur circa enunciatam Deorum multitudinem, refutatur cum de Unitate Dei agitur, in sect. 1. phys. lib. 4. cap. 4. Quod prætermisso perperam ex cæli rationibus argumento, illud per insomnia figmentum substituitur, cum de Dei existentia, ibidem c. 2. & seq. Quod dicitur non esse Deum omnino expertem natura corporea, cum de forma, qua noscitur Deus, ib. c. 3. Quod Deum nihil nec sui, nec alieni curare; nec ira, nec gratia teneri; nihil agere; non esse in Mundo, & similia; cum de Rectore Mundi, ibidem cap. 6. cum de Authore cap. 5. cum de partium usu, sect. 3. memb. post. lib. 2. c. 3. cum de prima ex raris sententiis, sect. 1. lib. 4. c. 7. & alibi.*



C A. P. I V. *De Prima Materia, five de Principiis consecretarum in Vniverso rerum.*

**N**unc, ut ea, quæ suscepimus hic subijcienda, resumamus ; Quia imprimis sensu manifestum est, in Rerum natura multa fieri, & multa quoque interire : ideo mente tenendum est, opus ad hoc esse materia, ex qua res gignantur, in quam resolvantur. Nempe, ex nihilo nihil fit, & in nihilum nihil abit. Nam si aliquid ex nihilo fieret, posset quidlibet undelibet nasci, tanquam seminibus non egens ; & si illud, quod interit, in nihilum occideret, perirent prorsus omnia, tanquam non superstitibus iis in quæ dissolverentur.

Deinde, quia dum genitæ factæve alicujus rei nosse naturam affectamus, illud primum requiritur, Sitne ea unum quid simplexque, an vero compositum ex aliquibus, quæ ipsa simplicia prioraque sint ; constat nihil genitum, factumve, unum simplexque esse posse ; quippe cum partes habeat, ex quibus coaluerit, & in quas rursus dissolvi possit : quæque & priores proinde, simplicesque sint ; & si ipsæ adhuc compositæ fuerint, constare censeantur ex iis, quæ sint demum primæ simplicissimæque.

Rursus itaque notum est, corporum, alia esse Concretiones, seu mavis, concreta, compositave corpora, alia ex quibus Concretiones, compositave corpora fiunt. Hæc autem, si prima simpliciaque sint, prima rerum materia sunt, dicunturque Principia, & à recentioribus etiam Elementa.

Hujusmodi autem Principia, seu omnium prima, simplicia, incomposita corpora (sive malis, corpuscula) esse debent & infertilia, nullave vi resolutibilia : & hac ratione immutabilia, five in seipsis  
mutatio-

mutationis omnis expertia. Nimirum, si futurum est, ut in Concretionum dissolutionibus omnia in nihilum non intereant; sed consistat perseveretque plena quædam, seu vacui experts, solidaque adeo natura; quippe, quæ talis cum fuerit, non habeat qua parte, aut quomodo fissuram admitat, sicque dissolvatur.

Quamobrem & necesse est, ut ea, quæ dicuntur Principia compositorum corporum, sint naturæ ut plenæ, solidæ, immutabilis, ita omnino insectilis; unde & Atomos dicere solemus. Dicitur nempe Atomus nobis, non quod minima sit, hoc est, quasi punctum (magnitudinem enim habet) sed quod non possit dividi, cum sit patiendi incapax, & inanis experts: adeo ut qui Atomum dicit, dicat id, quod & plagæ securum est, & pati nihil potest; quodque invisibile quidem propter exiguitatem sit; sed indivisibile tamen, propter sui soliditatem.

**C A P. V. Dari in natura rerum Atomos, quæ sint concretorum corporum principia.**

**C**Æterum dari Atomos allata ratio satis convincit; quoniam cum natura nihil ex nihilo faciat, redigatve in nihilum, oportet quidpiam superesse in Concretionem dissolutione, quod in-exsolubile sit. Sane enim, si adhuc exsolubile divisibileve dicas, necesse erit subdividendo perveniatur tandem ad aliquid quod sit solidum, divisionisque incapax; quippe cum neque ipsa natura infinite exsolvat, sed in aliquo ultimo consistat; neque dari ulla corporis in infinitum divisio possit. In corpore certe finito non possunt partes infinitæ, neque magnitudinis, neque multitudinis accipi; neque adeo potest intelligi in ipso peragi  
NON

non modo illa in infinitum divisio, quæ in minus fit; seu quæ per partes semper minores, ac eadem quidem divisionis proportionem semper servata, procedit; verum illa quoque in infinitum progressio, quæ fit non per semper minores, sed per æquales, seu aliquotas vocatas partes procedendo. Siquidem, cum partes, ut possint divisioni progressionique in infinitum sufficere, admitti infinitæ debeant; quomodo tandem esse infinitæ in finito corpore possunt?

Illi profecto, qui semel dixit, esse in quapiam re partes numero infinitas, intelligere amplius, declarareque non licet, qua sit ratione finita ea, de qua loquitur, magnitudo; quoniam siue aliquantæ (æqualesve inter se) siue inæquales (semperve minores) sint partes, quæ reipsa debent in ea reperiri, ut possint divisio progressiove in illas infinite fieri; manifestum est magnitudinem, cuius partes sunt, quæque ex iis constat & componitur, debere reipsa esse infinitam.

Et cum aliunde magnitudo finita manifeste habeat extremum, extremamve partem, captu ostensuque facilem; nisi hæc quidem pars per se, & ut extrema spectari valeat, non licebit sane, tametsi eam subdividamus, intelligere ullam aliam, quæ extrema potius habenda sit; cum illa nimirum dividua pari ratione sit futura. Quare & fiet, ut ulterius, consequenterque versus extremam in infinitum procedendo, perveniri nunquam vel cogitando possit ad partem, quæ extrema sit; neque adeo unquam ut vel minimum spatium percurri progrediendo valeat.

Hiscæ adde, quod nisi superessent in exsolutionibus corpuscula adeo solida, ut nulla vi exsolvi possent, non posset satis capi discrimen, quod inter corpus inaneq; est; utpote quod corporis, infinite  
tenuando,

reuuando, nihil, quod denique resisteret, subesset. Quo pacto aliunde omnia imbecilla, seu mavis mollia, efficerentur, neque omnino fieri durum quicquam posset: quippe cum soliditas sola fundamentum sit duritiei. Neque est, quod ideo hæreas, quasi, cum Atomi fiant solidæ, fieri ex illis posse non videantur res molles. Siquidem molles possunt fieri sola intermissione inanis, in quod partes pressæ sese recipiant, tactuiq; cedant.

Adde & tam multiplicem in natura constantiam, ut in provehendis semper animalibus ad certas usq; virium, incrementi, ac vitæ metas; in imprimendis semper iisdem singulorum generum discriminibus & notis: quæ præstitura sane non esset, nisi principiis uteretur certis & constantibus, atq; adeo dissolutioni mutationique non obnoxiiis.

*Quod ex nihilo nihil fieri, non modo naturaliter, sed vi etiam divina, potuit Epicurus intelligere, refutatum est, sect. 1. phys. lib. 3. cap. 1. & lib. 4. cap. 5.*

### CAP. VI. De Atomorum proprietatibus, Magnitudineque imprimis.

Cum omnes porro Atomi videantur ob expositam soliditatem, uniusmodi, ejusdemve naturæ esse; habent tamen quædam Conjuncta, sive proprietates, & qualitates quasdam, quibus differre inter se possint. Hujusmodi autem solummodo sunt, Magnitudo, Figura, & Pondus; & si quæ præterea cum ipsa figura cognationem habent necessariam, uti Asperitas & Lævis. Nam color quidem, calor, frigus, & qualitates ceteræ, non atomis congenæ sunt, sed concretorum propriæ, ortæque ex ipsis Atomorum partim conjunctis, partim eventis, de quibus postea dicendum est.

Attingo

Attingo hic solum, si Color, v. g. ipsis inesset Atomis, fore ut tam esset intransmutabilis, quam ipsæ; sicque constantes ex atomis res, quæ uno essent colore, non possent illum commutare, & apparere alio; secus ac observamus fieri. Mare etenim spumescendo albescit, coloris alias cærulei, qui profecto si illi inesset propter cæruleas atomos, converti in album colorem non posset. Quod enim dicunt aliqui fieri contraria ex contrariis, id adeo repugnat, ut candida potius de nullo, quam de atro colore sint exoritura. Melius, qui censent rerum materiam ut varietatem subire colorum, qualitatumque aliarum possit, debere esse earum expertem tuentur; eo modo, quo oleum destinatum odoribus ejusmodi deligitur, quod sit maxime inodorum.

Ut de singulis vero Atomorum proprietatibus quidpiam attingamus; dum illis attribuo imprimis Magnitudinem, non quantumlibet sane eam intelligo; neque enim Atomus vel maxima est tanta, quæ cadere in visum possit; verum, quæ licet sit infra sensum, aliquantula tamen sit (neque enim si Atomus puncta essent, carerentve omni magnitudine, posset ex ipsis ullum corpus magnitudinis cujusquam compingi) unde & fit ut soleam dicere de Atomo quod sit parvum quid; videlicet, quasi non omnem, sed proceram solum magnitudinem ab ea excludendo.

Neque vero obstare debet, quod Atomorum magnitudo non percipiatur sensibus: cum fateamur necesse sit, res, quæ visum fugiant, innumeras esse. Licetne enim videre ventum, calorem, frigus, odorem, vocem, aut corpuscula, quibus appellentibus hæc sentiuntur? Licetne corpuscula humoris, quibus vestes in littore suspensæ uvescunt, expansæ ferescunt? Licetne ea, quæ deteruntur

runtur ex annulo diutius gestato, ex vertente cardine, ex sulcante vomere, ex lapide quem gutta cavat, quem incedentium gressus diminuit? Licetne ea, quibus planta aut animal increfcit pubescens, tabescit senescens; aliaque id genus?

Non est interim reputandum esse Atomos omnes ejusdem magnitudinis: Nam alias quidem in iis majores, alias minores existere, rationi magis consonum est; & hac re admissa, plurium, quæ contingunt circa passionem animi, circaque ipsos sensus, reddi causa potest.

Posse autem etiam infra sensum, magnitudinum varietatem incomprehensibilem dari, vel ex eo potest intelligi, quod animalcula quædam sint, quorum tertia pars, si divisa intelligantur, visum fugiat; & nihilominus ipsis compingendis necessaria sit partium incomprehensibilis multitudo. Quot enim, quæso, existent oportet ad conficiendum intestinum, ad conformandum oculos, ad componendum artus, ad contexendum animam, ad constituendum partes universe omnes, sine quibus intelligi animal, quod vivat, quod sentiat, quod moveatur, non potest?

An possit, quasi rudi exemplo, varietas illa comprehendendi ex ramentis illis pulvereis, quæ Solares radii fenestris trajecti demonstrant: Cum enim citra tales radios cæca omnia peræque sint, trajicientibus tamen radiis innumera corpusculorum multitudo ita apparet, ut majorum simul minorumque diversitas maxima appareat. Ac non dico quidem, ut aliqui putant, hujusmodi corpuscula esse Atomos (quippe cum in minimo eorum multæ contineantur Atomorum myriades) ut orduntaxat eorum similitudine, ut cum tota Atomorum quasi natio visui quantumlibet acuto impervia & quasi cæca sit, intelligamus illam radiis rationis



rationis ita illustrari, ut & Atomi mente pervideantur, & competere ipsis concipiamus magnitudinum varietatem.

Ex hoc autem fit, ut quemadmodum in magnitudine grandi, ac mensurabili, accipimus quidpiam, quod, ut sit communis mensura, habeat rationem minimi, cuiusmodi est pes, digitus, aut granum: Et in magnitudine sensibili accipimus etiam aliquid, quod habeatur minimum ad sensum, ut animalculum dictum acari; ita in magnitudine intelligibili, qualis est atomi, accipere aliquid liceat, quod in illa habeatur quasi minimum; qualis esse in atomo potest angululi apiculus.

Id tamen discriminis est inter minimum mensuræ, & minimum tam sensus, quam mentis, quod illud sui repetitione intelligatur posse toti magnitudini coæquari; ista vero intelligantur ceu puncta quædam individua, quæ aut termini sint magnitudinum, aut quasi quædam copulæ partibus sic interjacentes, ut respectus quosdam duntaxat ad partes hinc inde copulatas habeant, tamen si ejusmodi sint ut ab ipsis initium mensurationis fieri possit; quippe etiam in atomo dimensiones quasdam mente fieri nihil prohibet.

Quonquam cum esse in atomo partes dicimus, copulatasve intelligimus, non est res ita accipienda, quasi illæ sejunctæ aliquando fuerint, & in unionem postea coierint; sed facimus, ut declarem esse in atomo veram, & ex partibus constantem magnitudinem: tamen si aliunde id habeant à concretis rebus discrimen, quod ipsæ earum partes possint designatione sola, non item separatione distingui; quippe cum naturali, individo, perpetuoque nexu cohæreant:

CAP. VII. *De Atomorum figura.*

**A**D Figuram, quæ terminus magnitudinis est, quod spectat; necesse est imprimis eam esse in atomis multiplicem, five atomos esse inter se diversimode figuratas. Nimirum id ex eo arguitur, quod ex iis contexta naturalia omnia, homines, feræ, volucres, pisces, plantæ, &c. diversimode figurentur; & non modo quidem spectatis ipsorum generibus, sed singulis etiam eorundem speciebus, five individuis; neque enim duo ulla sunt adeo similia inter se, in quibus, si attenderis, non discrimina aliqua, quibus inter se differant, agnoscas.

Deinde, cum sint figurarum in atomis species numero incomprehensibiles; sunt enim rotundæ, ovatæ, lenticulares, planæ, gibbæ, oblongæ, turbinatæ, hamatæ, laves, asperæ, hispida, tetrahedricæ, pentahedricæ, hexahedricæ, &c. tam regulares, quàm irregulares, absq; ulla determinatione intellectui possibili; non sunt illæ tamen numero simpliciter infinitæ habendæ. Nam, non essent quidem rerum concretarum tot hæc tantaque discrimina, si in atomis, ex quibus texuntur, ejusmodi foret figurarum diversitas, quæ animo comprehendi posset; at non possunt tamen infinitæ simpliciter esse atomorum diversitates, nisi quis forte in atomis concipiat magnitudinem, non quæ infra sensum consistat, verum quæ reipsa infinita sit. Siquidem in magnitudine, superficieve magnitudinis, quæ finita sit, intelligi diversitates, quæ sint infinitæ, non possunt.

Tertio autem, tametsi species figurarum infinitæ non sint; sunt tamen in unaquaque figuratone, figuræve specie, atomi numero infinitæ simpli-

simpliciter; hoc est, infinitæ sunt orbiculares, infinitæ ovatæ, infinitæ pyramidales, &c. quoniam alioquin Univerſum multitudine atomorum infinitum minime foret, ut declaratum jam ante est; niſi atomi, quæ ſunt inter ſe figuratiſſime ſimiles, numero infinitæ ſimpliciter forent.

Adnotandum vero, licet anguloſæ hamatæque atomi ſint, non eſſe tamen cur quiſpiam illas deteri poſſe aut frangi putet; quippe tam anguli, & hami, quam media corpuscula uniufmodi naturæ ſunt, & pari ut ſoliditate, ſic neceſſitate tenentur; adeo ut nulla plane ſit vis, quæ ſtringere atomum, aut ſecundum totam, aut ſecundum partes, etiam ad uſque apices, poſſit:

*Dictum jam, ubi fuerit rejecta Univerſi infinitudo, ſumpta ut ex Inanis magnitudine, ſic ex multitudine atomorum, in ſect. 1. Phyſ. lib. 1. cap. 2.*

### CAP. VIII. De Gravitate, ſeu Pondere, ac multiplici motu Atomorum.

**D**Enique ipſis atomis Gravitationem Pondusve attribuo, quod cum in motu, conſiſtente ad movendum perpetuo ſint, neceſſe ſit ipſas moveri interno illo impetu, qui Gravitatis dici ſeu Pondus mereatur.

Distinguendus vero imprimis occurrit in ipſis atomis motus duplex; unus ipſi ſuſinet gravitatis, ſive ponderis, quo atomus nempe ſuapte nutu fertur: alius ex Ictu, ſeu reſeſſione, quo ſcilicet atomus una in aliam impacta repercutitur. Et qui motus quidem Gravitatis, ſeu Ponderis eſt, primario concipitur is, quo atomus ad lineam ſive ad perpendiculum fertur: tali motu videlicet moventur omnia, quæ gravia ſunt. Verum, quia ſi omnes

omnes atomi ad lineam, deorsumve, & quasi è regione ferrentur, fieret ut nunquam altera alteram posset attingere; ea de causa necesse est declinare atomos perpaulum, & quo nihil possit fieri minus; ita enim effici poterunt complexiones, & copulationes, & adhesiones atomorum inter se; ex quo & effici possit Mundus, omnesque partes Mundi, quæque in eo sint.

Cum dico autem fore, ut alioquin atomi se mutuo non attingerent, neque adeo coirent; idcirco est, quod nullum sit in Universo, tanquam infinito existente, Medium, in quod tendant, ut coire proinde possint; sed concipi duntaxat possit, juxta antedicta, regio quædam iursum, ex qua, absque ullo initio, atomi omnes sua gravitate, quasi imbris guttæ, hoc est, motibus, quantum est ex se, parallelis adveniant; altera deorsum, in quam omnes absque ullo termino iisdemmet motibus ferantur.

Motus autem ex reflexione intelligi potest fieri, tam cum atomus magnis intervallis resultat, quam cum spatiis brevibus pulsa, repulsæve, quasi concutitur, palpitæve. Ex quo etiam fit, ut dum contingit atomos incurrere in complexionem, conventumve plurium sibi mutuo obstantium, seseve mutuo irretientium (quod maxime fit in concrecionibus, ubi videntur quiescere) tunc tamen adhuc sint irrequiæ, & quantum possunt, ac prout sunt longius propiusve mutuo dissitæ, agitationem sive speciem palpitationis obtineant, deflexæ nimirum repressæve à cæteris, quæ talem complexum cœtumve constituunt.

Causa vero huiusce non modo longioris resultantiæ, sed pressioris quoque agitationis, seu quasi palpitationis intestinæ, & continuæ in ipsis concrecionibus, est partim quidem natura Inanis, quod  
etiam

etiam intra corpora compactissima intereceptum, atomos singulas aut ex toto aut ex parte à se mutuo dirimit, neque eas sistendi firmandique vim habet; partim vero soliditas ipsis atomis competens, quæ scilicet præ collisione repercussioneq; palpitationem efficit, quantum quidem ipsa complexio instaurari motum ex collisione patitur.

Cum Pondus vero, seu Gravitās sit in atomis quasi ingenitus quidam vigor, sive energia, &, ut jam dixi, impetus, quo sunt ad motum comparatæ; idcirco assumendum est moveri atomos (& utrovis quidem, hoc est, seu ponderis, seu reflexionis motu) continenter, ac per omne ævum. Scilicet principium, ex quo fieri ista cœperint, nullum est; utpote existentibus non atomis modo, sed etiam Inani ad utrumque motum inser-viente, perpetuis.

Est autem etiam assumendum, atomorum motum, in quo nihil occurrit, quod retundendo ipsum deflectat, ejus esse pernicitatis, ut quodlibet cogitabile spatium conficiat momento, hoc est, tempore inexcogitabiliter brevi (videlicet debent etiam radiis Solis, qui purum per spatium non meant, mobilitate præcellere.) Dico autem, in quo nihil retundens occurrit; nam alioquin frequens retusio speciem tarditatis; immunitas à retusione, speciem celeritatis subit.

Neque vero propterea atomus, quæ retusiones patitur varias, ad hæc illaque complura loca iis pervenit temporibus, quæ discernere mente liceat; quippe illa discernere in potestate mentis non est. Quinetiam contingere potest, ut sensibili tempore accepto, eadem atomus, tametsi variis deflexa retusionibus, ita feratur, ut undecunq; ex spatiorum immensitate adveniat, non liceat nobis

designare aliquem locum, seu terminum, quem non tempore illo superarit. Quippe talis esse ea retusio potest (hoc est tam parum frequens, parumque deflectens) ut ipsa quoque æmuletur quadantenus celeritatem competentem motui, qui est retusione immunis.

Assumendum postremo & hoc est, atomos esse æquiveloces quamdiu per Inane feruntur, neque quicquam est quod earum impetum retundat. Neque enim graves velocius ferentur, quam leves reputatæ; cum nihil utrisvis, quod obstat, occurrat: neque item parvæ, quam magnæ; cum sit trajectio omnibus pro magnitudinis ratione æque libera, donec nihil est quod iis impingatur. Neque vero etiam celeritate differunt motiones, quæ aut sursum, obliqueve propter collisiones, aut deorsum propter gravitatem ingenitam fiunt: Si quidem quamdiu atomus neutram in partem cohibetur, tamdiu viam tenet; ac celeritate quidem cogitatione æquiparanda, quousque aut extrinsecus pulsa, aut gravitate propria adacta, in referentis impetum resistantiamve incurrat.

Quinetiam, quod ad concretiones, compositave corpora spectat; cum sint atomi suapte natura æquiveloces, non idcirco una dicetur esse celerior altera; quasi quæ atomi in concretionibus sunt, & communi earum motu abripiuntur, ferantur aliquando in unum locum sensibili quodam, ipsoque continuo, successivove tempore, ut dum talis motus est segnis; aliquando (sive in unum, sive in plura, ac diversa loca) temporibus ferantur adeo brevibus, ut sola ratione possint percipi; ut puta, dum motus rapidissimus est: Verum dicendum solum est, quomodocunque atomi ferantur cum ipsis concretionibus, exagitari interim illas intestinis, creberrimis, sive potius innumeris, sensumque



sumque adeo fugientibus repercussionibus, donec ipsa motus corporis totius, in quo sunt, continuitas, successiove talis evadit, ut in sensum cadat.

Scilicet quod adopinamur de Motu atomorum inconspicuo, quasi tempora ratione percepta possint illius continuitatem, successionemve partium perniciosissimam assequi, nusquam verum est; sed id potius, quicquid mente contemplamur, dum in ipsam rei naturam attendimus, verum est habendum.

*Disputum jam circa Universum, ~~est~~ aternitas atomorum Inanisque rejecta sit.*

**C A P. IX.** *Atomos, non item vulgaria Elementa, aut Homœomera, esse prima principia rerum.*

**H**isce circa atomos præmissis, edisserendum jam videretur, quomodo ipsæ sint Principia, primave rerum Materies: sed quia exsequi id non licet, quin simul de Generatione & Corruptione disseratur; neque istud prosequi fas est, quin prius de rerum Qualitatibus, & prius adhuc de ipsis causas illas creantibus, fuerit actum: ideo satis est hoc loco adnotare, atomos ideo esse Principia, primamve rerum Materiem, quod sint illud primum simplicissimamque, ex quo contextuntur, quæ oriuntur omnia; illud ultimum, ac simplicissimum, in quod, quæ intereunt omnia, resolvuntur.

Primum autem, ac Ultimum dico: Nam præter alias moles grandiores, ex quibus potest proxime magis, id, quod gignitur, coalescere; aut in quas resolvi, quod corrumpitur; sunt molecule,

sive mavis, concretiunculæ quædam perexiles, quæ factæ quibusdam perfectioribus indissolubilibusque coalitionibus, sint quasi rerum semina diu perdurantia: Adeo proinde, ut dicantur res etiam gigni ex seminibus, veruntamen non tanquam primis, quod ipsa sint adhuc ex prioribus, puta ex atomis: & dicantur pariter res dissolvi in hæc semina; at non tanquam in ultima; quoniam ipsa quoque exsolvi ulterius in atomos possint.

Addo autem quatuor vulgaria, quæ admittuntur Elementa, Ignem, Aerem, Aquam, Terram, dici quidem posse Principia, sed non tamen prima: Materiam quoque; sed non primam; quippe cum atomos priores, ex quibus ipsa contexantur, & habeant.

Et qui unicum quidem Elementum pro principio ponunt, volunt ex ipso, rarefactione condensationeq; tria cætera fieri, & ex iis postea cætera. Sed, quo pacto, si unum sit, & nisi aliquid misceatur, gigni aliquid poterit? Nam ex Igne quidem, v.c. rarefacto, condensatoque, nihil aliud, quam ignis languidior, validiorque creabitur.

Ac ut præteream illos, qui id docent, Inane non admittere, sine quo tamen neque rarefactio neque condensatio potest fieri; ii animadvertere non videntur, non posse dici ignem mutari extinctione in aliquid aliud; quoniam illud, quod simplex est, nisi in nihilum abeundo, mutari non potest; aut certe, si admittant aliquid commune manere, quod prius Ignis, postea sit aer, cum illud quidem prima sit communisque materies; primam ipsam materiem non esse ex se neque ignem, neque aerem, sed ipsas potius atomos, quæ certa ratione constitutæ, Ignem; certa, aerem coasficere possint.

Qui

Qui autem plura, aut etiam omnia æque primo admittunt, id incommodi præterea patiuntur, quod illa contraria statuentes, aut se invicem pre-remptura, aut nunquam coalitura inducant.

Ac fuit quidem Physicus, qui generari omnia censuerit ex corpusculis quibusdam tenuissimis, quæ & appellavit *Ὀμοιογενῆς*, *Similaria*; seu quasi *partes similes*, intellige genitis rebus; adeo ut illa, v. c. ex quibus res calidæ fiunt, calida sint; ea ex quibus carneæ, carnea; ex quibus sanguineæ, sanguinea; atque ita de cæteris: Verum, si principia ejusdem naturæ cum ipsis rebus genitis sint, poterunt ergo pari ratione, ac illæ, alterari, qualitatesve amittere; sicque & mutari, &, quod naturæ simplicis sint, in nihilum abire.

Ut taceam, si esse calida oportet, quo aliquid calidum fiat, quasi nisi ex similibus non gignantur similia, debere ergo esse & ridentia, ut fieri ex ipsis ridens animal valeat; flentia, ut flens; aliaque id genus.

**CAP. X. De Primâ & radicali Concretionum Causa; hoc est, de Agente, sive Efficiente.**

**S**equitur jam de Causis dicamus; quando ad aliquid faciendum necessaria est non modo Materia, ex qua, sed etiam Causa, à qua fiat: Unde & fit, ut dicere Causam, nihil sit aliud quam dicere id, quod in rei productione Agens sive Efficiens est.

Non est porro eorum, quæ fiunt, alia causa prima & radicalis requirenda, quam ipsæ eadem atomi, quatenus sunt eo præditæ vigore, ob quem moventur, aut in connisum ad movendum continuo

sunt. Neque enim absurdum est facere materiam actuosam; absurdum potius facere inertem; quoniam qui talem faciunt, & ex ipsa tamen fieri omnia volunt, dicere non possunt, unde ea, quæ fiunt, suam efficiendi vim habeant; cum habere aliunde, quam ex ipsa materia non valeant.

Itaque, ut primæ moleculæ ex atomis coalitæ habent in se energiam quandam, seu sese movendi, ac agendi vim, constantem nempe ex singularum atomorum vigoribus, sed varie tamen modificatis, prout atomorum sese invicem frætentium alia huc alia illuc feruntur: ita grandiores etiam moles contextæ ex minoribus, habent, aliquam, eamque pro illarum varietate modificatam; ac unumquodvis denique ex corporibus naturalibus ex suis constans molibus, moleculis, & atomis, specialem habet energiam, seu sese movendi ac agendi vim certa ratione modificatam. Ita scilicet motus, sive actio, à principiis usq; ascendit & exit.

Notandum nihilominus est, cum atomi omnes æque velociter moveantur, intra ipsas tamen Concretiones, eas, quæ angulosiores hamatioresque sunt intricari ac præpediri, sicque veluti inertiores segnioresque fieri, quam lævigatiores atque rotundiores: Quare & energiam, seu agendi vim, quæ est in concretis corporibus, ex istis potissimum esse. Et quia tales sunt, ex quibus ut Ignis, atque anima, ita & generalius, qui appellantur Spiritus, constant: inde fit, ut quæ est præcipua in corporibus energia, sit ex ipsis spiritibus, qui ut libertatem discurrendi, sic dominium intra illa habent.

Cum omnis vero effectio, aut actio, qua aliquid fit, aut ab interno fit, aut ab extrinseco principio; constat res quidem artificiales, quarum materia inertis est, & mere passive se habet, debere totam sui

sui effectiōnem ipsi effectori agentive externo :  
at res naturales, tametsi mutuētur partem aliquam sui, sive principium quoddam agendi ab authore extrinseco ; debere tamen sui effectiōnem principiis intra se contentis, ut à quibus interiorius secundum omnes sui partes digerantur & conformentur.

Prætereo autem ipsam quoque agentis externi actionem à propriis esse internisque principiis, quæ ipsam actionem eo semper vertant atque dirigant; quo impetus plurium, aut validior tulerit. Quippe etiam in ipsis animalibus, ubi actio quæpiam voluntaria est, idcirco ipsa talis est, & illuc potius quam alio fertur, quia & occurrit animo species illuc potius quam alio vocans ; & ipse pro imperio, quo regit contentos in corpore spiritus, illos eo, non alio ducit, & cum ipsis ea, quibus, insunt, membra.

*Quod hic prima causa naturalis solum, non & divina agnoscitur, intelligitur refutatum ex iis, quæ de Authore & Rectore Mundi, sect. 1. phys. lib. 4. cap. 5. & 6 ut jam dictum fuit.*

C A P. XI. De Motu, qui idem cum Actione  
Effectiōneve est; ac de Fortuna, Fato, Fine,  
& Sympatheticis Antipatheticisque causis.

**N**ihil interim necesse est excusē, quod Causæ Actionem sive effectiōnem cum Motu confundam ; siquidem notum est utramvis idem esse cum ipso motu, ac addere solum eam connotationem, quod ad rem sive actam sive effectam terminetur.

Motum autem, non alium sane, quam qui sit migratio

gratio de loco in locum, intelligo, quique plerumque dicitur & Latio, & Motus transitus, & Motus localis. Nempe his modis nominant ad discrimen illius Motus, quem & Mutationem, & Alterationem aliqui solent dicere; eum puta, quo res aliqua immutata manens secundum internam naturam, mutari, aut altera fieri ab iis creditur, ob aliqujus qualitatis, ut caloris aut frigoris, acquisitionem vel amissionem.

Enimvero hujusmodi sive Mutatio, sive Alteratio, non species est motus à motu locali, transitusve dicto distincta; Sed cum motus localis, sive transitus ipsum genus sit, hæc mutatio, seu alteratio aliud nihil est, quam quædam ejus species, ea videlicet, qua mobilia intervallis feruntur partim brevissimis, partim inconspicuis. Siquidem, quod corpus concretum secundum qualitatem mutatur, omnino mutatur locali & transitivo motu atomorum, corpusculorumve qualitatem creantium; idque sive loco situque in ipso corpore transponantur, sive introrsum subeant, sive extrorsum migrent.

Exempli causa, ut ex dulci fiat aliquid amarum, aut ex albo nigrum; oportet moleculas, seu corpuscula, quæ ipsum constituunt, transponi, & alium vice alterius, ordinem suscipere: hoc autem non contigerit, nisi ipsæ moleculæ motione transitus moveantur. Et rursus, ut ex duro fiat quid molle, & ex molli durum, oportet eas, ex quibus constat, particulas secundum locum moveri: quippe illarum extensione molliitur, & condensatione durescit. Quo fit ut Motus mutationis aliud genere à transitu motu non sit.

Sed ut ad Motum qui sit Causæ, Efficientisve proprius, redeam, observare licet quibuscumque rebus nomen causæ tribuitur, idcirco tribui, quod exserant motum. Nam Fortuna quidem, quæ aliquibus



quibus causa est, non alio modo admitti potest, quam quia idem est cum per se mota & agente causa, connotatque solum effectus connexi cum eo, qui ab ipsa intenditur, ignorationem. Alias profecto tantum abest, ut congruum sit illam Deam facere, quod vulgus facit hominum (neque enim quicquam à Deo inordinate peragitur) quin etiam ne sit quidem aliqua, etiam instabilis, reputanda causa.

Ipsam quoque Fatum esse aliud non potest ab ipsis moventibus, & agentibus per se causis, quatenus nexæ inter se sunt, & posteriores à prioribus pendent. Quanquam hæc connexio atque dependentia necessitatis ejus non est, quam Physici quidam inducere solent. Quippe nulla est in natura hujusmodi necessitas; cum eam abruptat motus ille declinationis atomorum, de quo paulo ante dictum est, quatenus nec tempore certo, nec regione loci certa intercurrit.

Finis quinetiam dicitur causa; sed videlicet, quia efficit quidpiam, & non efficit nisi quia movet. Movet, inquam, missa in animam specie, quæ trahat alliciatque, invisibilibus quidem, sed physicis tamen quibusdam quasi hamulis & catenulis, quibus plerumque cum animo pellicitur & ipsum corpus. Intelligitur certe nullam posse hujusmodi attractionem fieri, nisi per quasdam resilitiones, implexionesque atomorum fiat.

Adeo proinde, ut etiam quæcunque dicuntur vel per sympathiam vel per antipathiam fieri, ea peragantur per physicas causas, hoc est, per quæpiam invisa quidem, sed quæpiam tamen organula, quibus intercedentibus res aliquæ adinvicem tam attrahuntur aut repelluntur, quam attrahuntur repellunturque illæ, quæ id ab organis grandibus sensibilibusque patiuntur.

Quippe, ut exemplo rem dicam, qui putemus fieri, ut Leo Galli conspectum ferre non valeat, sed illo viso statim aufugiat? Nisi quia sunt in corpore Galli corpuscula quædam, quæ cum sint spiculorum instar Leonis oculis immissa, ita ejus pupillas interfodiunt, ita acrem dolorem præbent, ut contra constare, ac durare, quantumlibet ferox rapidusque, non possit. Nihil vero simile creant in oculis nostris ea corpuscula ob texturam dissimilem, ut intelligetur ex iis, quæ sunt de sensibus differenda.

## CAP. XII. De rerum Concretarum Qualitatibus, generatim.

Quod jam spectat ad Qualitates, quibus res concretæ insigniuntur, notum est comprehendendi hocce nomine omnia tam Conjuncta quam Eventa rerum; sed Conjuncta potissimum, siue ea sint proprie Conjuncta, hoc est, in corpore concreto, donec perseverat, constantia, & ab eo nisi cum ipsius perniciæ non separabilia; siue improprie, & laxius sumpta, hoc est, quasi media inter proprie dicta Conjuncta, & Eventa; quod nempe insint quidem ut illa, sed horum tamen instar adveniant & abeant, adsint & absint corpori, citra illius corruptionem.

Solet autem statim de ipsis requiri, juxta id quod ante insinuatum est, Qui fiat, ut sint in rebus Concretis, cum non sint tamen in atomis, ex quibus res Concretæ constant? Et quod illæ quidem atomis non insint, declaratum jam ea ratione est, quod qualitas omnis inexsistens atomis, ut Magnitudo, Figura, ac Pondus, sic ipsis naturalis sit, ut non magis possit, quam ipsa atomorum substantia mutari; idque, quia in ipsis Concretionum

tionum dissolutionibus remanere necesse est quidpiam solidum ac indissolutum, quod præstet, ut omnes, quæ coniungunt mutationes, neque in nihilum, neque ex nihilo fiant.

Itaq, respondendū est, creari qualitates in rebus concretis, tum ob factam transpositionē atomorū nunc pauciorū, nunc plurium, quæ in uno situ qualitatem unam, in alio aliam exhibeant; tum ob factam de novo aliquarum accessionem, & præexistentiū aliquarū discessionem; ex quo iterum qualitates varientur, seu aliæ quam prius appareant.

Etenim sicut literæ variam sui exhibent speciē, non modo quæ varia figura sive forma sunt, uti A, & N; sed etiam, quæ eadem, si in iis varietur aut Situs aut Ordo; situs, ut in N, & Z; ordo, ut in A N, & N A: Ita non modo atomi, quæ diversæ figuræ sunt (adde & molis, atque motionis) ad afficiendum diversos sensus, exhibendumque in hoc colorem, in illo odorem, in alio saporem, in alio aliud, sunt comparatæ: sed etiam, quæ ejusdem sunt, si inter se situm ordinemve commutent, ita sensus afficiunt, ut quæ unum colorem, v. c. nunc exhibebant, mox exhibeant alium; veluti jam innuimus circa aquam maris, quæ in statu placido cærulea, in commoto alba apparet; resque trita est de columbæ collo, quod prout ad lucem varie collocatur, insignem colorum varietatem subit.

Et, sicut non modo diversitas fit, dum literæ eadem, quæ unam dictionem componunt, ita transponuntur, ut diversas formas exhibeant, sed maxime etiam dum ipsis aut aliquæ adduntur, aut detrahuntur aliquæ: pari modo necesse est colores, odores, qualitates alias variari, dum non modo atomi eadem situm ordinemque commutant, sed etiam dum illis quædam accedunt, quædam decedunt, ut constare potest vel ex ipsa rerum mollesactione,

sactione, induratione, crudificatione, maturatione, cæterisque hujusmodi.

Ut paucis dicam, quemadmodum magni circa literas refert, cum quibus, & quali inter se situ, ac ordine sint, quando tam exiguo literarum numero significamus cœlum, terram, solem, mare, flumina, fruges, arbusa, animantes, cæteraq; innumera; sic permagni refert circa atomos cum quibus, & quo positu sint, quibus intervallis & connexibus, quos inter se motus aut dent aut accipiant; quippe cum hoc modo omnium sicut rerū, ita qualitarum, quæ in illis sunt, exhibere varietatem valeant.

Verum, ut res paulo specialius dicatur; Videntur imprimis Qualitates quædam suboriri ex atomis, quatenus spectantur secundū substantiam, ac sunt in eo inter se situ, ut Inane amplius parciusve interceptum exclusumve habeant; Quædam vero ex iisdem creari, quatenus sunt suis illis tribus proprietatibus præditæ; & nonnullæ quidem juxta singulas, nonnullæ juxta congeriem plurium.

CAP. XIII. *Qualitates ex atomis, spectatis secundum substantiam, ac Inanis interceptionē.*

AC primo quidem modo oriuntur Raritas, & Densitas. Scilicet manifestum est neque quidpiam Densum fieri posse Rarum, nisi quatenus ejus atomi (partesve ex quibus contextitur, contextæ ipsæ ex atomis) ita à se invicem distrahantur, ut in vastiorem locum diffusæ, plura amplioraque in ipso inania spatiola intercipient: Neque item quidpiam rarum fieri densum, nisi quatenus ejus atomi, partesve ita coarctantur, ut in locum redactæ angustiores, inania in ipso spatiola pauciora

pauciora contractionave comprehendant. Taceo vero esse quoque manifestum, pro ratione intercepti copiosioris pauciorisve inanis, aerem, v. c. aut lumen rarum esse intelligi; saxum autem, ferum, & alia horum de genere, esse densa.

Oriri & cum istis videntur Perspicuitas, & Opacitas. Siquidem unaquæque res tanto, cæteris paribus, est magis perspicua, quanto rarior est; tanto opacior, quanto densior: quoniam rarior est radiis lucidis, visibilibusque patentior; densior vero obstantior. Dico tamen cæteris paribus; quoniam alioquin corpus densius, quemadmodum vitrum, habere meatulos inanes ita in directum positos potest, ut radii facilius per ipsum, quam per corpus rarius, ut brassicæ solium, cujus meatuli à corpusculis varie permixtis sint intercisi, trajiciantur. Nempe ipsi quoque radii percinduntur, nisi recta foramina, cujusmodi vitri sunt, tranent.

Rursus oriuntur Fluiditas, Liquiditasve, & Firmitas. Siquidem non alia de causa videtur corpus fluidum esse, quam quia Atomi particulæve ex quibus constat, & spatiola inania intercepta habent, & dissociatæ mutuo sic sunt, ut sint mobiles inter se, ob spatiolorum non resistantiam. Neque etiam videtur quid firmum alia esse de causa, quam opposita; atomis nempe, seu partibus ita se presse tangentibus, mutuoque coherentibus, ut pari ratione emoveri non valeant; cum & tales haberi possint, ex quibus magis hamatis, & quasi ramosis, ipsum corpus arcte compactum teneatur. Ut speciatim aqua, liquida cum sit, firmetur in glaciem, dicetur inferius.

Adhæc, & quæ ex istis dependent, Humiditas, & Siccitas. Humiditas nempe floris est species, hoc superaddens solummodo, quod humidi partes corpus aliquod contingentes, aut in ipsum pene-

penetrantes, adhærescere ipsi valeant, unde & humidum madidumve reddant. Siccitas vero firmitatis est species, id solum addens, quod siccum corpus humiditatis expers sit.

Præterea, quæ cum his cohærent, Mollities, & Durities, quæ aliunde etiam cum raritate, & densitate congruunt, prout cæteris paribus unumquodque corpus tanto mollius est, quanto rarius; tanto durius, quanto compactius; quod quidem jam ante insinuatum est, cum de soliditate atomorum. Cæteris, inquam, paribus; quoniam lulum molle, pumex durus est, ob cohæSIONem majorem partium cavitates intercipientium resistentiumque tactui, neque valentium cedere in cava alioquin postica,

Sunt & quæ rursus ex his dependeant, ut Flexibilitas, Tractilitas, Ductilitas, aliæque ex mollitie; oppositæque ex duritie. sed indicasse abunde est.

#### CAP. XIV. *Qualitates ex Atomis, spectatis secundum proprietates singulatim sumptas.*

SEcundo autem modo, & quatenus quidem Atomorum proprietates singulatim attenduntur; ipsa imprimis cujusque rei Magnitudo, Quantitas, Moles, non aliunde est, quam ex coacervata magnitudine earum atomorum, ex quibus contextitur. Constatque adeo Augmentationem, Deminutionemque corporum ideo fieri, quod atomi quocunque adveniant, donent ipsas res augmine; unde cunque abeunt, imminuunt.

Prætereo autem, quatenus atomi majores aut minores sunt, fieri posse quas dicimus Hebetudinem, & Subtilitatem; ac reddi causam exinde posse,



posse, cur ignis fulmineus penetrantior sit, quam noster è tædis; quorsum lumen pertransseat cornu, à quo imber respuitur: & consimilia plurima.

Ipsa aliunde Figura rerum, nisi à figura atomorum pendeat (cum pendere tamen videatur in omnibus rebus, quæ eadem figura constanter nascuntur) at generatim saltem verum est, unumquodque corpus ideo figurari, quia constat ex partibus terminatis, figuratisque; figura enim terminus est.

Sic vero, tametsi ex Lævitate, & Asperitate, quas dixi figuræ atomorum esse cognatas, non sequatur necessario fieri, ut res læves ex lævibus, asperæ ex asperis sint; universe tamen nihil potest esse læve intelligi, nisi cujus partes ad minimas usque lævigatæ sint; asperum, nisi cujus sint asperatæ.

Hic nota posse tam ex figura, quam ex magnitudine causam reddi, cur vinum per colum perfluat facile, olivum autem tardum cunctetur. Nempe, quod possit oleum constare non ex majoribus modo, sed etiam ex magis hamatis, perque plicatis inter se atomis.

Pondus denique, seu Motrix facultas, quæ unicuique rei inest, non potest aliunde oriri, quam à pondere, seu mobilitate atomorum. Cum id vero dictum jam sit, adnotandum hic solum est, ut omnes atomi sunt graves, nullæ leves, ita omne concretum corpus esse grave, nullum leve, sive quod non sit ex se comparatum ut deorsum tendat.

Ac obijcitur quidem statim Ignis; verum, cum is non desinat habere propensionem deorsum; ideo tamen contendit sursum, quod ab aere ambiente eo compellatur: eo modo, quo videri solet, quanta vi tigna trabesque, res alioquin graves, humor aquæ respuat, & quo mergimus magis altum, eo quasi cupidius revomat ac remittat.

Ex

Ex quo fit proinde, ut ea, quæ levia dicimus, non absolute levia sint, quasi sponte contendant sursum; sed comparate solummodo, hoc est, quatenus minus gravia sunt, & à gravioribus, quæ præ ipsis se deorsum premunt, extruduntur. Adeo ut, cum terra gravissima sit, aqua gravis minus, aer adhuc minus, & ignis omnium minime; Terra quidem sursum, & procul à medio pellat aquam, aqua aerem, aer ignem; at si subductam supponas terram, aqua ad medium accessura sit; si aquam, aer; si aerem, ignis.

C A P. XV. *Qualitates ex Atomis, spectatis secundum proprietates conjunctim acceptas.*

**A**T vero acceptis conjunctim proprietatibus atomorum, & commistis præsertim, variatisque iis; de quibus dictum hætenus, raritate videlicet, densitate, & cæteris, oriuntur rerum facultates, quæ activæ & motivæ cum sint, id à pondere, seu mobilitate atomorum habent; & cum hæc hoc modo, illæ illo agant, id habeant oportet, tum à speciali atomorum magnitudine, & figura; tum à vario inter ipsas ordine, atque positu; tum à laxitate, compressione, connexionem, sejunctionem, &c.

Hujuscemodi autem sunt non modo in ipsis animalibus facultates sensuum, Visus, Auditus, Olfactus, Gustatus, Tactus, quibus scilicet possunt res sensibiles percipere; verum in ipsis quoque rebus ipsæmet vocatæ qualitates sensibiles; ex nimirum sunt in rebus facultates ferendi & afficiendi certo modo sensus, ad hoc, ut ab iis percipiantur; ut puta Color & lux visum, Sonus auditum, Odor olfactum, Sapor gustatum, Calor & Frigus præ cæteris

cæteris tactum. Quo fit, ut dicturi de illis posterius, omittere hic istas non debeamus, de quibus egisse ut operæpretium, ita compendium futurum sit.

Atque ut à Colore exordiamur, agi sane de eo non potest, quin copulanda ipsi Lux sit; quoniam sine luce colores sunt nulli, colorumque adeo varietas ab ipsa nocte tollitur; unde & apud inferos nigra esse omnia dicuntur. Cum sint vero in tenebris res omnes æque excolores, sunt nihilominus in ipsis ipsarumve superficiebus dispositiones extremarum particularum variæ, ob quas lux affusa ita varie modificetur, ut cum hac modificatione reflexa in oculum, varios in illis colores exhibeat; ut puta album, ex. gr. cum pupilla quoddam genus plagæ istiusve excipit in se; nigrū, cum aliud, &c.

Nempe, cum colores non sint cohærentes corporibus, sed juxta quosdam, respectu visus, ordines positusque gignantur; non gignuntur tamen, nisi ad superficiale illorum dispositionem accedat lux, tanquam complementum, seu pars coloris aliqua; neque seclusa hac parte video qui dicere liceat, corpora, quæ in tenebris inconspicua sunt, colorem habere.

Et sane, cum non modo ipsum columbæ col- lum, cauda pavonis, & similia, colores varios pro vario ad lucem positu exhibeant, verum etiam cæteræ res coloribus aliis aliisque appareant, prout in aliis aliisque statuuntur lucis gradibus; quidni liceat intelligi ipsam esse universe lucem, cujus ad ventu res induant, abitu amittant colores.

Lux interim ipsa, cum nihil aliud sit, quam substantialis quædam effluxio à lucido corpore, visibilis per se non est, sed in ipso solum colore, quatenus illius est pars; neque enim per purum liquidumq;  
medium

medium conspicitur, neq; cum seu in lucido, seu in illustrato corpore conspici putatur, ut quid distinctum conspicitur ab ipso, sive lucidi, sive illustrati colore. Neque denique ipsa Umbra illius privatio, alio modo est, quam quia simul privatio est coloris in re umbrefacta, quæ ea semper proportionem colorem, qua & ipsam lucem, amittit. Qui fiat porro quamobrem Umbra, tametsi mera privatio sit, moveri tamen appareat, in Canonica dictum est.

Sonus nihil aliud est, quam effluxio tenuissimorum corpusculorum, ab usque loquente, resonante, aut quomodocunque strepitum edente, emissæ, iac idonea, quæ in aurem subiens, auditum afficiat.

Et quod sit quidem corporea effluxio, ex eo probatur, quod sensum moveat, & ipsum quidem aut demulcendo aut asperando; utique ob corpusculorum lævorem, aut asperitatem: quod & per aerem moveatur, & corporibus solidis impactus resiliat, unde & Echo fit; utique ob ipsam corpusculorum soliditatem. Quod & imminuatur, & confusus evadat: utique ob corpusculorum deductionem in longo progressu, aut divaricationem in transitu per septum densius; cæteraque huiusmodi.

Quod si requiras quamobrem Sonus eo, quo lux speciei seu coloris non potest, pertingat, ut cum loquimur clausis foribus: Causa est, quia lux coloris seu imago nonnisi in directum potest tendere; at Sonus potest etiam per ductus obliquos sese insinuare. Scilicet, quod dum excitatur, profiliat in moleculas, quæ sursum, deorsum, prorsum, retrorsum, dextrorsum, lævorsum, & quolibet versum flectantur; eo modo, quo ignis scintilla dissultat interdum in scintillulas, quæ quoquo-versum dirigantur.

De

De Odore idem dicendum: Effluxio enim quæque est, quæ ab odora re excedens & quoquo-versum diffunditur, & adjectus ad nares, ipsum olfactus sensum movet; atque ipsum quidem aut deliniendo, aut compungendo. Est proinde & ipse corporeus, & magis etiam quam ipse sonus: quippe cum & segnius per spatium incedat, & non tam procul perveniat, & non per ea septa penetrer, per quæ ipse Sonus.

Circa Saporem, id discriminis est, quod licet consistat in corpusculis rei, quæ dicitur sapida, contentis; ea tamen in diffitam linguam palatumque non exeant, sed tum solum, cum res sapida linguæ admovetur, in illam sic subeant, ut texturæ ipsius applicentur, aut leniter, sicque sensum suavem faciant; aut asperiter, sicque insuavem creent.

Ad Calorem & Frigus quod spectat, is quidem sensus, quem exprimunt, ad Tactum referendus est; sed cum ad tactum proprie pertineant enumeratis qualitatibus plures, veluti durties, mollities, humiditas, siccitas, aliæ, quæ rei tactilis ad manum, partemve aliam corporis, applicationem exigunt; hæ tamen duæ sentire possunt, non modo, cum calida frigidave res manui, alterive parti applicatur; verum etiam, cum diffita, & in ea quidem distantia est, ut in ipsam transmittere corpuscula ex se quædam possit.

Nempe ipse quidem potissimum Calor effluxio est corpusculorum, seu atomorum majoris, quæ sint mole exiles, figura rotundæ, motu celeres. Etenim, qua exiles sunt nullum est corpus adeo compactum, ut non inveniant porulos, per quos in illud subingrediantur; qua orbiculares, tum facile moventur, tum se quoquo-versum insinuant; qua celeres, tum rapide impinguntur, & in corpus subeunt,  
ut

tum aliis aliisque succedentibus sic urgentur, ut per totum penetrent, & si pergant agere, partes illius secernant, exturbent, ac totum denique dissolvant. Tales quippe sunt effectus caloris, & igniscentis potissimum (neque enim ignis aliud est, quam calor intensus) erga universa corpora; ac in animali solum additur ipse caloris sensus, qui ex divulsione solutioneque continui est.

Frigus autem, est quidem etiam effluxio; verum atomorum, quarum sit moles grandior, figura angulosior, motus segnior. Scilicet, cum sint contrarii effectus, debent principia esse contraria; ac ejusmodi quidem, ut cum calor disgreget atque dissipet, frigus compellat constipetque; ac in animali quidem cum speciali sensu id faciat, quatenus subiens in cutis poros, tum faciebus corpusculorum caloris corpuscula reprimat, introrsumque abigit; tum angululis vellicat, discerpitque, qua prætervadit.

CAP. XVI. *De iis Qualitatibus, quæ habentur rerum Eventa; ac præsertim de Tempore.*

Superest pauca attingamus de illis Qualitatibus, quæ non tam Conjuncta, quam Eventa accidentiæ sunt; ac idcirco rem non interne afficiunt, sed externe solum, ac intercedente quodam respectu tales faciunt. Non quod intra res quoque ipsas Eventa aliqua non sint, cujusmodi sunt positus, ordines, intervalla partium particularumve & similia: sed quod talia cum sint, Eventa sint ipsarum partium, non constantis ex iis totius.

Sunt vero Eventa hujusmodi illa universe omnia, ex quibus consurgit aliqua Relatio, propter quam unaquæque res dicitur esse ad aliquid; ut  
similis,



similis, dissimilis; major, minor; multa, pauca; superior, inferior; dextra, sinistra; causa, effectus; dans, accipiens, & quæ id genus innumera sunt.

Notum est autem Relationem esse opus mentis, five opinionis unum referentis comparantisque ad aliud; adeo proinde ut seclusa opinione, unaquæque res sit illud solum, quod est in se, non vero quod respectu alterius. Quo pacto ad Eventa retulimus quoque; superius Libertatem, & Servitutem, Divitias, & Paupertatem, &c quoniam seclusa opinione, homo nihil aliud est quam homo, non vero liber, aut servus, dives, vel pauper, &c.

Porro ex omnibus Eventis, unum est, quod Eventum Eventorum, five Accidens Accidentium licet dicere, Tempus nimirum, à quo res omnes aut præteritæ, aut præsentis, aut futuræ denominantur, itemque aut diuturnæ; aut parum durantes, aut momentaneæ; interdumque etiam veloces, aut tardæ.

Nam imprimis quidem Eventum esse Tempus, ex eo constat, quod non sit aliquid per se, sed cogitatione duntaxat seu mente attributum rebus, prout concipiuntur in eo quo sunt statu perseverare aut desinere, & longiorem, aut breviorē exstantiam tueri; ac ipsam habere, habuisse, aut habituræ esse. Ex quo fit, ut Tempus non eo modo sit disquirendum, quo disquirimus cætera, quæ in subiecto aliquo, cogitatione seclusa, insunt. Neque proinde, ut quid sit, percipiatur, referendum hoc sit ad anticipationes rerum nobis ob oculos versantium; sed sit de ipso ratiocinandum juxta evidentiam, qua familiari sermone utentes, neque nos ambagibus intricantes, longū aut breve dicimus Tempus.

Deinde vero esse Eventum Eventorū, five Accidens Accidentium dicimus, quia cum rerum aliarum  
per

per se cohæreant ; ut corpus, ut item Inane , seu spatium ; aliæ autem cohærentibus eveniant sive accidant, ut dies, noctes, horæ ; ut item Passiones, & vacuitates ab ipsis ; ut motus, quies, &c. Tempus ista omnia Eventa seu accidentia consequitur, ipsisque, mente interveniente , quasi supervenit, superacciditque.

Siquidem & Dies, & Nox accidentia sunt aeris ambientis (& Dies quidem accidit ex illuminatione Solis, Nox vero ex privatione solaris illuminationis : Hora autem, cum seu diei, seu noctis pars sit, aeris rursus accidens est, perinde ac dies & nox) at Tempus coextenditur omni & diei, & nocti, & horæ : hancque ob causam aliqua & dies , & nox longa, vel brevius dicitur, dum ferimur cogitatione ad superveniens ea ratione tempus.

Pari ratione, Passiones quoque, & Indolentiæ, seu dolores , & voluptates nobis contingunt , ac ideo non substantiæ quæpiam, sed eorum, qui iis afficiuntur (nimirum cum delectationis aut molestiæ sensu) accidentia sunt. Porro & ista accidentia sine tempore non eveniunt.

Præterea vero & Motus, & Quies, ut jam declaravimus, corporum accidentia sunt ; neque illa sine tempore. Quocirca motus celeritatem tarditatemque ; tempore metimur ; itemque quietem multam, aut exiguam. Et quia Tempus nemo per se, semotumve à rerum motu , quieteque percipit ; ideo percipiendo res gestas, ut bellum Trojanum, & alia, quæ cum motu fiunt , & partim hominum gerentium, partim locorum in quibus geruntur, accidentia sunt, percipitur una ipsum earum Tempus, prout comparantur ad nostram, & rerum inter ipsas ac nos interceptarum, existentiam.

CAP. XVII. *De Ortu, & Interitu; seu Generatione, & Corruptione rerum Concretarum.*

SUPEREST hisce subjiciamus quomodo oriantur, & intereant res; seu quæ sit illarum Generatio, atque Corruptio. Itaque est quidem tam illa quam hæc quæpiam Mutationis sive Alterationis species; at cum per alias mutationes non novum corpus fiat ac exstet, sed id duntaxat, quod jam est, novam qualitatem, novamque ex ipsa denominationem acquirat; Generatio mutatio est, qua unumquodque corpus primo producit, esseve in rerum natura, ac denominari tale incipit: Corruptio vero est mutatio, qua ultimum dissolvitur, ac esse in rerum natura, & denominari tale desinit. Sic enim Ignis, Planta, Animal, & quicquid in certo corporum genere est, cum in lucem primum oritur, & denominari tale incipit, generari dicitur; cum ex luce abit, neque amplius tale denominari potest, corrumpi.

Cum dico autem Corpus primo produci, sive esse incipere, non contendo sane non præfuisse quicquid substantiæ, seu corporis, corporeumve in ipso est: Siquidem præfuere omnes atomi, & moleculæ, sive semina, ex quibus contextitur; ut cum domus dicitur fieri, intelliguntur lapides, ligna, & alia, ex quibus construitur, præexistisse: sed contendo solum ejus atomos seminaque sic commisceri, eaque ratione adunari, ut novo sint modo, sive nova forma, qua nullatenus ante fuerant: ac ideo corpus exinde resultans sit tunc primum ejusmodi, ac tale incipiat denominari.

Hinc,

Hinc, quia non tam nova substantia, quam in substantia coadunata Qualitas nova oritur, efficitur, ut Generatio species aliqua mutationis sive alterationis fit; & Corruptio similiter, sed opposito sese habens modo. Quamobrem & fit, ut Generatio, & Corruptio sola principiorum concretionem & secretionem fiant; non item vero transmutationem; quod atomi sint, ut jam dictum est, omnis mutationis, ac ideo transmutationis incapaces.

Et certe, cum omnis Mutatio (sicut jam diximus, & repetetur etiam mox) aut transpositione, aut adjectione, aut detractione partium fiat; consequitur, ut atomi cum ita compactæ solidæque sint, ut nullæ earum particulæ transponi, addi, detrahi possint, immutabiles sint atq; incorruptæ; ac tales sint etiam earum proprietates, cujusmodi sunt quantillæcunque illæ magnitudines, & figuræ propriæ. Nempe ista quoque remanere cum atomorum substantia in ipsis concretorum dissolutionibus est necesse. Quidni? cum etiam in rebus, quæ apud nos ex arbitrio transformantur, ut cum homo ex stante aut recto sit sedens contractusve membris (adde &, si velis, denigratur, aut calefit) intelligatur semper inexistens ipsis eadem magnitudo, eademque figura sive ordo partium inter ipsas competere; qualitates vero non inexistentes nec propriæ, veluti statio, rectitudo, albor, frigus, &c. non perinde ac illæ superstites maneat in subiecto quod transmutatur, sed ex ipso corpore toto, aut ex parte, cui inerant, pereant.

Cum principia ergo intransmutabilia sint, & in Generatione nihil aliud, quam misceantur, concernanturque; sequitur, ut Mistio fieri nulla possit, quæ sit perfecta quædam per coalitionem confusio,

sio, sed quæ sit solummodo quædam per appositionem compositio: atque ea quidem, seu molecularum ex atomis conflatarum duntaxat misceantur, seu molecularibus etiam resolutis in atomos misceantur ipsæ atomi; idque proinde, non sine molecularum, corporumque ex iis constantium, ut vini, aqua, mellis, similibusque interitu; & corporis mixti, molecularumque ipsius exortu. Videlicet, non quasi aqua, & vinum, v. g. sed quasi aquificæ, ut sic loquar, & vinificæ atomi misceantur.

Et ad Generationem quidem, quæ in Inani infinito fit, concipiendum est atomos ab invicem sejunctas, & figura, magnitudine, positione, ac ordine differentes inter se, ferri per Inane; ac ubi concurrunt, mutuo comprehensas, addensari, & conditionem rei variam, quatenus contigerit, fieri: Coeunt scilicet juxta proportionem magnitudinum, figurarum, positionum, ordinum; & hac ratione accidit, ut ipsa generatio compositorum perficiatur.

At ubi Generatio unius ex corruptione alterius fit, contingere id solet juxta triplicem, quem circa Alterationem attigimus, modum. Nempe aut sola partium atomorumve Transpositione, ut cum rana ex limo, vermis ex caseo gignitur: aut accedentium Additione, ut cum semine accedente ad grandiores massas: tanquam coagulo in lac, aut fermento in pastam, gignitur Planta, vel Animal: quo modo quoque fit augmentatio, quæ res genita adaugefcit: aut Abjectione præexistentium; ut cum ex secretionibus aquosarum, cinerearum, aliarumque partium, quæ erant in ligno, generatur ignis; ex secretionibus mellis, quod in favo, cera, atque ita de cæteris.

Inservit porro hic illa quoque literarum similitudo, ut duo quæpiam intelligamus; Unum, spe-

ciales Generationis (ac pari ratione oppositæ Corruptionis) modos, qui possunt sub quolibet trium expositorum accipi, evadere, nisi infinitos, saltem innumerabiles, ineffabiles, incomprehensibilesque; quippe, cum vel ex solis viginti quatuor, quæ in alphabeto sunt, literis, ea possit dictionum, quæ sit propemodum incomprehensibilis, multitudo creari.

Alterum, ut non ex omni literarum commistione, accommodatæ pronuntiationi lectionique dictiones fiunt; ita in naturalibus rebus non omnia ex omnibus fieri, seu atomos omnes non esse idoneas ut ad quamlibet rerum concretarum constituendam speciem coalescant. Scilicet unaquæque res eam exigit dispositionem, ut atomi ipsam constituentes, eas, quæ sibi sint congruæ, adiscificant, ac velut consocient; aliquas prætereant, ac veluti respuant: ex quo rursus fit, ut cum res dissolvitur, congruæ quæque se mutuo trahant, & ab incongruis expellant. Quod sane & ex nutritione, quæ aggeneratio est, patet; & vel ex eo constat, quod vulgo alioquin gignerentur portenta, ut semiferæ species hominum, Chimæ, & Plantanimalia.

Quod superest, ille profecto ne primis quidem, ut dicitur, labris gustavit Physiologiam, qui quidquam, quod ortum sit, putet æternum esse, posse. Quæ est enim coagmentatio non dissolubilis? aut quid est, cuius principium aliquod sit, nullum sit extremum? Nempe, ut desint causæ externæ, quæ compaginem destruant; non deest tamen intestina motio, indomitæque ille atomorum connisus intra compactissima etiam & durabilissima corpora, ob quem necesse denique sit, consequi eorum exsolutionem.

Quamquam non immediate semper in atomos  
i. fas



ipsas exsolutio fit, sed plerumque in moleculas, partesve ex ipsis compositas, quæ sint species quædam concretorum corporum; ut cum fit ligni partim in ignem, partim in fenum, partim in quempiam humorem aqueum, partim in cineres exsolutio. Quocunque autem modo fiat, tenendum est semper, ut in generatione nulla substantia de novo fit, sed præexistens concernitur; ita in corruptione nullam esse desinere, sed in superstitem secerni.

*Effatum illud, Nihil, quod ortum sit, esse æternum, quatenus quidem extendi potest ad Rationalem animam, refutatum habetur in phys. sect. 3. memb. post. lib. 14. cap. 3.*

C A P. XVIII. *De iis, ob quæ genitum corpus in certo rerum genere est, & discernitur à cæteris rebus.*

PORRO, cum unumquodque corpus gignatur ex sola materie, sive principiorum materialium substantialiumque certo ordine positumque coalescentium, aggerie; ideo quod concretum genitumve est, intelligitur nihil esse aliud, quam ipsamet principia, quatenus certa hac ratione sive positura coalita sunt, ac proinde certa hac forma seu qualitate exhibentur.

Est vero hæc Forma, sive Qualitas, qua res genita & statuitur in certo rerum genere; ut metalli, aut lapidis, plantæ, aut animalis; & distinguitur ab omnibus aliis ejus, in quo est, generis speciebus, sive individuis: Est inquam, hæc forma, non una, & simplex, sed potius quædam quasi aggeries, & collectio complurium, quæ in nulla alia reperiri, quam in ipsa, valeat.

Quare & hoc loco adnotandum est, rerum figu-

ras, colores, magnitudinem, gravitatem, & qualitates universe alias, quæ enunciari solent de concreto corpore tanquam ipsius accidentia, idque five omnia visu deprehendantur, five aliis etiam percipiantur sensibus; illa sic cogitanda esse, non quasi sint quædam per se existentes naturæ, seu substantiæ (id siquidem mente assequi non licet) neque rursus, quasi plane non existant, seu prorsus non entia, merumque nihil sint; neque iterum, quasi talia sint, cujusmodi alia, quæ ipsi accidunt incorporea; neque denique, quasi sint quæpiam ipsius corporis partes: Verum ita habenda esse, quasi, cum sint varii modi sese habendi corporis, ipsum totum corpus ex illorum aggregatione obtineat propriam peculiaremque, seu speciei suæ naturam.

Non sane, quod corpus exinde tale quidevadat, qualis evadit moles major contexta ex minoribus, illisque aut primis minimisque, aut grandiusculis, & universe contextis ex aliis minutioribus; sed solum; quemadmodum dixi quod ex his omnibus conjunctis, habitisque pro differentia, propriam sibi, & ab omni alio distinctam naturam possideat.

Ac illa quidem omnia specialibus notionibus conceptibusque comprehenduntur, sed ita tamen, ut interim corpus, quod ex ipsis quasi totum quid resultat, ac minime est divisum in se, sed ut unum quid intelligitur; denominationem obtineat talis corporis, quod in certo rerum genere habeatur.

Et potest quidem intelligi pene idem fieri, ex Eventorum quorundam congerie quæ in nullo alio reperiantur eadem; hoc est, potest quidem res, quibus illa congruunt, ex ipsorum notionibus discerni, ac denominari; sed tum tamen solum, cum ea singula advenire deprehendantur, utpote

cum non sint ex illo accidentium genere, quæ ut inexistencia sunt, sic sunt necessario semperque conjuncta, ac idcirco faciunt perpetuam denominationem.

Quæri hic posset, an, si facta per mortem nostri exsolutione, contingeret ipso temporis progressu, ut casu quodam eadem omnia ex quibus constamus principia, iterato, ac eodem modo, quæ jam sunt, coadunarentur, iidem, qui jam, existeremus, ac denominari possemus? Respondendum vero, id quidem indubium; sed ita tamen ut nihil ad nos, prius aliquando fuisse, attineret; quoniam in ipsa exsolutione periisset omnis habitus, omnisque memoria eorum, qui fuissetus: sicque proinde foret omnis repetentia, reminiscenciaque nostra interrupta, ut ne posset quidem, quod olim exstiteremus, in mentem venire. Atque hæc quidem de Universo.

## S E C T. II.

### *De Mundo.*

SEquitur de Mundo dicamus, qui est ipsius Universi, seu infinitatis rerum quædam portio, ac describi potest non incongrue, Cæli complexio, Sidera, Terramque, & quicquid est rerum conspiciabilem continens.

Cum Cæli complexionem dico, innuo Cælum esse partem Mundi extimam, quæ & Æther dici, & Regio ignis valeat, ob Sidera, quæ continet, quæque sunt totidem quasi accensi ignes.

Terram autem cum memoro, partem Mundi imam, seu quasi mediam intelligo; cui & inest Aqua, & incumbit Aer, Ignis regioni proximus; & cum varia sint, quæ ex his & in his creari videmus,

mus, idcirco illa nomine rerum conspicabilium comprehenduntur.

Quoniam vero & potest & solet requiri de Mundo, Qua forma interius, qua figura exterius sit? Æternus ne sit, an initium habuerit? Alione Authore, quam ipsa Natura, Fortunave indiguerit? Qualis exortus & Totius, & Partium ejus fuerit? Aliquone egeat Rectore, an vices per se obeat? An, quomodo, quando sit interiturus? Unicusne sit, an sint præter ipsum alii innumerabiles? ideo paucis est de singulis dicendum.

### CAP. I. De Forma, & Figura Mundi.

**E**T circa Primum quidem caput; non est sane Mundus interna sua forma constitutione ve animatus, ac multo minus Deus, ut aliqui existimant: sed cum quicquid unum forma aliqua seu constitutione censetur, tale sit, vel quod ejus partes uno habitu contineantur, veluti Planta aut Animal; vel quod compingantur quidem inter se, verum absque crasi aliarum in alias, quemadmodum domus aut navigium; vel quod dissita quidem mutuo sint, sed quandam tamen relationem ad se invicem habeant, ut exercitus, & Respublica; Mundus est solum partim secundo, partim tertio modo reputandus unus.

Et secundo quidem modo haberi unus potest; quatenus inter Solem, Lunam, cæterasque partes Mundi solidiores compactioresque intercipitur sive aer, sive æther diffusilis, quo veluti cohesio fiat. Potest vero etiam tertio, quatenus rursus Sol, Luna, Terra, aliaque corpora compacta, sic dissita inter se sunt, ut non sine quodam tamen ordine superiorum; inferiorum; antecedentium, consequentium; illustrantium, illustratorum, regiones, sedesque obtineant.

Dicere

Dicere autem esse Mundum primo præterea modo unum, qui intelligi valeat? cum si res ita se haberet, ac Muadus, ut volunt, foret Animans, nihil existimandum inanime foret, non lapis, non etiam cadaver, non demum quidvis aliud; scilicet uno habitu, qui anima esset, per omnia diffuso.

Necvero, qui esse Mundum animantem sapientemque asserunt, satis attendunt, intelliguntque, quam cadere naturam id possit. Siquidem quemadmodum arbor non nascitur in æthere, non piscis in arvo, non sanguis in ligno, non humor in punice; ita non potest animus, animave nasci, aut esse indiscriminatim in quolibet corpore; sed cum certum sit, ac dispositum, ubi quidvis crescat, & insit; quærenda omnino est ejus natura non longe à nervis, & sanguine; ac proinde nullatenus in putribus terrarum glebis, in aqua, in Sole, in æthere, &c.

Quod autem aliqui contendunt, esse non modo animo & sensibus præditum Mundum, verum esse quoque rotundum, ardentem, volubilem Deum: hæc jam sunt portenta, & miracula, non sane differentium, sed somniantium Philosophorum. Ecquis enim possit intelligere, qualis sit iste volubilis, & rotundus Deus? Quæ vero illi tribuitur vita? Nempe, ut ea celeritate contorqueatur, cui par nulla ne cogitari quidem possit: In qua non video ubinam mens constans, & vita beata possit insistere.

Esto vero Mundus Deus: ut Sol, Luna, ac cæteræ partes Dei sunt, sic ipsa quoque profecto Terra, quoniam pars Mundi est, pars est etiam Dei. Atqui Terræ maximas regiones inhabitabiles atque incultas videmus, quod pars earum appulsu Solis exarserit, pars obriguerit nive pruinaque, lon-

go Solis abscessu. Quæ, si Mundus est Deus, quoniam partes Mundi sunt, Dei membra partim ardentia, partim refrigerata dicenda sunt.

Ad externam formam Figuramve quod spectat; certum imprimis esse videtur, esse quoddam Mundi extremum; quoniam Mundus est aliquod quasi resegmentum Universi infiniti; at vero quale istud sit, ecquis valeat conijcere, nisi illinc advenierit?

Nam, cum illud quidem esse videatur cœlum; nihil est rerum apparentium, quod repugnet, quo minus sit rarum; nihil, quo minus densum sit. Rarum, quod possint sidera, quæ in ipso sunt, moverique apparent, motus suos per ipsum obire: Densum, quod possit ipsummet sidera sibi infixæ cingere.

Rursus, nihil proinde repugnat, quo minus aut quiescens sit, si sidera quidem per ipsum moveantur; aut circumactum, si sidera ab ipso rapta circumducantur.

Adhæc, nihil quoque repugnat, quo minus rotundum, ovatum, aut lenticulare sit; ac præsertim quidem, si ipsum moveatur; nihil rursus, quo minus sit triangulare pyramidaleve, quadratum hexahedricumve, aut figura alia facierum planarum; ac potissimum, si immotum sit.

Qui certe quibusdam ducti argumentis, unam quampiam determinatam figuram Mundo sic asserunt, quasi habere aliam non possit; est quorsum miremur eorum tarditatem. Nam tuentur quidem plerique esse Mundum, ut immortalem ac beatum, ita & rotundum, quod ea forma ullam esse neget pulchriorem Plato; at mihi quidem vel cylindri, vel quadrati, vel coni, vel pyramidis videtur esse (propter varietatem scilicet) formosior.



## CAP. II. De Novitate Mundi.

Quod ad secundum attinet caput, non est sane æternus Mundus ; sed esse aliquando cœpit.

Nam primum quidem, cum eadem sit natura totius, quæ partium ; & observemus partes Mundi esse ut interitui, ita ortui obnoxias ; idcirco oportet totum quoque Mundum esse interitui, ortuique obnoxium. Partes porro ipsius Mundi exoriri, ac interire ; seu nativas esse, ac mortales, tum sensu ipso demonstratur, tum inferius quoque deducendum est.

Neque dicat quis mutationes, quæ in partibus Mundi fiunt, non præcipuarum esse partium, ut Solis, Lunæ, Terræ, aliarum ; sed minorum solummodo, quæ sunt duntaxat particulae, ex quibus illæ præcipuæ constant. Quippe is conijcere debet, si præcipuæ partes ex partibus constant mutationi obnoxiiis, esse & ipsas totas mutationi obnoxias ; ac nisi crebro occurrant causæ adeo validæ, ut illas immutent, nihil obstare nihilominus, quin tales aliquando occurrant ; uti & inter ipsas minores quædam diu perstant incolumes, quæ temporis tamen progressu mutationis causas inveniunt.

Deinde, cum rerum historiarum omnium antiquissimæ, bello Thebano Trojanoque superiores haudquaquam sint ; quorsum id quæso, nisi quia Mundus admodum vetustus non est, tantum abest ut sit æternus ? Nam si æternus quidem, cur non Poetæ quoque alii alias aliasque res cecinerunt ? Quonam tot virorum illustrium toties cecidere tot gesta ? cur nusquam florent insita æternæ famæ monumenta ?

Pari ratione, cum omnes artes recens ad inventas habeamus, quando inventores omnium non nesciuntur (nam & quod in dies multæ excolantur, incrementumque accipiant, nimisquam manifestum est) quorsum id quoque, nisi quia Mundus non potest valde pridem cœpisse? Neque enim potuisset Mundus tamdiu carere artibus, quæ tantæ ad vitam sunt utilitatis.

Quod si forte credis paria monumenta, paresque artes antehac fuisse, quæ magnis quibusdam incendiis, diluviis, terræ-motibus, una cum ipsis urbibus, gentibusque everfis perierint: an-non fatearis necesse est, futurum quoque aliquando terrarum, cœlique exitium, uti & contigisset, si illis casibus gravior aliqua causa incubuisset? Quippe & nos ipsi non alia de causa mortales reputamus nos, quam quia deprehendimus nos iisdem morbis ægrescere, ac illos, quos vidimus mori.

Habui ergo Mundus initium; neque, ut constare ex his potest, vetustatis est valde magnæ. Quādo cunque autem cœperit, videtur omnino à Verna anni tempestate cœpisse. Nempe, cum tunc omnia primum germinarint, floruerint, fœtus conceperint, & ipsa Mundi novitas temperiem caloris frigorisque exegerit (scilicet fovendis novis fœtibus) priusquam deinceps in alterum extremorum deflecteretur.

### C A P. III. De causa Mundi.

**A**D succedens caput quod spectat, eximendum imprimis est à solitudine, ac labore Mundi extruendi divinum Numen: Neque enim esse potest à causa beata simul, ac immortalī, quæ ipsum fabrefecerit.

Quibus-

Quibus-nam certe oculis intueri Plato potuit fabricam illam operis tanti, qua construi à Deo atque ædificari Mundum facit? Quæ molitio? quæ ferramenta? qui vestes? quæ machinæ? qui ministri tanti muneris fuerint? Quemadmodum autem obedire, & parere voluntati Architecti aer, ignis, aqua, terra potuerunt? Unde vero ortæ illæ quinque formæ, ex quibus reliquæ formantur, apte cadentes ad animum efficiendum, pariendosque senius? Longum est iterare omnia, quæ talia sunt, ut optata magis, quam inventa videantur.

Sed & is, quem perhibet, Deus, aut non fuit priore illo ævo, quo corpora sive immota erant, sive nullo ordine ciebantur; aut tum dormivit; vel vigilavit; neutrumve istorum. Primum admitteri non potest, siquidem Deus æternus est. Neque secundum: Quippe, si ab æterno dormivit, mortuus ergo fuit; quoniam æternus somnus mors est. Sed ne capax quidem somni Deus est; magno enim intervallo divisa sunt immortalitas Dei, & res vicina morti. Quod si vigilavit; aut aliquid ipsi ad felicitatē defuit, aut perfecte beatus fuit. At Prius non sineret cum esse felicē; non est enim felix, cui aliquid ad felicitatem deest. Posterius vero absurdū est; quoniam cui nihil deest, inanis illi rerum molitio.

Quid ergo erat, ut hoc inculcem, quod concupisceret Deus Mundum signis, & luminibus, tanquam ædilis ornare? Si ut Deus melius habitaret; antea videlicet tempore infinito in tenebris, tanquam in gurgustio, habitaverat? Post autem, varietatene cum delectari putamus, qua cælum & terras exornatas videmus? Quæ ista potest esse oblectatio Deo, quæ si esset, non ea tamdiu carere potuisset?

An dicet quis hominum causa fuisse hæc à Deo

constituta? Verumtamen Sapientumne? Propter paucos ergo tanta est facta rerum molitio? An stultorum? At primum, causa non fuit, quod de improbis bene mereretur. Deinde, quid est assequutus, cum omnes stulti sint sine dubio miserrimi maxime quod stulti sunt? Miserius enim stulticia quid possumus dicere? Deinde, quod tam multa sunt incommoda in vita, ut ea sapientes commodorum compensatione leniant, stulti nec vitare venientia possint, nec ferre praesentia.

An & Mundum fecit, & in Mundo homines, ut ab hominibus coleretur? At quid Deo cultus hominum confert, beato, & nulla re indigenti? Vel, si tantum honoris homini habuit, ut ipsius causa Mundum fabricaret, ut instrueret eum sapientia, ut Dominum viventium faceret, eumque diligeret, tanquam filium; cur mortalem, fragilemque constituit? cur omnibus malis, quem diligebat obiecit? Cum oporteret & beatum esse hominem, tanquam conjunctum & proximum Deo; & perpetuum, sicut est ipse, ad quem colendum & contemplandum figuratus est.

Hisce ergo de causis dicendum est potius effectum esse Mundum Natura, seu mavis, ac ut aliquis Physicorum dixit, Fortuna,

Natura, inquam, quatenus ea natura est Atomorum per illam Universi, seu naturæ rerum immensitatem discurrentium, ut sibi invicem magna quadam copia occurrentes, apprehendere se, irretireque & implectere mutuo possint; ac sese varie commiscentes, primum quoddam veluti Chaos, & in vorticis modum glomerari; ac deinde post multas convolutiones, evolutiones, factisque molitionibus, & quasi tentamentis variis, (omnigenos videlicet motus, cœtusque experiundo) in eam tandem formam coire, qualem Mundus hic exhibet.

Fortuna

Fortuna vero, quod Atomi non consilio aliquo, sed prout sors obtigerit, concurrant, cohaereſcant, coaprentur; adeo ut Fortuna proinde, quemadmodum dictum jam est, non ideo sit causa per se aliqua, quæ atomos temperet, & ad talem effectum disponat; sed quod atomi sint ipsa Fortuna, quatenus nulla præmeditatione sibi invicem occurrentes, sese complectuntur, & tale concretum, prout obtingit, faciunt.

*Error hic totus cum locis aliis repressus habetur, tum speciatim Dissertatione, quæ de Authore Mundi est, in sect. 1. phys. lib. 4. cap. 5.*

#### C A P. IV. De Exortu Mundi.

**V**erum ut rem paulo specialius deducam, & ad aliud caput interim accedam, videtur Mundus in hanc figuram circumtornatus conformatusque hujusmodi quadam, sine follibus & incudibus, ratione prodiisse.

Imprimis, cum Atomi motu inconsulto ac fortuito essent, & continuo simul celerrimeque cicerentur, ubi in hunc Immensitatis locum, in quo jam est Mundus, occæperunt concurrere, seseque apprehendere, coacervatæ simul fuere in unam rudem indigestamque molem, in qua magnæ parvis, rotundæ angulosis, læves hamatis, aliæ aliis commistæ fuerint.

Deinde, in confuso hoc cœtu, ex, quæ majores gravissimæque omnium erant, cœpere sensim subsidere; & quæcunque fuerunt exiles, rotundæ, parvæ, lubricæ, illæ in ipso earum concursu cœpere exprimi, & in sublime ferri. Prorsus ut in turbida aqua, donec quiescit inclarescitque, partes terreæ deorsum subsidunt, aquæ sursum quasi eliduntur. Postquam vero impellens elidensque

vis, quæ sursum agebat, elanguit, neque ictus amplius in altum evexit, ipsæque interim atomi elisæ regredi deorsum prohibita ab aliis sunt; tum agiliores ad oras usque circum extremas avolarunt, tum aliæ & ab ipsis reflexæ, & aq aliis pone instantibus repressa; facta est mutua quædam implexio, quæ Cælum generaverit.

Quæ Atomī autem & ejusdem naturæ fuerunt (cum, ut dictum est, variæ fuerint) & acervatim, dum in sublime compellerentur, circumvolutæ; eæ perfecerunt Solis ac Lunæ, Astrorumque aliorum naturam. Hujusmodi autem fuerunt potissimum Ignificæ; nam quæ ab ipsis relicta sunt, neque tam altum emergere potuerunt, illæ Aeris naturam crearunt.

Tandem ex iis, quæ subsederunt, ipsa Terra genita est. Et cum multum adhuc in Terra superesset materiæ, eaque verberibus ventorum, aurisque ex astris spirantibus condensaretur; quacunque ejus figuratio ex particulis minutis constabat, expressa est, Humidamque genuit naturam. Ist hæc, cum esset fluida, in cava, & ad excipiendum continendumque idonea loca defluxit; aut ipsa per se aqua consistens, idonea loca excavavit. Præcipuè ergo Mundi partes genitæ fuere in hunc modum.

De minus præcipuis, ac veluti partium particulis, ut quidpiam addam: Videntur in prima illa commistione effecta fuisse generabilium corruptibiliumque rerum varia semina, ex quibus res variæ & conformatæ tum fuerint, & deinceps magna ex parte propagari etiam potuerint.

Et Saxa quidem, ac Metalla, cæteraque Fossilia, intra ipsummet terræ corpus, tum cum ipsa formata est, ideo concreari potuerunt, quod massa foret heterogenea, seu ex atomis ac seminibus diversæ naturæ constaret. Et quod ipsæ Saxorum



orum moles a d usque superficiem diversimode extuberarent; ideo creati exinde Montes, uti & quæ Conivalles ac Planities non potuere ipsis non intercipi.

Subinde vero circum montes collesque, & in vallibus, ac per arva, herbae, virgulta, arbores, eo proxime modo, quo circa volucrum & quadrupedum corpora ac membra, plumæ, pili, seræ nascuntur.

Verum ad ipsa quidem Animalia quod attinet, par est ipsam Terram novum genitale semen retinentem, quosdam ex se folliculos in quorundam quasi uterorum similitudinem protulisse, eosque, cum maturuissent, natura cogente ruptos, animalia tenera profudisse: deinde terram ipsam humore quodam, qui esset lacti similis, exuberasse, eoque alimento animantes esse nutritas.

Nutritas, inquam, eas animantes, quæ ita fuerunt conformatae, ut partes omnes nutritioni utilisque aliis necessarias habuerint. Nam, ut dum Nilus agros deseruit, & terra cœpit ardore Solis exarescere, cultores varia animalia versis glebis inveniunt, partim inchoata, partim imperfecta & trunca; ac ita quidem, ut in eodem altera pars vivat, altera rudis terra sit: sic par est inter prima illa Telluris quasi tentamenta, præter animalia perfecte formata, enata fuisse aliqua, orba manuum, orba pedum, orba oris, orba aliarum partium, sine quibus non licuit aut alimentum sumere, aut diu ætatem producere, aut genus suum propagare.

Quod de aliis autem animalibus dico, idem & de Homine ipso dictum volo intelligi. Videlicet folliculos, uterosve aliquos radicibus terræ coherentes, & à Sole concalescentes primum increvisse, & infantibus ex se editis ingentum lactis humo-

humorem natura ministrante præbuisse; quos ita educatos & adultos genus hominum propagasse.

Duo quædam addo: Unum haudquaquam esse probandum, quod aliqui aiunt fuisse tunc enatos, ac viguisse Centauros, Scyllas, Chimæras, aliaque; monstra ex diversis generum partibus constantia. Qua enim ratione potuerunt in Centauro, exempli gratia, hominis & equi membra coherere; cum tertio quidem ætatis anno, vix puero adhuc ablactato, equus jam floreat; & dum equus ætate præ senio languescit, homo florescente juventute sit.

Alterum, ut tellure nova, & seminibus pluribus, vegetioribusque, plura, ac majora, quam nunc creata fuere animalia, & in ipsis homines quoque; adeo ut illud hominum genus fuerit in arvis durius, tanquam ex ossibus nervisque & majoribus & solidioribus compactum; sic destituisse demum Terram, tanquam seminibus exhaustis, & quasi mulierem sratio vetusto defestam, talia animalia sponte parere; & exinde fieri, ut jam nusquam sponte erumpant homines; sed & ipsi, & perfectiora, majoraque alia animalia propagatione sola oriantur.

*Fabula hæc tota, quæ prodierit Mundus, refutata habetur sect. 1. phys. lib. 1. cap. 2. cum specialiter disseritur de Exortu Mundi; tum præter memoratam de Mundi Authore, illa quæ est de Usu partium in Animalibus, sect. 3. memb. post. lib. 2. cap. 3.*

### \* C A P. V. De obeunte suas vices Mundo.

SEquitur quaestio, An per se, an alicujus Numinis Providentia regatur Mundus.

Itaque existimare imprimis non oportet aut  
morum

motum cœli, aut æstivam hybernâque Solis conversionem, aut Solis Lunæque defectum, aut ortum occasumve Astrorum, aut alia hujuscemodi ideo fieri, quod sit Præfectus aliquis, qui sic disponat, disposueritve, ac simul beatitudinem, immortalitatemque possideat. Non enim cum felicitate congruunt negotia, sollicitudines, iræ, gratiæ; sed hæc præ imbecillitate, metu, opisque externæ indigentia contingunt.

Neque oportet rursus, cum id muneris & molestum sit, & à felici statu abhorrens, existimare eam naturam, quæ felicitatem est nacta, ejusmodi esse, ut sciens ac volens hæc animi commotiones sive perturbationes subeat; sed tueri potius respectu illius venerationem omnimodam, ac orationis genere uti eas suggerente cogitationes, ex quibus nullæ venerationi contrariæ opiniones nascantur.

Quare opinandum est potius, tum cum Mundus procreatus est, factos fuisse eos circumplexus circumvolventium se atomorum, ut creatis exinde corporibus cœlestibus, nata in ipsis fuerit hæc necessitas, qua tali modo moverentur, & circuitus tales obirent; ac pari modo cætera omnia vices suas agerent, pro cœpto semel rerum cursu.

Cur vero hoc potius non sit opinandum? Nam sive Deus ipse est Mundus, ut aliqui existimant; quid potest esse minus quietum, quam nullo puncto temporis intermisso, versari circum axem Cœli admirabili celeritate? Nisi quietum autem, nihil beatum est. Sive in ipso Mundo Deus inest aliquis, qui regat, qui gubernet, qui cursus Astrorum, mutationes temporum, rerum vicissitudines ordinesque conservet; qui omnibus in locis, omni tempore præsto sit; & quanta singularum rerum varietas, seu innumerabilitas potius est,

est, in totidem distrahatur curas ; dando scilicet operam, ut hoc, non alio modo fiant ; nã ille negotiis, ut ante objiciebam, molestis, operosisque est implicatus.

Quid quod, tametsi vel supponatur solum non curari à Deo res ; contingere non secus omnia, ac si nulla esset Providentia, deprehendetur ? Quippe nonnulla quidem bene, verum pleraque etiam male, & secus quam deberent, eveniunt. Nam, ut omittam cætera ; nonne, si ipse Jupiter fulminat, fulminave regit, deberet saltem parcere templis, saltem non facere occasionem, qua dubitetur, an non id casu, potiusquam divino consilio eveniat ? Scilicet, quasi omnibus rebus cursum tenere pergentibus, vicesque suas obeuntibus, prout fuerit ab initio cœptum.

Certe, hoc quoque maxime valet, quatenus specialem hominum respectu asserunt Providentiam. Nam, ut præteream, quod jam dixi, non posse beatam immortalemque naturam ulla teneri ira, aut gratia ; fac hominum res à Deo non curari, qui se illæ secus habituræ sunt ? Par in illis, aut etiam major, quam in cæteris animalibus imbecillitas, paria incommoda, par malorum seges. Servantur eorum aliqui conceptis votis, ex naufragio : quam multi votis conceptis pereunt ? Multi Liberos precati obtinent : quam-multi frustra, ut obtineant, precantur ?

Sed, ne longum faciam ; cur, si curæ Deo res humanæ sunt, & bonis male, & malis est bene ? Movet me sane quod video bonis adversa semper contingere, paupertatem, labores, exilia, carorum amissiones : malos contra beatos esse, augeri potentia, honore affici. Quod innocentiam minus tutam, scelera impune committi ; Quod sine delectu morum, sine ordine, ac discrimine anno-

rum

rum favire mortem ; sed alios ad senectutem pervenire, alios infantes rapi, alios jam robustos interire, alios in primo adolescentiæ flore immaturis funeribus extinguere : in bellis potius meliores & vinci, & perire. Maxime autem commoveret, homines imprimis religiosos gravioribus malis affici ; iis autem, qui aut Deos omnino negligunt, aut non pie colunt, vel minora incommoda evenire, vel nulla.

Quinetiam mihi videor non male hac ratione argumentari. Aut Deus vult tollere mala, & non potest ; aut potest, & non vult ; aut neque vult, neque potest ; aut & vult, & potest. Si vult, & non potest, imbecillis est, ideoque non Deus. Si potest, & non vult, invidus : quod æque alienum à Deo. Si neque vult, neque potest, & invidus, & imbecillis est, ideoque neque Deus. Si vult, & potest, quod solum Deo convenit ; unde ergo mala ? aut cur illa non tollit ?

*Impietas hac tota oppugnata est cum asseruimus esse Deum Rectorem Mundi in sect. 1. phys. lib. 4. cap. 6. itemque cum regere Deum speciali cura Humanum genus diximus ibidem cap. 7.*

## C A P. VI. Obiter de Geniis, seu Dæmonibus.

PERinde est porro, seu Deus res curet seipso, ut aliqui volunt ; seu, ut contendunt alii, per Administratos, quos Genios, ac Dæmonas passim appellant. Quippe & res non secus contingunt, ac si administri huiusmodi esse nulli supponerentur ; & ut concedantur esse aliqui, non possunt ii sane, quales fingunt, esse ; humana videlicet forma, & voce, quæ ad nos pertingat. Ut taceam, cum plerumque mali & vitiosi esse dicantur, non posse eos proinde felices longævosque esse ; quod pravitati

virati comes adsit & cæcitas multa, & pronus ad ea, quæ interimunt, lapsus.

Quam optandum foret, ut aliqui essent, qui nostri curam gererent; ut quæ defunt prudentiæ nostræ, nostrisque viribus, supplerent! Quam speciatim optandum iis, qui sunt in bello sanctissimorum honestissimorumque facinorum duces; ut non solum armis, equis, navibus, sed ipsorum quoque Deorum auxilio possent fidere.

Ac nonnulli quidem interdum apparere quibusdam dicuntur; Sed quidni ii, qui Genios apparere commemorant, aut mentiuntur, & fingunt; aut melancholici sunt, talesque, ut ærumnosum corpus ipsis tum suspendat, tum ad extraordinaria deflectat imaginationem? Notum est certe nihil esse imaginatione comparatius ad movendum, transformandumque (tametsi in re nihil subsit) in omnem speciem. Quipe, quod facta menti impressio similis sit illi, quæ in cera fit; quodq; humanæ menti habenti in se, quod fingit, & quod fingitur, ea insit vis, ut sumpta ex rebus visis auditivæ occasione quæpiam vel levissima, speciem ex seipsa facillime variet, atque transfiguret: ut manifestum quidem faciunt, quæ per somnū fiunt, insomniorum commutationes, tanquam ex quibusprehendatur imaginatrix facultas varietatem omnigenam affectuum, visorumque subire. Ut proinde mirum non sit, si ubi facultas est læsa, Dæmones, aut alia, de quibus quidpiam quocunque modo præconceperint, videre videantur.

Solent insuper argumento ad stabilendum ut Providentiam, ita exstantiam Dæmonum, obtemperare Divinationem: Sed piget humanæ imbecillitatis, quando & ex somniis Divinationem repetit; quasi nempe Deus per grabatos incedens stertentes admoneat visis tortuosis, quid sit  
ventu-



venturum: & ex omni portentorum, ostentorumque genere; quasi nisi Deum commiscuerimus, non modo cum Sole, cum Luna, cum variis animalibus, sed cum omni etiam ære, ac lapide, non habeamus satis idoneum eventuum hujusmodi opificem, Fortunam, & Casum?

Verum, ut de solis Oraculis dicam; cum possit tot modis convinci esse illa meras vatum imposturas; tum vel ex eo sane subodorari in promptu est, quod versibus utantur malis, quique sint plerumque principio trunci, medio clumbes, sine claudicantes: quod sane non contingeret, si funderentur divinitus; quando à Deo nihil, nisi bene decenterque fieri par est.

Et memini quidem, cum Sami adolescerem, solitum jactari Oraculum illud, quo ferebant Polycratem insulæ tyrannum Pythia & Delia celebrantem misisse simul Delum, sciscitatum Apollinem, num quæ spectarent ad sacrificium, ad præfinitum tempus offerret: ac respondisse Pythium, Hæc tibi Pythia & Delia sunt: addentes inde significatum, ea illi extrema futura: siquidem ipsum non multo post tolli è medio contigit: Verum qui potuit responso illo significari ea sacrificia fore extrema, potius, quam media: nisi quod vulgo avidi nimis auricularum homines sunt?

*Quid hic improbandum, quidque tolerandum, deducitur fuse cum ageremus de Divinatione in Ethica lib. 3. cap. 4.*

## CAP. VII. De Fine, seu Interitu Mundi.

JAM esse Mundum interiturum, finemque habiturum, ex eo dependet, quod genitus sit, exitumque habuerit. Siquidem necesse est omnia, ut

ut concernuntur, ita discerni, inque ea dissolvi ex quibus coaluerint: illa quidem id perpeffa ab istiusmodi, ista ab illiusmodi causis: sed omnia aliunde, & aliquando tamen. Quo magis profecto mirari par est, esse aliquos, qui non modo natum introducentes Mundum, sed etiam manu pene factum, edicant ipsum sempiternum. Quæ esse enim potest, ut supra arguebam, coagmentatio non dissolubilis? aut quid est, cuius principium aliud sit, nihil sit extremum?

Videtur sane esse Mundus, Animalis aut Plantæ instar, quemadmodum genitus, ita corruptioni obnoxius: Tum quia non secus ac illa, ex atomis constat, quæ propter motum intestinum, quo indefinentur cientur, moliri denique exsolutionem possunt; Tum quia, ut illis, ita & Mundo accidere potest extrinsecus causa, quæ ipsi exitium afferat: maximeque cum notum sit, unamquamque rem una via natam, denasci posse compluribus: Tum quia, ut in illis tres ætates sunt, Adolescentia, Vigor, & Senium; ita Mundus primum quodammodo increverit (quatenus etiam post genitale tempus accessere extrinsecus ex Universo atomi, quæ per ipsa Mundi quasi spiracula subierint, & ex quibus cælum, sidera, aer, mare, terra, alia adaucta fuerint, congruis videlicet ad congrua sese accommodantibus) deinde vero, quia crescendi debuit aliquis esse finis, in perfecto quodam quasi statu constiterit: ac jam demum occœperit ita quasi fatiscere, ut agnosci omnino possit ad extremam vergere ætatem.

Confirmatur autem imprimis, ex eo quod, ut viderè licet temporis progressu turres ruere, saxa putrescere, delubra & simulacra fatisci, unde & denique exsolvuntur: ita videamus Mundi partes sensim deteri, ac deminui. Terræ pars  
multa

multa abit in auras (ne aliquid dicam de majoribus illis concussionibus, quibus metus incuritur, ne quando tota corruat, & subtracta pedibus, quasi in barathrum feratur.) Aqua partim quoque in auras halatur, partim per terras sic bibitur, ut non omnis sit refluxura: Aer continuo immutatur, rebus quidem multis in ipsum excedentibus, sed & multis quoque ex ipso recreatis: Ignis demum non modo noster, sed etiam sidereus, ut qui est in Sole, sensim deperit, abjectu & emissionem lucis: Quocirca neque est cur rearis debere hæc Mundi corpora manere æterna.

Deinde, ex eo, quod videmus esse inter ipsa Mundi corpora continentem pugnam, ob quam interdum quidem incendia, interdum vero & diluvia, quasi æquis viribus contingunt. At quemadmodum in Palæstra, ita necesse est, ut in Mundo contrariorum alterum denique prævaleat, omniaque pessundet. Si quis autem quærat, utrum duorum ratione verisimili sit prævaliturum: Responderi potest illud esse Ignem, tanquam actuosiorum, & à Sole præsertim, cœlitusque suppeditatum: adeo ut superantior evasurus denique sit, ac sit Mundus proinde conflagratione periturus.

Postremo ex eo, quod nihil indissolubile sit, nisi quod sit aut solidum, quemadmodum Atomus; aut intactile, ut Inane; aut nihil habens extra, unde aut dissolvens causa adveniat, aut quo ipsum possit excedere, ut Universum; Mundus autem, neque solidum quid sit, propter Inane intermixtum; neque etiam intactile quid, propter naturam corpoream; neque denique nihil extra habens, ob sui extremum; quo fit, ut & clades contingere extrinsecus, à corporibus nempe incurrentibus & confringentibus valeat, & sive ea extrinsecus,

trinsecus, five intrinsecus accadat, habeat, quo dissolvi & effundi queat.

Quod addo quidem, quia potest Mundus non conflagratione duntaxat, aut, si velis, etiam inundatione perire; sed modis quoque pluribus, quos inter ille præcipuus est, ut quemadmodum Animal, quicum jam illum comparavi, ipsa animæ compagine soluta, in varias partes solvitur, quæ & ipsæ tandem plane exsolvantur; & vel dissipentur, abeantque in auras, ac minutissimos pulveres; vel inserviant etiam ad procreandum alia animalia; ita ipsis Mundi quasi moenibus fatiscen-  
tibus, dantibusque ruinam, frustra illius varia subinde solvantur, ac abeant tandem in atomos, libertatem Inanis nactæ & coeffundantur, & repetant motus primigenios, & vel longum diuque procurrant, vel brevi aut in Mundos alios incidant, aut cum atomis aliis concurrentes in gignendos novos Mundos coalescant.

Tamen si certe, ut animal potest ab animæ excessu aut ocyus, aut tardius omnimode exsolvi, ita utrumvis possit ipsi Mundo contingere; Attamen probabilius est, fore, ut puncto temporis nihil reliquiarum exstet, præter atomos, ac spatium desertum, quod quacunque ex parte lethi quasi janua aperta prius fuerit, illac omnis materiæ turba sese foras datura sit.

Quod dixi autem vergere ad extremam ætatem Mundum, id vel eo fidem ducit, quod effæta tellus, ut jam quoque attigeram, vix parva creet animalia, quæ edidit olim ingentia; quodque vix plurimo labore fruges fructusque suppeditet, quæ sponte initio ubertim effudit. Unde & frequentes sunt querimoniarum laudantium sæcula priora, accusantium præsentia; cum non videant hanc esse rerum sortem, ut omnia paulatim tabescant;

&

& spatio ætatis vetusto defessa, veluti in scopulum tendant. Utinam modo ratio potius, quam res ipsa persuadeat, fore ut parvo in tempore conquassari omnia cernamus.

*Si quidpiam hoc loco improbandum interferitur, id improbatum habet, cum de Mundi interitu ageremus in Phys. sect. 1. lib. 1. cap. 7.*

### CAP. VIII. De Infinitis Mundis.

**P**orro, quod demum requiritur, sint-ne præter hunc alii, & non modo plures, sed etiam infiniti Mundi; videtur omnino dicendum dari numero infinitos. Quippe Atomī, cum sint infinitæ, ut demonstratum jam ante est, per infinitatem spatorum feruntur, ac alibi aliæ, proculque ab hoc varie invicem concurrentes coalescere in fabricationem Mundorum infinitorum possunt. Atomī siquidem ad hoc comparatæ, ut ex ipsis Mundus constare efficere valeat, absumi non possunt, cum sint infinitæ, neque in unum, neque in aliquot, qui definito numero sint; & neque in quocunque uniusmodi, neque in quocunque inter se diversos. Quare & nihil obstat, quo minus sit talis Mundorum infinitudo.

Sane vero tam est absurdum in universo infinito unum Mundum fieri, quam in magno agro grani plurimis confito unam spicam nasci. Nempe, ut in agro causæ plurimæ, ipsa nimirum semina simul cum loco in promptu sunt; sic in Universo, præter ipsum locum, non modo causæ plurimæ, verum infinitæ etiam suppetunt; ipsæ scilicet atomī, perinde ac illæ, ex quibus hic Mundus coaluit, coeundi capaces.

Accedit, quod nullam videamus rerum generabiliū ita est unam, ut non eodem sub genere multa

F.

confimi-

confimilia obtineat (sic enim homines, sic feræ, sic volucres, sic pisces singulatim sub suis quibusque generibus multiplicantur) Quare & cum non modo Sol, Luna, Terra, Mare, & partes Mundi cæteræ fuerint genitæ, sed ipse etiam totus ex iis constans Mundus; fatendum est prorsus & illas & hunc non singulares esse, sed plures, & numero quidem, ob jam dictas causas, innumero, atque infinito.

Cum nihil vero sit, quod repugnet Mundo s alios partim similes, partim dissimiles isti nostro esse: Nam & possunt esse æquales, possunt maiores, possunt minores; possunt, qui habeant easdem, eodemve ordine fitas partes; possunt, qui habeant alias, aliove fitas ordine; possunt, qui sint eadem præditi figura; possunt qui præditi diversa (qui pe non possunt quidem esse figurarum omnigenarum; ut dictum ante est, atomos, cum definiti sint ambitus, non posse infinitis modis figurari: sed possunt tamen innumerarum; ut globosæ, ovatæ, pyramidalis, &c.) cum id inquam nihil repugnet, hæ tamen omnes diversitates sunt duntaxat quædam quasi conditiones, quæ communem Mundi qualitatem, ac rationem variant.

Videtur autem quilibet aliorum Mundorum, veluti & iste, & omnis alia concretio, quæ in immenso Inani fit, & simile quidpiam cum iis, quæ passim observamus, habet, per proprios quosdam atomorum quasi vortices, convolutioneive seorsim procreari; atq; id quidem sive in Intermundio (ita vocamus, juxta antedicta, intervallum inter duos aut plures Mundos non multum diffitos comj rehensum (sive in loco multi-vacuo (seu in quo versantibus licet corporibus, corpusculive, plurimum tamen spatorum vacuorum intercipitur) sive



sive denique in magno, immistoque, & puro Inani ; tamen si non, ut aliqui huiusmodi Inane assumentes, describunt.

Nimirum, secus ac fit ab illis, intelligendum est confluere, nisi ex infinito, at saltem ex uno, pluribusve sive Mundis, sive Intermundiis, idonea quædam semina, hoc est, congeriem quandam congruam atomorum, corpusculorumve, quæ sensim hic illic mutuo coaddantur, varietate formentur, & locum etiam varie, prout contigerit, commutent; ac insuper extrinsecus accrementa quædam quasi irrigua accipiant, quousque constans ex omnibus concrementis specialibus moles perficiatur, stabilitumque obtineat, quantum quidem ferre ipsius quasi fundamenta substrata valuerint.

Alioquin certe quo in Inani generari Mundum contingit, non sufficit acervum fieri, convolvique, & incrementum, quandiu in aliud incurrerit, accipere eo modo, quo acervus nivis, dum supra nivem volvitur, juxta opinionem, quod sic fieri ex necessitate oporteat, ut Physicorum appellatorum ait aliquis : siquidem id pugnat cum iis, quæ apparent. Neque enim Acervus, cujus intimus quasi nucleus solidus sit, & extima etiam quasi crusta solida, aut convolvi potest, aut incrementum accipere, si interstitium nucleum inter crustamque interceptum sit fluxum; quale in Mundo esse contingit.

Quod superest, esse alios quoque Mundos, quia geniti sint, corruptioni obnoxios, manifestius est, quam ut dici debeat. Nam & quod alii ocyus, alii segnius, alii ab his, alii ab illis dissolvi causis valeant, res pertinet ad singularem uniuscujusque diversitatem.

*Perperam asseri ab Epicuro infinitos Mundos, ostensum habetur, Phys. sect. 1. lib. 1. cap 2.*

## S E C T. III.

*De Rebus Humilibus, seu Terrenis.*

**V**ERUM, ut missis cæteris, de hoc nostro Mundo specialius dicamus ; age, cum omnia, quæ in eo sunt, aut Terræ ambitu contineantur, elatio-  
rave Humo non sint ; aut sint in sublime, hoc est, supra humi terræve superficiem elata, ac ideo pos-  
sint generatim in res humiles terrenasve, & sub-  
limes five cœlestes atque aereas dividi : age, in-  
quam, sermonem primum de prioribus institua-  
mus, & ex eo quidem præsertim, quod ut nobis  
propiora sunt, magisque familiaria, ita possint  
fieri quasi argumenta, ex quibus consicere de po-  
sterioribus, quæ remotiora à nobis, minusque per-  
specta sunt, liceat.

Videtur autem esse imprimis ipsum Terræ cor-  
pus generatim spectandum ; ac subinde aqua pars  
massæ insignis, terræque ipsi varie, partim ad su-  
perficiem, partim etiam intus commista ; & po-  
stea quæ minora sunt, ac passim tota massa visun-  
tur corpora, partim Inanima, ut sunt mineralia,  
lapides, ac plantæ ; partim animata, quæ dici a-  
nimalia, seu animantes moris est.

CAP. I. *De Terra in medio Mundi consistente.*

**P**RIMUM itaque circa ipsam Terram, diximus  
jam ante quemadmodum fuerit cum reliquis  
Mundi partibus formata. Sane vero nihil fuit ne-  
cesse formari eam prius extra Mundi ambitum, ac  
ita formaram recipi in Mundum ; cum satis fuerit  
com-

comprehendi in mundana massa talia semina, ex quibus una cum reliquis Mundi partibus gigneretur : eo modo, quo nihil fuit necesse ipsa animalia exterius, seu ex ipsa rerum infinitate prius secerni, ibique formari, uti in hunc Mundum jam perfecta deducerentur ; neque item è cælo, tanquam illic prius elaborari debuerint, delabi in terram ; cum ostendere nemo valeat, cur comprehendi illic potuerint ejuscemodi semina, ex quibus animalia, plantæ, & quæ cætera videre licet, constituerentur ; non potuerint vero comprehendi hic, ac pari modo suppetere unde illa & gigni & nutriri possent.

Diximus vero etiam Terram, cum Cælum, aliaque sublimia sursum veluti avolarent, subsidisse in Mundi medium, ac ibi, ut in imo loco, remansisse. Addendum jam, non quemadmodum ipsa media est Mundi pars, in quam omnia pondera cadunt ; ita dari in ipsa medium, seu, ut vocant, centrum, versum quod omnia pondera dirigantur. Scilicet omnia pondera parallelis motibus cadunt, non in angulum vero committuntur ; quod sit sicut in Universo, ita & in Mundo regio unica sursum, è qua gravia omnia adveniant ; unica deorsum, in quam eadem tendant.

Quo fit, ut probandi non sint, qui dari Antipodas dicunt ; homines nempe in averfa Terræ regione ita sitos, ut vestigia nobis opposita urgeant, eo modo quo videre licet simulacra hominum, aliarumve rerum inversa aut consistere, aut procedere etiam subtus aquam. Quippe illi præter naturam, & conditionem rerum gravium, tueri conantur & homines, & alia corpora terrena illic posita, sursum, seu versus Terram nitii ; & tam non posse è Terra in loca cæli inferiora recidere, quam nostra hæc non possunt in cælum sponte avolare.

Utrunque aliunde cohærenter suæ suppositioni dicant, esse Antipodibus diem cum nobis est nox, & noctem cum nobis est dies.

Itaque, Terra quidem in orbem circulumve est conformata ; sed tamen quasi discus, aut tympanum ; non vero quasi sphaera, aut globus. Nempe hæc ejus facies, quam nos incolimus, quæque habitari sola potest, lata est seu plana, non vero globosa ; ac talis, in quam omnia pondera recta, seu ad normam ferantur, quemadmodū dictum jam est.

At vero, cum sic res se habeat, difficultas tamen non exigua est, qui fieri possit, ut consistat, neque deorsum in quam regionem diximus lapsuros Antipodas, cadat. Verumtamen Terra non cadit, quoniam insidet aeri, tanquam ipsi congenæ, neque adeo ipsi oneri existens, ut animalia insident, tanquam congenæ, ipsi Terræ.

Nimirum facile est captu esse in aere subjecto hanc Terræ sustentandæ vim ; quod Terra & Aer ab ipsa Mundi conformatione res congenæ sint, & cognatione quadam revinctæ, tanquam ejusdem totius partes oneri sibi mutuo non sint ; sed quasi omni gravitate, compressionequè deposita, mutua complexione teneantur ; maximeque cum possit Terrā ad superiorem hanc sui partem magis compacta, gravisque esse, & sensim inferius magis laxa, minusque gravis fieri ; quousque tandem parte sui infima ad aeris suppositi naturā proxime accedat.

Propterea autem dixi Terram non fuisse exterius formatam, extrinsecusque illatam in Mundum ; eo nempe casu pondere suo aerem illum premeret, quemadmodum minimum pondus nostris sentitur corporibus, si extrinsecus imponatur ; cum tamen nec caput, nec cætera membra sibi mutuo sint gravia, quod congenæ sint, communique jure totius ejusdem corporis vinciantur.

Ac,

Ac, ne incredibile sit, rem adeo tenuem, ac est  
aer, posse adeo crassam molem sustentare; cogita  
duntaxat, quam res sit tenuis anima, animalisve  
spiritus; & quam tamen crassam, quamque pon-  
derosam molem corporis sustentet, ac regat; &  
vel eo quidem nomine solum, quod ipsi conjuncta,  
uniterque apta res sit; quemadmodum est aer ipsi  
Terræ.

Non est vero propterea reputandum Terram  
esse animatam, ac multo minus Deam quandam;  
id enim jam ante refutatum est. Et terra quidem  
varias frequenter animantes parturit, at non, quod  
ipsa sit animata, sed quod continens varias ato-  
mos, variave rerum semina, multa modis multis  
efferat in lucem, unde animata formentur. Non  
desunt, qui aliunde Terram magnæ Deûm Matris,  
ac Berecynthiæ nomine colant. Verum, quod  
Terra quidem donetur iis nominibus (si abuti  
quidem divinis ad res naturales designandas li-  
ceat) potest res videri tolerabilis; at non sane,  
quod Terræ quoque inesse Divinitas credatur.

## CAP. II. *De Terræ-motu; ac obiter de Ætneo Incendio.*

Interim autem mirum videtur, qui fiat, ut Terra  
interdum commoveatur, concutiat, tremat:  
verum hæc una est earum, quæ possunt omnino  
pluribus modis contingere; & supponendo qui-  
dem rem, de qua ambigendum non videtur, esse  
ubique Terram sui similes; ac subtus, perinde  
ac supra, habere speluncas, lacunas, flumi-  
naque volventia fluctus, saxa submersa, &c.

Nam potest Terram movere aqua, si partes aliquas eluit & abrasit, quibus excavatis desit posse sustineri, quod ferebatur integris; vel, si interiores lacunas, seu quasdam palustres, & jacentes aquas, impellat flatus aliquis, & inde aut ictus Terram quatiat, aut agitatio spiritus ipso motu crescens, & se incitans, ab imo in summum perferatur. Scilicet, ut vas constare non potest, nisi quæ commota in ipso est aqua, jactari intus desierit.

Potest & parte aliqua subito decidente Terra percuti, & inde motum capere: cum & aliquæ ejus partes quibusdam veluti columnis ac pilis sustineri possint, quibus vitiatis recedentibusque, tremat onus impositum. Quippe, cum videre etiam liceat totas ædes, propter plaustrorum, ferratorumque curruum agitationem successione tremiscere.

Potest quoque Terram movere ipse spiritus: nempe, si aut Terra, cum in partibus sui interioribus inferioribusque crebritate foraminum rimarumque sit interstincta, à spiritu varie disperso, & in cavernosas ejus cavitates incidente, concutiat, ac tremat; eo modo, quo membra frigore subeunte tremere, ac moveri invita coguntur: aut, si superne ingrediente, compellenteque deorsum spiritu, Terra ab aere subiecto ut crassiusculo, & aquoso (quippe sustentante) sursum repellatur, & quasi subtercussa subsultet: Quod contingit quidem rebus omnibus, quæ non modo in aliquid durum seu firmum (aut ita intensum, ut pressum redeat) compelluntur: sed etiam in aliquid fluxum, si ad repellendum comparatum sit; ut cum intra aquam deprimitur lignum.

Potest demum vis spiritus, si concipiatur in ignem versa, & fulmini similis, cum magna strage obstantium ferri. Scilicet, ut ignis fulmineus intra nubem



nubem genitus tum ipsam perumpit, tum aerem totum miro impetu concutit; sic commovere, perumpereque, & concutere Terram potest, qui potest intra ejus cavernas ex spiritu coacervato excitatoque generari ignis.

Cum nulla porro causa potior, quam petita ex spiritu, & hoc quidem modo postremo, videatur: tum aut ex ejus dispartitione in crebra Terræ foramina Tremor duntaxat gignitur; & (quasi per laxiorem terram transpiratio fit) non sic terra perumpitur, ut hiatus fiat, & vel subverti aliquid, vel inclinari deprehendatur; aut ex illius acervatione in cavernis majoribus, ea potest succussio impulsioque consequi, ut Terram subvehat, diffindat, eosque hiatus aperiat, quibus etiam integræ urbes, quemadmodum variis in locis sæpius contigit, absorbeantur.

Quod dico interea de vi spiritus, quæ in ignem versa Terram perumpat, concutiatque, valere eo potest, ut intelligamus ex eadem esse causa eruptiones ignium, quæ fieri crebro iisdem in locis ut ad Ætne crateras, solent.

Nam totius quidem hujusmodi montis subcava natura filicum cavernis ita suffulcitur, ut spiritus in iis conclusus percalescat, & qua hiatus superne patent, accensus erumpat, latera exedat, percoquatque; unde & cum flamma fumoque, favillas & fumices vomat.

Quoque magis facere id possit, adest mare ad radices montis, quod aquas advolvens, resorbensque ad littus, quousque speluncæ montis protenduntur, aerem intrudat propellatque, quo cœu folium flatu intendatur foveaturque incendium.

CAP. III. *De Mari, Fluvii, Fontibus, & de Inundatione Nili.*

**Q**uod ad aquas spectat, quæ in Terra sunt (nam de illis quidem, quæ in sublimi creantur, & ex sublimi decidunt, erit posterius dicendi locus) mira est imprimis illa earum congeries, quam Mare vocamus; quippe præter mare Internum, quod oras nostras alluit, est etiam Externum, seu Oceanus, qui universam Terram habitatam circumiens, ita creditur à plerisque fornici cæli suppositus, ut Sol & alia sidera ex ipso orientur, ac in ipsum occidant; ut occurreret quoque dicendum inferius.

Et certe, cum sit vastitas seu quasi immensitas Maris tanta, potest hæc haberi non postrema causa, Quamobrem, ex tot fluminum ingressu non appareat augescere: nimirum, omnia flumina ad tantam molem comparata vix guttæ instar sunt. Adde quod aliunde Sol, qui radiis suis vestes madentes tam cito exsiccat, tamen ex unoquoque loco non multum humoris delibet; non potest nihilominus non ex tanto spatio detrahere multum. Ut præteream, quantum possint quoque venti, dum mare vertunt, absumere, qui una sæpe nocte & vias resiccant, & lutum incrustant.

Quanquam præcipua videtur causa, quod cum ipsa Terra sit raro permeabilique corpore, & mari undique alluatur; debeant aquæ, ut in Mare ex Terra provolvi, ita ex Mari in Terram subterraneanæ, ut iterum emergant, ac iterum fluant.

Neque vero debet facere negotium, quod aqua Maris salsa sit, Aqua vero fontium, & fluminum dulcis; quoniam aqua ex mari terram pervadens,

dens, sic percolatur, ut corpuscula Salis exuat, illisque deinceps denudata redeat. Videlicet, cum maris corpus sit ex sale & aqua commistum, quia semina Salis hamatiora sunt, aquæ vero lævigatiora; ideo ista quidem præterlabuntur facile; illa autem non possunt non irretiri, ac passim relinqui.

Interea patet exinde causa, quæ esse videtur præcipua perennitatis Fontium. Quippe potest quidem qua illi scaturiunt, esse quædam aquæ vis ingens collecta, quæ ad fluendum suppetat; sed & ea videtur debere ex eo suffici, quod aliunde quidpiam in ipsam continuo subterconfluat. Et quamvis subterfluentes illi quasi rivuli conformari ex respersis variis per terram seminibus possint, debent tamen semina hæc suffici ex mari terras subingresso.

Adeo ut hinc fiat, quod jam dictum est, ut nimirum in fluentia primum minora abeuntes, dum per convalles coeuntes defluunt, in magnos tandem alveos cocant, creentque magna flumina, quæ Mare immensum assidue renouent, integrentque.

Quoniam vero nullus est Fluvius, qui maiorem sui admirationem pariat, quam Nilus; quatenus quotannis per æstatem exundat, Ægyptumque irriguam facit: ideo prætereundum non est, contingere id posse, quia reflantes versus Ægyptum per id tempus Etesiae mare attollunt ad Nili ostia, & arenas quoque ad illa pervolvunt; adeo ut non possit Nilus non resistere, intumescereque, & elatior alveo in subjectam ipsi planitiem effundi.

Forte etiam contingit; ut flantes ab Aquilone Etesiae nubes in meridiem ultra Ægyptum convellant, quæ ubi ad præaltos convenerint montes, ibi contrudantur, exprimantque pluviam, qua Nilus increascit.

Quid,

Quid, quod etiam contingere potest, ut præcelsi ~~Aethiopi~~ <sup>Aethiopi</sup> montes ex iis onerentur nivibus, quæ tabificis Solis radiis in aquam liquecant, Nihilque alveum compleant?

C A P. IV. *De Aquarum quarundam proprietatibus, & de Glacie.*

**U**T seligamus autem præterea quasdam aquarum proprietates visas vulgo mirabiles, præmitto illam jam dictis affinem, quod cum aqua Sal tum facile exsolvat, inque seipsum induat, quidam sint tamen dulces fontes, qui é medio mari scaturiant. Scilicet perspicuum videtur id fieri, quod aqua inferne, seu ex fundo maris profiliens, tanta emergat vehementia, ut marinam aquam dispellat, & neque ipsam, neque ejus Sal commisceri se- cem patiatur.

Fons ille Epiri admirandus, supra quem sita stupas tadaque, igne protinus concepto, flammescit. Sed nempe ex supposita terra tam multa caloris semina expirantur, ut licet aquam pervadentia calefacere eam non valeant; egressa nihilominus in libertatem aeris, & incurrentia in stupas tadaque, seminibus igneis, quibus scatent quoque res hujusmodi, consociantur, ipsaque explicent in flammam; eo modo, quo ubi lychno recens extincto flammulam admovens, accendi ipsum vides, priusquam à flamma contingatur.

At, quid dicendum de illo fonte, qui esse ad Ammonis sanum dicitur, frigido interdium, & calido noctu? Nimirum, quod terra, quæ, circa hunc fontem, laxior licet cæteris terris, frigore tamen nocturno compressa, veluti elidat, sive exprimat, transmittatque in aquam quæ continet multa ignis

semipa

semina, unde & aqua incalēscat: calore vero diurno laxata, eadem semina veluti reſorbeat, unde & aqua frigida remaneat.

Quin fieri etiam poſteſt, ut quæ aqua ex iisdem ſeminibus, propter aerem tempore nocturno frigidum reſſis, efficitur calida, evadat deinceps frigida tempore diurno, radiis Solis ita aquam pervadentibus, ut liberum iis ſeminibus exitum in aerem faciant: Idque non ſecus, ac dum glacies iisdem radiis penetrantibus, & rareſcientibus ſolvitur; quod tamenſi effectus oppoſiti ſint, ex eadem tamen cauſa eſſe poſſint, ut liquefactio ceræ, & induratio luti.

Eadem certe cauſa videtur proportionē eſſe cum ea, ob quam aqua in Puteis calida per hyemem, frigida per æſtatem eſt. Id quippe contingit, quia terra æſtate calore rareſcit, & quæ continet ſemina caloris, exhalat; unde & quæ in illa eſt abdita aqua frigidior fit: Hyeme autem, frigore comprimitur condenſaturque; unde & ſi quem continet calorem, exprimit in puteos.

Hæc interim me admonent, ut dicam de Glacie, ob quam aqua nativæ ſuæ fluiditatis quaſi oblita, ſolideſcit, indureſcitque. Quo loco ſupponendum eſt, ſola corpora, quæ ex partibus, ſive corpusculis planarum ſuperficierum coadunantur, poſſe ſolida fieri, quod ob Inanis excluſionem partes optime inter ſe cohereant; cum ſi orbicularia aut orbicularibus adjungantur, aut planis intermiſceantur, intercipiatur circum Inane, in quod ipſa evolvi, & plana inclinari poſſint: unde & molities, & (niſi aliunde hami ſint, qui retineant) fluxibilitas conſequatur.

Itaque Glacies ipſa fit, aut dum exploduntur ex aqua orbicularia & caloris efficientia corpuscula, coarctantur vero quæ in eadem aqua reperiun-

periuntur plana, ipsaque partim obtusorum, partim acutorum angulorum: aut dum ea corpuscula adfiscuntur extrinsecus (& fere quidem ex aere, ubi ipse ex illis refrigerit) quæ & pressa, & extrudentia quotquot occurrunt orbicularia, firmitudinem in aquam inducant.

### CAP. V. De Terrenis rebus Inanimis.

Cum jam dicendum sit de rebus, quæ ex Terra & Aqua gignuntur; notum est imprimis illa aut Animata, aut Inanima esse; Animata vero esse, quæ cum sensu sunt, & vulgo Animalia, Animantesque dicuntur; Inanima, quæ carent sensu; unde & hoc nomine veniunt cætera, quæ neque animalia, neque animantes dicere licet.

Hujuscemodi autem sunt, Primum Succi quidam concreti, quemadmodum Sal, & quod Sulphur gigni, quod Bitumen tetro odore concre-  
scere in terra videmus. Continent hæc vero non modo caloris subterranei, Incendiorumque (quale Aënzum jam diximus) præcipuam causam; sed graves etiam halitus, qui in sublime elati, Avena creant, morbosque inducunt; unde & erit hæc de re, cum de Sublimibus, agendum. De Succino, quo attrahuntur paleæ, attingendum erit quidpiam statim post.

Sunt deinde ipsa Metalla; quæ tum reperta primum fuerunt, cum sylvæ seu fulmine accensæ, seu igne aliunde excitato, inductove arserunt; & facto radicitus incendio cohærentia radicibus metalla fuere liquefacta, ac tum sui nitore perstrinxere oculos, tum eadem figura observata fuere, qua ipsæ lucunæ, in quas fluentia fuerant excepta. Nempe conjecturam exinde duxerunt, posse eadem vi ignis liquefacta in figuram quamlibet etiam  
acutam,



acutam, ac tenuem formari, & ob resumptam soliditatem ad perforandum, ad cædendum, & ad alios usus accommoda fieri.

Prætereo autem, ut non modo Plumbum, sed etiam Aurum & Argentum, quod ad istos usus inutiliora reperirentur, neglectiora jacuerint, solumque æs in pretio fuerit, ex quo tela, gladii, secures, vomeres, alia parabantur; donec repertum ferrum est, ex quo potius ista ob duritiem majorem confici cœperunt.

Sunt rursus Saxa, Lapidesque, quorum multi quidem in dies gignuntur, aut è rupibus deripiuntur: Sed ipsa tamen Rupium Saxorumque præcipua moles ab initio usque fuit conformata; cum & hæc causa, ut ante dictum, montibus ansam fecerit, & nunquam non videatur terra gessisse in gremio, ut flumina, lacunas, ventos, ita & speluncas, & rupes, saxaque derupta.

Cum soleant vero Lapides ipsa sui duritie soliditateque discerni, tum prima quasi acie constant & Saxa Adamantina sœta istius contemnere (nempe incudibus sic reprehenduntur, ut ferrum utrimque dissulcet) & validi Silices, ex quibus ferri ictu ignis idcirco evolat, quod semina ignis abstrusa in venis contineant; neque vis ferri frigida obstat, quin ad ejus ictum excitata concurrant.

Denique sunt ex genere Inanimorum & ipsæ Plantæ, hoc est Herbæ, & Arbores. Quippe anima sine sensu non est; ac videmus eorum, quæ animata sunt, quæque idcirco animalia, animantesque, ut dixi, vocantur, alia donata esse movente appetenteque anima, alia etiam ratiocinante; at vero plantæ nec sensu pollent, nec utraque anima præditæ sunt, nec possunt proinde animalia dici.

- Ac habent quidem commune quidpiam cum ipsis animalibus, puta nutritionem, accretionem, generationem; verum ista sponte naturæ, non ductu animæ peragunt, ac prinde non nisi imitatione quadam vivere, & mori, sicut animalia, dicuntur. Unde & quæ dici de istis possent, intelligendi à pari, & proportionem quadam sunt, ex iis, quæ sunt de animalibus dicenda.

Adderem ut prima sationis insitionisque origo tum facta fuerit hominibus, cum bacca glandesq; caducæ observatæ fuerunt pullulascere, novasque, & similes iis, ex quibus essent, Plantas creare; sed rem insinuasse est satis.

### CAP. VI. De Magnete specialiter.

**H**ærendum potius non-nihil est circa rem inanem quidem, sed admirabilissimam tamen visam. Lapidem intelligo Herculeum, quem & magnetem dicimus, quod in Magnesia fuerit primum repertus. Is nempe admirationi habetur, ob singularem illam vim, qua ad se allicit ac pertrahit ferrum.

Ad explicandum porro hanc vim, tria aut quatuor quædam supponenda sunt; quorum Unum est, Effluere continuo corpuscula quædam ex omnibus rebus; ut quæ ad calorem & lucem spectant, ex coloratis & lucidis; quæ ad calorem & frigus, ex calidis & frigidis; quæ ad odorem ex odoris, atque ita de cæteris.

Alterum, Nullum est corpus adeo solidum, quod non Inania spatiola intercepta contineat: sic nempe declarant omnia corpora, per quæ humor manat, aut transsudatio fit; per quæ præterit lux, aut sonus; per quæ intine penetrat, aut calor, aut frigus.

Tertium,

Tertium, Emissa corpuscula non esse rebus omnibus eadem ratione congrua : Sol quippe emissis se radiis lutum indurat, liquefacit nivem : ignis metallum solvit, corium contrahit : humor ferum calefactum reddit durius, corium vero mollius : oleaster homini amarissimus, capellæ gustatum delectat : amaracinum hominis olfactum alliciens, fugat fues, &c.

Quartum, Inania spatiosa non esse in rebus omnibus uniusmodi circumscriptionis : quare neque eadem quibuslibet corpusculis accommodari. Nempe id sensuum texturæ monstrant; propterea enim quæ corpuscula ista afficiunt, illa non movent; aut quæ afficiunt ista uno, afficiunt illa alio : Itemque texturæ cæterarum rerum, eadem sane non sunt permeabiles iisdem rebus.

Jam ex his intelligitur, Posse Herculeum lapide attrahere ferrum (Cuti & Succinum paleas) ratione quadam duplici. Nam Primum quidem concipere licet atomos effluentes ex lapide ita congruere cum illis quæ ex ferro effluunt, ut in amplexus facile veniant. Quare & impactas utrumque (nempe in ipsa tam lapidis, quam ferri corpora concreta) ac resiliences deinde in medium, circumplicari invicem; & ferrum simul pertrahi.

Quoniam autem videmus fieri, ut ferrum à Lapide attractum possit ipsum quoque aliud Ferrum attrahere : An dicemus effluentium ex Lapide particularum nonnullas quidem, ubi ferro occurraverint, resilire, & has ipsas esse, per quas suspendi ferrum contingat; nonnullas vero illud subeuntes per inanes meatulos transire quamocysime, & consequenter impactas in ferrum aliud proximum (cum illud subingredi omnes nequeat, tametsi prius penetrarint) hinc resiliences versus prius, complexus alios prioribus consimiles efficere :

efficere: si quas autem adhuc penetrare contigerit, posse illas aliud adhuc ferrum pellicere, aliudque adhuc pari ratione?

Deinde, sic rem concipere licet, ut effluant quidem tam ex Magnete, quam ex ferro corpuscula, sed plura nihilominus potentioraque ex Magnete; ex quo fiat, ut aer semper longe magis discutatur circa Magnetem, quam circa ferrum; atque idcirco plura circa ipsam, quam circa ferrum inania spatiola creentur. Et quia cum ferrum collocatur intra discussi aeris sphaeram, multum inanis inter ipsum & magnetem est interceptum; tunc evenit ut in eam partem corpuscula ferri liberius profiliant, ac versus Magnetem proinde ferantur; non possint vero maiore quadam insolitaque copia eo contendere, quin pelliciant simul coherrentia, atque idcirco totam ferri massam, quæ ex coherrentibus constat.

Dici etiam posset motum ferri adjuvari ab aere, ob continuam quandam ipsius motionem agitationemque. Et primum quidem ab exteriori, qui cum semper urgeat & urgeat vehementius, quæ ex parte copiosior est, non potest non impellere ferrum in quam partem est parcius seu inanior, utpote versus ipsum Magnetem: Ac deinde ab interiori, qui pari ratione cum semper agitet, commoveat, compellat, non possit non indere motum in quam partem spatium factum est inanium. Sed de Magnete nimis.

## CAP. VII. De Animalium generatione.

Dicamus jam de Animalibus, quæ tanta varietate sunt (cum alia gradiantur, alia etiam volent, alia natent, alia reant; alia maiora, alia minora; alia perfectiora, alia imperfectiora; & nos

ex

ex illis etiam simus) quæque aliunde sane sunt ejusmodi, ut admiranda naturæ vis in ipsis præsertim eluceat.

Quippe, cum supponendum sit, fuisse naturam ab ipsis rebus, continuatave rerum serie veluti edoctam, & necessitate quadam, seu motuum concatenatione coactam ad hæc tam multa, tamque varia, quæ appellitamus opera naturæ, patranda: tum ipsum accipiendum præsertim de ipsis animalibus est; quoniam in illis potissimum ipsa motuum concatenatio, profecta licet ab aliqua rationis experte substantia, effecta est artificialis.

Videlicet, cum Atomis præditæ ex se ratione non sint, & ipsarum motus, quantum est ex se, absq; ductu rationis fiant; natura tamen cujusq; animalis talis initio Mundi coaluit, ut pro temperatione motuum, quos tunc subierunt atomi, alii alique sint consequuti, qui pari ratione elicit, pares semper produxerint; atq; ita qui initio casuales fuerant, procedente tempore artificiales, hoc est, certa lege succedentes evaserint: Naturaq; proinde iis utens, necessaria quasi doctrina imbuta sensim fuerit.

Verum, ut res paulo uberius dicatur; cum Mundi initio varia animalium procreata fuissent genera, evenisse primum videtur, ut sumptis alimentis congruis, familiares atomi à jam inexsistentibus attraherentur irretirenturque (excretis dissentaneis) adeo ut specialis cujusque natura (hujusmodi nempe concretum ex hujusmodi atomis) adolesceret, ac roboraretur.

Deinde, ut ex atomorum motione perpetua, ac evolutione intestina aliquæ semper sedibus suis emotæ, atq; excurrentes in partes genitales dictas undequaque confluerent, factaque sexuum distinctione, post appositionem mutuam, complexumq; initum, in utero reciperentur.

Tum,

Tum, ut atomi, aut ex ipsis molecularæ semina, quæ ex singulis defluxissent partibus (ex quo debet proinde semen quasi aliquid incorporeum intelligi, non sane per se, quia hujusmodi est solum Inane, sed ob familiarissimum vicis usum, quo incorporeum dicimus quicquid facile per solidissima visa corpora penetrat, ac subit) ut atomi, inquam, seu molecularæ, quæ sic defluxissent, ideo motione perseverante sese ex confusione subducerent, & cum similes traherentur, confluerentque ad similes, ideo, quæ forent ex capite, in unam regionem se reciperent; quæ ex thorace in consequentem, & quæ ex aliis partibus singulis in singulas suas; sicque animalculum tandem formaretur illi simile, ex quo semina decidissent.

Insuper, ut tale animalculum factu similium seu atomorum, seu molecularum in uterum concurrentium aleretur, & cresceret quousque uterus lassatus, neque amplius nutriendo par, motionibus ejus laxaret habenas, seu potius fores aperiret; exitumque permetteret.

Ad hæc, ut istud animal simili ratione adultum, nec cessante corpusculorum agitatione consequutioneque, simile aliud gigneret; ipsumque aliud consequenter.

Tandem, ut natura, paulatim assueta propagationem animalium ita procurare, quasi diceret, ut ex motione ac serie illa atomorum perpetua necessitatem contraxerit ita continuo operandi.

Atque hæc quidem quod attinet ad generationem animalium, quæ propagatione proveniunt; nam quæ sponte alioquin enasci videmus. possunt ea, jam non secus gigni, ac fuere initio omnia genita; seu remanserint ab usque initio conformata quæpiam eorum semina; seu conformentur etiam in dies



lies aut intra aut extra ipsa animalia : &, si intra quidem, dispergantur deinceps foras ( ut in erucarum muscarumque generibus ) ac supersint eorum, seu in terra, seu alibi, quædam quasi reliquæ, ex quibus alia generum eorundem animalia deinceps signantur.

Quod porro, inter cætera, de Seminis defluxu dixi, id non mari solum, verum fœminæ etiam tribuo; quando Ipsa quoque emittit, cum adstites testesve habeat, positione obversa licet, ac propterea appetitione ad venereos usus feratur.

Sane & hoc videtur esse assumendum, ut reddi causa valeat, cur Mas, cur Fœmina formetur. Quippe nihil magis congruum dici potest, quam quod, cum fœtus ex paterno maternoque semine constet, si paternum prævaleat, mas; si maternum, fœmina fiat.

Quin etiam causa reddi hinc potest ejus Similitudinis, quæ est cum altero, aut utroque parente. Nam, si fœmina quidem vi subita commulxit, corripuitque semen masculineum, tum fœtus matri similis fit; si mas fœmineum, similis patri; si ex æquo uterque, similis utrique, sed mixtim.

Quod si requiras, cur interdum nascantur filii avorum, proavorumque similes: Id fieri ex eo videtur quod semen ex compluribus contexatur moleculis, quæ non semper exsolutæ omnes ad atomos usque, proximeve ipsas, in generatione prima, proximave aliqua; sese deinceps in aliqua succedentium sic explicant, ut quod potuissent in proxima, id præstent solum in remota.

At, unde-nam Sterilitas? Nempe ex eo, quod semen sit aut æquo tenuius, ut non possit locus adfigere adhærum; aut crassius, ut ægre admisceatur. Quippe inter masculineum fœmineumque semina, harmonia quadam opus est; exindeque fit, ut præsepe,

persæpe, qui vir mulierque inter se gignendi incapaces sunt, gignere seorsim cum aliis possint. Prætereo autem causas aliunde peritas, ut ex alimento; cum aliud esse constet, ex quo concreverunt membris semina, aliud ex quo extenuantur, ac tabent.

*Quod hic tribuitur potius casui, naturalique necessitati quam institutioni Authoris natura; id, cum indicatis ante locis de Authore & Rectore Mundi refutatum est; tum in Sect. 1. lib. 4. cap. 5. & 6.*

### CAP. VII. De Usu partium in Animalibus.

EX hisce autem sequitur, ut partes animalium non fuerint ab usque initio, eo, quo sunt, modo conformatae propter fines ususve illos, quos habere deprehenduntur (siquidem nulla fuit causa, quæ hoc prospiceret, cum & nihil tale præcessisset, ad quod illa attendere, ut ex eo conjecturam capiens quidpiam simile destinare) verum quia contigit partes eo, quo sunt, modo fieri, aut existere; ideo hosce usus, potiusquam alios obtinuerunt; & prius natae, fecerunt posterius utilitatis suae occasionem, ac insinuavere, dedereque illius notitiam.

Hinc neque fuere oculi ad videndum facti, neque aures ad audiendum, neque lingua ad loquendum, neque manus ad operandum, neque pedes ad ambulandum; quoniam membra hæc prius nata sunt, quam esset videre, audire, loqui, operari, ambulare; sed ipsorum officia exstiterunt ex natis.

Nempe, quia intra ipsum corpus conformata est simul anima, eaque sensus capax; contigit simul oculum ejuscemodi fieri contexturæ, ut applicita illi anima, non potuerit sensum videndi non elicere; & aurem ejuscemodi, ut illi adjuncta, non potuerit non exserere auditionem. Et quia con-

creatus

creatus intra corpus fuit animalis spiritus, impetus & motionis capax ; contigit simul linguam esse ratione contextam, ut ad eam appellens non potuerit eam non movere, & expiratum simul aërem in vocem non elidere ; & manus quoque, ac pedes, & cæteras partes ea ratione esse dearticulatas, ut in ipsas irruens non potuerit non istam, & illam indere motionem.

Certe, ut vel hoc de Tendonibus, quæ manifesta organa sunt, quibus partes cientur, attingam ; perspicuum videtur, non quia ii sunt crassi, actiones esse validas, nec quia tenues, imbecillas ; sed actiones quidem ex usibus vitæ, ut tales sint, vel tales, cogi ; ipsam vero tendinum molem sequi motionis quantitatem. Qui videlicet exercentur, bene se habent, & incrassescunt, ut par est ; qui vero otiosi sunt, non nutriuntur, & extenuantur.

Quamobrem, non quia melius fuerit vehementiorum functionum tendines fortes crassosque esse, aut imbecilliorum tenues debilesque, ita conformati à natura sunt (utique enim Simiis quoque tales formantur digiti) verum, ut dictum prius est, crassities necessario exercitatos consequitur, eo quod praeclare nutriantur ; pigrescentes gracilitas, quod nutriantur deterius.

Prætereo autem argumentum hisce confirmandis posse ex eo deduci, quod pleræque partes ad eos interdum usus flectantur, ad quos nemo fuisse destinatas dicat ; idque ubi illos demonstrat aut necessitas, aut occasio, aut sumpta aliunde quæpiam conjectura. Quo pacto, ne somniasent quidem homines concertare armis, nisi manibus prius depugnassent ; neque clypeos objicere, nisi prius vitanda vulnera sensissent ; neque apparare lectos molles, nisi terræ prius indormiissent ; neque pocula conficere, nisi prius manu haurire aquam scissent ;

scissent; neque domos exstruere, nisi antrorum  
usus illis innotuisset; atque ita de cæteris.

*Adversus hunc Errorem differitur fuse in Sect. 3.  
Phys. memb. post. lib. 2. cap. 3.*

**CAP. IX. De Anima, quæ Animalium in-  
terna est forma seu nota.**

**N**unc, ut de ipsamet Anima, à qua Animalia &  
sunt, & dicuntur, agamus; Illa imprimis est  
habenda corporea; tenuissimum nempe aliquod,  
utputa ex particulis tenuissimis contextum, cor-  
pus. Profecto enim, qui illam dicunt (etiam citra  
abulum vocis) esse incorpoream, ineptiunt; quo-  
niam si huiusmodi foret, neque agere quidquam,  
neque pati posset: neque enim, ut ageret, posset  
quidpiam contingere; neque, ut pateretur, à quo-  
piam contingi; sed haberet se, ut merum Inane,  
quod, ut ante dixi, ejusmodi est, ut neque agere  
neque pati quid valeat, sed motum duntaxat quam  
liberrimum pertranseuntibus corporibus præbeat.

Agere porro & pati quidpiam Animam; decla-  
rant perspicue ea, quæ circa sensus affectusque e-  
jus contingunt: motiones item, quibus membra  
impellit, totumque animal intus regit, versat,  
somnia corripit. Unio universe, & consensus, qua  
cum ipso crasso (quod solet fere in hoc negotio  
Corporis nomine intelligi) conspirat.

Interim vero non abs re dico esse eam corpus  
tenuissimum; tanquam contextum ex tenuissimis,  
subtilissimisve corpusculis; quæ aliunde sint maxi-  
ma ex parte ut lævigatissima, ita & rotundissima:  
quippe alia ratione permeare non posset, cohæ-  
rereque intus cum corpore toto, omnibusque ejus  
partibus, ut venis, nervis, visceribus, aliis; cum  
& res manifesta fiat vel ex eo, quod ubi anima  
corpo-

excessit à corpore, nihil delibatum ex toto, neque ad speciem, neque ad pondus deprehenditur, simileque est, ut dum ex vino ipsius flos spiritusve emanavit, aut ex unguento est odor efflatus, perinde enim moles vini unguentique se, ac si nihil ex ea reperierit, habet. Adeo proinde ut punctum sit prope, loculusve exilissimus, in quem recipi possit anima, si totamingas conglomerari.

Cæterum, tametsi ea sit texturæ adeo tenuis, non obstat hoc tamen, quin mista & composita sit ex quatuor quibusdam naturis. Neque ea concipienda est, quasi quidpiam coalitum, temperatumque ex quodam igneo, ex quodam aereo, ex quodam flatuoso, & ex quarto innominato, unde sentiendi vis illi insit.

Ratio vero est, quia cū moribundos tenuis quidam deferat flatus; talis flatus sit calori commistus, & calor secū aera trahat, quod nulus calor sine aere sit. Habemus jam tria, ex quibus Anima contexitur; & quia nullum est horum trium, à quo esse motus sensiferi possint; ideo admitti debet quartum, tametsi expers nominis, cui sentiendi vis attribuitur.

Confirmari autem res ex eo potest, quod flatus quidam, seu quasi aura, atque ventus, sit ipsi corpori causa motus, aer quietis, calidum illius calor, qui in eodem cernitur; at esse præterea quartum debeat, quod sit causa ipsius,

Quin etiam, cum necessitas istius quarti perspicua sit; Ira aliunde, qua cor fervescit, & micat ardor ex oculis, inesse calorem convincit; Formido horrorem ciens in membris, auram frigidam, copiosamque prodit; & Tranquillus pectoris status, vultusque serenus aerem demonstrat,

Ex quo fit proinde, ut in quibus animalibus dominatur calor, ea sint jocunda, ut Leones; in quibus aura frigida, ea sint timida; ut Cervi: in quibus

quibus portio aerea, ea sint magis placida, ac veluti media inter leones cervosque; ut Boves. Quod idem quoque homines inter observare discrimen licet.

Denique autem, utcunque res mista compositaque Anima sit; & quantum illud innominatum, seu sentiendi vis principatum inter partes teneat (nempe Animæ quasi Anima est, quod Anima ab ipso habeat, ut Anima sit, ipsaque animalia tanquam interna eorum forma essentialisque nota discernat à cæteris rebus) nihilominus hujusmodi partes adeo perfecte temperantur, ut inde fiat una quædam, eaque ut tenuissima, ita & cohærentissima substantia. Neque enim, donec Anima in corpore constet, secerni illa quatuor à se invicem magis possunt, quam à quolibet viscere, alia vere, odor, calor, sapor, qui insint ab ipsa natura.

Cum vero hujusmodi substantia in ipso corpore contineatur, & quasi cum ipso cohærens, ab eo veluti sustentetur: tum ipsa & causa est illi omnium facultatum, passionum, ac motuum, & vicissim ipsum & continet ac regit; estque ipsi proinde salutis & incolumitatis causa: neque enim magis secerni à corpore sine illius dissolutione potest, quam è thure odor evelli, quin ejus natura intereat.

Nihil est interim necesse admoneam, videri abs re quempiam Physicorum existimare totidem esse partes Animæ, quot sunt corporis, quæ alternis mutuo applicentur: Quoniam, cum Animæ substantia res sit adeo tenuis, moles corporis adeo crassa; debent sane illius principia esse ut tenuiora, ita & pauciora, quam ipsius corporis; adeo ut non utique singulæ singulis, sed pluscularum moleculis, ac veluti aggerulis duntaxat singulæ cohæreant. Quo fit, ut interdum neque adhæsum pulveris,



pulveris, gressumve culicis supra corpus sentiamus; neque item nebulam noctu, neque fila aranei obvia, neque incidentes in nos plumas, pappos, id genus alia: utque adeo ciendum sit nobis corpuscula animæ complura ipsis corporis partibus immista, priusquam quidquam sentiscere contingens concutiensque possint.

Notandum est porro esse aliquam internam in corpore partem ejusmodi temperaturæ, ut qua Anima illi hæret, eximium quoddam complementum, quo perficiatur, accipiat. Hujuscemodi vero complementum ipse est Animus, Intellectus, Mens, seu quam vulgo Animæ partem Rationalem appellamus: idque quod, cum cætera toto fusa corpore Animæ pars, Irrationalis sit; ipsa sola ratiocinetur.

Cum sit vero Pars Irrationalis duplex, Sensus nempe, & Affectus seu Appetitus, & medio quodam modo se Animus habeat, quoniam & Sensum habet prævium, ut de rebus judicium ferat, & Appetitum consequentem, ut suo judicio illi præluceat: ideo cum dicendum de singulis sit, ab ipso exordium est Sensu.

*Quod his de natura Animæ corporea habetur, quatenus etiam ad Rationalem ab Epicuro extenditur, refutatatum habetur cum de Animorum immortalitate egimus sect. 3. Phys. memb. post. lib. 14. cap. 3.*

## CAP. X. De Sensu, qui est Animæ quasi anima, universe.

**I**Taque, ut de Sensu primum universe quidpiam dicamus, observandum est Animam sic eum obtinere, ut tam ad habendum, quam ad utendum, corpore

pore indigeat ; quippe à quo interim contineatur, & quicum operari valeat. Cum vero corpus illi præstetur, ut sentiendi causam possideat, ac uti illa valeat ; efficitur quidem & ipsum huiusce effectus ab eo pendentis particeps (sentit scilicet at non tamen omnium quæ illius sunt, ut tenuitatis, & similium.

Quo minus sane mirum est, si discedente Anima corpus expers sensus remaneat : neque enim ipsum ex seipso facultatem hanc possidebat ; sed appropinquabat solum illam Animæ congenitæ sibi, quæ per facultatem in ipso collaboratam, actum sentiendi pro speciali sua motione exserens, tum sibi ipsi, tum illi quoque sensum, ob viciniam, cohesionemve mutuam, atque coextensionem tribuebat.

Hinc proinde fit, ut intelligamus, non Animam solam, aut corpus solum per se sentire, sed utrumque potius conjunctim : Quippe & quamvis ipsum sentiendi principium sit in Anima ; si quis tamen renuit ipsum corpus una sentire, & credit Animam toto permixtam corpore posse per se hunc sentiendi motum suscipere, is rei nimisquam manifestæ repugnat.

Dicere profecto, quod aliqui faciunt, non oculos ipsos quippiam cernere, sed Animam solam per ipsos, ut per reclusas fores videre ; non est advertere, si oculi quidem pro foribus sint, fore ut oculis exemptis, res debeant longe melius, tanquam foribus sublati, spectari.

Enimvero, cum difficultas hoc loco præcipua videatur, Quæ fiat, ut res sensibilis, sive sensus capax gignatur ex principiis, quæ plane insensilia, sive sensus expertia sint ; idcirco adnotandum est, deberi hoc certæ ac speciali eorum Principiorum magnitudini, figuræ, motui, positioni, ordini ; prorsus, ut ante est declaratum, cum de Qualitatibus ageremus.

ageremus. Nempe facultas sensus una est qualitatē, quæ, ut appareat, ubi non fuerit, fieri exigat adjectionem, transpositionem, ac uno verbo, novam texturam, qui id, quod præcedens non potuerit, præstare valeat.

Id certe imponere non debet, quod lapides, ligna, glebæ, aliæ res commistæ non sentiant; quippe, ut Qualitates aliæ, ita, & ista non ex qualibet, aut quorumlibet mistione creatur; sed refert omnino, & quantula principia sint, & quibus prædita figuris, motibus, ordinibus, cæterisque adjunctis. Ex quo efficitur, ut glebæ etiam, & ligna, aliæque hujuscemodi, ubi & imbribus putrefacta, & calore Solis tepesacta commutatos habuerint partium situs ac ordines, in vermes aliæque sensilia vertantur. Potest res sane intelligi ex alimentis variis, quæ animalium corporibus, applicita, varieque immutata, haud secus evadunt ex insensilibus sensilia, ac ligna applicita igni ex non inflammatis flammantia redduntur,

Ac ut appareat, quam abs re aliqui contendant principia, ex quibus est sensus, ac res sensibilis, debere esse sensilia; ecce, si illa ejusmodi sint, erunt igitur sane mollia, cum nulla res dura solidave sit capax sensus. Quare &, ut superius arguimus, erunt corruptibilia; quoniam nisi solida sint, detrahi possunt, atque ideocirco naturam suam amittere; cum debeant tamen rerum principia, ut jam aliquoties inculcatum est, incorrupta perseverare.

Confirmatur autem, quia si principia esse admittantur incorrupta, haberi sensilia non valeant, neque ut partes, quia partes separatæ non sentiunt; neque ut rota, quia hoc modo essent quædam animalia, ac ideo mortalia, sive rursus corruptibilia; quod adversatur suppositioni. Quinetiam licet

admittantur & quasi animalia, & immortalia simul; tum nullum animalium, qualia jam visuntur, gigni poterit (quod nimirum sit sui generis, coalitumve in unam speciem) sed acervus solummodo variorum animalculorum.

Hicce adjice, quod si res, sensibiles cum sint, gigni ex sensibilibus debeant, hoc est, similes ex similibus, necesse sit ergo, juxta antedicta, hominem. v. g. constare ex principiis, quæ ipsa rideant, plorent, ratiocinentur; quæ de mixtura proinde rerum, deque seipsis differant, requirentia ex quibus consistent; quippe ipsa similia facta rebus corruptibilibus, constare quoque ex aliis debent, quæ ipsa rursus ex aliis sint, aliisque in infinitum.

Quod superest, cum notum sit esse in corporibus animalium, quinque diversa Sensoria, five organa, quibus anima (seu quæ est in ea sentiendi facultas) res sibi objectas, seu sensibiles, diversimode, hoc est, videndo, audiendo, olfaciendo, gustando, tangendo, apprehendit ac sentit; ideo nihil vetat quinque Sensus admittere, videlicet Visum, Auditum, Olfactum, Gustatum, & Tactum.

Universe autem diversitas hæc ex eo oritur, quod partim colorum visibiliumve rerum species, itemque soni, odores, saponi, & qualitates cæteræ texantur ex corpusculis, quæ sint magnitudinibus, figuris, positionibus, ordinibus, motionibus specialibus donata; partim ipsa Sensoria visus, auditus, & aliorum sensuum contexturæ sint interceptantis ea spatiola, seu eos porulos, meatulosve, qui sint quoque ipsi suarum magnitudinum, figurarum, positionum, ordinum; atque adeo, ut varia sunt, ita varias concinnitates, proportionemque tueantur, quibus commensurentur variis qualitatum corpusculis, sicque & isti illa, & illi ista admittere in sese possint. Unde & fiat, ut corpuscula

puscula solum, ex quibus species colorum constant, penetrare possint in sensorium visus, ipsumque adeo commovere & afficere; non item vero corpuscula, quæ sola, ac solummodo subire possunt, ac movere, & afficere sensorium auditus; neque rursus alia, quæ sola, ac solum sensorium olfactus; atque ita de cæteris.

Exinde vero etiam fit, ut, cum observemus non modo diversa inter se animalia, sed homines etiam, non iisdem sensibilibus rebus affici: intelligi liceat esse in ipsis non uniusmodi contexturas; &, cum in confusis simulque permixtis corpusculis omnibus comparatum sit à natura, ut alia aliis congruant; ideo neque ejusdem qualitatis impressionem, apprehensionemque, seu sensationem in omnibus fieri; neque subjectum sensibile afficere pari modo omnes quibuscumque partibus, sed singulos quosque iis solis, ad quas prout incurrerint, concinnatum habuerint sensum.

Nihil hic subjiciendum est de communibus sensibilibus, cujusmodi sunt Magnitudo, Figura, Motus, alia, quæ pluribus sensibus possunt percipi; quod sufficere ea, quæ de ipsis in Canonica attigimus, possint.

#### CAP. XI. De Visu, deque Simulachris in ipsum incurrentibus.

Cum deinceps pauca dicturi de Sensibus singulis simus, ita exordiendum à Visu est, ut cum illius organum esse Oculum manifestum sit; reputare oporteat ideo externas rerum facies, formasve à nobis videri, quod aliquid extrinsecus ex ipsis ad nos, seu in oculum allabatur. Verum priusquam ostendamus id esse longe probabilius quam quod

ab aliis assumitur, declarandum est an, & quale sit, quod ex rebus adveniens allabi in oculum censemus.

Dicimus itaque imprimis nihil repugnare quominus fiant è corporibus extimis effluxiones quædam avolantium continenter atomorum, in quibus idem positus, idemque ordo, qui fuerit in solidis, superficiebusve ipsorum servetur; ut tales proinde effluxiones sint quasi formæ, sive effigies, & imagines corporum, à quibus dimanant, & delineatione iis consimiles, superent longe sua tenuitate quicquid est rerum conspicabilem, Tales cerunt formæ, sive effigies, & imagines, quas nobis est moris, ut Idola, seu Simulacra appellitemus.

Et non repugnat quidem etiam formari in aere medio, circumfusove spatio hujuscemodi quædam contexturas; uti neque esse repugnat quædam in ipsis rebus, & maxime in atomis dispositiones ad operandum ejusmodi spectra, quæ sint quasi quædam meræ inanisque cavitates, & superficiales, profunditatisque incompletæ tenuitates: Verum nos hoc loco de iis loquimur, quæ quasi membranulæ, pellesve, aut exuvie quædam è corporibus deripiuntur.

Non repugnare porro aliqua ejuscemodi simulacra deripi, atque avolare ab extimis corporibus, ex eo insinuat, quod cum semper ab intimis corporibus aliquid effluat, odor, calor, frigus, &c. ut ante quoque attigimus; proclivius sit longe effluere, deripive ab extimis; quia cum atomi tam illic, quam hic in perpetuo nisu sese extricandi & abeundi sint, illic tamen quasi obductis, obstat aliquid; hic vero, tanquam in prima fronte locatis, nihil sit quod obstat. Ut præteream fieri quoque hinc posse, cur avolantes ex superficie, eundem ordinem situmque inter se, quem in ipsamet superficie



superficie obtinuerint, servant; non servant quæ interne prodeunt, quod non possint non varie, ob ductus varios contrahari.

Deripi autem, ac dari re ipsa Effluxiones huiusmodi, probari ex eo quidem possit, quod quum vela rubra, alteriusve coloris, theatris intenta Solari luce perfunduntur, ea fiat ex ipsis direptio, & emissio, qua conclusa intus omnia colorentur: verum abunde est experientia ab ipsis sumpta speculis; quod vel ipsa sola demonstrent emitti revera transferrique simulacra ab usque corporibus, quatenus, ipsis præsentibus, appellunt in specula; re quapiam interposita, à progressu in specula arcentur; ac si moveantur corpora, moventur & ipsa; si invertantur, invertuntur; si discedant, abeunt; si absint, sunt nulla.

Cum nullum sit vero punctum temporis, quo non in medium simulacra hæc prodeant; debet sane eorum procreatio temporis puncto fieri, esseque ad ipsam superficiem jugi fluore indefinens; propterea enim discerni sigillatim non possunt, quod uno simulacro obeunte, aliud cohærenter succedat, inque ejus locum veluti suppleatur, ac servet continuo eundem atomorum ordinem & positum, qui in ipsa solidi sive corporis superficie fuerit, idque in multum tempus, multamve distantiam (tamen tandem confunduntur) ac fiat exinde, ut corpus semper iisdem cum adjunctis, eademque forma appareat.

Dico autem hoc loco Formam, quæ est ipsius corporis propria, ac esse intelligitur quasi collectio partium certo ordine positarum; vel quasi superficies, quæ relinquitur simulacro.

Mirum videri interim potest, quod, quasi nihil delibetur, corpus nihilo deminutum appareat. Sed facit nempe tenuitas quam incomparabilem

jam dixi, quæque intelligi nisi ex atomorum perspecta tenuitate non potest. De hac porro dictum superius circa animalculum ejus parvitatibus, ut pars ejus tertia si esse supponatur resecta, inconspicua sit; & quod tamen, ut eas quas obit, animales functiones eliciat, contexi ex iis partibus particulisque debeat, ad quas conformandas vix innumeræ atomorum myriades sufficiant.

Quare & hic prætereo illam conjecturam, quæ ex eo desumi posset, quod multæ odoræ sint res, è quibus tametsi indefinenter aliquid effluat, nihil in longum tempus neque ad speciem, neque ad pondus deminutum appareat: idque, cum factæ effluxiones longe sint ut crassiores, ita copiosiores ipsis simulacris; quæ simul cum ipsis excedentia, tantula pars tamen excedentium sunt, ut nemo assequi dicereque possit.

Mira quoque videri potest avolantium celeritas: sed intelligi nempe illa debet ex declarata superius celeritate atomorum. Quippe cum ob eam tenuitatem, de qua dictum mox, simulacra nihil aliud sint, quam texturæ quædam atomorum simplicium, ea celeritas ipsis competit, quæ captum omnem fugiat, habentibus trajectionē omnem per circumfusum transparentisque spatium, consimilem illi, quæ per spatia illa infinita est; quandoquidem non admodum differt, seu nulla, seu paucaretundentia sint, quæ ipsis per spatium circumflans occurrant. Certe, cum lux Solis siderumque aliorum observetur tanta coelitus celeritate advenire, debet non minor, nisi etiam major, simulacrorum celeritas, propter atomos in fronte paratas, & ob nullam causam remorantem, esse.

## CAP. XII. *Peragi visionem innercedentibus hujusmodi Simulacris.*

**H**isce præmissis, cum aliqui sentiant res externas ac dissitas idcirco à nobis videri, quod illæ nobis imprimant, quasi sigillatione quadam, sui, colorisve, atque formæ speciem, intercedente aere, qui inter ipsas & nos est, tanquam organo, quo sigillatio peragatur: Alii autem id existiment fieri intervenientibus radiis, aut effluxibus aliis quibuscunque ex nobis, oculisve nostris ad ipsas permanantibus: Attramentem longe est probabilius, peragi rem per simulacra, cujusmodi descripta sunt; quæ nempe advenientia ex rebus, coloreve, & forma ipsarum incurrant in nos, & servata congrua magnitudine, celeriterque admodum translata, in oculum subeant, visumque percellant.

Sane illa quidem Sigillatio res nimisquam operosa, & inexplicabilis est; & ad Effluxionem ex oculis quod spectat, dici non potest, quid speculant in ipsis quoque simulacra pingantur, emittant; neque quid id sit, quod ex oculo in totum usque cælum momento mittatur.

Ut præteream, cum in audiendo, odorando, gustando, tangendo, nihil è nobis emittamus, sed accipiamus extrinsecus, quod sensum sui moveat (quippe & ad aures vox ultro venit, & auræ in nares influunt, & palato ingeritur quod gignat saporem, & corpori nostro applicantur tactu sentienda) promptum est intelligi; non aliquid foras nostris ex oculis profiscisci, sed aliquid ex ipsis rebus, earum puta imagines in oculos ultra meare.

Non potest vero Anima, quatenus adest oculis, non videre, hoc est, non apprehendere colorem formamque extinam ejus rei, quæ ipsi objicitur,  
quod

quod propter ipsam organi tersam perspicuamque texturam, excipiat rei imaginem, & ab ipsa secundum omnes obiectas partes percellatur.

Certe & cum res pulcræ sint, quæ visum permulceant; ac foedæ, quæ offendant; quî fieri id posse putemus, nisi quia venientes ex illis imagines ex iis constant corpusculis, quæ lavore suo oculi texturæ accommodentur placide; venientes ex his, illis consent, quæ squalore suo texturam discerpant?

Et cum oculus iætero laborat, quî fieri potest, ut omnia conspecta lurida appareant; nisi quia imagines in ipso sui in oculum appulsu tingantur; aut tingantur etiam extra oculum, dum litoris corpusculis simulacrisve, quæ ex oculis pari ratione prodeunt, incurrunt?

At, quorsum non modo corporis colorem formamque videmus, sed videmus etiam internoscimusve illius distantiam? Nempe hoc pendet ex aere, quem imago ante se protrudit. Quippe licet celerrime, imperceptoque tempore appellat, oculumque pertergeat, antequam imago adveniat; appellit nihilominus, pertergitque ex ordine: & quanto id facit longius, tanto res apparet distare remotius; quanto brevius, tanto propinquius.

Valet vero hoc etiam, ut causa dicatur, cur Imago videatur ultra speculum: Quoniam, ut cernenti è loco intra ædificium rem, quæ foris sit, appellit aer tum exterius ad usque limen, tum interius ab usque limine proculus: ita in speculum inspicienti appellit tum is qui à speculo in oculum est, tum is qui à re usque ad speculum succedenter.

Quin valet etiam, ut dicatur, cur ex tenebris ea videantur, quæ in luce sunt; non item ea, quæ sunt in tenebris, ex luce. Quippe lucido aere post tenebrosum succedente, potest oculus illo infor-

matus,

inatus, videre : non potest vero tenebroso succedente post lucidum.

Quorsum-nam vero simulacra intra speculum incedere nobiscum videntur ? Nempe ob variatas partes speculi, ex quibus aliis ac aliis necessarium est reflexionem in oculum fieri, ac proinde imaginem progredi nobiscum videri.

Quod si requiras, cur quæ à nobis appellit speculo imago, non posticam partem, sed anticam ; ac ita quidem, ut dextram levorsum, & levam dextrorsum exhibeat ? Observandum est idem illi proportionem contingere, ut si cretea, fistilisve persona non indurata, sed mollis adhuc, ad globum, columnamve allidatur.

Notum est interim, si imago ex speculo in speculum, & porro in oculum reflectatur, partium situm ita restitui, ut dextra dextrorsum, lava levorsum appareat (imo & posse hac ratione fieri, & multiplicatis præsertim speculis, ut quæ sunt retro abdita in prospectum quasi educantur) Quod etiam contingere potest, vel ex uno speculo, si latuscula habeat, quorum unum imaginem ex alio acceptam reflectat.

Verum ista quidem de visu ; cum & huic faciant aliqua, quæ attigimus cum & de Criteriis & de Qualitatibus ageremus.

### C A P. XIII. *De Auditu.*

Circa Auditum, id repetendum, quod supra quoque attigimus ; cum aurem esse organum illius in confesso sit, quemadmodum visio fit ex qua iā re adveniente in oculum : sic Auditionem peragi in aure, affluxu aliquo translato ex eo usque quod loquitur, aut resonat, aut strepitum edit, aut quomodocunque ad sensum auditus excitandum est

est comparatum. Hujusmodi autem Effluxus, quatenus eo sensus afficitur, appellatur Sonus.

Porro & hic effluxus aut in ore loquentis, aut universe in re pulsata, strepitumque edente, in frustula innumera similis figuræ comminuitur (dico autem similis figuræ, orbicularia orbicularibus, & quæ sunt laterum inæqualium, ac triangularium, iis, quæ ejusdem sunt generis) id videlicet instar guttularum, quas fieri in effusione utrium, & in exsufflatione fullonum in vestes, observare licet.

Scilicet isthæc frustula, seu molecule mavis, ita deinceps disperguntur, ut & servant inter se mutuam aliquam convenientiam (ac varios proinde auditus pari ratione feriant, fiatque adeo, ut videantur sonum audire numero eundem, tamen si non sit plusquam similis) & maneat in se unaquæque speciali coherentia, qua efficiatur, ut agnoscantur ad illud spectare, à quo sint emissæ; & talem sensationem ut plurimum creent, qualis ab illo, quod sonum emisit, apparata est (ut dum sonus prope, liberoque spatio incurrit in aurem) si minus (ut præ intervalli magnitudine, aut intersepto aliquo) confuse solum aliquid exterius sonare insinuet. Quippe absque translata quadam, & à sonante usque re servata convenientia coherentiaque, non fieret unquam ejusmodi, quæ esset distincta auditio.

Neque vero est, cur existimemus, cum semel vox, exempli causa, emissæ in aerem est, ipsum deinceps aerem aut ab ea, aut ab aliis ex ea creatis configurari conformarive in similes, quæ, ut aliquis ait, perinde una evolent, ut juxta proverbium, Graculus cum graculo volat (quippe nimio foret molimine opus, si aer quidem ad tale quid subeundum destinatus foret) sed simul ac in nobis  
fit



fit ictus, quando vocem emittimus, ipsam talem ex certis quibusdam spiritualis subtilissimive effluxus frustulis, seu moleculis ad hoc idoneis articulari, & appulsu ad aures facto, auditionem in nobis creare.

Quod tales porro moleculæ in aurem subeuntes figuratæ sint, vel ex eo potest argumentum duci, quod sonus non possit auditum jucunde molesteve afficere, nisi quia est aut eo favore præditus, qui organi texturæ sit accommodatus; aut ea scabritie, quæ organum dilaceret. Res profecto videtur posse haud male intelligi, si quis horrorem ferræ stridentis conferat cum dulcore chelyos, vel raucum corvi bombum cum suavi cantu cygni moribundi.

Ut non repetam autem ea, quæ facere huc visa, dicta ante jam sunt; difficultatem solum attingo; Unde fiat, ut noctu voces magis sonoræ sint, & simul cum magnitudine claritatem pure conservent? Ad hoc autem id assumendum, quod constat ex superius dictis; motum scilicet fieri per inane; & multum inane interspersum esse corpusculis, seu moleculis aeris, quæ sunt ex atomis contextæ; Addendumque, dum interdiu est calor, & moleculæ hæc rarescunt, diffundunturque atomi, intercepta illa inania spatiola angustiora necessario fieri; dum vero noctu viget frigus & moleculæ comprimuntur, constipanturque atomi, fieri patentiora. Res scilicet constat in omnibus rebus, quæ dum intra vasa effervescent, emollescunt, liqueſcunt, ampliorem locum occupant, quam dum refrigescunt, in sese redeunt, & contrahuntur.

Exinde ergo efficitur, ut progressa interdiu vox per dilatatum aerem, & incurrens in multa creberrimaque corpuscula, aut obtundatur penitus, aut discerpatur, & multum varieque elidatur dete-

raturque;

raturque; at noctu progressa per liberum à corpusculis intervallum, pleno, expedito, & inoffenso cursu ad auditum perveniat, & una cum celeritate, claritatem quoque, & distinctionem servet.

Ex eodem certe capite est, cur pulsata vasa vacua resonent, plena muta sint; quodque corporum solidiora, ut aurum, sonum exilem obicurum edant; laxiora, ut æs, insignem & clarum.

#### C A P. XIV. De Olfactu.

**A**D Olfactum quod attinet, existimandum est Odorem, ut proportionem circa Auditum, de voce, aut sono declaratum est, non facturum ullam sui impressionem, nisi ab odora re usque deferrentur moleculæ, seu corpuscula quædam ea ratione commensurata ipsi olfactus sensorio (quod ipsas esse nares constat) ut moveant, & afficiant ipsum.

Effluere certe, recedereque à rebus odores, vel id unum arguit, quod omnia habita odora, oleant magis fracta, contrita, igne exsoluta, quam integra; Nempe, quia seges corpusculorum idoneorum, quæ olfactum moveant, quasi intra corpus odorum stipata revinctaque tenetur; & corpore fracto, contrito, cremato, halitus sive sumi instar profilit ac effunditur, & olfactum afficere, si in eum inciderit, potest.

Afficere porro ipsum solet, aut perturbare, ac discrepanter; ex quo odores ingrati sunt; aut placide, & accommodata; ex quo sunt odores jucundi. Nimirum intelligi oportet, quia nonnullæ moleculæ, sive corpuscula odoris æquabilis sunt & accommodata superficie; nonnullæ æquo pluribus, majoribusve angulis; hinc fieri ut alii odores organum, quasi demulcendo, voluptate afficiant;

afficiant ; alii, quasi dilacerando, dolore quodam exacerbent.

Alio certe modo se habeant oportet, quæ odoris corpuscula penetrant in nares, cum torrentur cadavera, cum scena est Cilici croco recens persusa ; rei que ea ratione potest concipi, ut quemadmodum manus, dum admota lanugine, ipsam premit ; admota urtica, ab ea, resilit ; nempe illic lævor, hic asperitas (seges puta illa aculeorum) oppositis afficiunt modis ; ita oporteat corpuscula, quæ ex croco prodeunt esse lævia ; quæ ex cadavere, aculeata ; ut illa deliniant alliciantque nares, hæc compungant & retro pellant.

Quinetiam, cum sint inter se tam varia animalium temperamenta (imo & hominum quoque inter se) ac aliis adeo alia sit organi olfactus textura ; mirum videri haudquaquam debet, si alii odores aliis placeant, ob figuras dissimiles corpusculorum, ex quibus constant ; atque idcirco, si apes delectentur floribus, vultures cadaveribus ; itemque, si canes percipiant qua feræ transierint, quod ipsi non percipimus ; quasi quod illæ in transcurfa exhalatum reliquerint, non perinde nostrum percellat olfactum.

### C A P. X V. De Gustatu.

DE Gustatu idem dicendum : scilicet, cum constet ejus organum esse Linguam atque Palatum ; ac nos tum gustare sentireve in ore saporem, cum cibum mandentes, ita succum exprimimus, ut dum spongiam aqua combibita comprimimus manus, succusque expressus interim per poros, seu pléxa foramina linguæ, perque palatum diditur : tum asseri generatim posse, esse illum saporem dulcem, cujus corpuscula illi leniter placideque accom-

accommodantur ; illum amarum, falsum, acrem, acidum, acerbum, austerum, &c. quæ asperiter, atque discrepanter. Neque enim possunt mel, aut lac, jucundo linguæ sensu tractari, ingrato absinthium aut centaurion ; nisi quia illa constant ex corpusculis magis lævibus, ac rotundis ; ista ex asperis, & hamatis magis ; ut illa proinde suaviter attingant, ista compungant & lacerent.

Quo fit, ut is rem non incongrue definiat, qui rotundas esse, congruaque mole atomos, quæ Dulcem faciunt saporem, dicit : magna figura, quæ Acerbum ; multangula, minimeque orbiculari, quæ Asperum : acuta, conica, incurva, non tenui, non rotunda, quæ Acutum : orbiculata, tenui, angulata, incurva, quæ Acrem : angulata, distorta, crurumque æqualium, quæ Salsum : rotunda, leni, distorta, parva, quæ Amarum : tenui, rotunda, parva, quæ Pinguem.

At speciatim, cum sint tam varia, ut animalium, sic hominum temperamenta inter se ; & cum ut differunt inter se extremis lineamentis corporum, non possint non similiter differre internis texturis : ideo dici potest Sapores, qui grati sunt istis seu animalibus seu hominibus, esse ingratos illis, quod corpuscula, ex quibus sunt, texturæ organi illorum congrua & accommodata sint ; incongrua, & incommoda texturæ organi istorum. Videlicet quatenus possunt qui in isto organo sunt meatuli rotundi, atomos rotundas leniter excipere, triquetras discrepanter : qui in illo sunt triquetri, leniter triquetras, discrepanter rotundas.

Intelligitur quinetiā ex his, Quæ fiat, ut ea per febrim, quæ prius placebant, displiceant. Nempe, quia textura conturbata est, & commutata proinde pororum figuratio, non possunt figuræ corpusculorum subeuntium, quæ prius congruebant, non esse incongruæ.

Pari

Pari etiam ratione, Quî fiat, ut cibus, uni animali salutaris, alii acre venenum sit; veluti cicuta, aut veratrum, quod exitio est homini, & quo tamen capte coturnicesque pinguescunt. Id videlicet evenit, propter texturas intimas, quæ diversæ inter se cum sint, potest, quod uni accommodum sit, alteri incommodum esse.

## CAP. XVI. De Tactu.

**D**Enique de Tactu, non illo profecto qui communis est omnium corporum, quatenus contingere se suis superficiebus invicem dicuntur (secus scilicet, ac Inane, quod nec tangi potest, neque tangere) sed de illo animalium proprio, qui non sine animæ perceptione est, & non unam corporis partem, sed omnes pro organo habet: de huiusmodi, inquam, Tactu subjicio duntaxat, Illud, quod ab ipso percipitur, percipi trifariam.

Nam imprimis quidem res tactu sentitur, cum applicatur exterius, seseve exterius insinuat. Applicatur, inquam, ut cum manus sentit lapidem sibi applicitum; humerus impositum onus. Insinuat, ut cum re calida emittente calorem, aut frigida frigus, subeunt in poros corpuscula, quæ pro eo statu, quo fuerit corpus, ipsum recreent, aut offendant.

Deinde, cum res, quæ interior est, egeritur foras; ac fit interdum cum voluptate, maximeque cum oneri est, & incommodat, ut dum semen excernitur; interdum cum molestia, ut dum propter corpusculorum angulos, meatum excoriat; quemadmodum per stranguriam urinæ difficultatem.

Postremo, cum res intra ipsum corpus eos motus subit, ut arietando, diducendo, distrahendo, convellendo, compungendo, radendo, excoriando, inflando,

inflando, tendendo, rumpendo, aliisq; modis innumeris constitutionem genuinam turbet, confundat, & concitet sensum. Quo modo omnes & capitibus & aliarum partium dolores interne creantur, animalque seipsum perinde afficit, ut si quis manu propria partem quamlibet sui corporis feriat.

CAP. XVII. *De Animi, seu Intellectu, Mente, Ratione, illiusque Sede.*

ET haftenus quidem de Sensu. Dicendum jam de Animo, qui & Intellectus, Mens, Ratio, & Rationalis, princepsque pars appellitari passim solet. Quin dicitur etiam plerumque Cogitatio, Imaginatio, Opinio, Consilium; ac illius est proprium, feriente etiam sensu, cogitare, quidpiamve apprehendere, intelligere, versare, meditari, discurre, deliberare.

Par est vero Animi texturam constare ex corpusculis omnium subtilissimis, lavigatissimis, rotundissimisque. Scilicet, quod esse nihil possit ut tenuius, ita mobilius: neque enim res ulla est, quæ se ocyus percieat, celeriusve quid faciat, quam mens, quæ si quid proponat inchoerque ipsa, momento exsequatur: unde & in confesso sit, nihil fieri ipsa ejus actione seu cogitatione celerius.

Et sane, ut aqua est longe mobilior, fluctuantiorque, quam mel, quod ex corpusculis magis lavibus, magis parvis, magis rotundis contexta sit; congruum est nullam rem constare ex rotundioribus, minoribus, lavioribus, quam mentem; quando res nulla esse mobilior, agitabilior, flexibilior potest.

Et in qua quidem corporis parte hæret Animus, ita cohæret animæ, ejusve portioni eadem in parte  
coexi-



coexistenti, ut conjunctus ipsi individue sit, unamque naturam cum ipsa conficiat : verum suam semper naturam ita tuetur ac retinet, ut ejus proprium sit cogitare ; Animæ vero, affectus subire : utcumque propter collisionem & cogitare Anima, & affici Animus censeatur.

Nempe Animus quidem affectus, sive passionis expers est ; at quia ut passiones à sensu pendentes excitantur in anima ad eas partes, in quibus est sensus, ita eæ, quæ pendent à cogitatione, in ea excitantur, ad quam parte cogitatio est, & ad quam anima res una cum ipso animo cogitante est ; efficitur, ut quasi aggregatum, quod in illa est parte, ex animo, & anima, unicus esset Animus, Animo quoque ipsi passiones tribuantur.

Hinc, seu divisim, seu conjunctim accipiatur Animus, id saltem habet proprium supra reliquam partem animæ, ut, sicut dum caput aut oculus dolet, non idcirco toto concruciamur corpore ; sic aliquando Animus dolore afficiatur, aut lætitia ; cum cætera pars animæ per corpus diffusa tali affectu caret. Aliquando, inquam ; quia fieri potest, ut Animus ea percellatur metus vehementia, qua reliqua anima una concutitur, ac inde excitetur sudor, creetur pallor, infringatur lingua, oculi caligent, aures sonent, succidant artus, homo denique concidat.

Quinetiam, potest Animus cènseri ad vitam dominantior, quam anima, reliquæ animæ pars ; quatenus Anima in membris ne minimum quidem residere potest, sine Animo : Animus autem cæsis circum membris, circumcisaque adeo plurima parte animæ, ita superest, ut vitam tueatur ; plane ut pupilla ad visionem conferentior est, quam reliquus oculus ; quatenus læsa pupilla, corruptis licet aliis partibus, visio constat.

Videtur

Videtur porro Animi, Rationalisve partis sedes assignari alia non posse, quam media regio Pectoris; atque idcirco, quam Præcordia, sive ipsum Cor, quod in media est pectoris regione. Quippe id manifeste produnt, quos in pectore per sentiscimus, Metus Lætitiæque affectus, & quoscunque alios pendere à cogitatione, cogitante animo experimur.

*Quod hic habetur de Animi Rationalisve Animæ compositione ex atomis, quasi corporea natura sit, refutatum exstat cum de Animorum Immortalitate, in sect. 3. phys. memb. post. lib. 14. cap. 3. disseruimus.*

### CAP. XVIII. Non cogitare Animum, nisi per simulacra incurrentia.

**D**ifficultas est solum, Quî fiat, ut excitari Animus ad cogitandum rem aliquam possit? Verum, cum manifestum sit cogitari Animo res, eo modo, quo oculo videntur: constat debere ut visionem, ita cogitationem fieri per simulacra incurrentia.

Scilicet præter simulacra, quæ incurrentia in oculum, & propter aliquantulum majorem crassitudinem accommodata illius texturæ, ipsum ad visionem eliciendam movent; vagari oportet per aerem innumera alia longe tenuiora, eaque seu derepta è corporibus, seu in ipso aere formata, ut non multo ante dictum est, quæ per ipsum corpus penetrantia, & accommodata animi texturæ, ubi ad illum pertigerint, ipsum ad cogitandum moveant.

Quocirca & fit, ut quemadmodum Leonem, v. c. videmus, quia illius imago allabatur oculis; ita Leonem cogitemus, quia ejus imago allabitur menti.

enti. Quod si cogitemus Centauros, Scyllas, ac  
 iusmodi alia, quæ neque sunt, neque unquam  
 erunt; contingere id potest, non tam ob for-  
 mata sponte simulacra, quam ex eo quod, cum  
 c. hominis, & equi simulacra sibi obvia fiunt,  
 cile, propter tenuitatem (& sicut aranea, bra-  
 teaque auri) junguntur, inque unum exinde for-  
 mantur, quale Centauro tribuitur.

Sciendum vero, dum aliquando in eadem, sive  
 vigilando, sive dormiendo, cogitatione persevera-  
 nus, id fieri, non quod aliqua una ejusdem rei  
 imagine, sed quod pluribus continente fluxu suc-  
 cedentibus utamur; quæ, si eodem situ occurrant,  
 cogitata res immota appareat; si variato, mota vi-  
 deatur: Unde & fiat, cur in somnis præsertim vi-  
 deantur nobis simulacra & moveri, & brachia cæ-  
 teraque membra in numerum jactare.

At, Quæ fieri potest, ut quod cuique libuerit,  
 id ipsum statim Mens cogitet? Nempe, quia cum  
 præsto ubique simulacra omnifaria sint, maxima  
 pars tamen incogitata præterit, ac ea solum men-  
 tem movent, ad quæ ipsa adverterit, attendere ve-  
 voluerit, seu ad cogitandum sese compararit. Et,  
 nonne videmus etiam oculos, cum aliquid tenue  
 cernere cœperint, contendere se, & ad id parare,  
 ac donec quidpiam attente cernunt, perinde esse  
 cætera, ac si nusquam forent; tametsi eorum quo-  
 que simulacra excipiat?

Cum sit porro aliqua attentio Menti necessaria,  
 ut res distincte apprehendat, tum est adhuc ma-  
 gis, ut opinetur simpliciter, seu iudicium quod-  
 piam de ipsis, affirmando, aut negando ferat; ac  
 vero est demum maxime, ut de iisdemmet ratio-  
 cinationem instituat; ac si curæ ipsi potissimum  
 sit, ne hallucinetur.

Verum & rem deduximus, de Criteriis cum age-  
 remus:

remus; & in gratiam speculationis rerum naturalium adnotare hic sufficit, humanum ratiocinium ea, quæ natura in lucem effert, suspicere primum & posterius disquirere, ac invenire, causasve ipsorum deprehendere: sed in his citius, in illis tardius; & aliquando quidem per prolixiora, aliquando per breviora tempora id evincere, seu ad cognitionem perfectam venire.

### CAP. XIX. De Affectibus, seu Passionibus Animæ.

**S**UPEREST alia, præter Sensum, Irrationalis Animæ pars, quæ dici Affectuosa potest, propter Affectus, Passionesve, quæ excitari in illa solent. Nominant etiam Appetitum, Cupiditatemve ab affectione quadam præcipua; cum & sint, qui concupiscentem, atque Irascentem distinguant.

Cum dictum porro jam ante fuerit, Affectus, qui sensum sequuntur, in iis partibus, quæ sentiunt, creari; illos vero qui opinionem, creari in ipso pectore; idcirco cum aliunde sint duo quidam affectus præcipui, Voluptas scilicet, ac Molestia, seu Dolor; & prior quidem familiaris accommodatusque animæ, posterior alienus naturæque incommodus; par est utrumque excitari non modo in ipso pectore (ubi fere Voluptas venit nomine Gaudii, Lætitiæ, Exultationis, Hilaritatis; & Dolor, Ægritudinis, Mœroris, Angoris, &c.) sed in partibus etiam aliis; in quibus, dum à statu naturali dimoventur, excitatur Dolor; cum in eundem statum restituuntur, Voluptas.

Ac si possent quidem Partes omnes in naturali statu manere, tunc aut nulla esset affectio, aut si esset aliqua, ea dicenda esset Voluptas, propter placidum & tranquillum statum: at quia, vel propter

pter continuam principiorum motionem in animalis corpore, quædam abscedunt, quædam accedunt, quædam diducuntur, quædam acervantur, &c. vel propter motionem, quæ est in rebus circumstantibus, quædam admoventur, quæ subeant, immutent, invertant, secernant, &c. efficitur dolor (& ob priorem quidem causam, qualis, v. c. ex fame, siti, morbo sentitur; ob posteriorem vero, qualis ex ustione, contusione, contorsione, vulneratione) idcirco videtur primario creari affectus Doloris; ac simul, quod alienus sit, Averſationis, seu Fugæ illius, ac rei ipsam inducentis, cui idcirco Mali attribuitur nomen.

Subinde autem insequitur Cupiditas exemptio- nis à Dolorē, seu ejus status à quo ille absit, atq; adeo rei à qua abigatur, quæque idcirco Boni nomen obtineat; ac tum, cum dolor eximicur, & fit in meliorem, hoc est, in naturalem statum reductio, ipsa excitatur, concomitaturque voluptas; adeo ut non esset futura Voluptas, nisi species quædam Doloris antecederet: ut observatur facile est vel in ipsis, fame, ac siti, & Voluptate, quæ mandendo, bibendoque percipitur.

Siquidem Voluptas ista non creatur, nisi quatenus, cum actione interni caloris plurimæ partes dissipentur, unde ipsum corpus rareſcit, omnis natura subruitur, & stomachus præſertim vellitur; aut glomerata aliunde caloris corpuscula præbent ipsi incendium, unde & dolor suboritur; quatenus, inquam, advenit cibus, qui defectum suppleat, artus suffulciat, patentem per membra ac venas cupiditatem edendi obturet; advenit & potus, qui ardorem restinguat, exarefactas partes humectet, ipsasque in statum priorem restituat; ac aliunde utrumque fit cum placido, grato, jucundoq; naturæ sensu; quem tunc abesse

manifestum est, cum quis non esuriens comedit, aut non sitiens bibit.

Videntur ergo isti esse quatuor generales Animæ Affectus, Dolor & Voluptas, ut extremi; Fuga, & Cupiditas, ut interjecti. Generales, inquam, quoniam cæteri istorum sunt species, ac opinione intercedente fiunt; & quæ possunt potissimum ad Cupiditatem Fugamque referri.

Nam ut præteream Cupiditatem speciatim Voluntatem dici, cum Mens illud, quod cogitat, ac bonum opinatur, vult; & Fugam dici Aversionem, cum id, quod cogitat, ac esse opinatur malum, aversatur; subinde vero Amorem v. c. esse voluntatem, qua ad fruendum aliqua re ferimur; Odium aversionem, qua à consuetudine alicujus recedimus; videtur aliunde Ira nihil esse aliud, quam cupiditas, qua in vindictam efferimur; Metus nihil aliud, quam fuga, qua ob malum futurum contrahimur, & in nos quasi secedimus; atque ita de cæteris.

Cæterum, quia Cupiditas (ac proportione etiam Fuga) partim ipsa sponte naturæ, & ex indigentia quapiam excitatur, eamque explere necesse est, ut natura incolumis constet; partim creatur ex opinione, quæ interdum quidem ipsi naturæ instituto conformis est, & ad illius indigentiam tollendam sic tendit, ut tollenda tamen necessario non sit; interdum denique nihil ad naturam, neque ad aliquam illius indigentiam tollendam conducit; hinc fit, ut sint Cupiditatum aliæ quidem naturales, & necessariae; aliæ naturales, sed non necessariae; aliæ neque naturales, neque necessariae, sed inanes.

Et Naturales quidem, ac Necessariae illæ sunt, quæ ut indigentiam, sic dolorem ortum ex indigentia tollunt; cujusmodi est cibi, potus, indu-

menti



menti quo aſecatur frigus. Naturales vero, ſed Non-neceſſariæ ſunt illæ, quæ nihil aliud, quam voluptatem variant, non vero abſolute dolori detrahendo neceſſariæ ſunt, ut quæ eduliorum ſunt delicatiorum ; imo etiam, quæ venereorum, quibus natura præbet principium, & à quibus tamen poteſt quis non incommode abſtinere. Denique, Neque Naturales, neque Neceſſariæ illæ ſunt, quæ ad nullum dolorem ex naturæ indigentia ſubortum tollendum feruntur, ſed ex inani ſolum opinionem creantur ; quales ſunt v. g. coronarum, ſtatuarum, cultus elegantis, pretioſæ veſtis, auri, argenti, eboris, & ſimilium.

Ad-hæc vero Notandum eſt cum Voluptas in boni fruitione ſit, Dolor in perſeſſione mali ; ideo illam quidem, cum quadam animæ effuſione ac elatione fieri, iſtum non ſine contractione demiffioneque eiufdem eſſe : atque idcirco nihil eſſe mirum, ſi anima ſeſe, quantum poteſt, dilateret, ut bonum admittat in ſe ; comprimat, ne admittat malum.

Fit porro diffuſio ſive dilatatio ; quia ſtatim, ac boni, ſeu rei gratæ ſpecies ſenſum perculit, aut animum quoque permovet, corpuscula, ex quibus conſtat, ita in ſenſorium cõve ipſum ſubant, ut texturæ tam animæ quam corporis accommodata, ipſam ſpeciatiim animam demulceant, jucunde afficiant, & verſus rem ipſam, à qua ſunt emiſſa, quaſi catenulæ alliciant ac trahant : adeo proinde, ut anima in rem converſa, intentaque, verſus ipſam, fruitionis ergo, quanto poteſt niſu veluti exſiliat.

Contractio vero, quia ſtatim ac mali, ſive rei moleſtæ ſpecies ſenſum animumve percelluit, corpuscula, ex quibus conſtat, quaſi contuli, aut ſpiculula ipſam cum ſenſorio animam ita fodi-

cant, ut texturam ipsius solvant; ipsaque illorum, quantum potest, devitandorum gratia, sese ipsam coarctet, & versus ipsum sui centrum, seu quasi radicem, qua nempe est cor, animusve, refugiat.

Nihil porro necesse est ex antedictis repetere, ex ipsa animæ textura pendere, cur animalium aliud ad Iram, aliud ad Metum proclivius sit, aliud comparatius ad placidos motus; neque addere varietatem hanc reperiri quoque in hominibus, prout ex igneo, ex flatuoso, ex aereo principio participantiorē habent animā: Quippe cum videre liceat homines etiam doctrina perpolitos non ita posse radicitus semina ista evellere, quin ille proclivius ad iram decurrat, iste metu magis tentetur, alius ad clementiam æquo pronior sit; cumque aliunde varietas morum, quæ tanta observatur ut in animalibus, ita in ipsis hominibus, manifeste satis deducatur ex varia horum seminum inter se mistura.

**C A P. XX. De Motu Voluntario, ac Speciatim de Loquutione, Nominumque impositione.**

**I**Am cum Anima suapte natura mobilis sit, ac ipsum corpus, cui inexistit, ejusque membra movere valeat; Notum est, quoties corpus, aut membra hisce aut illis motibus ciet, idcirco fieri, quia illorum ciendorum voluntatem habet; hanc voluntatem ab animo imaginante excitari; & imaginationem hanc fieri ob imaginem, sive simulacrum, quod ipsum percellat. Nempe nihil unquam facere animus mentive aggreditur, quin illud providerit; neque providet, quin illius simulacrum, seu imago constet.

Itaque, cum, exempli causa, crura movemus, incedimusque, illud ideo fit, quia primo simulacra incessus animo accidentia, cum pulsant: inde incessus

incessus voluntas fit; tum autem cum se animus ita commoveret, ut ire incedereque velit, ferit extemplo animam, qua parte ipsi junctus tenetur: ista vero animæ pars reliquam compulsat toto corpore diisitam, & per crura ac pedes speciatim diffusam: unde & tota moles sensim protruditur, ac movetur. Ut præteream aërem quoque eatenus aliquid conferre, quatenus corpus totum rarescit, aer vero in partes subit: adeo ut corpus duplici de causa perinde moveatur, ac navis, dum remis ventisque impellitur.

Quod motus porro initium ab ipso usque corde, in quo inest animus, sit, vel ex eo intelligi potest, quod videamus interdum, v. c. equos patefactis repente stabulis, quasi carceribus, prorumpere tam subito, quam mens ipsa avet, non posse. Id nempe, quia quasi conquiri tota substantia animæ totos per artus diffusa, debet, ut concita, mentis ipsius studium consequatur; atque ita procedit res primum ex voluntate animi, & porro exinde per corpus & artus.

Ac videri quidem mirabile potest, quod tantula corpuscula ex quibus seu mens seu anima constat, tantum onus, quanta est corporis massa, movere, torquere, convertere valeant: Sed, quid id sit mirum, cum ventus, res adeo subtilis, molimine tanto vim navis ingentem contradat; & manus una, gubernaculum unum, illam, quantovis imperu euntem contorqueat ac moderetur? Et nonne etiam sunt machinæ, quæ per trochleas, & tympana, pondera magna commoveant, sustollant, neque id magno nisu?

Cæterum, cum ex motibus, quibus partes corporis pro voluntate arbitrioque movemus, is dignus præsertim consideratione sit, qui in lingua attenditur; & Loquutio vocatur; ideo videtur esse de illo speciatim quidpiam attingendū.

Itaque, cum lingua ita sit in animalibus respirantibus comparata, ut aerem contense exspiratum, sonumque idcirco creantem, varie infringere, ac veluti formare valeat; efficitur, ut quia aliunde unumquodque animal vim suam, qua quod potest, sentit, eaque utitur (propterea enim taurus cornu impetit, equus calce ferit, leo dentibus, unguibusque corripit, avis pennis fidit) efficitur, inquam, ut animalia, & homines præsertim, suæ linguæ vim ad exprimendum animi affectus (etiam dum aliquid externum significare volunt) sentientes, tum sonum emittant, qui dicitur vox; tum illum interventu linguæ, aliarumque partium ejus variationi inservientium, varie inflectant.

Et de Animalibus quidem etiam loquor; quoniam videmus illa quoque varias voces emittere, quatenus lætantur, aut dolent; & quidpiam metuunt, aut prosequuntur. Etenim Canes, v. c. alium aliumque sonitum edunt, cum rabie districti minantur, cum latrant, & omnia complent vocibus, cum catulos blande aut lambunt, aut morsu pedibusque jactant, & gannitu interim adulant; cum baubantur in ædibus; cum plorantes plagas summisso fugiunt corpore. Equi etiam hinnitus differt, cum concussis artubus vulgo hinnit; cum adhinnit equæ; cum pressus ab equite patulis fremit naribus. Volucres quoque alias aliasque, & cum de præda certant, & cum tempestatum mutationes sentiunt, & cum otiantur, voces fundunt.

Cum vero homo præ cæteris, & linguæ vim maxime sentiat, & pluribus modis illam inflectere sic possit, ut plures voces dearticulet, quæ pluribus rebus significandis accommodentur; exinde est ipsa Loquutio, seu Sermo, quo homines vulgo inter se loquuntur, dum & passiones animi, resque alias significant, & non secus ac natu digitoque demonstrant.

Quo

Quo loco, quia requiri solet, Qua ratione ab initio Homines rebus significandis Nomina imposuerint; ideo sciendum est, Nomina non fuisse ex mero hominum instituto, seu lege quadam imposita; sed ipsas hominum naturas, naturalesve dispositiones, quæ in gentibus fuere singulis, tum cum res ipsis occurrerent, specialibus animi motibus affectas, & propriis visis, seu imaginibus compulsas, peculiari quadam ratione aerem ore emisisse, ipsumque elisisse, dearticulassequæ, prout singulorum affectuum visorumque impetus tulit: & interdum quoq; locorū varietas, seu varius cœli soliq; genius in variis regionibus fuit: & quæ prolata voces sic fuerunt, ac præsertim cum voluntate designandi aliis res, evasere Nomina rerum.

Cum vellent etiam aliqui aliis res extra illorū conspectū constitutas proponere, sonos aliquos, vocesve ediderunt; ac tum fuere coacti easdem voces identidem repetere; tum qui audiebant, ratiocinio quodam conjecturaque rem assequentes, ex multa deniq; assuetudine illorum mentem intellexerunt.

Et quia tamen varii varias ad eandē rem aliis significandā dedere voces, ac varia proinde fuere nomina; ideo deinceps nomina significandis rebus propria apud unamquamq; nationem, & sensim, & quasi communi consensu delecta assignataq; ita fuerunt, ut & significatus fierent adinvicē minus ambigui, & res possent eloquio cōpendiosiore explicari.

Concludo proinde primos Homines imposuisse Nomina rebus, non ex certa scientia, aut unius cuiusquam imperio, vel dictamine (unde enim illi aut hæc scientia fuisset, aut potestas, quæ ad utendum vocibus dictatis plures ugeret?) sed imposuisse potius, naturali quodam impetu permotos, ut solent, qui tussunt, sternutant, mugiunt, latrant, ingemiscunt: Atque idcirco dici posse esse

Nomina non instituto, sed natura, quatenus sunt quidem effectus, ac veluti opera naturæ; Neque enim videre & audire res (qui effectus quidam, operaque naturæ sunt) alterius omnino conditionis sunt, quam res nominare.

### CAP. XXI. De Somno, & Insomniis.

**S**uperest pauca subjiciamus de Somno, ac Morte Animalium, duabus nempe rebus germanis; cum altera quidem feratio, altera extinctio sit sensus: & tritum valde sit, ut Mors esse æternus Somnus dicatur.

Creatur autem Somnus, cum animæ partes per totam corporis concretionem diffusæ aut cohibentur, aut distrahuntur; aut nonnulla etiam corpora sive ab aere, sive à cibo in dispersas incidunt, quæ partim ipsas à corpore abigant, partim intro contrudant, ac turbent: tunc enim corpus, ut solito destitutum fulcimine regimineque, debile fit, ac membra simul omnia languescunt; cadunt brachia, & palpebræ; poplites procumbunt: denique non amplius est sensus.

Scilicet, cum indubium sit Sensum esse ab anima, reputandum omnino est, cum sopor sensum impedit, perturbatam esse animam, forasque ejectam; non totam certe; nam alioquin non tam somnus esset, quam mors, sed partem tamen; ac ita quidem, ut quæ est residua, sit intus oppressa, ac veluti ignis obducto cinere, sepulta; cum ut si ignem commoveris, quasi evigilat, & flamma consurgit, veluti ab extincto; sic reconstitui sensus per membra, & quasi ex mortuo suscitari valeat.

Quod dico autem corpuscula incidere ab aere, quæ hanc exturbationem faciant, aerem intelligo partim externum, qui nunquam cessat corpus pulsare ac tundere (inde enim fit, ut extrema cujusque animalis



animalis pars solidescat, ac induretur) partim internum, seu qui ore tum inducitur, tum reflatur. Nimirum, cum utriusque istus per tennes meatus ad prima principia pervenit, eorum positura ita conturbantur, ut pars excedat, pars introrsum condatur, & quæ pars superest per membra, quod ob vias varie interceptas conjuncta secum ipsa non sit, solito munere fungi nequit.

Quod à cibo etiam incidere dico, ideo facio; quod dum cibus intus diditur per venas, idem, quod aer, faciat; imo ut copiosiore, sic majore vi: Quo fit, ut sopor, quem cibus creat, ob conturbationem maiorem, sit solito gravior; uti & qui creatur ex nimia lassitudine, propter distractionem maiorem.

Cæterum, cum possit res videri mira, Qui fieri valeat, ut per Somnum nobis contingant Insomnia: idcirco adnotari debet, quod non multo antè dictum est, vagari ubique continuo innumerabilium rerum simulacra, quæ præ sui subtilitate penetrare in corpus, & ferire afficereque animum in pectore medio existentem sic valeant; ut illa ad cogitandum res, quarum sunt simulacra, exciterur. Nimirum, quia illa non minus per somnum, quam per vigiliam penetrant, ac animum feriunt, sic ut res dormiendo non secus, ac vigilando, videre videamur.

Efficitur autem, ut ea quæ apparent, idcirco pro veris habeamus; quod consopitis sensibus; nihil possit occurrere quod nos erroris admoneat, ac veris rebus falsum convincat: & jacente aliunde memoria, habeamus, v.c. pro vivis illos, qui mortui pridem sunt; quod cum præsentia illorum simulacra sint, mortis illorum non recordemur.

Si requiras vero, Qui fiat, ut ea somniemus maxime, quorum præsertim studio teneamur, aut quibus per vigiliam studiose incubuerimus (nam &

Oratores perorant, & milites pugnant, & nautæ colluctantur ventis, & lutores ludos exercent, & cæteri cætera; ac neque id modo; quando aliorum quoque animalium equi sudant, spirant, & quasi de palma contendunt; canes venatici jactant crura, voces repente mittunt, reducunt auras naribus crebras; atque ita de reliquis) Dicendum est ideo id fieri, quod ob factam recens impressionem in animo, patentes viæ relictæ sint, quibus eadem simulacra subeant, ac præ cæteris animam rursus moveant.

Certe ex hoc esse capite videtur, quod sitiens fontem somniet, ac bibat; micturiens matulam cogitet, ac mingat: Scilicet quod motus interni vias quasi aperiant, quibus subeuntia rerum affinium simulacra animum permoveant. Quo modo fit quoque, ut simulacris pluribus, affinibusque cocuntibus, magni aliqui motus in animo fiant; ac tum somnians videatur sibi magna sapere, magna gerere, magna loqui; clamores etiam tollat, ut si à quopiam jugularetur, mandereturve à leone, aut Pantheræ; exterreatur quoque, non secus, ac si ex alto monte se præcipitem daret; adeo ut etiam evigilatus vix sui compos denique fiat.

## C A P. XXII. De Morte.

**A**D Mortem vero quod attinet, ea nihil est aliud, quam Privatio sensus, propter excessum animæ. Sensum hic dico non tantum actionem, cujus est etiam Somnus privatio, sed facultatem quoque sentiendi, quæ simul cum anima perit, ac una etiam animus; adeo ut, anima excedente, excedere etiam animus, ut ipsi conjunctus censeatur.

Etenim, quamdiu anima quidem existit in corpore, tametsi deficiat alia quæpiam pars, nulla-  
genus

renus tamen est privatio sensus; at sensus cum ipsa una deperit, simul ac dissolvi id contingit quo continetur, seu illud totum corpus sit, seu pars aliqua, in qua sedem habeat. Neque vero obstat, quod corpus sive totū, sive ex parte ad aliquod tempus indissolutū remaneat; nam sensu nihilominus caret, ubi excesserit atomorum copia ejuscemodi, quæ ad naturam animæ constituendam est necessaria.

Porro & corpore exsoluto, anima ipsa dissipatur, neque habet amplius easdem facultates, neque movetur amplius, neque obtinet adeo amplius sensum. Non enim intelligi potest eandem rem etiam sentire, quæ motibus iisdem non utitur amplius; cum non inest amplius in eodem composito; sive dum amplius illa non sunt, quibus fovebatur, continebaturq; & in quibus existens obibat hujusmodi motus; resq; se perinde in anima, ac in oculo habet, qui avulsus radicitus, seorsumque ab ipso, cui inhæserat, corpore, videre nihil potest.

Cum dissipari autem dico animam, animum quoque intelligo, quando animus ipsi individue conjunctus est, neque, ea pereunte, consistere potest: Quo fit, ut hoc loco dicere animam, animamque, perinde sit; quod par dissipatio competat utrique. Fit autem dissipatio hæc, non profecto in nihilum (ut fieri necesse est dicant, qui animam esse volunt Harmoniam, seu talem contemperationem, qualis ipsa est Sanitas) sed in principia, corpusculave, ex quibus ejus textura est; idque non modo instar aquæ vase conquassato diffluentis, sed etiam abeuntis in auras fumi, aut nebulæ; & tanto quidem facilius, quanto texturæ est tenuioris; cum vel ipsis nebulæ, ac fumi simulacris valeat percelli.

Et certe animam dissipari interireque vel ex eo constat, quod cernatur, exoriaturque. Ac sunt quidem;

quidem, qui æternam faciant; initium nempe ipsi negantes, ut avertant exitium; ac esse ante corpus, in quod extrinsecus veniant, sumentes, ut superesse à corpore; è quo sospes exeat, tueantur: Verum illud quidem prætereo, quod non videantur advertere æternum perdurans esse nihil posse, nisi tale sit, aut præ sui soliditatē, ut Atomus; aut quod sit plagæ expers, ut Inane; aut quod careat loco, in quem excedat, ut Universum; neq; item advertere, quantæ possit vertigine mentis, putare res adeo diversas, ac sunt immortale & mortale, conjungi.

Prætereo id, inquam, ac requiro solum, qui possit anima in corpus intrinsecus, ac permanere per ejus partes, & non dissipari tamen exsolviq; quemadmodum cibus diditus per membra? Et nonne potius deberet in corpore, ut avis in cavea morari: non vero eo modo, ut cum corpore crescere, simulque extendi intelligatur? Et quorsum ergo cum corpore pervenit ad ætatis florem? aut Quid est, cur in senectute metuat, non gaudeat è corpore, tanquam è carcere exire, & serpentis instar mortale spoliū relinquere? Et, si abscedens à corpore, quasdam sui reliquias finit, nonne exsolubilis est? Si non finit, unde nam ergo in cadavere tot gignuntur vermes?

Nam dicere quidē totidem animas eo confluere extrinsecus, & volitare quasi umbras, deligereque propriam materiam, fabricari sibi propria corpora, aliq; id genus, quam absurdum est? Uti & per-ridiculū est ad ipsos eitus partusq; animalium circumstare quoddam quasi animarum examen, & de insinuatione in corpus inter se mutuo contendere?

Et, nonne, si animæ toties commutassent animalium corpora, deberent sensim immutata illorum esse indoles; sicque jam leo esse non ferox, cervus

cervus non timidus, vulpes non dolosa, fugiens  
cervum canis, columbam accipiter? Cum &, si  
quis dicat animas humanas immigrare solum in  
humana corpora, dicere non possit, cur anima  
fiat è sapiente stulta; cur nullus puer prudens sit?  
cur nos, ut de se fabulati sunt qui primi ista pro-  
diderunt, anteaetæ vitæ, rerumque in ea gesta-  
rum, nusquam recordemur?

Exortum ergo anima habet, à quo usque ut a-  
dolescit, vigescitque cum corpore; sic tendat o-  
portet ad interitum, cum eodem senescens, ac sen-  
sim deficiens.

Hoc vero de Mente etiam dico, quam perfici  
sensim, atque deliberari constat; cum & aliunde  
non solum compatiatur morbis doloribusque cor-  
poris, verum laboret etiam propriis, & medici-  
nam quoque iis curandis admittat; quod fieri pro-  
fecto non potest, quin accedat, abscedat, transpo-  
natur quidpiam in ejus textura: nam & admo-  
nere, quid illi per ebrietatem, epilepsiam, deli-  
rium contingat, nihil necesse est.

Id dignum consideratione, quod certæ parti  
corporis, non secus ac auris oculisve affixa sit; ut  
pari proinde ratione cum toto incipiat, atque de-  
sinat; & vel ex eo quidem, quod unicuique rei,  
ut arbori, ut pisci, &c. certa, ac definita sit regio,  
in qua, ut nascatur, sic degat, ac tandem esse sic  
desinat, ut consistere extra ipsam non valeat.

Sed &, cum homo membratim moriatur, sensim-  
que exspiret, quasi anima partibili: quis experi-  
tur animum non è pectore medio evanescere, sed  
per jugulum, & os incolumem exire? Nam quod  
anima quidem ipsa quasi cribrata, atque divisa per  
ipsum corpus exeat, arguitur vel ex eo putrore, qui  
in cadavere ex illius discessu non aliunde est, quam  
quod singulæ ejus partes situm commutarint, quem  
; artes

partes animæ singulæ continebant. Ut taceam, quod anima aliunde, bisecto raptim aut conciso frustulatim corpore, non bisecari & ipsa concidique frustulatim non possit.

Itaque sicut Anima ante generationē non fuit, ita neque post mortem erit: atque ut nihil ægri anteacto tempore sensimus, ita nihil sumus post-futuro sensuri: tum nempe, cum non amplius erit aut tactus, aut plane ullus sensus, qui esse omnino aliquis non potest in separata anima, cum jam sine organis sit, in quibus solis resident, & quibuscum solis agere, ossant aut pati sensus.

Quo fit, ut reputare liceat vanos esse Inferorū metus; neque enim Ixionem rota volvi; neque saxum Sisypho humo o tradi in adversum; neque ullius viscera & renasci posse quotidie, & carpi. Scilicet fabulæ hæ sunt; uti & quæ tradunt de Tantalo, de Cerbero, de Danaïdibus, de Furiis, deque cæteris, quæ si usquam sunt, in-vita hac sunt propter hominū depravatos mores.

*Tota huius loci impietas repressa est, refutataque cum diximus esse Animos hominum immortales contra Epicurum in sect. 3. Phys. Memb. posteriori lib. 14. cap. 3.*

#### SECT. IV.

*De Rebus Sublimibus, tam Cælestibus, quam Aereis*

**H**Ætenus fuerunt res Humiles, sequantur Sublimes, sive in sublimi, hoc est, in regione supra Terram fusa elatæ, atque apparentes, Huiuscemodi sunt Sol, Luna, alia Sidera, & quæ in ipsis contingunt, ut Ortus, Occasus, Conversiones, Eclipses, &



& similia; itemque Nubes, Pluvia, Venti, Fulgura, Tonitrua, Fulmina, cætera id genus. Scilicet, utcumq; aliqui secernant, & posteriora hæc sola *utrimque*, hoc est, Sublimia vocitent; congruum tamen est priora quoque illa & Meteora dicere, & una Meteorologia, (hoc est, tractatione Sublimibus) utraque complecti.

Repetendum vero hic est, quod initio est insinuaturn, Non esse alium statuendum finem cognitionis rerum sublimium sive conjunctim cum aliis, ut hic; sive separatim, ac per se, ut alias, facimus, tractentur, quam Statum mentis imperturbatam ac persuasionem non vacillantem; veluti & in cæteris, de quibus solemus disserere, rebus.

Non sane, quod, cum res Sublimes ejusmodi sint, ut multifariam aut obtineant aut obtinere valeant & generationis causam, & essentia declarationem, iis, quæ percipiuntur sensibus, conformem, uni alicui modo speciali sic hærendum sit, ut circa propositiones de Moribus sit, aut circa illas Physicas, cujusmodi esse diximus illas, Universum est corpus & Inane: Rerû principia sunt insectilia: ac ejusmodi cæteras, quæcumque uno tantum modo cum rebus apparentibus congruant: verum, quod sit firma persuasione tenendum, esse reipsa hujusmodi res non uno, sed pluribus modis explicabiles, neque adoriendum esse aliquid, quod vires excedat humanas; definiendo nempe unum certum modum, quo solo fieri res valeat.

Id, inquam, repetendum est, quod Tum reputare oporteat Physiologici esse maneris, causas præcipuarum, quæ in natura sunt, rerum, accurate pervestigare; & hinc profluxisse quicquid felicitatis est situm in cognitione rerum sublimium, ac in eo potissimum, quod disquiritur, cujusmodi sint quæ in hisce Sublimibus visuntur, & quæcumque

que ipsis cognata quodammodo sunt : Tum tenenda omnino hæc Regula sit, Esse in istis rebus id, quod dicitur, Pluribus modis fieri : &, Non uno modo necessario contingere : &, Possè alio quoque modo se habere.

Quod quidem inculco, ne, si cum uni modo ad hæserimus, is forte displiceat, non ad naturalem alium recurramus, sed potius ad divinam causam; quia hoc jam foret agnoscere multiplicem modum, ubi unicus est. Scilicet divinæ naturæ tribuerentur curæ, & negotia; cum sit tamen simpliciter absoluteque necessarium, ut in immortalibeaque natura nihil eorum sit, quæ dissolutionem aut perturbationem inducunt. Statim quippe mens apprehendit, fieri absolute non posse, ut ipsi tale quid comperat, perspecta immortalitatis ac beatitudinis conditione.

Et certe huiusmodi considerationis defectu, constat, inspectionem, observationemq; Occasus, Ortus, Solstitii, Eclipseos, cæterorumque ejusmodi nihilo facere per se feliciorē notitiā; sed perinde (ac forte etiam amplius) metuere illos, qui hæc perspexerunt (neq; tamen norunt quales sint naturæ eorum corporum, qualesque potissimæ causæ) ac si omnino non perspexissent; quando admiratio, quæ ex harum rerum inspectione oritur, reperire exitum circa dispositionem, ac modum, quo res maxime peraguntur, non potest. Ex quo fit, ut nos adnitamur plures invenire & dicere causas Solstitiorum, occasuum, ortuum, deliquiorum, aliorumq; id genus; uti & in reliquis consimilibus, quæ apud nos, seu in terris contingunt.

Nisi vero censendum non est disquisitionem harum rerum minime nancisci usum congruum, quæ nobis ad tranquillitatem, felicitatemque acquirendam conducit? Par profecto est, tam circa Subli-

miā,

nia, quam circa cætera alioquin obscura requirere causas juxta varios modos, quibus apud nos similia contingunt: ac illos minime morari qui neque unum certum modum, quo res aliqua possit se habere aut fieri, neque modum multiplicem quo contingere quidpiam valeat, nōrunt; solam vero rerum speciem, qualis nobis procul exhibetur, prætendunt, ac præterea ignorant, quibus ex rebus eveniat, aut non eveniat, ut perturbemur. Si reputemus certe contingere, ut aliquid uno certo modo fiat, ac exinde non perturbemur; certe, inquam, scientes aliunde posse pluribus modis idem fieri, non imperturbati minus erimus, quam si certo modo fieri perspectum haberemus.

Cæterum omnia satis constanter explicata fient juxta modum multifarium rebus apparentibus congruum, quando quis retinebit, ac tuebitur quicquid verisimile est in ipso. Necessè est autem conjecturas ad ea, quæ sublime creantur, ducere ex iis, quæ apud nos fiunt; ex iis, inquam, quæ observantur, aut perinde se habent, ac ea, quæ sublimè visuntur: Siquidem talia fieri compluribus modis contingit. Quare & quod in unoquoque Sublimium apparet, attendendum est juxta ea, quæ cum ipso consonant, quæque pluribus modis fieri rebus apud nos contingentibus non repugnat.

Sed hæreo hic nimis. Quare, ut rem aggrediar, tamen si tota Super-terrena regio soleat interdum Cælum dici; qui pe vicinior quoque aer cælum interdum dicitur: Placet tamen nomine Cœli, uti & Ætheris, eam regionis partem intelligere, quæ & superior est, & Sidera complectitur; nomine Aeris eam, quæ inferior, & in qua nubes, fulgetra, aliaque id genus visuntur, ac fiunt. Atque id quidem, ut dicturi posterius de Aereis Sublimibus, & Cælestibus, quæ ut præfati sumus, venire quoque

quoque nomine Sublimium debent, auspicemur.  
*Quod hoc loco interseritur Providentiæ non consonum,  
 indicatis sæpius locis refutatum, est, & præsertim  
 in Sect. 1. Phys. lib. 4. cap. 6. &c.*

### CAP. I. De Substantia, & varietate Siderum.

PRincipio vero id supponendum, quod superiorius attigimus, nempe Solem, Lunam, ceteraque astra, non per se, ac seorsim fuisse genita, & posterius à Mundo comprehensa; sed statim, simulve cum ipso conformationem, incrementumque, & magnitudinem suam acceperunt (quemadmodum etiam & Terram, & Mare, & quæcunque Mundus asservat) juxta scilicet concrementa, convolutionesque interius factas tenuiorum quarundam, earumque seu spirituosarum, seu ignearum, seu utriusque simul conditionis naturarum: Quippe ista sunt, quæ suggerit sensus.

Hinc vero videntur quidem Sidera substantiæ esse præsertim Ignæ; ac præ cæteris ipse Sol, cujus calor sensu tam clare probatur; at videntur quoque non tam puri Ignēs, quam commista quædam concrementa esse, quibus sit alligatus ignis.

Etenim fieri non modo potest ut sint quasi quidam vitrei, politive disci, qui lucida ignificaque corpuscula, ex ipsa regione æthereæ, per quam discurrunt, appellentia, & excipere, & reflectere, & qua proinde specie apparent, exhiberi valeant: consimilia enim fiunt apud nos: Itemque, ut sint quasi nubes perinde illustratæ, & quasi accensæ; cum non secus Parheliæ fiant.

Sed potest etiam fieri, ut sint quasi quædam scaphidia parte sui cava continentia ignem; lateris videlicet instar, aut catini prunas, metallumve fustum ignitumque continentis. Potest & ut

fint

sint quasi cadentes laminæ, aut quasi lapides, qui in fornace ardescunt: Quippe & nihil est horum, quod repugnet.

Quo magis potest fieri, ut Sol speciatim nihil aliud sit, quam glebulentum quoddam spissamentum, quod pumicis, spongiæve instar, creberrimis poris meatibusque pervium, splendorem per ipsos, cum videlicet ignem intus contineat, ejaculetur.

Unum, quod fieri minime possit, esse id videtur, quod aliqui dicunt, ut Sidera nempe animata sint, sive totidem Animalia, ac insuper totidem Dii. Quippe &, tamen si donemus esse unumquodque quasi quendam Mundum, seu potius quandam quasi Terram, quæ proprium sibi aerem, imo ætherem quoque habeat; nihilominus, ut nostra hæc Terra, licet animalia producat, non ideo ipsa est animal; ita neq; Sidera erunt; utcumque procreari in ipsis animalia quædam posse concedatur.

Quanquam, ut istud ultro admittam, quod præterea tamen ulterius contendunt rotundos & volubiles huiuscemodi Deos dari, nihil aliud lubet, quam repetere, quod jam superius institimus, portenta hæc esse & miracula non sane differentium, sed somniantium Philosophorum; videlicet cum immortalia mortali sermone notantes, ea proferrant, quæ à Deorum felicitate tam aliena sint, & præstanti eorum natura sic videri indigna, offint.

Quod superest, fuere jampridem duo aliqua Siderum Astrorumve genera distincta. Nam quædam quidem sunt Inerrantia, quæ & sitam semper inter se eundem observant, & viam semper eandem ab ortu in occasum tenent, neq; illam unquâ commutant: Quædam vero Errantia, unde & Planetæ, seu Errones dicuntur; quippe cum neq; inter se, neq; cum aliis eundem situm servant, & suos circuitus nunc magis ad boream, nunc magis ad austrum perficiant.

Si

Si quæras autem unde-nam hæc illis diversitas sit, Dico-fieri posse, ut Astra ea necessitate ab initio in orbem mota sic fuerint, ut alia quidem una eademq; conversione, ipsaq; existente æquabili, gyrationem acceperint: alia conversiones quibusdam inæqualitatibus affectas subierint.

Fieri etiam posse, ut per quæ loca suos motus obeunt, alibi quidem æquabiles spaciorum diffusiones sint, quæ & eodem versus, & subsequenter ipsa compellant, moveantq; æquabiliter; alibi vero ea ratione inæquabiles, ut quas observamus in ipsis motuum varietates exinde proveniant.

Hujuscemodi porro rerum unam solam reddere causam, cum ea, quæ apparent, esse posse multiplicem arguant, insanum est, nec rite consultum ab iis, qui inanem depereunt Astrologiam, quique quarundam rerum causas inaniter explicant, cum & divinam interim naturam (ad quam plerunque hæc referunt) ab exhibendis variis ministeriis liberam non sinant.

*Eodem referenda postrema hæc verba, quo adnotatum est ad calcem capitis superioris.*

## CAP. II. De Magnitudine & Figura Siderum.

**A**D Magnitudinem vero Solis Siderumque aliorum quod spectat, ea considerari potest vel secundum nos, vel secundum se. Et secundum nos quidem ea tanta est, quanta & apparet; Quippe sensus non fallitur, & quicquid oculus in ipsis conspicit magnitudinis, sic in ipsis est, ut neque habeant aliquid extra circumductum, qui conspicitur, neque quicquid habent, intra eundem non habent.

At vero spectata Magnitudo secundum se, seu rem ipsam quod attinet, potest ea esse aut paulo major, aut paulo minor, aut præcise quanta videtur.

*Ista*



Ista nimirum varietate exhibentur sensibus ignes, qui apud nos ex intervallo interdiu noctuque spectantur; siquidem aut tanti, quanti & sunt, apparent, quemadmodum flamma lucernæ, si spectetur cominus; aut minores, ut dum eadem flamma interdiu eminusque conspicitur; aut majores, quam revera sint, ut dum rursus eadem flamma noctu cominusque spectatur.

Dico autem paulo aut major, aut minor; siquidem isthæc diversitas, ut verus nempe circumductus, ultra aut citra illum, qui à nobis conspicietur, sit, esse admodum magna non potest; idque desumpto quoque aliunde ex nostris ignibus argumento. Nam ex quantocunque intervallo alicujus ignis calorem sentimus, ex eadem & species illius iusta nobis apparet; ut proinde, cum Solis calorem hinc, unde à nobis videtur, sentiamus, magnitudo illius iusta esse evariata sensibilibiter admodum non possit.

Confirmatur autem, nihil ab intervallo, quod sensibile sit, ex ipsis astris delibari, quia quæ remota, aereque multo intercepto contuemur, circumscriptiōe confusa exhibentur: at vero & Solis, qui intueri illum sustinent, circumscriptiōe diserta est; & ipso Lunæ circumductu nihil videri distinctius potest. Et stellæ quidem scintillantes, tremulisque radiis quasi excurrentes apparent; sed hoc ipsum aliunde arguit esse ea illas propinquitate, ut diserte conspici valeant; quatenus quos apud nos ignes cominus intuemur, pari ratione undulantes tremulique sunt; quos eminus vero, ii fixi constantesque apparent.

Confirmatur rursus, quia si sidera magnitudinem suam iustam ob intervallum amitterent, multo magis amitterent colorem; constat quippe res è longinquo prius desinere germano conspici colore, quam

quam præ exilitate prorsus conspici; atqui licet nullum intervallum sit ad hoc præstandum accommodatius (neque enim prolixior longinquitas est) non idcirco nihilominus sidera amittunt germanum colorem,

Ac possunt quidem plurima adversus hunc locum urgeri; at vero ea nullo solventur negotio, si quis manifestis adhæserit rebus; ut in libris quidem de Natura ostendimus, ubi illata hac distinctione de magnitudine spectata & secundum se, & secundum nos, declaravimus nihil fecisse absurdi & illum, qui dixit esse Solem pedis humani latitudine; & illum, qui esse multis vicibus majorem quam Peloponnesum; & illum, qui esse ipsi Terræ æqualem, quoniam earum rerum, quæ secundum se majores minoresque sunt, potest una secundum nos, quatenus visæ eminus cominusque fuerint, esse magnitudo.

De Figura hoc solum dico, posse eam, cum nobis orbicularis appareat, esse & globosam, & laminæ instar planam; atque idcirco sidera esse aut quasi discos, aut quasi cylindros, sicut quasi conos, ac turbines, aut quasi clavos quosdam infixos; Horum siquidem nihil est quod repugnet, quodque non habeat aliquam cum rebus apparentibus consonantiam.

### CAP. III. De Motu, & Anteverfione, Con- versioneque Siderum.

Cum dictum paulo ante sit, esse Siderum alia Inerrantia, alia vero Errantia; & varietatem hanc ex eo peti, quod varios motus subeant; dicendum hic jam universe est, posse utrorumque motus fieri, aut toto cælo, cui vel unum, vel plura insint, circumducto, ut puta tanquam solido, ipsaque

aque simul quasi clavos sibi infixos devehente: aut  
cœlo, tanquam vel fluido, vel pervio meatibus,  
stante; iis vero intra ipsum per se circumductis.

Quia vero seu Cœli, seu Siderum sit motus, cœ-  
pisse is potest juxta necessitatem, tum cum Mun-  
dus generaretur, factam, impressamque ex parte  
orientis; potest sane priore casu (si toti nempe  
cœlo insit) ut cœpisse, sic continuari, aeris cujus-  
dam abreptu: Nam potest exterius esse duplex  
aer; unus quidem, qui superne premat, cœlumque  
in occasum urgeat; alter, qui inferne eodem quasi  
subtervehat; idque præter alium, qui hinc inde  
polus premat, contineatque: Posteriore (si nempe  
motus ipsis insit Sideribus) aut abreptu aeris, aut  
ductu ipsiusmet Ignis.

Videlicet potuit ab usque initio corpusculorum  
se exhalando diffundentium copia aerem perum-  
pere, ipsumque elidere; ipse vero venti motionem  
accipiens, astraque corripiciens, illa circumducere,  
ac motum in orbem, qui etiamnum sursum in iis  
visitur, continentem, creare. Potuit & Ignis cu-  
jusque Sideris proprius, aut conclusus, quærens-  
que viam, circumversari ut cœpisse, ita etiamnum  
pergere; aut liberior, quocunque cibis quemque  
vocavit, ita serpssisse, ut deinceps quoque ob ca-  
lorem, aviditatemque adeo pabuli, procedere  
perrexerit in loca consequentia tanquam ad de-  
pastionem idonea.

Nempe nihil horum non est rebus apparentibus  
consentaneum; cum in promptu alioquin non sit,  
quæ causa motum urgeat Sideribus, determinare.

At, Qui fieri potest, ut Sidera quædam sic an-  
tevertant alia, ut ista ab illis relicta spectare con-  
tingat? Nempe id contingere potest, Aut quia,  
cum ista candum cum illis diurnam circuitiorem  
obcant, tegnius feruntur; veluti Luna, quæ lentius  
quam

quam reliqua versus occasum properans, ab ipsa relinquitur quasi à tergo versus ortum. Aut quia abrepta motu diurno versus occasum, feruntur tamen interea lente motu contrario versus ortum: quo pacto potest eadem Luna non tam versus ortum à cæteris deferri, quam versus occasum eadeferere. Aut quia cum sola diurna revolutione, æqualique motu ferantur omnia, quædam tamen prolixius, quædam brevius spatium conficiunt: sicq; Luna rursus, si supra Inerrantia sit, ut aliquibus visum est, perficiet tardius circuitum, observabiturque posterius relinqui.

Pronunciare certe simpliciter velle in hisce rebus aliquid, eos decet, qui magnificum, & portentosum quidpiam coram multitudine ostentare affectant.

Qui fieri rursus potest, ut Sol, ut Luna, ut Stella errantes, ubi ad Tropicos locave Solstitialia pervenerint, cursum convertant, ac regrediantur? Scilicet, contingere id potest, Aut quod ab initio ea circumgyratio fuerit his impressa Sideribus, ut spirali motu hinc inde ad loca Solstitialia limitato circumducerentur. Aut quod imitentur obliquitatem cœli, quod progressu temporis eam situs deflexi necessitatem contraxerit. Aut quod reprimantur propter aerem, qui ipsa hinc inde præfrigiditate, denitate, qualitateve alia repellat; Aut quod ipsorum pabulum congrue, seu secundum eam viam continenter dispositum, partim quidem ponere accendatur, partim prorsum aufugiat.

Siquidem hæc omnia, ipsisque affinia nihil continent discrepans ab ipsa rerum evidentia: si quis modo in hisce rebus possibilitati adhærens, revocare unamquamque ad id, quod est congruum apparentibus, valeat; nihil veritus illiberabilia Astrologorum machinamenta, dum immensam farraginem concentricorum orbium super-exstruere interstruereque non cessant.

CAP.

**CAP. IV. De Ortus & Occasu Siderum; deq;  
Dierum & Noctium longitudine alternante.**

**A**T vero Ortus Occasusq; & Solis & Lunæ, & reli-  
quorum Siderum, contingere trifariam possunt.

Primum scilicet, per Apparitionem supra, & Oc-  
cultationem infra; quod existantia Sidera sem-  
per lucida, inextinctaque perseverantia, ita Terræ  
sursum, deorsumque circumferantur, ut nunc su-  
pra emergant, sive exoriantur; nunc deprimantur  
infra, sive occidant; ac Sol speciatim deorsum  
conversus, tenebras nobis faciat; revertens vero  
anticiper, & cœlum suis radiis quasi accendere  
per auroram tentet. Scilicet nihil est ex rebus  
apparentibus, quod repugnet.

Deinde per Accensionem in regione Orientis, &  
per Exinctionem in regione Occidentis factam.  
Scilicet ob talem ad utrumque locum dispositio-  
nem medii, ut dum astra per illud transeunt, ista,  
quæ dico, eveniant; quandoquidem nihil est re-  
rum apparentium, quod refragetur; cum & fon-  
tes esse perhibeantur, qualem Epiroticum esse jam  
ante memoravimus, qui non modo exstinguant,  
sed etiam qui accendant faces; & Oceano circum-  
eunte Terram, possit Sol ad ipsum, in regione Oc-  
cidentis exstinctus, redire per eundem (ac tran-  
seundo quidem ultra boream) in regionem Orien-  
tis, exindeque emergere, & simul accendi.

Tertio, per renovatam quotidie productionem,  
quatenus nihil repugnat, quo minus diebus singu-  
lis novi, v. c. Soles exoriantur, confluentibus vi-  
delicet ad ortum variis ignibus, aut seminibus ig-  
nium, qui in orbem cocant, splendeantque, & im-  
petum subeant, quo in occasum pergant. Quip-  
pe & fama est observari ex montibus Idæ sic  
fieri;

fieri; ac potissimum sub exortum Canis; & posse certis temporibus confluere ignes, intelligi ex eo potest, quod observatur fieri certo tempore in omnibus rebus. Nempe ex seminum confluxu & defluxu florent arbores, certo tempore deflorescunt; certo erumpunt dentes, certo decidunt; atque ita de cæteris, quæ recensere foret prolixum.

Cum porro ipsa Solis supra terram mora sit Dies, & absentia Nox; Qui fieri potest, ut non semper dies diebus, noctes noctibus sint æquales; sed sint dies quidem per æstatem longiores, & noctes breviores; per hyemem vero alternatim noctes longiores, dies breviores? Nimirum istud quoque potest tribus modis contingere.

Uno, quod circuitiones Solis supra ac infra Terram nunc celerius, nunc tardius fiant, quatenus & ipsæ locorum, seu viarum, quibus Sol incedit, longitudines sint alternæ. Atque id quidem ob posituram orbis vocati Signiferi, quem oblique percurrit Sol, & in duplici cujus Signo noctem diei exæquans, ubi exinde ad Aquilonem vel Austrum deflectit, quantum itineris ad alteram partem aut supra aut infra terram detrahit, tantundem ad alteram reponit.

Altero, quod certa per ætherem sint loca, quæ propter crassitudinem, factamque adeo resistenciam, transinari segnius, quam alia valeant; ac talia esse, quæ sub terris Solem hyeme hæsitare cogant, sicque & noctes prolixiores, & dies breviores, quam per æstatem faciant. Sane & quæpiam huiusmodi observare apud nos licet, juxta quæ consentaneum sit, ea, quæ sublimia sunt, explicare.

Tercio, quod alternis anni partibus memorati ignes, seminare igniam sic confluant, ut Solem erexit citius, aut tardius; & Sol ex ea parte oritur,



tur, unde longiorem, aut breviorē supra terram  
cursum conficiat.

Qui sane unum quid singulare in hisce rebus so-  
lum accipiunt, tum apparentibus repugnant; tum  
ab eo, quod homini contemplari fas est, abereant.

C A P. V. *De Siderum Luce; & de Phasibus,  
ac Maculis Lunæ.*

Cæterum, ut quidpiam de Luce tam Solis, quam  
cæterorum Siderum, ac Lunæ præsertim sub-  
jiciam: Mirantur primum homines, unde habeat  
Sol, cum tantulus sit, ut tantum lucis ex se fun-  
dat, quantum ad cælum, terram, mare, quasi irri-  
gandum splendore caloreque sufficiat, neque pro-  
pterea exhauriatur. Sed nempe est Sol quasi fons,  
in quem subterconfluunt undique rivuli perennes.  
Quippe ex universo Mundo semina caloris ita in  
Solem confluunt, ut subinde ex ipso, quasi ex uno  
capite, & calor & lux quoquoeversum redundet.

Quinetiam potest Substantia Solis ejuscemodi  
esse densitatis, & quod ex eo lucis calorisque pro-  
fluit, ejuscemodi tenuitatis, ut quemadmodum  
parvus fons, rivulusve ex fonte deductus, præter  
camposque absque illius dispendio late irrigat;  
ita absq; dispendio sensibili Solis, illud ad univer-  
sum Mundum quasi irrigandum sufficere valet.

Potest vero & aer esse ejus naturæ, ut luce non  
magna à Sole diffusa, quasi accendatur: ut possunt  
ex una scintilla totæ segetes accipere incendium.

Potest etiam Sol circum se habere invisum no-  
bis pabulum, unde, sicut flamma lucernæ ex sup-  
posito oleo, jacturam resarciat. Potest & res aliæ  
contingere modis.

Ad cætera Astra quod spectat, & Lunam ipsam  
maxime, fieri potest, ut quam præserunt lucem à  
seipsis

à seipsis habeant ; fieri etiam potest, ut à Sole mutantur. Siquidem etiam apud nos pleraque cernuntur ex seipsis lucētia, pleraque splendorem ex alijs mutuantia ; ac nihil est rerum sublimē apparentium, quod opinioni utrivis obster.

Id videlicet, si quis modo multifarium modum menti defixū teneat, & consentaneas ipsi suppositiones causasq; simul consideret, ne ad ea attendens, quæ incohærentia sunt, vane intumescat, & nunc huc nunc illuc in singularem modum prolabatur.

Verum, quod ad Lunam quidem attinet, id mirabile cum primis habetur, quod tot phasēs, seu incrementa ac decrementa lucis accipiat. Enimvero potest, globosa cum sit, & splendorem à Sole habeat, ita ex ordine figurari (eo scilicet modo, quo aer orituro Sole illustratur, aut occaso obscuratur succedenter) ut à Sole abscedens crescere in dies appareat, quod amplius ampliusque illustrata faciei ad nos referat, quousque plenam exhibeat ; & deinceps ad Solem accedens, in dies decrescere, quod minus ac minus ostenter, quousque ex ea nihil ad nos vertat, ac penitus lateat.

Potest & Luna globosa existens, altera sui parte esse lucida, altera obscura ; & conversione sui corporis nunc amplius, nunc minus ex utraque alternatim exhibere.

Potest & lucida ex se, pati obductionem succedenter factam corporis cuiuspiam opaci, quod hemisphæricum, excavatumque & una cum ea labens, ipsi continuo circumvolvatur.

Quid ? quod nihil quoque juxta jam dicta refragatur, quo minus possit alia, aliaque, & certæ quidem formæ figuræque, creari ac aboriri Luna in dies singulos ; eo modo quo veris, æstatis, autumnii, hyemis tempestates, ac multa in ipsis, statibus vicibus adveniunt & abeunt, nascuntur & intereunt ?

Nimirum

Nimirum res dicenda est, quocunq; deniq; modo illa, quæ apud nos apparent, iis, quæ sunt ejusmodi, planam faciunt explicationem. Nisi forte quis singularem modum perdere deperiens, alios inaniter rejiciat; neque valeat considerare, ecquidnam pernosse possibile sit; atque idcirco, quæ nefas est homini, pernosse affectet.

Deinde & illud in Luna mirantur, quod Maculosa facie appareat. Sed videlicet potest ea facies apparere hujusmodi, aut ex natura varîa diversiformique ipsarum Lunæ partium; Aut ex obductione corporis cujuspiam non perinde opaci, sed utcunque caliginosi; non continuo circumvoluti, sed perpetuo potius hærentis; ac non ubique solidi, sed reticuli instar varîe perforati.

Potest & alio quovis modo ex iis, qui conformitatem tueri cum rebus apparentibus observantur. Hæc nempe est via, cum hærendum esse quotiescunque agitur de Sublimibus, præstituendum est. Neque enim, si quispiam rebus apparentibus oblectetur, is poterit unquam germanæ tranquillitatis particeps fieri.

### C A P. V I. De Siderum Eclipsibus, Periodisque ipsarum statibus.

VERum enimvero nihil est, quod majorem hominibus incutere stuporem soleat, quam quod interdum derepente contingere Eclipses defectusve lucis in Sole ac Luna observant; Quanquam, quidni hoc quoque possit pluribus modis contingere?

Nam primum quidem potest Sol eam ob causam deficere, quod Luna interposita cæcum suum orbem, corpusve opacum illi obijciat, ac ejus lumine terram secludens, creet in ipsa tenebras, quousque subducta, lucis restitutionem faciat. Potest

ob eam Luna, quod Terra ipsi Solique interposita, Solem, quasi oppressum supra teneat, illique eripiat; ac ipsam proinde, dum umbræ conum perlabitur obscurer, quousque elapsa ex eo, recuperet lucem.

Deinde, potest quoque Sol ex eo deficere, quod quæpiam pars cœli, aliudve quodpiam opacum corpus, cujusmodi est terræ, una cum ipso Sole labatur, & certis vicibus ipsum subeat, ejusque lucem intercipiat. Et Luna consimiliter, quod corpus aliud, opacum quoque, illam inter & Solem labens, non modo ejus phasēs lente paragat, sed interdum quoque umbram repentinam inducat. Ne memorem, si altera parte obscura, altera lucida sit, fieri quoque posse, ut interdum obscuram faciem repente convertat.

Ad hæc, possunt tam Sol quam Luna idcirco deficere, quod per loci igni infesta inimicaque transiant, extinctionemque lucis patiantur, quousque, ubi illa præterierint, ipsam recreent recuperentque.

Hæc sane ratione attendendi sunt familiares modi invicem collati, ac aliqui etiam complexe accepti; cum fieri possibile sit, ut plures simul causæ concurrant.

Ordo etiam Periodicus, quo Eclipses certis temporibus accidunt, ita servari intelligatur, quemadmodum & apud nos servari in quibusdam (at in tempestatum vicissitudine) contingit. Nullatenus vero Natura Divina ad hæc patranda advocetur: sed omnis expertus muneris, & cumulatissime beata esse permittatur.

Nisi id fiat, tota de causis rerum sublimium ratiocinatio irrita evadet; ut nonnullis jam accidit, qui modum amplexi impossibilem, in vanitatem exciderunt; quod unum nempe solum probarint, ceteros omnes, tametsi forent possibiles, expunxerint,

xerint, & delati fuerint ad somniandum id quod intellectus captum excedit; ac neque admittere apparentia, quæ par erat, signa, potuerint; neque noverint, quemadmodum aiunt, cum Deo latari.

*Quod hoc rursus loco adversus Providentiam attingitur, ad indicatam sæpiusculæ refutationem est referendum; ad Phys. viz. sect. 3. memb. post. lib. 14. c. 6.*

## CAP. VII. De Præsignificationibus Siderum.

**R**Estant Præsignificationes transmutationum aeris attributarum Sideribus, cujusmodi sunt pluvix, venti, siccitates, æstus, & similia, quæ pro tempore ortus occasusve Siderum quorundam, ut Canis, Orionis, Pleiadum, contingunt.

Possunt vero huiusmodi Præsignificationes fieri, aut prout ipsæ tempestatum conditiones tulerint, eo modo, quo evenit in illis animalibus, quæ nunc apud nos, nunc apud alios commigrando visa, tempestatum quidem indicia, sed non tamen causæ sunt; quippe etiam orientia occidentiaque Sidera possunt istarum mutationum non causæ esse, sed indicia: Aut prout non certo, sed casu contingit, quo tempore astra vel oriuntur vel occidunt, causas quasdam existere excitatæ cujuspiam in aere mutationis.

Siquidem neutrum horum pugnat cum rebus apparentibus; & qualis præter hanc, aut illam, aliamve conformem apparentibus, causa sit, pervidere haudquaquam licet.

Nequicquam porro illud non est, quod obiter attingi de Præsignificationibus, quæ in aliquibus animalibus observatæ, non-nisi pro conditione ejus tempestatis, quæ tunc temporis interveniat, fiunt; adeo ut deprehensi animalibus motus tempestates solum indicent, non itidem faciant: Videlicet,

quæ per Autumnum, v. c. à nobis abeunt, necessitatem præ se ferunt nullam, qua fieri tunc hyemem oporteat; neque Natura quæpiam Divina affidens, discessum observans animalium, ut subinde ea, quæ ab ipsis fuerint indicata, perficiat.

Quippe stultitiæ genus hoc est, quod ne in animal quidem ullum, in quo vel mica fuerit ingenii, possit cadere; tantum abest, ut in eam naturam, quæ nacta est ac possidet omnigenam felicitatem.

*Quatenus hic quoque quidpiam simile superiori attingitur, id rursus eodem est referendum.*

### CAP. VIII. De Cometis, seu Stellis Crinitis; & de vocatis Cadentibus,

Quæ hætenus dicta de Sideribus sunt, attinent ad Solem, & Lunam, ac Stellas, quæ ab usque Mundi initio creata, in cœlo constanter hærent ac apparent. Sunt vero præter has stellas aliæ, quæ interdum gignuntur, recensve apparent, & post dies mensive non multos aut intereunt, aut occultantur; & Cometæ, quasi Comatæ, Crinitæve stellæ dicuntur, quod appendicem lucidam, quasi quandam comam, sive crines gerant. Sunt & nonnullæ momentaneæ, quæ pene nascendo evanescent, & excursu quodam visæ cadere, Cadentes vulgo appellitantur.

Et quod attinet quidem ad Cometæ, illi aut gigni possunt, quod certis temporibus ignis in quibusdam ex sublimibus illis locis & succendatur, & succensus pro copia & dispositione materiæ nutriatur, moveaturque in aliquod tempus: aut ideo apparent, quod per varias vices cœlum motionem quandam propriam, qua parte nobis imminet, subeat; adeo ut astra huiusmodi manifestari compellantur; seu, mavis, ipsamet ob certam aliquibus



bus temporibus dispositionem prodeant, & ubi inferius versum nos venerint, manifesta fiant.

Evenit autem, ut Cometæ evanescant ex oculis, ob causas hisce oppositas. Videlicet, siue idoneæ materies ipsis consequenter posita non sit, uti est in eo ipso loco, in quo hæere deprehenduntur; unde & sensim pabuli defectu veluti extabescant; siue quod aliquid ipsorum motui obnitatur; idque contingat, non solum quod hæc Mundi pars, circa quam reliqua convertitur, immota existat, uti asserunt aliqui; sed etiam, quod esse in aere possit quadam in orbem circumactio, quæ circumlationem illorum inhibeat, alioque deflectat; uti & astris cæteris, quæ dicuntur Errantia, accidere ad Tropicos potest.

Quinetiam aliis pluribus modis id effici potest, si modo quis id, quod est rebus apparentibus consonum, expendere ratiocinando valeat.

Ad Cadentes vero appellatas stellas quod spectat, eas creari possunt, Aut ex ipsarummet verarum stellarum fragminibus detritu factis; Aut ex prolapsu ejus materię, cujus velut diffusio sit, uti & contingere in fulgurationibus potest; Aut ex coeunte serie ignificarum atomorum ad id præstandum conspirantium; ac motione facta, prout vis coeundi ab initio exstiterit; Aut ex spiritus intra nebulosos quosdam glomeres coactione, inflammationeque (scilicet dum convolvitur) ac disruptione ipsorummet cohibentium glomerum; motioneque in eam partem facta, in quam impetus tulerit.

Enimvero alii quoque sunt, quibus fieri id valeat, minime fabulares modi. Verum de Cœlestibus quidem Sublimibus dicta hæc sunt.

## CAP. IX. De Nube.

**S**equuntur Sublimia aerea, seu quæ propius nos in aere fiunt. Ordendum vero ab ipsa Nube, qua sublime in aere nihil gignitur visiturve frequentius.

Nubes itaque generari, & constare potest, imprimis quidem quapiam quasi cumulatione aeris, compellentibus ipsum ventis; adeo ut Nubes nihil aliud sit, quam aeris incrassamentum. Deinde, implexione atomorum invicem coherentium, & ad concrementum huiusmodi conficiendum idonearum; idque dum primum coeunt in parvas nubium moleculas, istæq; deinceps in maiores moles ita congregantur, ut in maximas denique evadant.

Fere autem apparent ad montium cacumina consurgere, quod primæ concretionculæ sint adeo tenues, ut visum fugiant, ac vento interim transferantur; donec paulatim addensatæ in ipsis montium verticibus, qui ideo fumare videantur, appareant.

Quod si quis hæreat, unde-nam tanta atomorum copia confluere ac suppetere in tantas nubium moles possit; is cogitet, nisi aliunde, at saltem venire extrinsecus posse ex Universi immensitate, ubi infinita illarum est vis; idque, quod ipsis principiis exitus & introitus, ut antea quoque dictum est, per mundi spiracula non negetur.

Præterea vero gigni Nubes potest collectione effluxionum exhalationumve è terra & aqua educatarum, sursumque evectarum. Nam multa quidem corpuscula è toto mari educi declarant vestes, quæ in littore suspensæ humorem concipiunt; sed & videmus passim ex fluviis consurgere nebulas, eamque halituum fumorumque copiam, quæ sursum elata suffundat coelum caligine, & nubes paulatim conveniundo sufficiat.

Quia

Quin multis etiam aliis modis coagmenta hæc fieri nihil vetat.

C A P. X. *De Vento, ac Prestere.*

Quod Venti obiter memini, admonet posse Ventum gigni, Primo, dum atomi corpusculave ex locis quibusdam idoneis profiliunt, ac per aerem transvolant, idque vehementiore effusione facta ex quibusdam congestibus, qui comparati sunt ad hujuscemodi emissiones. Nempe, cum in angusto inani multa sunt corpuscula, ventus sequitur; & contra, status aeris quietus placidusque est, dum in multo inani corpuscula sunt pauca.

Nam quemadmodum in foro, aut vico, quamdiu paucitas est, sine tumultu ambulatur; ubi turba in angustum cucurrit, aliorum in alios incidentium rixa fit; sic in hoc, quo circumdati sumus, spatio, cum exiguum locum multa corpora impleverint, necesse est, alia aliis incendant, & impellantur, ac repellantur, implicenturque, & comprimantur: Ex quibus nascitur Ventus; cum illa, quæ colluctabantur, incubuere, & diu fluctuata ac dubia, inclinavere se: At ubi in magna laxitate corpora pauca versantur, nec arietare possunt, nec impelli.

Deinde, potest Ventus gigni, dum aer, aut halitibus è terra, & aqua exspiratis, aut Sole superne incumbente impellitur, & agitur; scilicet, quod perspicuum sit, ubi aer agitando percitus est, creari Ventum: adeo ut Ventus nihil esse aliud videatur, quam aeris fluctus; & intelligi inde possit habere Ventum aliquid simile cum aqua commota, & violentiores ventos ex graviore causa commovente esse, eo modo, quo torrentes faviunt, ac stragem propagant, cum imbribus largis in montes

montes decidentibus, magnus fit aquarū decursus.

Presteres porro sunt gyri ventosi (nam ignei quidem, amburentesque, à quibus est nomen, species quædam fulminis sunt) Gigni vero possunt, Aut ex ipsa nubis versus loca inferiora diversiformi depressione, dum à copioso vento, qui se involverit, nubisque latera corraserit, defertur, & compellitur; ac ventus etiam ipsam proxime extrinsecus agit: Aut ex circumstante in orbem vento, dum & aere superne incumbente, simulq; compulso & circumfuso aere ob densitatem prohibente, ipsa copiosa ventorum vis non habet unde, aut qua diffuset; ac tum ad latera, tum superne repulsa, nubem necessario deorsum contrudit.

Et ubi quidem ipse Prester in terram usque demittitur, Turbines vocati creantur; ubi vero in mare usque, appellati Vortices. Apparent autem Turbines rarius, quod montes illos conspectui præripiant; Vortices autem crebrius, ob patentem maris planitiem, in quâ videre licet nubem columnæ specie è cœlo demitti, & quasi vi brachii, pugnoque detrudi; donec vi venti perumpente, mare fervescat, ac discrimen navibus vix eluctabile fiat.

### CAP. XI. De Fulmine.

**H**AND abs re vero illius esse quoque Presteres igneos, qui à Fulmine non differant. Quippe videntur fulmina fieri ex multiplici flatuum corpusculis igneis turgentium intra nubium moles conglomeratione, eorundemque evolutione, accensioneq; valida, & effractione nubis ab igne, qui in loca inferiora ita valide explodatur, ut prout se talis explosio habuerit, nunc versus montem quempiam præcellsum (quod genus locorum ferunt sæpius fulmina) nunc versus alia dirigatur.

Nam

Nam certe Fulminis naturam esse igneam, vel illud arguit, quod per sæpe ædes, in quas impingitur, accendat; quodque relinquat ustionis notas sulphuris foetorem halantes. Non gigni autem nisi intra nubes, ex eo manifestum est, quod nunquam sereno cœlo fulminet, sed nubes prius ita concrevant toto aere, ut cœlum eripiant, & tetra nimborum quasi nox cooriatur. Denique intra nubem contineri multa corpuscula, seu mavis, quasi semina ignis, tum effectus arguit, tum ex eo intelligitur, quod inter corpuscula nubis inferne emergentia, non aquea modo, sed etiam ignea, & alia multa commisceantur; cum & sit necesse, ut nubes non pauca ex ipsis Solis radiis concipiat.

Itaque, ubi flatus, ventusve, qui nubes coegit, sese cum seminibus ignis intra nubis sinum, cavitationemque commiscuit, vortex intus fit, qui rapide versatus, mobilitate incalcescat; & vel præ intentione caloris, vel alterius ignis contagio (si alius forte præaccensus sit) maturum quasi fulmen erumpat, ac percussa nube elidatur, forasque feratur. Percinditur autem, ac effringitur nubes, quod loca vorticem circumstantia densius occupentur ab ipsis nubis partibus: neque ob earum compressionem pateat rimula, qua donec diffilatur, sese insinuare, ac sensim penetrando subducere possit: atque adeo necesse est, ut ignis denique creatus, sui difflatione tum nubem potentius perampat, unde & auditur Tonitru, tum foras prodiens emicet, & coarsca luce loca omnia compleat.

Potest vero etiam vis venti in nubem extrinsecus incidere, quo jam tempore est fulmen maturum, & nube percussa occasionem facere igneo vortici, ut erumpat.

Potest & ipse igneus vortex tamen in ipsa sui eruptione nondum accensus, in sui deinceps tractu

jectu per aerem, ignescere; eo modo, quo etiam saepe plumbea glans per eundem trajectory & fervida fit, & concipit ignem. Potest quinetiam ignis creari in ipso ad rem, quam ferit, impactu; nempe excitatis utrimque seminibus ignis; eo modo, quo ex filice ipso chalybis attritu excitantur.

Sunt vero & alii plures quoque modi, quibus iste ignis accendi, ac fulmen adeo creari possit: fabula modo hinc amandetur. Amandabitur porro, si quis in rebus inconspicuis decenter desumat ex eo, quod rebus apparentibus consentaneum est, conjecturam.

Causa interim diceretur ex his, Quî fiat, ut vere & autumno fulminet frequentius, quam tempestatibus cæteris? Nempe hyeme desunt ignis semina, æstate flatus ac strues nubium; vere & autumno congrua adsunt omnia.

Quî item, ut tanta mobilitas sit, tamque validus ictus fulminis? Nempe id impetus eruptionis facit, & subtilitas, ob quam nihil per viam obstat, & vis, quæ partim gravitate quasi duplicatur, partim mobilitate increscit.

Quî, ut penetret per septa domorum? ut metalla momento solvat? ut vasis integris vinum exhaustiat? Nempe & id facit corpusculorum subtilitas, ac mobilitas, impetusque, quo possit momento ea discutere & distrahere, quæ vulgaris ignis, aut Sol, nisi tempore prælongo non possit.

## CAP. XII. De Fulgure, & Tonitru.

**T**Ametsi porro obiter innui, quî Coruscatio, sive Fulgur, quî item Tonitru gignatur; non obstat hoc nihilominus, quin & ista fieri pluribus modis valeant.

Nam Fulgur quidem fieri potest, Aut affriccione  
collisi-



collisioneque nubium, proficiente utpote ejusce-  
modi configuratione, seu atomorum aggestarum  
dispositione, conformationeque, quæ effectrix ig-  
nis sit, & generet fulgur; eo scilicet modo, quo  
diximus fieri, dum ferrum & lapis mutuo colli-  
duntur.

Aut excitatione per ventos è nubibus facta co-  
ram corporum, corpusculorumve, hoc est, ato-  
morum, quæ splendorem hunc coruscantem effici-  
ant; nempe, quod ventus, ac potissimum, si plum-  
beæ glandis instar percaluerit, eadem excutiat cor-  
puscula, quæ mutuo attritu nubium excutiantur.

Aut expressione; sed facta nimirum vel ab ipsis  
inter se nubibus; vel à ventis ipsis compellentibus  
compressione, quæ citra impetum collisionis fiat.

Aut interceptione lucis à Sideribus diffusæ, quæ  
deinceps nubium ventorumque motu adigatur, ac  
è nubibus excidat.

Aut dilapſione è nubibus facta tenuissimi lumi-  
nis, dum nubes interius ab igne coguntur; ac ali-  
unde tonitrua Ipſo illarum motu, quasi quidam  
bombus, creantur.

Aut accensione spiritus, quæ tum motus conten-  
sione, tum convolutione, ut dixi, vehemente fiat.

Aut fractione nubium per ventos, ac prolapsio-  
ne atomorum, quæ effectrices ignis sint, appari-  
tionisque fulguris sint causæ.

Quinetiam posse pluribus modis generari fulgur  
facile erit perspectu illi, qui & rebus apparentibus  
adhæserit, & quod est ipsis consentaneum, pervi-  
dere valuerit.

Sic vero etiã potest Tonitru creari, Aut ex spiri-  
tus intra nubium cavitates volutione, quemadmodũ  
in nostris vasis, intra quæ quidpiam circumrotatur.

Aut creato bombo ex ipsa intra easdem nubes  
ignis diffatione, & quasi ebullitatione.

Aut

Aut ex earundem Nubium diffractionibus, diffractionibusque, ut cum vesica intenta crepat, charta frangitur, carbasus abruptitur.

Aut ex affrictionibus, impactionibusque earundem posteaquam adeptæ concretionem quandam quasi glaciale[m] fuerint; idque compellente eas vento; quemadmodum ramosæ sylvæ Cauro perflatæ fragorem edunt, fluctus infracti murmurant; suspensæ etiam vestes, chartæ volantes ventorum vi, ac veluti verberibus versatæ, plangunt.

Aut exstinctione ignis fulminei ex una nube eorum entis, & in aquosam aliam incidentis, ac ideo perinde stridentis, ut cum ferrum candens è fornace e ductum in lacunam conjicitur.

Aut concrematione nubis aridioris, quæ perinde concrepiter, ac si lauri ramus cremetur.

Uno verbo, hoc quoque membrum explicari posse modis pluribus, ea, quæ apparent, persuasum faciunt; præstantque ne id, quod ignari ac superstitiosi persuasum habent, opinemur, Tonitrus sonum significare apparuisse Deum aliquem, quippe cum non minus alia corpora inter se collisa sonum quoque edant, ut mola contrusa, aut complosæ manus.

Ne quis porro hæreat, qui fiat, ut Fulgur, ejusve aspectus exauditionem tonitru anteverrat: Id contingere sane potest, Aut quod in certa quapiam dispositione nubium, simul atque spiritus in ipsas incideret, ea configuratio corpusculorum profiliat, quæ Coruscationem edat; deinceps vero spiritus ipse sui evolutione hunc sonum perficiat.

Aut quod, cum utrumq; simul generetur, Coruscatio pernicitate concitatio[n]e ad nos feratur, Tonitru vero posterius adveniat; uti fit in aliquibus, quæ ex intervallo cernuntur, & resonantes ictus impingunt; Prius enim conspici ictum, quam audiri sonum, manifestum est.

C A P.

## CAP. XIII. De Pluvia, &amp; Rose.

**D**icendæ jam sunt aqueæ concretiones, quæ partim manent fluidæ, partim frigoris impressione soliditatem quandam accipiunt; Et quæ fluidæ quidem manent, sunt Pluvia, & Ros; ex quibus illa nubibus, hic sereno cœlo creatur.

Pluvia autem potest ex nubibus fieri; Aut dum rariores existentes, urgente seu vento, seu incubitu proprio comprimuntur, & in guttas coalescunt. Aut dum existentes densiores, vi caloris, aut venti rarescunt, atque transmutantur; seu, instar ceræ, ita liquefcunt, ut stillatim decendant.

Siquidē aquæ semina contineri in nubibus, notius est, quam ut dici debeat; ea enim cum ipsis pariter ascendant, pariter succrescunt; neq; secus per ipsas, ac sanguis per partes nostri corporis disperguntur. Neq; vero modo ex omnibus fluviis humor in nubes tollitur; sed nubes quoque mari incumbentes humorem non secus, ac vellera lanæ concipiunt.

Quare & possunt Pluviæ ex nubibus effluere, Aut cum vis venti nubes contrudit, & copia nimborum coorta superne eas urget, ac premit. Aut cū nubes vi ventorū rarefcunt, diffuereq; humorem patiuntur, vel calore Solis ita dissolvuntur, ut stillatim, & quēadmodum dixi, quasi cera tabescens, liquefcant.

Fieri porro potest, ut Pluviæ sint interdum valde diurnæ, quoniam tunc contingit semina aquarū complura, aliis, aliisque nubibus itentidem suborientibus, ac undelibet aliunde translatis, creandæ pluviae suppetere; cum & fumans interdum terra quem totum humorem recipit, rehalet.

At vero Ros fit, Aut coeuntibus mutuo ex aere corpusculis, quæ ejusmodi sint naturæ, ut ad talem humoris speciem gignendam comparata sint: Aut eductione corpusculorum ex humentibus aquo-

aquosive locis, quæ rorem præsertim sursum generent; ubi deinceps sic coeunt, ut & humorem istum conficiant, & in subjecta loca defluant: Scilicet non pauca similia, apud nos, ac in vaporariis potissimum, fiunt.

C A P. XIV. *De Grandine, Nive, & Pruina.*

**E**X aqueis concretionibus, quæ impressione frigoris in soliditatē quampiā congelascunt, duz sunt, quæ cœlo nubiloso creantur videlicet Grando, & Nix; una, quæ sereno, scilicet Pruina.

Et Grando quidem generatur, Aut cum validior est congelatio præ constitutione venti frigidi, quæ undique circumstet, ac urgeat nubium stillicidia seu guttas alioquin abituras in pluviam: Aut cum gelata moles in partes dehiscit, & moderata liquefactione stillæ aquosæ rimis insinuatæ cum molis interruptionem, tū compressionem partium & totius compaginis diffractionem ad hoc efficiunt, ut partes per se singulæ compactæ subsistant, fragminumque acervum, qui dispergatur, faciant.

Rotunditatem vero horum fragminum qualemcunque fieri nihil prohibet? Aut quod extremi anguli undequeque rescindantur, præ casus nempe prolixitate; Aut quod in ipsa conformatione quidpiam seu aquosum, seu ventosum particulas singulas undique, ut dictum est, & æquabiliter circumstet; ambitusque earum proinde non inæquabilis evadat.

Nivem autem fieri contingit, Aut diffusa tenui ex nubibus aqua, ea ratione ut spumescat (prementibus nempe nubibus idoneis, ventis vero distantibus) ac in ipso postea motu congelascat, ob vehementiorem quandam in locis nubium inferioribus, frigiditatis conditionem.

Aut

Aut facta quadam æquabili in nubibus congelatione, ad quam dum corpuscula aquea motu compressa, convicinaque appellant, fiat aggeneratio, talem obtinens laxitatem, qualem præ se ferunt nivis flocculi; cum & eadem magis compellentia creent grandinem; cujusmodi duæ res in aere maxime fiunt,

Potest & hæc Nivis confertim cadentis velut ejaculatio fieri per detritionem ex nubibus, quæ prius congelatiaverint. Potest & aliis quoque modis Nivis generatio parari.

Pruina denique ex iisdem, quibus Ros, corpusculis fit: Nempe cum roris guttulæ alterutro modo creatæ, propter certam frigiditatis conditionem in aere concrecant, ac levem compactionem congelando accipiunt.

### C A P. XV. De Iride, & Halone.

**N**ON sunt vero hic prætercundæ duæ quædam dignæ notatu res, quæ in nubibus, sublimève apparent; Iris nempe, seu ille Arcus variis insignis coloribus, qui è regione Solis formatur; & Halos, sive Area, quæ coronæ candidæ instar Lunam interdum circumambit.

Creatur porro Iris, aut quod aer humescens adverso Solis splendore refulgeat; Aut quod ea sit specialis natura tum lucis, tum aeris, ut ejuscemodi colorum species exprimat, sive omnes, sive unicam, à qua deinceps resplendescere, partes confines aeris talem colorationem subeant; quemadmodum fieri observamus, dū cujuscumque rei partes illustratæ resplendescere conterminas faciunt.

Ad rotundam formam quod spectat; creatur ista arcus species, quod æquo undique intervallo ad spectatoris oculum referatur; Aut etiam, quod

quod atomi, quæ ex aere in nubem feruntur, ita compellantur, ut quæpiam inde facta concretio in hanc formetur rotunditatem.

Halos vero fit circa Lunam, aut evecta undequaque versum Lunam crassiusculo sive leviter nubiloso aere, dum interea effluxiones quædam ab ea derivatæ ipsum reprimentes eatenus excernunt (quippe non penitus discutunt) quatenus in orbem circa ipsam nubilosa hac specie conformentur.

Aut aere, qui circum ipsam, congrue coacta, ad exprimendum rotundam hanc crassiusculamque circa ipsam, speciem. Quod quidem secundum nonnullas ipsius partes fieri contingat, seu affluxu quodam exterius cogente, seu calore apposite ad id præstandum subinsinuato.

#### C A P. XVI. *De Avernis.*

**S**uperest aliquid dicamus de locis Avernis, quæ dicere ita solemus, quod avibus infesta sint; quatenus ubi aves per ipsa transvolare contigerit, extemplo concidant, ac intereant: itemque de Pestilentia causis quatenus quidē ex aere dependent.

Repetendum vero hic solummodo est, continere Terram omnifaria corpuscula ita diversimode figurata, ut quædam naturæ animalium conducantia, quædam nocentia sint; & propter illorum texturas inter se adeo dissimiles, quædam sint nonnullis congrua ac salutaria, quæ comperiantur aliis incommoda ac perniciofa. Quidni id vero? cum immutata per febrem ejusdem hominis textura, ac temperie, quod vinum prius summe juvabat, plagæ mactabilis instar fiat.

Sed enim plurima ingrata, infestaque, & perniciofa incurrere passim in gustatum, in olfactum, in tactum, ac in omnes sensus manifestum est; ac ne arbores



arbores memorem, quæ vel sui umbra dormientibus gravedinem creant, vel tetro etiam odore necant; ne gravem vim, odoremque carbonum, & similia: quæso, quam varia loca sunt, quæ graves, noxiosque odores bituminis, sulphurisq; exhalent. Scrutatores vero metallorum, qui evadunt tam lividi; qui tam cito intereunt; quos non exspirari vapores infestos ex intimis terræ partibus comperiunt?

Itaque loca quædam sunt, è quibus ii halitus exspirantur, qui in superfusum aerem eveci, ipsum aliquousque venenent, qualitateve mortifera inficiant; adeo ut, cum aves per eum transire contigerit, veluti si mulier mensum tempore Castoreum olfaciat, & obstupefiant, & repente prolapsæ vitam etiam amittant.

Prætereo autem, fieri etiam posse, ut aere, qui inter aves terramq; suppositus est, vi halitus prorumpentis discusso, locoque factò prope inani, volucres non habeant fulcimentum, cui pennæ expensæ innitantur, ut propagare volatum possint; sicque labantur, ac procidant, pondere corporis prægravante. Et sic quidem Averna.

### C A P. XVII. De Pestilentia.

PEstilentia autem, seu affectio exitialis aeris, utcunque possit etiam superne, nubis nebulæque instar advenire; tum tamen præsertim creatur, cum terra intempestivis pluviis, a doribusque, putrorem est nata; isque halitus ex ea consurgit, qui inficiat aerem, & longe lateque non modo in homines, sed in alia quoque animalia grassetur.

Aerem certe facile induere affectionem halitus è terra proxime exspirati, tum regionales vocati morbi indicio sunt, ut hic apud nos frequens Podagra,

dagra, apud Achæos Ophthalmia, aq̄ud Ægyptiis Elephantiasis; tum quod experiuntur, qui peregrinantur, dum adeo perspicue agnoscunt, quanta in locis variis aeris diversitas sit,

At propagari interdum hanc affectionem per aerem, ipsa Pestilentia affectio declarat; ut illa imprimis, quæ proavorum nostrorum memoria, cum ortum habuisset in Æthiopia, ita in Libyam, Ægyptumque, & universam pene Regis Persarum ditionem excurrit, ut etiā in nostrā hanc Urbem, regionemq; pervenerit, ipsamque plane vastaverit.

Fic porro ista propagatio, dum venenatus halitus corpuscula sua aeri commiscens, corpusculorum illius situm ita transponit, pervertitque, ut quicquid similem est suis, in eandem texturam conformetur; ut dum ignis subiens corpusculis suis in lignum, coagmentationem ejus sic commutat, ut quicquid in illo igneorum est corpusculorum eliciat, & ex ipsis novum ac sui similem ignem faciat. Deinceps vero, ut ignis mobilitate sua proserpens, habet unde sese in sylvam integram propaget; ita affectio pestilens præ mobilitate corpusculorum, ex quibus contexitur, sensim prorepit, ac aerem longe, & quousque admodū diversa affectione inhibeatur, commutat. Nimirum dicas idem fieri, ut cum nubes ac nebula per aerem repit, & paulatim, qua graditur, immutat conturbatque ipsum.

Prætereo autem, dum homines aerem spirando inducunt in corpus, sorbere illos pariter ea affectus corpuscula, quibus quæ similia in corpore sunt, eo modo, quo de aere dictum, transponantur, pervertanturque, & contagio, vicinis, afflatu, ea transmittantur deinceps in alios, quæ parem perversionem faciant, præstentque ut morbus populatim denique grassetur.

Atq; hætenus quidē non Meteorologia modo, sed

sed & universa Physiologia esto: de qua quæ pauca edisseruimus, ejusmodi profecto sunt, quæ contemplando facta prespecta præstent ut deinceps ea, quæ ipsis sunt affinia, possint perspicui, & valeant simul quæ causæ sunt effectuum naturæ specialium, pernosci. Nam qui ista quidem quam-maxime studiose possunt, non prosequuntur; ii longe absunt, ut aut ipsa quatenus decet, perspiciant, aut finē, cujus gratia perspicienda sunt, coniequantur.

Ac non sunt quidem unquam mente abjicienda Criteria (neque ipsa adeo Evidentia, quæ juxta illorum unumquodque est) quoniam si ab istis non discefferimus, id, unde oritur perturbatio, quodque metū ingerit, recta cum ratione edisseremus, nosque ab ipso eximemus; causam videlicet tenentes eorum, quæ in sublimi fiunt, ac reliquorum simul omnium, quæ passim interveniunt, summumque terrorem cæteris incutiunt.

Verum Criteriis suppositis, juvat maxime dedere seipsum speculationi principiorum, ex quibus constant omnia, & infinitatis naturæ, aliorumque his cohærentium, ac memoria jugi conservare. ea, quæ de ipsis præcipua sunt, maximeque generalia Effata. Quippe exinde maxime licet procul fieri à fabulis, & statum illum animi imperturbatum obtinere, qui germanus est & unicus scopus, in quem nos isthæc omnia edifferentes collineavimus,

### PARS PHILOSOPHIÆ III.

*Quæ est*

### ETHICA, seu DE MORIBVS.

Cum jam supersit Ethica, seu Philosophia de Moribus; haud abs re dictum est initio esse  
cam

eam præcipuam Philosophiæ partem habendam; quoniam illa quidem, quæ est de Natura, ut illic quoque deduximus, supervacanea evaderet, nisi ad vitæ finem, qui Ethicæ est considerationis, conferret. Sane ipsa quoque Prudentia, quæ ad hanc partem attinet, ideo naturali Philosophiæ præcellit, quod illi imperet, ipsamque ut medium accommodet ad moralis finem.

Quod dico interim Partem hanc circa vitæ finem versari, admonet, cur nobis sit moris eam dicere, quæ est de Vita, & Moribus, seu de Actionibus vitæ instituendis (neque enim Mores aliud sunt, quam humanæ vitæ consuetæ actiones) itemque de Fine, hoc est, de extremo, summove Bonorum, quæ prosequimur; ac rursus de Eligendis & Fugendis, quatenus præscribit Electionem eorum quæ ad illum finem conducunt, & fugam eorum quæ ab eodem avertunt.

Nam, ne longum morer, Finis quidem vitæ, tacito omnium hominum consensu, Felicitas est: sed cum omnes fere ab hoc fine aberrant; an non necesse est id contingat, vel quia non eam, quam oportet, Felicitatem sibi præstituunt; vel quia quibus mediis oportet, ad illā minime contendunt?

Cum videamus sane tam multos, quibus cum abunde omnia suppetant, quæ ad vitæ usus necessaria sunt (quippe & affluunt opibus, & decorantur honoribus, & filiis probæ indolis florent, & quicquid demum videtur posse vulgo expeti obtinent) eveniat niholominus, ut anxii querulique sint, curis & sollicitudinibus scateant, percellantur terroribus, vitam uno verbo degant miseram: intelligi exinde licet ignorare illos, in quo sita sit, & unde habenda felicitas vera; ac ideo esse illis peccatus instar vasis, quod partim fluxum pertusumque expleri nullatenus possit; partim liquore tetro imbutum,

Imbutum, quidvis receptum conspurcet ac vitiet.

Quare & operæ-premium est beneficio hujus de Fine ac Felicitate Philosophiæ pectus sanare purgareque, ut & paucis rebus explebile sit, & nulla non re jucunde fruatur. Philosophandum sed enim nobis, non ad speciem, sed serio est: quando nobis opus non est ut sani videamur, sed ut sani simus. Philosophandum item quam primum, neque in crastinum differendum; quoniam hodie quoque beate vivere interest; & hoc mali habet stultitia, quod semper vivere incipit, destinatve incipere, & nunquam tamen interim vivit.

Mirum sane dictu! Semel nati sumus: bis nasci non licet; ac desinere aetatem oportet: Tu vero, O bone, cum diem crastinum in tua potestate non habeas, cras te victurum reputans te in horas venturas differs, ac interim hodiernum amittis? Sic omnium vita cunctando perit; exindeque est, ut nostrum non-nemo inter occupationes moriatur. Nemo non ita exit è vita, quasi modo intraverit; ac potest ideo senibus quoque exprobrari infantia, quod quasi alieni agentes negotium, vivere se non senserint, vitaque ipsis tota abierit sine fructu vitæ.

Adnitamur ergo ita vivere, ut nos temporis exacti non pæniteat, ac die præsentē ita fruamur, quasi crastinus ad nos nihil attineat. Videlicet ad crastinum suavissime acceditis, qui minimum egens, appetensque crastini est; & grata illi supervenit hora, cuius nimiam sibi non fecerit spem. Cum molestum sit vitam semper inchoare; esto nobis illa continue quasi perfecta absolutaque, & quasi cumulo ipsius nihil desit. Stulta vita ingrata est, trepida est, tota in futurum fertur; nos vero demus operam, ut nostra sit grata, ut segura, ut non modo præsens, sed etiam ut jam collocata in tuto.

Sane hoc est demum fugere stultitiam, evahere se in illam Sapientum quasi speculam, è qua videre cæteros liceat salantes errare, & vitam nequicquam quærere in vita. Quod si esse reputas suave, è terra nautas colluctantes cum tempestatibus spectare; aut citra tui periculum exercitus prælia miscentes contueri: nihil esse suavius omnino potest, quam à sereno Sapientiæ folio desipientium turbas contentionesq; contemplari. Non iane, quod iucundum sit cæteros malis affici, sed quod iisdem malis non involvi delectet.

Cæterum, ut liceat nobis pro virili, & quadantenus adjuvare illos, qui pervenire ad hoc Sapientiæ quasi culmen desiderant; sic ea congeremus, quæ hisce de rebus meditati hætenus sumus, ut dicamus primum de Felicitate, quæ summum bonum homini est; ac deinceps de iis, quæ ipsi creandæ conservandæque conferunt, quæque aliud non sunt, quam ipsæ Virtutes.

**CAP. IX. De Felicitate, seu fine Bonorum, quatenus illius Homo capax est.**

**ET** de Felicitate quidem hoc solum præmitto, idcirco illam dici Finem, hoc est, Ultimum, Extremum, ac Summum Bonorum; quod cum ea Bona dicantur, quæ ad sui prosecutionem appetitum alliciunt; & ex ipsis bonis quædam propter se, quædam propter alia expetantur; ipsa Felicitas tale Bonum sit, ad quod referri omnia oporteat, ipsum autem nusquam.

Neque obstat, cum Felicitas, & Beatitudo, seu Beata vita idem sint, à nobis nihilominus Beatæ vitæ nomen aliquando dici; Id facimus enim phrasi gentilitia, qua Beatæ vitæ finem, & Beatam vitam pro eodem habemus; non vero qua significemus esse



esse ulteriorem finem aliquem, ad quem Beata vita referri censeatur.

Hoc autem præmissis, par est duplicem abisque initio distinguere Felicitatem; Unam videlicet Supremam, quæ intentionis remissionisque sit incapax; alteram subalternam, in quibus cadere adjectio & detractio voluptatum potest.

Et prior quidem concipitur quasi quidam status, quo nullus possit melior, seu viro; desideratior excogitari; in quo nihil sit mali quod timeas, nihil boni quod non habens; nihil quod agere libeat, ac non liceat; qui denique constantior sit, quam ut amitti unquam possit.

Posteriorem autem habemus, ut statum, in quo, quantum licet, quam optime sit, seu in quo bonorum necessariorum quam-plurimum, malorum quorumvis quam-minimum adsit; atque adeo in quo traducere vitam suaviter, tranquille, permanentem detur; quantum quidē ipsa conditio regionis, societatis, generis vitæ, constitutionis corporis, ætatis, & similibus circumstantiarum permiserit.

Non est vero nequicquam, quod ita distinguo, ac definio: Siquidem tamen perspicuum videatur priorem illam esse habendam Dei propriam; desunt tamen, qui de se suæque sapientia magnifice sentientes, illam sibi ut polliceri, sic adrogare audeant, ac sese idcirco Deo pares dicant, modestique sint, si se uno Jove reputent minores.

At illi videntur profecto suæ mortalitatis, imbecillitatisque obliti, cum quicumque illius sunt conscii, agnoscere facile possint non esse homines alterius, quam posterioris capaces; ac multum præstare Sapientiam, si cum omnes homines quodantenus miseri sint, te in eo statu collocet, in quo sis minime omnium miser; aut inter varios miseriæ gradus, quibus obnoxius natus es, collocet

in eo, in quo sis quam minimum miser. Quippe istud demum est esse felicem, iis carere malis quibus angi posses, ac iis interim bonis frui quibus majora, ea, qua es conditione, esse non possint.

Hæc certe est causa, cur censeam Sapientem, tametsi carebit sensu oculorum, tametsi etiam aurium, futurum nihilominus beatæ vitæ participem; quoniam & adhuc perseverabit in quam multis libebit bonis, & iis malis privabitur, nisi corporis, saltem animi, quibus alioquin posset vexari.

Quinetiam profiteor Sapientem, tametsi ditorquebitur, adhuc tamen felicem fore. Nempe non divina illa quidem, sed hac humana felicitate, quæ in Sapiente semper est tanta, quanta esse maxima, pro conditione temporis, potest.

Nam in tormentis quidem dolores persentit; interdum etiam ingemiscit ob illos, atque ejulat: sed interim tamen, quia facta illos patiendi necessitate, minime ipsos exasperat, seu præ impatentia ac desperatione graviores non facit, quin potius quam-maxima potest animi constantia illos mitigat, quodammodoque leviores reddit; cætenus sane beatior est, quam si illis succumbere; illorum videlicet instar, qui cruciati similibus, non pari virtute & constantia eos tolerant; neque paria habent, à Sapientia (quæ adhibet saltem vitæ innocentiam, conscientiaque securitatem) quibus ea levent, adjumenta.

Quare neque est, quod quis cavilletur, esse ergo nobis pro eodem Phalaridis Taurum, ac Rosas; & Sapientem proinde, dum in illo Tauro peruretur, exclamaturum, Quam suave est! Quam hoc non curo! Quam pro nihilo habeo! Siquidem alia sunt, quæ sapiens malit sibi contingere, ut corporis quies ab omni incommodo libera, & animi remissio bonorum suorum contemplatione gaudentis.

alia sunt, quæ quamvis nolit accidere, cum accidant tamen, & constanter præfert, & illa etiam laudat comprobaturque: quatenus habet, unde sibi de sua constantia gratuletur, ac dicere potest. Uxor, sed invictus. Quidni optabile sit, non quod urit me ignis, sed quod non vincit?

Atque hæc quidem prout contingit Sapientem quoque esse obnoxium ut morborum doloribus, sic cruciatibus tyrannorum; tametsi neque illos accersat, neque istos provocet, quantum quidem decore potest. Quod superest autem, neque ea semper, neque omnibus tempora incidunt, in quibus longe ut indolentius, ita felicius vivere liceat.

CAP. II. *Voluptatem, sine qua notio Felicitatis nulla est, rem bonam suapte natura esse.*

Cum porro & suave seu Volupe sit, sine dolore Vivere, & suave quoque seu volupe bonis frui, ipsisque recreari; constat quidem felicitatem non posse sine utraque hac, aut altera saltem, suavitate, voluptateve intelligi (nempe pro eodem Voluptatem, Suavitatem, Jucunditatem, cæteraque id genus habeo.) Verum esse aliquos videas, qui magna pompa adversus ipsam Voluptatem sic differant, quam quidpiam malum sua natura sit, ac adeo ab ipsa sapientia felicitateque alienum.

Quare & priusquam disquiramus reverane Felicitas in Voluptate consistat, declarandum est Voluptatem esse ex natura sua quid bonum; uti & Dolor oppositus quidpiam est suapte natura malum.

Sane vero cum illud sit Bonum, quod juvat, quod placet, quodque adeo amabile est, appetitumque allicit; uti & Malum illud, quod nocet, quod est ingratum, quodque idcirco sui odium aversionemque concitat; nihil est, quod magis, quam Voluptas

demulceat, magis delectet, magis diligatur, expetatur magis; ut contra nihil est, quod magis quam Dolor incommodet, displiceat, abhorreatur, refugiat. Adeo proinde ut Voluptas non modo esse videatur Bonum, sed ipsa quoque Boni ratio, quatenus est id, cuius causa res aliqua bona est, seu expetitur; uti & Dolor non modo malum, sed ipsa etiam Mali ratio, quatenus est id, cuius causa res aliqua est mala, seu refugitur.

Quippe & tamen si interdum Voluptatem refugiamus, non ipsa tamen est Voluptas, quam refugimus, sed quem forte habet adnexum dolorem; uti &, si Dolorem aliquando prosequamur, non ipse est dolor quem prosequimur, sed quam voluptatem forte habet adjunctam.

Nam, ut rem dicam paulo explicatius; Nemo ipsam Voluptatem, quia voluptas sit, aspernatur, aut odit, aut fugit; sed quia consequuntur magni dolores eos, qui ratione voluptatem sequi nesciunt. Neque porro quisquam est, qui Dolorem ipsum, quia dolor sit, amet, consecretur, adipisci velit; sed quia nonnunquam ejusmodi incident tempora, ut labore & dolore magnam aliquam quærat voluptatem.

Ut enim ad minima veniā; Quis nostrum exercitationem ullam corporis suscipit laboriosam, nisi ut aliquid ex ea commodi consequatur? Quis autem vel eum jure reprehenderit, qui in ea voluptate velit esse, quam nihil molestiæ consequatur? vel illum, qui dolorē eum fugiat, quo Voluptas nulla pariat? At vero eos & accusamus, & justo odio dignissimos ducimus, qui blanditiis praesentium voluptatum delinuti atque corrupti, quos dolores, quas molestias excepturi sint, occaecati cupiditate, non provident. Similique sunt in culpa, qui officia deserunt mollitia animi, id est, laborum & dolorum fuga.

Et

Et harum quidem rerum facilis est, & expedita distinctio. Nam libero tempore, cum soluta nobis est eligendi optio, cumque nihil impedit, quo minus id, quod maxime placeat, facere possimus, omnis Voluptas assumenda est, omnis dolor depellendus. Temporibus autem quibusdam sæpe eveniet, ut & Voluptates repudiandæ sint, & molestiæ non recusandæ.

Itaq; e tametsi omnem Voluptatē esse quid bonum existimemus, & omnem dolorē quid malum; non asserimus tamen oportere semper aut prosequi illam, aut fugere hunc; sed esse in ipsis sicut qualitatis, ita quantitatis habendam rationem. Nempe præstare, ut dolores sustineamus aliquos quò voluptatibus potiamur uberioribus; ac expedit, ut abstineamus ab aliquibus voluptatibus, ne subinde dolores difficiliores perferamus.

Quo fit, ut hic sit quasi fons, ex quo de Criteriis agentes, Canones varios circa Affectum, Passionemve deduximus, habentes puta Voluptatem, & Molestiam sive Dolorem, pro Electiōnis Fugæque Criterio, neque id profecto injuria. Siquidem commensuratione & rerum juvantium, lædentiumque delectu dijudicare hæc omnia decet, quandoquidem bono interdum ut malo, & vice versa interdum malo tanquam bono utimur.

Ex hisce ergo, ut rem inculcem, dico, Nullam Voluptatem esse per se malum, sed ea, quæ nonnullas Voluptates pariunt, ejusmodi esse, ut multo ampliores voluptatibus dolores inducant: addoque proinde, Si voluptas omnis sic in seipsam colligi posset, ut nullum dolorem neque in se complecteretur; neq; post se relinqueret; fore omnem ipsa sui collectione non minus perfectā absolutamque habendam, quam sint opera naturæ præcipua, foreq; adeo, ut voluptates nullatenus inter se dis-

ferrent; ac possent idcirco indiscriminatim optari.

Quinetiam, si illa quoque ipsa, quæ sunt luxuriosis efficientia voluptatum, liberarent eos rerum sublimium, & mortis, ac doloris metu; docerentque qui essent fines cupiditatum; nihil haberem, quod reprehenderem; cum undique complerentur voluptatibus, nec haberent ulla ex parte aliquid aut dolens, aut ægrum, id est malum.

### CAP. III. *Felicitatem universe in Voluptate consistere.*

**N**unc, ut ad id quod proposui accedam, videtur plane Felicitas in Voluptate consistere; quamquam id comprobandum primo universe est, ac dicendum posterius in quamam speciatim consistat.

Universe ergo videtur Voluptas esse ut principium, ita & finis Beatæ vitæ; quando esse eam bonum primum, & nostræ omnisque animalis naturæ congenitum deprehendimus; ipsaque est, à qua electionem fugamque omnem auspicamur, & in quam tandem desinimus; hoc affectu usi, tanquam Regula ad bonum omne dijudicandum.

Et quod Voluptas quidem sit primū cogenitumque bonum, seu, ut solent dicere, Primum aptum accommodatumque naturæ, ex eo demonstratur, quod, Omne animal, simul atque natum sit, Voluptatem appetat, eaque gaudeat, ut summo bono; Dolorem aspernetur, ut summum malum, & quantum possit, à se repellat (& videre certe licet, ut ne Hercules quidem ab interula succensa depastus, sese contineat, quin lacrymetur

*Clamans, fremensque; at undique resonant petrae  
Locrorum, & Eubææ juga alta montium)*

facit vero id omne animal nondum depravatum, ipsa natura incorrupte atque integre judicante.

Itaque



Itaque nulla est ratione neque disputatione opus, quamobrem voluptas expectenda, fugiendus dolor sit; constat scilicet hoc sentiri; ut calere ignem, nivem esse albam, dulce mel; quoniam nihil oportet exquisitis rationibus confirmare; satis est admonere. Etenim, quoniam detractis de homine sensibus, reliqui nihil est: necesse est, quid aut secundum naturam, aut contra sit, à natura ipsa iudicari: Voluptatem etiam & per se expectendam esse, & dolorem ipsum per se esse fugiendum. Etenim quid percipit, & quid iudicat, quo aut petat aut fugiat aliquid, præter Voluptatem, & Dolorē?

Quod vero Voluptas, ut primum naturæ accommodatum est, sic etiam expectendorum extremum, sive bonorum finis sit, vel ex eo potest intelligi, quod Voluptas sit sola, ob quam cætera sic expectimus, ut ipsa non ob aliud, sed suimet causa solum expectatur. Quippe possumus quidem alia expectere, ut delectemur, seu voluptate afficiamur: at nemo requisierit propter quam causam delectari, aut affici voluptate velimus. Profecto non magis, quam propter quam causam esse felices desideremus; ut puta quod ut eodem gradu, sic pro eadem re haberi Voluptas ac Felicitas debeant; atque adeo pro Fine, sive Ultimo, ac Summo bonorum, ad quod referantur quidem cætera, ipsum autem alio nusquam referatur.

Confirmatur autem ex eo, quod Felicitas non aliunde esse, ut jam præmonuimus, Felicitas intelligatur, quam quia est status, in quo licet quam suavissime jucundissimeque, hoc est, quanta fieri potest maxima cum Voluptate degere. Tolle enim hanc suavitatem, jucunditatem, Voluptatem ex vita; ecqua, amabò, tibi notio Felicitatis supererit? non illius modo, quam dixi divinam, sed etiam alterius, quam humanam haberi; quæque

aliunde magis, ac minus, sive intensionem, ac remissionem non suscipit, quam quia cadere in ipsam adfectio, & detractio Voluptatis potest?

Ut res etiam possit ex comparatione Voluptatis cum dolore manifestius intelligi; constitua-  
mus aliquem magnis, multis, perpetuis fruentem  
& animo & corpore voluptatibus; nullo dolore  
nec impediante, nec impendente; quem tandem  
hoc statu aut præstabiliorem, aut magis expeten-  
dum possumus dicere? Inesse enim necesse est in  
eo, qui ita sit affectus, & firmitatem animi nec  
mortem nec dolorem timentis, quod mors sensu  
careat, dolor in longinquitate levis, in gravitate  
brevis soleat esse: ut ejus magnitudinem celeritas,  
diuturnitatem allevatio consoletur. Ad ea cum ac-  
cedit, ut neque divinum numen horreat, nec vo-  
luptates aut bonorum præteritorum memoria, aut  
futurorum expectatione partas effluere patiatur,  
earumque assidua recordatione lateatur; quid est,  
quod huic possit, quod melius sit, accedere?

Statue contra aliquem confectum tantis animi  
corporisque doloribus, quanti in hominem maxi-  
mi cadere possunt: nulla spe proposita fore levi-  
us aliquando; nulla præterita, nec præsentis, nec  
expectata voluptate; Quid eo miserius dici, aut  
fingi potest?

Quod si vita doloribus referta maxime fugienda  
est; summum profecto malum est vivere cum do-  
lore; cui sententiæ consentaneum est, ultimum  
esse bonorum, cum voluptate vivere. Neque e-  
nim habere nostra mens aliud quidquam, ubi con-  
sistat, tanquam in extremo; omnesque & morbi,  
& ægritudines ad dolorem referuntur; nec præ-  
terea est res ulla, quæ aut sua sede naturam solli-  
citare possit, aut frangere.

**C A P. IV. Voluptatem, in qua sita Felicitas  
est, esse Indolentiam corporis, & Tranquil-  
litatem mentis.**

**V**eruntamen, cum sint duo quædam, ut paulo  
ante est insinuatum, voluptatum genera; Nam  
alia quidem spectari potest tanquam in statu, seu  
quiete; adeo ut nihil aliud sit, quam placabilitas,  
sedatio, & vacuitas immunitasve à perturbacione  
ac dolore: alia vero tanquam in motu; adeo ut  
consistat in suavi motione, veluti lætitia, hilari-  
tate, & quacumq; sensus iucunditate, & quodā quasi  
cum dulcore, & titillatione moveretur, ut dum quis  
per famem & sitim comedit ac bibit: ideo quæri  
potest, in utraque-ne; an in altera, & quam fel-  
licitas consistat?

Dicimus ergo voluptatem, in qua consistat fel-  
citas, sive finis beatæ vitæ, esse volu-  
ptatem prio-  
rem, hoc est, stabilem, seu in statu, atque idcirco  
non aliam, quam Indolentiam corporis, & Tran-  
quillitatem mentis.

Quocirca & cum univ[er]se Voluptatem Beatæ  
vitæ esse finem dicimus, longe profecto absumus,  
ut eas Voluptates, quæ sunt virorum luxu diffu-  
sentium, aut aliorum etiam, quatenus spectantur  
in ipsa motione actioneque fruendi, qua nimirum  
sensus iucunde dulciterque afficitur, intelligamus;  
veluti quidam rem ignorantes, aut à nobis dissen-  
tientes, aut alioquin adversum nos male affecti,  
interpretantur; sed illud duntaxat, ut res iterum  
dicatur, intelligimus, Non dolere corpore, ac  
animo non perturbari.

Siquidem non computationes comestationesque  
perpetur, non ipsa cum pueris mulieribusque con-  
suetudo; non piscium delicia, aut quæcumq; aliæ  
mentis

mensæ lautioris cupiditæ jucundam vitam pariunt; sed quæ cum sobrietate, serenoque adeo animo est ratio, causas cur quidque eligendum fugiendumque sit investigans, ac opiniones abigens, ob quas plurima mentes occupat perturbatio.

Ut noscatur vero quamobrem hæc sola voluptas sit finis, observari debet naturam ad voluptatem aliam primario & tanquam ad finem non tendere, quam ad stabilem; quæ ex amotione doloris molestiæve consequitur. Nam mobilem quidem non habet ut finem, sed apparat solum tanquam medium ad stabilem, nimirum, ut sit quasi condimentum operationis illius, quæ ad eximendum dolorem molestiamve est necessaria. Sic enim, cum fames & sitis, v. c. res sit molesta, animalque incommodet; primarius finis naturæ est, ut in eo statu animal constituat, in quo sit ab hac molestia immune: & quia id, nisi comedendo bibendoque non potest fieri, ideo suavitate ipsam comedendi bibendique actionem condit, ut animal tanto libentius sese ad comedendum bibendumque accingat.

Ac vulgo quidem homines præpostere agentes, nimirum inconsiderate intemperanterque abrepti, voluptatem, quæ est in motu, tanquam finem sibi præstituunt: verum advocata in subsidium sapientia voluptates in ordinem & concinnitatem redigit; docetque non aliam pro beatæ vitæ fine constituendam, quam quæ finis sit secundam naturam, quæque non alia profecto sit ab ea, quam prædiximus. Etenim duce ipsa natura quicquid agimus, eo spectat, ut neque corpore doleamus, neque animo perturbemur; ac ubi id semel assequuti sumus, omnis animi procella sedatur, & nihil majus est, ad quod respectemus, quasi requirerentes quodpiam aliud, quo ipsum tam animi, quam corporis bonum compleatur: Tunc enim volupt.

voluptate egemus, cum ex illius absentia excitatur in nobis dolor; at cum non dolemus, tunc nulla in nobis voluptatis indigentia est.

Ex quo fit proinde, ut magnitudinis voluptatum terminus, seu voluptas summa, ipsa sit doloris amotio, seu qui amotionem consequitur status. Nam ubicunque voluptas adest, quamdiu quidem adest, ibi nihil est dolens, aut egrum, aut utrumque simul. Fit etiam proinde, ut privatione doloris terminata voluptas summa, variari quidem distinguique possit, augeri autem amplificarique non possit. Natura enim, quousque omnem prorsus dolorem exemerit, voluptatem auget; at sublato omni dolore, non patitur ipsam secundum magnitudinem provehi, sed admittit solum varietates quasdam minime necessarias; utpote quæ ad id ne doleamus, non comparentur.

Quinetiam hinc fit, ut abs re insultent, qui causantur nos non habere illud, omni dolore carere, ut aliquid dolorem inter & voluptatem medium; sed ipsum cum altero membro sic confundere, ut non solum pro voluptate, sed etiam pro summa voluptate habeatur. Nam quoniam, cum privamur dolore, ipsa liberatione & vacuitate omnis molestiæ gaudemus; omne autem id, quo gaudemus, voluptas est, ut omne id, quo offendimur, dolor; doloris omnis privatio recte nominata est voluptas. Ut enim cum cibo & portione fames sitisque depulsa est, ipsa detractio molestiæ consequutionem affert voluptatis; sic in omni re doloris amotio successionem efficit voluptatis.

Unde & potest quoque discrimen ostendi, cum urgent non esse, cur status ille medius voluptas potius quam dolor dicatur. Quippe detracta voluptate, non statim consequitur ægritudo, nisi in voluptatis locū dolor forte successerit; at contra gaudemus

demus omittendis doloribus, etiamsi voluptas ea, quæ sensum moveat, nulla successerit; eoque intelligi potest, quanta voluptas non dolere sit; & nisi quis capiat, eos interroget, qui morborum doloribus acerbissimis infestantur.

Quod vero etiam sunt, qui ridet, obijciuntq; esse voluptatem hanc constitutionem quasi dormientis, ac nos inertia insimulant; idcirco faciunt, quia non adveniunt constitutionem huiusmodi non esse nobis merum torporem; sed potius ejusmodi statum, in quo omnes vitæ actiones placide simul atque jucunde peragantur. Nam nolumus quidem Sapientis vitam esse quasi torrentem, rapidumve flumen; at non idcirco tamen esse volumus quasi aquam restagnantem, & mortuam; sed potius quasi aquam fluvii tacite placideque labentis. Quare & contendimus ejus voluptatem esse non inertem, sed eam quam ratio efficit firmam sibi.

Verum hosce ut mittam, & ad id quod caput est, redeam, in idemque insistam; Duo apud nos bona sunt, ex quibus illud summum, beatumque componitur; Ut Animus sine perturbatione, Ut Corpus sine dolore sit: atque ita quidem, ut hæc bona, ubi omni molestia detracta, plena fuerint, minime crescant: Quo enim crescat, quod plenum sit? Si corpus omni dolore caret, quid accedere ad hanc indolentiam potest? Si animus constat sibi placidusque est, quid accedere ad hanc tranquillitatem potest? Quemadmodum serenitas cæli non recipit majorem adhuc claritatem, in sincerissimum nitorem repurgata; sic hominis corpus animusq; curantis, & bonum suum ex utroq; necsentis, perfectus est status, & summam voti sui invenit, si nec æstus animo est, nec dolor corpori. Siqua extra blandimenta contingunt, non augent summam



mum bonum, sed ut ita dicam, condiunt, & oblectant : absolutum enim illud humanæ naturæ Bonum, corporis & animi pace contentum est.

CAP. V. *De iis, quæ hanc Felicitatem, seu Voluptatē pariant, ut cum primis Virtutes sunt.*

JAM, cum ista Corporis Animique pax, hoc est Tranquillitas in hoc, in illo Indolentia, completa Hominis Felicitas sit; nihil nostrā magis interest, quam ea, quæ ipsam facere tuerique possunt, meditari; quandoquidem, dum illa adest, quod non habeamus, nihil est; dum abest, nihil non agimus, ut consequi ipsam possimus; & tamen, ut dictum jam est, plerumque non consequimur.

Itaq; videtur imprimis non secus de Felicitate, quam de Sanitate philosophandum esse; siquidem constat illum statum, in quo Animus sine perturbatione, Corpus sine dolore est, nihil esse aliud, quam perfectam totius Hominis Sanitatem. Quo fit, ut intelligi liceat, quemadmodum in corpore, sic in Animo quoque ipso, ea, quæ Sanitatem creant & conservant, ipsa eadem esse, quæ obstant, ne morbi adveniant; aut si advenerint, curant expelluntque.

Cum vero adversus Corporis morbos comparata sit Medicinæ ars, quæ remedia iis præcavendis propulsandisq; adhibet; ideo non multum circa illos superest nobis operæ; sed duo quedam Monita esse posse satis videntur.

Unum, ut, quo averti possint, aut leviores fieri, & plerumq; curari, colatur Temperantia, vitæque sit Sobria, atq; continens; quod morborum reges non aliunde soleat, quam ex opposito vitio proficisci.

Alterum, ut cum eos patiendi incuberit necessitas, Fortitudo occurrat, & tum perferantur animo constan-

constanti, tum præ impatientia non exasperentur; ac vel illud solatio fit, quod futuri sint, aut magni, breves; aut diuturni, leves.

Adversus Animi autem morbos comparata quidem Philosophia est; unde & illam Animi quasi Medicinam merito habemus: Verū ea non perinde ab iis, qui animo laborant, consulitur aut adhibetur. Id nempe, quia corporis morbos ipso animo judicamus; morbos vero animi neq; sentimus corpore, neq; animo aut agnoscimus, aut judicamus, ut par est, quoniam ipsummet quo judicandum sit, ægroter. Unde & intelligi potest, esse revera animi morbos perniciosiores, quam corporis; ut inter morbos corporis, illi omnium gravissimi, & periculosissimi sunt, qui sui sensum adimant, sicuti Venter, aut Febris ardentior.

Quinetiam esse Animi morbos deteriores quam Corporis, eadem declarat ratio, qua Voluptates animi sunt Voluptatibus Corporis potiores. Videlicet, quod corpore nihil nisi præsens, & quod adest; animo autem & præterita, & futura sentiamus. Ut enim æque doleamus animo, cum corpore dolemus, fieri tamē per magna accessio potest, si v. c. aliquod æternum & infinitum impendere malum nobis opinemur: Quod idem licet transferre in Voluptatem, ut ea major sit, si nihil tale metuamus: cum & illud perspicuū sit, maximam animi, aut voluptatem, aut molestiam, plus aut ad beatam, aut ad miseram vitam æstere momenti, quam eorum utrumvis, si æque diu sit in corpore.

Quoniam vero duo quidam sunt Capitales animi morbi, Cupiditas nempe, ac Metus, cum propaginibus variis, cumque adjuncta ubique Ægritudine, seu Molestia, eo modo, quo corporis morbi cū adjuncto Dolo sunt: ideo Philosophiæ est munus adhibere Remedia, quæ ipsos, ne animum invadant,

invadant, prohibeant; aut, si invaserint, tanquam è præsidio dijiciant. Tales sunt potissimum Cupiditates inanes opum, honorum, aliarum rerum, & Merus à Diis, à Morte, & alii; quibus late grassantibus, nulla unquam pars animi relinquitur sana.

Remedia porro, quæ Philosophia adhibet, ipsæ sunt Virtutes, quæ à Ratione seu Prudentia generaliore profectæ, hujusmodi Affectus arcent & expellunt. Dico autem Rationem, seu generaliorrem Prudentiam, quoniam cum sit quædam Prudentia specialior, actionibus vitæ singularibus dirigendis inserviens; agnoscitur tamen altera generalior, quæ nihil aliud sit, quam ipsamet Ratio, ipsumve Rationis dictamen, ac idem plerisque habeatur cum ipsa Sapientia; cum aliunde Virtus nihil aliud sit, quam Perfecta quædam dispositio animi, quam Ratio, seu Prudentia creet, ac animi morbis, seu Vitiis opponat.

C A P. VI. *De Recta ratione, ac Libero arbitrio, à quo laus omnis Virtutum est.*

**H**Inc, cum deinceps de Virtute, eiusque speciebus videatur dicendum, præmittendum est quidpiam de ipsa Ratione, ac simul de eo, quod in ea est, Libero arbitrio; cum exinde sit universa, quæ Virtuti competit, laus; uti est & oppositum quod Vitio debetur, probum, ac vituperium.

Itaque, cum Ratio generatim nihil aliud sit, quam facultas ratiocinandi, seu judicandi, ac unam rem inferendi ex alia; tum illam speciatim hic accipimus, quæ in rebus agendis, seu in Electionem Fugamque cadentibus, judicat, ac infert, seu ratiocinatur.

Cum possit autem iudicium, sive ratiocinium recte, perversèq; institui: illa quidem Ratio, cujus  
pravum

pravum est iudicium, non est proprie ratio; nosque illam potius Opinionem dicimus: Attamen, ob frequentem usum, dicatur quoque, si lubeat, Ratio, dummodo Prava intelligatur; uti & Recta ratio dici potest Opinio, modo intelligatur ea, quæ sana sit.

Ac ipsam quidem Rationem rectam tum naturæ bonitas facit, tum rerum peritia, sive Experientia, ac observatio sedula, ex qua efficitur, ut quasi habitis firmis correctisque principiis, ratiocinatio solida sit, & jure ad illius provocetur iudicium, qui expertus est, ac prudens rerum; sed & huc faciunt, quæ de Criteriis in Canonica disputata sunt, quæque recensere nihil est jam opus.

Interim porro cum dico res in Electionem, Fugamque cadentes; suppono esse quoque in nobis Liberum rationis arbitrium, hoc est, facultatem eligendi, & prosequendi id, quod esse ipsa ratio bonum judicavit; respuendi vero, ac refugiendi, quod eadem judicavit malum.

Esse autem id re ipsa in nobis, Experientia probat, & communis sensus, quo constat nihil esse laude vel vituperio dignum, nisi quod libere, voluntarie, iudicato, ex electione fit; ac idcirco pendet ab Eo, quod est in nobis, quodque ab omni dominatu liberum immuneque est, ac ejusmodi, ut propterea præmia suppliciaque jure legibus constituentur, cum fieri nihil posset iniquius, si hominum actiones essent condicendæ rigidæ illi necessitati, quam ex Fato ortam aliqui, ut omnium dominam, introducunt, dum quicquid accidit, aut fit, id ex æterna veritate, causarumque continuatione fluxisse declarant.

Satius longe profecto est, fabulosæ, hoc est, vulgari de Diis opinioni addici, quàm Physicorum Fato servire; imponentium ipsum cervicibus nostris,

ut

ut sempiternum dominum, quem dies noctesque timeamus. Quippe illa opinio, ob reverentiam quæ Diis habetur, ut exorentur, facit spem: hoc vero habet Necessitatē inexorabilem adjunctam.

Ac verum est quidem in rebus ratione carentibus fieri aliqua necessario (quanquam non ea necessitate, quæ impediri non valeat; uti & in Canonicis, & tum cum de causis ageremus, attigimus) at in homine ratione utente, & quatenus quidem illa utitur, necessitas prorsus est nulla; ac nos ideo conati sumus declinationem motuum asserere atomis, ut deduceremus, qui posset Fortuna humanis rebus intervenire, ac Illud quod in nobis est, sive Liberum arbitrium, minime periret.

Nempe congruum omnino est, ut nos in omnē partē versemus, & contendamus ingenium; in id incumbendo, ut quomodocumque demū à motione sempiterna liberum tueamur arbitrium ac Pravitatem evadere inculpabilem non patiamur.

Quod de Fortuna autem dico, non eo sane facit, ut ipsi tribuamus divinitatem aliquam, non modo instar vulgi, sed illorum etiam, qui illā habentes ut causam quampiam instabilem, non existimant quidem porrigere ipsam quasi manu hominibus boni aut mali aliquid, quod ad beatam vitam faciat, sed putant tamen illam honorum malorumque insignium occasiones suppeditare: Non eo, inquam, facit; sed ut agnoscamus, sicut necessitate & consilio, sic etiam Fortuna multa fieri, ac idcirco Sapientis esse ut se compareret adversus Fortunam.

Porro, cum quicquid bonitatis aut malitiæ est in humanis actionibus, non aliunde pendeat, quam ex eo, quod, Quis sciens, & volens seu liber facit; ideo Animus est assuefaciendus, ut & Sane sciat, hoc est, ratione recta utatur; & Sane velit,  
hoc

hoc est, ut liberum arbitrium ad id quod vere est bonum flectat, ab eo quod vere est malum deflectat: Siquidem talis assuetudo eam dispositionem in animo gignit, quam esse Virtutem definivimus; uti opposita gignit eam, quam proinde licet definire Vitium.

Taceo autem illud esse vere Bonum, quod Voluptatem, ut sinceram, ita sine ulla unquam futura molestia ac poenitentia creat; illud vere Malum, quod sincerum Dolorem, & sine ulla unquam futura voluptate & allubescencia parit. Verum autem utrumque dico, ad ejus discrimen, quod nisi apparens fucatumque non est; cujusmodi quidem est Bonum, quod voluptatem praesentem creans, insequenturam nihilominus molestiam ac poenitentiam habet: Malum vero, quod dolorem molestiamve praesentem pariens, voluptatem habet allubescentiamque futuram: ut intelligitur ex iis, quae deducta jam ante sunt.

### C A P. VII. De Virtutibus ipsis generatim.

CÆterum, cum sit omnis Virtus aut ipsa Prudentia, Rationisve rectæ dictamen, prout ipsi assuescimus; aut ab ipsa Prudentia, rectæve Rationis dictamine regatur, ac pendeat; constat ad hoc posterius genus spectare tum illam, qua quis est erga se affectus, tum illam, qua erga alterum; cū Prudentia aliunde ea sit, qua quis ad regendū comparatus est, non modo seipsum, verum etiam alios.

Et quæ Virtus quidem est ad alterum, ea dici Iustitia generatim solet; at ea qua quis erga seipsum affectus est, duplex vulgo distinguitur, Temperantia & Fortitudo. Moris est nobis ut utramque Honestatis nomine complectamur, ut idum agere ex virtute, nihil esse aliud, quam Prudenter, Honestè,



Honeste, Iuste agere dicimus; videlicet, quatenus iis qui sobrie, continenterque vivunt, vivere honeste, seu decore dicuntur; & qui gerunt se fortiter, gerere se honeste, seu decore censentur.

Quare & nos quoque, ut cæteri solent, Quadruplicem distinguimus Virtutem, utputa Prudentiam, Temperantiam, Fortitudinē, & Iustitiam; sed ita nihilominus, ut Prudentiam non tam ulli opponamus Affectui, quam Incogitantia, Ignorantia, Stultitia (nisi tamen ex accidenti, quatenus perturbatio rationem veluti occæcat, facitque ut homo imprudenter agat) & Iustitiam similiter, non tam affectui, quam Malitia, qua quis in fraudes pronus est (nisi etiam ex accidenti, quatenus, ira odium, avaritia, aut passio alia facit, ut injuste agatur) Temperantiam autem opponamus alteri memoratorum paulo ante affectuum, videlicet Cupiditati; & Fortitudinem alteri, videlicet Metui.

Patet proinde, quod ante dixi, Rationem esse Sobriam, recte institutam, quæ vitam iucundam seu beatam pariat, eo spectare, ut intelligamus, præstare id illam beneficio Virtutum, quas ingenerat, ac tuetur. Et quod adjeci illam investigare causas, cur quidque eligendum fugiendumve sit, ac abigere opiniones, ob quas plurima mentes occupat perturbatio; eo attinere, ut intelligamus esse eam idem cum generaliore Prudentia, quæ est omnium Eligendorum Fugiendorumque principium, ac ideo Bonum maximum, quod ab ea exortæ virtutes perturbationes sedent, edocentes vivi iucunde non posse nisi prudenter, honeste, iusteque vivatur; ut neque prudenter, honeste, ac iuste, quin vivitur simul iucunde.

Effici autem ex hoc vides quamobrē censē esse Virtutes Beatæ vitæ congenitas, ac fieri non posse  
ut

ut ab iis vita jucunda separaretur. Nempe cætera quidem omnia, ut caduca, atque mortalia, sunt à germana constantique Voluptate separabilia; sola autem Virtus, ut bonum perpetuum, atque immortale, inseparabilis ab ea est.

Simul vero ex his intelligitur, esse omnes virtutes inter se connexas, & ex capite quidem duplici; Uno, quia cum ipsa principe Prudentia cæteræ omnes conjunctæ sunt, ut cum capite membra cætera, aut cum fonte rivi ex ipso manantes: Altero, quia tam Prudentia, quam cæteræ cum jucunda vita cohærent; neque, nisi adsint Virtutes, esse jucunda vita potest; neque adesse Virtutes possunt, quin vita simul jucunda sit.

Neque porro tamen omnes inter se nexæ Virtutes sint, ideo, pares inter se sunt, sicut aliqui autumant, qui & paria esse inter se Vitia omnia Peccataque defendunt. Nam & potest quis esse ad Iustitiam, quam ad Temperantiam comparator; & potest in uno esse, quam in alio Temperantia perfectior; nam (quod citra quidē invidiā sit dictum) ipse, v. c. qui diutius jam in eo sum, ut in sobrietate proficiam, non toto asse pascor; Metrodorus, qui nondum tantum profecerit, toto. Constat & inter homines esse alium alio Sapientiorē; & ex iis, qui recte & ex Virtute agunt, non paria decerni præmia omnibus; uti neque peccantibus paria decernuntur supplicia. Nempe, quod iis sensus, moresque repugnent, qui paria omnia faciunt, & peccare & contendunt eum qui parentem, & eum qui servum verberet injuria; cum & sint, apud quos nihil distet, fabam comedas, an parentis caput.

Sed hosce ut mittam, illi alii sunt, qui, quod Virtutes ad Voluptatem se Felicitatem comparatas esse dicamus, insimulant, ac debacchantur, quasi intelliga-

intelligamus eam, quæ obicœna infamisque Voluptas sit. Verum illi finendi sunt, ut lubuerit, deblaterare; Nam & quod Virtutem summam Bonum faciunt, facimus & nos, si modo de mediis ad beate vivendum conducentibus sermo sit; Neque enim aliud est ullum, quod quantum ipsa virtus, possit, ipsaque adeo præstantius sit (scilicet non opes, non gloria, non amici, non liberi, &c.) At si de ipso Beate vivendo, seu Felicitate sit sermo, quid ni sit hoc Bonum Virtute superius; cum Finis sit, cui obtinendo ipsa Virtus interviat?

Id clamant aliunde, quod Virtutem enervem faciamus, dum tantum ipsi virium non tribuimus, ut Sapientem omni Passione affectuque carentem reddat, sed patiatur illum aliquibus tangi, ut quod, v. c. in amicorum morte mœreat, lacrymetur, gemitus ac suspiria ducat: Verum, cum magno jure faciamus, quod possit nos Virtus & à vanis Terroribus, & à Cupiditatibus inanibus eximere, quando ista capita sunt graviorum omnium perturbationum; non parvi quoque ducimus, si ad cæteros affectus quod spectat, illos ad ejuscemodi mediocritatem redigat, in qua remaneat aliquis humanitatis veluti sensus.

Illa certe omnimoda, quam jactare solent, mœroris detractio, à majore alio malo proficiscitur, Immanitate scilicet, ac immoderata vanæ gloriæ ambitione, & quasi rabie: Adeo ut videatur longe præstabilius, passionem quampiam experiri, mœrore quoque affici, oculos non pati turgere, sed in lacrymas fluere; & quæ ii patiuntur, aut fingunt, qui affectu tenero esse amantesque videri volunt, quam ex horum decreto sapere, & ringi.

CAP. VII. *De Prudentia universe.*

**V**ERUM, ut aliquid speciatim de Virtutibus singulis dicamus, ducendum initium à Prudentia est, cujus cum sit munus vitam regere, & quicquid in vita contingere potest, sic prospicere, ut ad Beatam vitam illud dirigat; videri potest una omnium Virtutum munera complecti.

Et quod Prudentia quidem compareretur ad hoc, ut quæ in vita accidunt omnia, sive omnes vitæ actiones ad beatam vitam, seu felicitatem, Voluptatemve expositam componat; nimis-quam manifestum est. Ut enim Medicorum scientiam non ipsius artis, sed bonæ valetudinis causa probantes, & Gubernatoris ars, quia bene navigandi rationem habet, utilitate, non arte laudatur; sic Prudentia, quæ omnino ars vivendi putanda est, non expectetur, si nihil efficeret in vita: Nunc autem expectitur, quod est tanquam artifex conquirendæ & comparandæ ejuscemodi voluptatis.

Prudentia enim (seu forte magis Sapientiam dicere) est una, quæ non modo præcaveat, ne quid incidat, unde corpus doleat, sed quæ etiam potissimum moestitiam pellat ex animis, quæ nos exhorrescere metu non sinat; qua præceptrice in tranquillitate vivi potest, omnium cupiditatum ardore restincto. Cupiditates enim sunt insatiabiles, quæ non modo singulos homines, sed universas familias evertunt, totam etiam labefaciunt sæpe Rempub. Ex cupiditatibus odia, dissidia, discordiæ, seditiones, bella nascuntur; nec hæc sese foris solum jactant, nec tantum in alios cæco impetu incurrunt; sed intus etiam in animis incluse inter se dissident, atque discordant. Ex quo vitam amarissimam necesse est effici; ut Prudens, sive  
Sapiens

Sapiens solus amputata circumcisaque inanitate omni & errore, naturæ finibus contentus, sine ægitudine possit & sine metu vivere.

Quod si vitam omnem videmus perturbari errore & inscitia, Prudentiamque esse solam, quæ nos à libidinum impetu, & formidinum terrore vindicet, & ipsius fortunæ modice ferre doceat injurias, & omnes doceat vias, quæ ad quietem & tranquillitatem ferant: Quid est, cur dubitemus dicere, & Prudentiam propter voluptatem expectandam esse, & imprudentiam propter molestias esse fugiendam?

Quod dico autem Virum Prudentem ferre modice Fortunæ injurias, ideo est, quod nisi speciatim, at generatim saltem eas habet provisas; neque, si quidpiam præter spem, præterq; suscepta consilia contingat, idcirco se cruciat, quod norit non esse humanæ solertiæ, sagacitatis, facultatis, aut providere, aut impedire, ne quiquam adversi molestique eveniat. Imo satius ducit, ratione bene instituta (quantum videlicet humana imbecillitas patitur) infortunatum fieri, quam male inita fortunatum; ac nihil esse putat præclarior, quam si quidpiam fortuna pulchre feliciterque dirigat, fuisse id ipsi non sine judicio deliberationeque commissum.

Quamquam & ita se gerit Sapiens, ut cupiditates inanes rescindens, ad necessaria se contrahat, quæ tam pauca, parvaque sunt, ut ea vix ulla eripere fortunæ iniquitas possit; adeo proinde, ut cum nulla, vel plane exigua fortuna intervenire Sapienti possit, is videatur illi posse dicere, Occupavite, Fortuna, atque cepi, omnesque aditus tuos interclusi, ut ad me adspirare non posses.

Veruntamen de rescindenda cupiditate inferius: Nunc, cum spectari Prudentia possit, quatenus aut

seipsum regit, aut domum seu familiam, aut civitatem seu Rempub. sicque aut Privata, aut Domestica, aut Civilis distinguitur: agendum de singulis pauca.

### C A P. IX. *De Prudentia Privata.*

**E**T de Privata quidem, unum fere est caput, ut quisque genium suum norit, & nihil natura repugnante adorsus, mature provideat de Statu, in quo totam vitam exacturus sit, & cui omnes vitæ actiones sic accommodet, ut quam fieri possit indolentissime atque tranquillissime vivat.

Oportet enim sibi finem, sive vitæ scopum ratum, constantemque præfixum habere; & ratione quidem bene inita, secundum omnem evidentiam, qua solemus expendere, si quid opinamur, aut statuimus; omnia quippe, nisi id fiat, indiscretæ temeritatis confusionisque plena evadent, ac suscepti Institutive subibit sera poenitentia.

Quinetiam, nisi occurrente quavis occasione unamquamque actionum tuarum, ut ad hujusmodi scopum, sic ad ipsum naturæ finem, quem tibi in illo constituendo proposueris, referas; sed ad aliud quidpiam sive prosequendo, sive refugiendo deflectas; non erunt tibi vitæ actiones propriis sermonibus consentaneæ; sed tranquillitatem, exempli gratia, verbis extollens, negotiosum reipsa te, turbationique obnoxium prodes.

Is porro præscriptos à natura fines in vitæ ratione ineunda perspexit, cui perspectum est, quam parabile sit, facileque occurrat, quod necessarium ad vitam sit; seu, quod ad detrahendum, quicquid ob indigentiam in corpore dolet, sufficiat. Exinde videlicet novit ita præciare seriem vitæ totius constituere, ut nullatenus rebus ac negotiis contentionis



tionis, ac adeo alicuique periculique plenis indigeat.

Ex hoc proinde fit, cur Sapiens paupertatem non valde timeat, quando tam rarum est, ut ea, quae necessaria sunt, cuiquam defint. Quod si forte ea quoque defint, ac pecunia ad ipsa comparanda indigeat; non idcirco tamen vitam sic instituet, ut Cynicorum more mendicet; sed aliquos potius ad sapientiam ita erudiendos suscipiet, ut & rem agat sapientia dignam, & sibi interim necessaria ab eis, quibus rerum sit abunde, provideat.

Quatenus tamen, & quousque aut istud, aut aliud ipsi affine praestandum sit, ubi necessaria deficiunt (ac id igitur, ut quae sit animi fiducia, ea, quae in diem accidunt, generose excipiamus) adhibenda est ipsamet sapientia, Philosophiae in subsidium; Malo scilicet consultori earum rerum arbitrium, quae nostra intersunt, permittimus, si quod naturae est necessarium, sine Philosophia & metimur, & apparamus.

Quare oportet Philosophantem huiusmodi rebus providere, & usquedum quidem adhibita ipsis cura diligens eas suppeditarit. Quamdiu autem quidpiam ex ipsis, sine quo perfecta constet fiducia, potest detrahi, non accingere se opibus, alimentisque comparandis.

Philosophia igitur duce, harum rerum studium suscipiendum est; ac fiet brevi, ut agnoscatur quae virtus, & quanta boni sit, id solum in ipsis, quod sit minimum, simplex, leveque, requirere; quoniam quod in vita suavissimum, & à molestia alienum est, id ex minimo quo quis sit contentus, dependet. Quae vero secum impedimenta sollicita rerum comparatio trahit, cum agnoscantur ex gravitate, laboreve corporis, aut ex ipsa rerum comparandarum difficultate, aut ex abductione à speculationum longe praestantissimarum studio (quod

continens esse operæ-premium fuerit) aut quapiam alia demum ex causa ; ea sane evadit protinus infrugifera, neque digna quæ cum perturbationibus consequentibus commutetur.

Quod præmonui autem, ut quisque genium suum norit, seseve ipsum consulat, ut sui ipsius destinationem, quatenus se ad aliquid idoneum compere-rit, faciat ; idcirco feci, quod alioquin nihil esse possit ærumnosius, à tranquillitate alienius, quam illud vitæ genus sequi, ad quod te ineptum finx-erit natura.

Quo fit, ut neque viro desidioſo vita actuoſa ſequenda ſit, neque actuoſo deſidioſa : Quippe ut illi otium quies, actio labor eſt ; ſic iſti otium labor, actio vero quies. Sic timido ac leni deſu-gienda militia eſt, audaci atq; impatienti umbra-tica vita. Siquidem neque ille in bello, neque iſte in umbra poteſt tranquille degere : Quod idem poteſt facile intelligi in cæteris : adeo proinde, ut nihil ſit tutius, quam illud ſolum aggredi, quod exſequi non adverſante repugnanteq; natura poſſis.

Unum addo, ut quantum licet, iſ ſtatus, qui de-ligitur, quo ſecurior ſit & tranquillior, deligatur mediocriſ, ſeu qui neque valde emineat, neque valde abjectus ſit. Quoniam verſari in civitate neque ut leonem, neque ut culicem oportet ; ne aut huius inſtar facile exterariſ, aut inſtar illius inſidiis capteris.

### CAP. X. *De Prudentia Domæſtica.*

**A**D Domæſticam Prudentiam quod ſpectat, cum ea eſſe poſſe videatur, aut conjugaliſ, & Pa-terna ; aut Heriliſ, & Poſſeſſoria ; licet circa pri-orem quidem ad id ſolum attendere, quod elicitur ex iſiſ, quæ ſunt mox de genere vitæ inſtitu-endo diſta.

Videlicet,

Videlicet, si ita quidem comparatum te noveris, ut vivere cœlebs sine angore non possis; ut possis patienter morosam uxorem, male moratos liberos ferre; ut valeas non admodum angi, ubi videris liberos ejulantes, morbo laborantes, tibi præmorientes; ut non sollicitudinibus variis distineri, distorquerique, quo omnia necessaria ad conjugalem statum provideas; quo nocumenta omnia avertas, atque id genus cætera: eo casu & ducere uxorem, & suscipere liberos, quibus Prudentia conjugali & paterna consulat, licet. At nisi talem te noveris; vides, si ducas, si suscipias, quantum tibi ad Beatam vitam, hoc est, germanam tranquillitatem, sis facturus impedimenti.

Ac præsumere quidem potes & uxorem morigeram, & bene natos liberos, & curas non multas nec magnas; verumtamen præsumes solum, neque se quis Deus tibi vadem dabit, rem ita cessuram, ut præsumpseris. Quare cum sit saltem res admodum anceps; alienum à sapientia est, ultro subire aleam, ac eo se conjicere, unde, si deinceps, poeniteat, revocare pedem non possis.

Dico tamen, *ultro*; quoniam potest aliqua vitæ circumstantia exigere, ut, invitus licet, nuptias addeas, liberosque suscipias; veluti si eo loco sis, ut tibi sit Patriæ commodis serviendum. Nam, quod nonnulli quidem prætexunt propagationem generis, cui veluti adstricti sumus: Periculum sane non est, ne desint, qui & nuptias colant, & procreandis liberis vacent; ut invidendum proinde sit, si Sapientes aliqui pauci ab hoc munere præstando abstineant.

Quod si quispiam casus, aut certum consilium, necessitasve aliqua te ad nuptias adegerit; tum & uxor est eo loco habenda, ut tui amantem, paritq; curarum suscipientem reddas; tum liberi ita

curandi, ut partim natura præscribit, quæ ad hoc nos instigat, ut simul atque nati sunt, illos deprecamus, sollicitique pro iis simus (quod ovibus etiam ac lupis, aliisque animalibus est commune) partim ipsa sapientia, quæ ita instituendos monet, ut & Patriis legibus obsequentes sint, & ipsimet fieri sapientes exoptent.

Neque vero hæc cura modo pro liberis propriis suscipienda est, sed pro liberis etiam amicorum, ac si pupilli præsertim sint; cum nihil esse possit amicitia dignius, quam se tutorem gerere, ac parentis loco erga illos habere, quos amicus præmoriens & summe amaverit, & ut orphanos, ita præsidio indigentes reliquerit.

Circa posteriorem, & quatenus quidem subsunt servi, ac famuli, qui ipsi sunt necessaria quidem, sed parum plerumque jucunda possessio; ita debet Sapiens dare operam, ne insolescant, ac morosi fiant, ut mansuete se, quantum fuerit fas, erga illos gerat; & dyscolos quidem pene invitus castiget, memor scilicet esse homines, facile autem indulgeat, veniamque condonet, ac si qui præsertim indolis non male, diligentesque extiterint. Et neque id modo, sed etiam ubi aliquos natos ad Sapientiam comperit, quales apud nos non desuere, ac ipse præ cæteris Mus, illos & promoveat, & amicos vocet, & philosophari secum suave ducat.

Quatenus autem familiaris res subest, illius curam ita habebit, sicque in futurum prospiciet, ut id tamen citra avaritiam ditescendique cupiditatem fiat. Sed de hac quidem cupiditate postea. Interim vero non debet sapiens rem familiarem negligere; quia id ex usu vitæ est; ne si pessum nempe res eat, ac deinceps quæ sunt ad vitam necessaria non suppetant, philosophando obex fiat, dum  
aut

aut laboriose requirenda erunt, quæ potuerant nullo exiguo ve negotio servari; aut emendicandū, petendumque importune ex alio, quod quis potuerat ex seipso facili studio obtinere; aut senescendum, ægrotandum, moriendum ea in egestate, quæ tranquillitati animi non parum officiat.

Ac præter illa quidem, quæ sunt vitæ usibus necessaria, esse quædam possunt, quæ pro conditione personæ, loci, temporis habenda necessaria sint, ac ideo non habenda neglectui: ac esse præsertim eorum cura debet, quorum ad tollendam indigentiam naturalem, necessitas est, quibusve negatis natura ipsa dolet. Talis est frugis provise copia; ipsique eos magis commendamus, qui frumentum domum, quam qui supellectilem pretiosam important. Delectat nos certe maximopere, quod cum nuper gravi obsidione urgente, tum multæ fame in hac nostra civitate perierint; ipsi tamen potuerimus tot, ac tam bonos familiares, amicosque nobis conviventes servare; non congestis lautis edulis, sed provisa fabarum copia, ex qua ad certum numerum licuit singulis dietim impertiri.

### C A P. XI. De Prudentia Civili.

Quod attinet, demum ad Civilem Prudentiam, id reputandum haud secus est, quod circa ipsum genus vitæ eligendum est insinuat.

Nempe, si qui sint natura ambitiosi appetentesque gloriæ, actiuosi aliunde, & publicis rebus gerendis idonei; ac insuper ii, quibus aut nascendi conditio, aut sors, & occasio januam facilem ad publicæ rei administrationem aperiat, possunt ii non quietem sectari, sed se publicæ administrationi actiuosque vitæ dedentes, suæ naturæ obsequi: scilicet, cum sint ita comparati, ut ex vitæ otiosa

perturbationem, & molestiam, dum quod concupiscunt, non assequuntur, trahant.

At si qui aut suapte natura comparati ad otium sint, aut ambitionem vanitatemque vi rationis represserint; aut quid id sit rei experti, quasi ex procellis emerferint; aut tot, tamque magnis exemplis facti cautiores fuerint; haud abs re illi reputabunt esse sibi otium longe præstabilius, neque esse congruum ut illud cum vita actiuosa commutent; nisi quid forte interveniat ex parte Reipub. quod eorum industriam deposcat. Unde & concludimus, Sapientem non esse ad Rempub. nisi quid intervenerit, accessurum.

Quidni? cum illi otium sectanti liceat facilius longe ac tutius eundemmet finem consequi, quem sibi viri ambitiosi per pericula ac labores præstituant?

Nam de horum scopo ut dicam; Non defuere unquam, qui ut securitatem ex hominibus adipiscerentur (ac pro condicione quidem principatus, & regni, ex quibus eam vulgo comparari putant) affectaverint gloria præfulgere, illustresque evadere; existimantes se hac ratione statum securum tranquillumque ex hominibus paraturos. Ac si segura quidem fuit tranquillaque ipsorum vita, ii sunt illud ipsum, quod naturæ est, bonum consequuti: Nisi autem segura tranquillaque fuit (ut revera esse vix potest) tum exciderunt sane ab eo, quod naturæ congruum nancisci ex principatu frustra appetierunt.

At cum Sapientis scopus sit idem, securitas nempe & tranquillitas vitæ: quanto, amabò, compendioso ad eum pervenit, cum vitæ civilis turbas fugiens, directo, ac statim, seipsum in profundissima quiete, & quasi in portu omnino silente tranquilloque constituit? Felix profecto, qui pernoric summum Bonum, Beatamque vitam, non in principatu,



cipatu, aut potentia dominatrice consistere; non in numerosa pecunia, aut possessione rerum ampla; sed in vacuitate doloris, sedationeque affectuum, ac dispositione illa animi, quæ ipsis naturæ finibus omnia circumscribens, efficit, ut paucis contentus id obtineat, quod illi nisi imperent multis; opesq; magnas habeant, obtinere se posse diffidunt.

Certe, si de me liceat dicere, felicitati summæ duco, quod factionibus civitatis me nunquam immiscuerim, ac populo nunquam placere adularique studuerim. Ecqua vero id facerem ratione? quando quæ ego scio, non probat populus; quæ probat populus, ego nescio. Quam vero & mihi, & ipsi Metrodoro simul non nocuit; occultis vixisse; cum videlicet inter bona tanta, quibus licuit parvis in hortis inque obscura Melite frui, nobilis hæc Græcia nos non modo ignotos, verum etiam pene inauditos habuit?

Dixi autem, nisi quid interveniat ex parte Reipub. Quoniam si Respub. vocet, ac opera nostra re ipsa indigeat, inhumani simus, si cum licuerit plurimis prodesse, notimus. Simus & nobis ipsis injurii; cum, nisi salva Republica esse nobis non liceat, id, quod maxime cupimus, otiosus.

Haud ergo sic se habet Sapiens, ut videre aliquos licet, qui professi sapientiam, videntur sibi adeo pulchre, præ fastus abundantia, perspectum habere negotium politici regiminis, ut paria Lycurgo ac Soloni moliri se posse confidant.

Ac si rogetur, ut leges ferat, ut & Formam regiminis, & Magistratuum munera præscribat, id non detrectabit; ratus nempe illos, qui primi condidere leges ac iura, & constituere regimen Magistratumq; in urbibus, vitam constituisse in statu securo admodum & tranquillo; cum si quis de medio ista tolleret, vitam viveremus ferarum, & qui alium

haberet obvium, ipsum tantum non devoraret.

Sin vocetur, ut princeps sit, & juxta leges ac regimen jam constitutum Rempub. regat; non detrectabit similiter; ratus, tametsi ea res aleæ plena plerumque sit, posse tamen virum Sapientem sic prospecta habere omnia, sic providere omnibus, ut exigua illi, quod ante dicebam, Fortuna interveniat, & maximæ interim gravissimæque res consilio ipsius & ratione administrentur. Dabit vero operam imprimis, ne, cum hominum infirmiores debitum obsequium potentioribus exhibuerint, isti illos aut opprimant, aut egere rebus ad vitam necessariis, ipsi iis affluentes, patiantur. Quippe, cum is sit omnis societatis, ac Reipub. adeo finis, ut ex operis mutuis præstitis, vita omnium sit tuta, ac beata quam-maxime licet.

Tandem, si à Principe vocetur, & occasio poscat, ut seu consilio seu auxilio obsequium illi exhibeat, id denique non detrectabit; ratus, cum sit non modo pulchrius, verum etiam jucundius beneficium dare, quam accipere; rem fore ut pulcherrimam, sic longe jucundissimam, beneficium conferre in Principem, ex quo ad tam multos sit redundaturum. Sed hæc de Prudentia.

## C A P. XII. *De Temperantia universe.*

SEquitur Temperantia, pars, ut jam est dictum, Honestatis prior, ac talis quidem, quæ præcipuam Honesti, ac decori continere rationem videatur. Nempe cum illius sit munus animum cupientem reprimere, ut Fortitudinis est eundem metuentem erigere; minus indecorum habetur pusillanimitate demitti, quam cupiditate efferri; atq; idcirco magis decorum cupiditati obsistere, quam adversus metum eniti.

Initio

Initio vero illud quoque circa Temperantiam observandum est, expeti ipsam non propter se, sed quia voluptatem pariat; hoc est, animis pacem afferat, & eos quasi concordia quadam placet, ac leniat. Siquidem; cum in moderandis cupiditatibus versetur, id idcirco in rebus aut expetendis aut fugiendis, rationem, ut sequamur, moneat; non satis est judicare quid faciendum, non faciendumve sit; sed stare etiam oportet in eo, quod sit judicatum.

Plerique autem, quod tenere atque servare id, quod statuere, non possunt, victi & debilitati obiecta specie voluptatis, tradunt se libidinibus constringendos, nec quid proventurum sit, provident: ob eamque causam propter voluptatem & parvam, & non necessariam, & quæ vel aliter pararetur, & qua etiam carere possent sine dolore; tum in morbos graves, tum in damna, tum in dedecus incurrunt; sæpe etiam legum, judiciorumque poenis obligantur.

Qui autem ita frui volunt voluptatibus, ut nulli propterea dolores consequantur, & qui suum iudicium retinent, ne voluptate victi faciant id quod sentiunt non esse faciendum; hi voluptatem maximam adipiscuntur prætermittenda voluptate. Idem etiam dolorem sæpe perpetiuntur: ne, si id non faciant, incidant in maiorem.

Ex hoc vero intelligitur, Temperantiam esse expetendam non quia Voluptates aliquas refugiat, sed quod ab illis se continens, molestias declinet, quibus devitatis, voluptates consequatur majores. Id vero interim ita faciat, ut res honestati decorique vertatur; ac intelligi valeat posse eosdem ut Voluptatis, ita decori amantes esse; imo & tales, qui cum omnes virtutes & colant, & retineant, ea plerumque præstent, atque consequantur, ex quibus

quibus manifestum fiat, quanto sit omnibus odio crudelitas, & quanto amori probitas, & clementia; atque ea, quæ maxime mali petant & concupiscant, ad bonos pervenire.

Porro, quia Cupiditatum, circa quas versatur Temperantia, aliæ Naturales, aliæ Inanes sunt; & ex Naturalibus aliæ Necessariæ, aliæ Non-necessariæ (ut præteream Necessariarum alias pertinere simpliciter ad Vitam; qualis est cibi, atque potus, unaque voluptatis, quæ in motu est; alias ad ipsam Felicitatem, qualis Indolentiæ, & Tranquillitatis, siue Voluptatis in statu) constat profecto non abs re distinxisse nos in Physiologia Cupiditatum genera tria. Diximus nempe alias esse Naturales, & Necessarias; alias Naturales, sed Non-necessarias; alias neque Naturales, neque Necessarias, sed Inanes, seu ex opinione inani prognatas.

Et quia esse illas Naturales, Necessariasq; diximus, quæ nisi expleantur, dolorem in corpore creant; constat eas, quæ ad nullum dolorem noxamque, nisi expleantur, deducunt, & cum studio tamen vehemente sunt, eas tales evadere non ob necessitatem, sed propter vanam opinionem; ac tamen si principium aliquod à natura habeant, id tamen, quod ultra modum diffunduntur, non habere ab ipsa natura, sed ab inanitate opinionum, quæ homines reddunt ipsis etiã feris, hujuscemodi diffusioni non obnoxiiis, deteriores; quinetiam ipsas Cupiditates probari vel ex eo posse esse non modo non-necessarias, verumetiam non-naturales, quod appetentiam contineant diffluentem, difficileque aut etiam nullo modo explebilem; & plerumque etiã causæ nocuenti alicujus esse jure reputentur.

Ut de quibusdam autem præcipuis speciebus Temperantiæ juxta præcipuas aliquas Cupiditatis species dicamus; seligi possunt Sobrietas, quæ op-

ponitur

ponitur Gulæ, seu nimix cupiditati cibi ac potus :  
 Continentia, quæ Libidini, seu cupiditati Vene-  
 reorum effræni : Lenitas, quæ Iræ, seu cupiditati  
 Vindictæ : Modestia, quæ Ambitioni, seu Cupi-  
 ditati Honoris : Moderatio, quæ Avaritiæ, seu  
 cupiditati Divitiarum: denique ob affinitatem quæ  
 est inter Cupiditatem ac Spem, ipsa Mediocritas,  
 quæ est inter spem desperationemque Futuri.

C A P. XIII. De Sobrietate adversus Gulam.

Imprimis vero dici non potest, quantum sit bonū  
 Sobrietas, quæ nos ad victum tenuem, simpli-  
 cem, parcumque reducit; docens nos, quam id sit  
 exiguum, quod natura desiderat; ac planum faci-  
 ens necessitatem, qua illa laborat, posse rebus te-  
 nuibus, paratuque facilibus, cujusmodi sunt po-  
 lenta, fructus, herbæque, & aqua, abunde sanari.

Id nempe, quod ob indigentiam molestia corpus  
 afficit, præclare, & quantum sat est, eximunt, quæ  
 nullibi non suppetentia, simplicem siccorum  
 humidorumque alimentorum naturam habent;  
 quod superest vero, quicquid in luxum abit,  
 id spectat ad cupiditatem, quæ neque necessaria  
 est, neque occasione alicujus rei molestiam neces-  
 sario inferentis, creatur: Sed partim, quia quid-  
 piam angit, vellicatque, ob id solum, quod ejus  
 absentia impatienter toleratur; partim, quia ab-  
 soluta, & sine ullius molestiæ intermissione oble-  
 ctatio præsumitur; partim, ac, ut paucis dicatur,  
 quia menti inhærent inanes falsæque opiniones,  
 quæ neq; ad sarcendum ullum naturalem defectū  
 spectant, neq; ad aliquid habendum, ex cujus absen-  
 tia corporis ipsius compages dissolvatur, tendunt.

Siquidem, vel ipsa, quæ ad manum sunt, abunde  
 sufficiunt obtinendis iis, quibus natura indiget;  
 hæc quippe ejusmodi sunt, ut partim ob simplici-  
 ratem,

iatem, partim ob exiguitatem, nullo negotio sine parabilia. Hinc illi quidem, v. g. qui carnibus vescitur, opus etiam est inanimis rebus: at illi, cui sunt res inanimes satis, dimidio solum opus est; ac ipso quidem tum facile parabili, tum ad apparandum modicis sumptibus egente.

Sunt porro quatuor quædam præcipua commoda, quæ Sobrietas parit. Unum, quod victui simplici, minimeve splendido copiosoque, assuescere, Sanitatis numeros implet. Videlicet opiparæ uberesque epulæ sunt, quæ cruditates, gravedines, podagras, febres, morbosque alios gignant, exasperant, protrahunt; non escæ simplices, quas natura ut necessarias, ita salutares facit, producitque, & non cæteris quidem animalibus modo, sed ipsi quoque homini, qui illas tamen suo malo depravat, iisque cupediis vitiat, ob quæ deinceps illas deperiens, nihil aliud quam deperit perniciem.

Quamobrem si sapuerimus, cavendum nobis est ab eo cibo, cuius fruitionem deperimus; prosequimurque, & quem tamen ubi illius fuerimus facti compotes, fuisse malo nostro gratum reputamus. Huiuscemodi autem est, qui opiparus est, ac pinguis; quo minus probari carniū usus potest, qui sane potius officit Sanitati, quam ad illam proficit. Argumentoque esse potest, quod cum Sanitas conservetur per eadem, per quæ amissa recuperatur; constet ipsam tenuissimo, & citra carniū usum victu recuperari.

Nihil autem mirum, si hominū vulgus putet esum carniū ad valetudinem conferre; idem enim est, qui existimat sanitatis tuendæ vim esse in ipsis voluptatum quasi proolutionibus; etiam venerarum; quarum tamen est nulla, quæ quicquam proficit alicui; cum & bene fit, nisi etiam noceat.

Alterum



Alterum est, quod hominem ad usus vitæ necessarios expeditum & impigrum facit. Quippe, seu functiones animi requiras, serenitatem, aciem, vigorem animi tuerur; seu functiones corporis; ipsum ut sanum, sic vegetum, agile, diligens tuerur: at repletio, satietas nimia, ingurgitatio, crapula, animum obscurat, retundit, ac languidum reddit; corpus autem ut morbidum, sic debile, segne, prægravatum facit. Quæso vero ecquid speciatim tibi pollicearis de illo, cui ob vinum largius epotum, gravantur membra, præpediuntur crura, lingua tardescit, madet mens, oculi nant, singultus, jurgia, clamores gliscunt?

Longe sane aberit Sapiens, ut incompotationibus, temulentiaque pernoctetur; qui aut vinuli hemina esse contentus debeat, aut pro potu suavissimo obviam quamque aquam habere. Neque vero id modo; sed longe etiam aberit, ut lautis dapibus se inferciat, aut pinguibus & crassis ventrem oneret, cui sufficere debeant simplicissima; imo ipsa naturæ dona.

Quod si huiusmodi tenuium simpliciumque ciborum usus ad habendum Milonis robur, aut univèrse ad virium corporis contentionem minime confert; neque sane eo robore intensisque viribus Sapiens indiget, si contemplationi quidem, non vitæ actuosæ petulantique sit incubiturus.

Tertium, quod præstat, ut si quando per intervalla sit mensa splendidior, ipsi degustandæ comparati sincerius simus. Non profecto, quod viles cibi æqualem epulis sumptuosis voluptatem non afferant, ubi exempta prorsus fuerit, quæ cibi defectu molesta est, fames (nam polenta etiam & aqua voluptatem maximam pariunt, si quis modo famem sitimq; expectans, iis, cum indigerit duntaxat, utatur) sed quod isti assueti laucioribus epulis  
carum

earum suavitatem præ saturitate pene continenti non sentiant, perinde ac Sapiens qui ad eam percipiendum, gustatum præ victus tenuitate comparatum affert. Quo pacto accidit illi quoque ut publicis spectaculis sincere præ aliis, si interesse aliquando iis contigerit, oblectetur.

Quod nego autem tenuissimo victu, id est, contemptissimis escis & portionibus minorem voluptatem percipi, quam rebus exquisitissimis ad epulandum; improbari quoque, nisi ab eo non potest qui sibimetij si vanis impenat opinionibus; qui non attendat illos solos magnificentia jucundissime frui, qui ea minimum indigent; qui nunquam siti aut fame pressus, aquam, aut cibarium panem usurparit. Me profecto quod attinet; pane cibario, & aqua vescens, aut non nihil duntaxat casei Cithæridii (si quando epulari juvet paulo sumptuosius) superaddens, voluptate abundo in corpusculis; ac nuncium remitto voluptatibus, quæ ex vulgari epularum magnificentia percipiuntur. Unde & efficitur, ut, si modo panem, polentamve, & aquam habuero, paratus sim vel cum ipso Iove de felicitate certare.

An addam vero eduliorum magnificentiam ac varietatem non modo ipsa animam perturbatione non exuere, sed ne augere quidem voluptatem in corpore; quando ipsa quoque, eo, quod dolebat, exemplo, finem reperit? Exempli gratia, carnum usus, de quo mox loquebar, nec speciatim adimit quidpiam, quod naturæ molestum sit; neque aliquid peragit, quod, nisi compleatur, in molestiam sit abiturum. Interim autem gratiam habet violentam, ac fortassis quoque ex contrario mistam; quatenus ad vitæ durationem minime valet; confert autem solum variandis voluptatibus, similis usibus veneris, vinorumque peregri-  
grinorum

grinorum potationibus, sine quibus potest natura seu vita manere; cum ea sine quibus manere non potest, compendiosa penitus sint, facileque & salva justitia, liberalitate, tranquillitate, otio plurimo obtineri possint.

Ac tali-ne persuasione sint homines vulgares, nihil est quod moremur: viget siquidem petulantia intemperantiaque in id genus hominibus; adeo proinde, ut verendū non sit, ne quandoque desint, qui animalibus vescantur. Nam, si omnes quidem optime de rebus sentirent, nihil foret opus aucupio, vel aucupibus, piscatoribus, aut subulcis; ac hujuscemodi animalia degentia per se, & incustodita, præfectoque carentia, brevi perinde perderentur, devastarenturque ab aliis insidiantibus, multitudinemque absumentibus, ac in aliis innumeris, quibus homines non vescuntur, contingit. At vero multiplici semper, vel omnigena potius vigente desipientia inter homines, non deerunt unquam innumeri, qui ea depascantur, heluones.

Quartum denique, quod nos reddit interritos adversus fortunam. Nempe illi timeant fortunam oportet, qui sumptuose vivere assueti, arbitrantur non posse vitam non miserrime transigi, nisi suppetat unde dietim minas talentaq; impendant. Ex quo efficitur, ut plerumque vitæ negotiosæ obnoxii fiant; & plerumque rapinas, cædes, sceleraque similia patrent. At, cui viles cibi, ut fruges, oleraue sufficiunt; cui sunt panis, & aqua satis; cui est intra hæc desiderium clusum; quid est, quod ille fortunam timeat? Quotusquisque enim est ad ista pauper? Quænam fortunæ malignitas ad hæc usque sese demittit? Eccui ita invidet, ut non fabas, non lenticulas, non fructus, non herbas facile comperiat? Nam de aqua quidē passim occurrente, quid necesse est dicere?

Ego

Ergo certe, ut de me ipso, verecunde licet, pergam dicere, ipsis Hortulorum plantaribus contentus, & lætus iis sum, & volo hoc etiam pro foribus esse inscriptum, Hospes, hic bene manebis; Hic summum bonum voluptas est. Paratus erit ipseus domicilii custos, hospitalis, humanus; & te potentia excipiet; & aquam quoque large administrabit; & dicet, Ecquid bene acceptus es? Non invitant enim hi hortuli famem, sed extinguunt; nec maiorem ipsis portionibus sitim faciunt, sed naturali & gratuito remedio sedant.

In hac voluptate ego quidem consenui, qui & cum rationibus mecum initis deprehenderim ne toto quidem esse me pasci, nihilominus certos habeo dies, quibus malignius famem extinguam; visurus an aliquid desit ex plena & consummata voluptate; vel quantum, & an dignum, sit quod magno labore pensetur.

#### CAP. XIV. De Continentia adversus Libidinem.

DEinde, Virtus quoque eximia ipsa est Continentia, sive abinentia à Veneris; cuius per quorum usus, ut paulo ante dixi, nunquam proficit; & præclare agatur, nisi etiam noceat.

Iis certe abuti intemperanter, est facere vitam vigore effœtam, curis anxiam, morbis molestatam, duratione brevem; Quo fit, ut vir Sapiens esse in eo debeat, ut & capi se amore non sinat, & longe sit ut reputet esse Amorem quidpiam, quod immittatur divinitus ut illi propterea esse indulgendum videatur.

Et quo minus quidem amore capiatur, ac ut incentivo ad venerea careat, nihil æque prodest atque tenuis victus, de quo dictum mox ante est quando, quæ ex nimio eduliorum usu turgescit copia

feminis,

feminis, & fomes & pabulum est, quo creatur amoris incendium; sed & confert secundum hoc, tū honesta, & quæ præsertim circa Sapientiam est, occupatio; tum meditatio incommodorum, quibus obnoxii illi sunt, qui se ab amore abripi sinunt.

Nam universe quidem mulieris puerive amoris se addicere, illud secum trahit, ut vires absumentur, pereant labores, labatur familiaris res, vadiumonia fiant, officia langueant, fama ægroret: ac dum Sicyonia in pedibus, grandes Smaragdi in digitis, aliaque ornamenta in corpore rident, animus ipse se, tanquam sibi male conscius remordeat, quod desidiose ætatem agat, annosque bonos perire sinat; cæteraque id genus alia, quæ enumerare est promptum.

Speciatim vero ecquid mali non trahit, vel rem habere cum ea muliere, qua leges interdixerint? Longe sane aberit sapiens, ut quidpiam tale cogitet, cum abstertere ipsum debeat vel ingens illa sollicitudo, qua sunt præcavenda, quæ multa & magna intercurrunt pericula; cum & plerumque eveniat, ut qui hæc adoriuntur, vulnerentur, contrucidentur, aut adigantur ad carceres, ad exilia, ad graviores poenas. Unde & efficitur, quod ante dixi; ut nempe propter voluptatem & parvam, & non necessariam, & quæ vel aliter pararetur, & qua etiam carere possent, sese dolori maximo, poenitentia putā gravissimæ subiciant.

Nisi proinde Incontinentem esse, ac molliter uni huiusmodi voluptati succumbere, non est se interim fraudare voluptatibus & multis, & magnis, quibus fruitur, qui continenter, & sub legum præscripto vivens, Sapientiæ sic vacat, ut Mentē quidē neque hebetet, neque curis excruciet, neque affectibus cæteris perturbet; corpus autem neque enervet,

enervet, neque morbis vexet, neque dolore tor-  
queat; sicque bonum illud summum consequatur;  
quod, ut ante dixi, non ipsa puerorum mulierum-  
que consuetudo, uti neque piscium deliciae, neque  
aliae cupiditatis mensae lautioris parere possint.

Prætereo vero non subesse, cur dum abstinenciae  
à Venereis hic universae commendatur, quispiam  
inferat esse ergo etiam à legitimis nuptiis absti-  
nendum; Quippe, quæ nostra hac de re sit senten-  
tia, est iam ante dictum. Addo hic solū, quod dixi,  
Amorem non immitti divinitus, eo facere, ut in-  
telligatur, si quis liberis careat, nullosve ex uxore  
fascipiat, non esse id Cupidini Venerive iratis  
tribuendum; sperandumque ut votis atque sacrifi-  
ciis potiusquam remediis naturalibus evadere in  
Parentem possit.

Addo autem præterea abstuturum sapientem,  
ut Cynicorum ritu vivat, seu ea sit inverecundia,  
quam isti in propatulo ostentant. Nam quod se  
dicunt naturam sequi, & reprehendunt, ac irrident,  
quod ea quæ turpia re non sunt, verbis flagitiosa  
dicamus; quæ turpia sunt, nominibus appellemus  
suis: Nā latrocinari, fraudare, adulterare, re turpe  
est, sed dicitur non obscœne; liberis dare operam,  
re honestum est, nomine obscœnum, pluraque in  
eandem sententiam adversus verecundiam dispu-  
tant: Non videntur satis advertere, vivere se in so-  
cietate, non vero in agris, & ferarum ritu quo mo-  
do naturam pure sequerentur.

Quippe ex quo nomen societati dedimus, iubet  
nos natura eo fine servare leges societatis, ut fru-  
entes communibus bonis, malum nobis non accer-  
samus, quale est, nisi alia poena, aut saltem infamia,  
five ignominia, quæ sequitur inverecundiam, de-  
fectumve ejus pudoris, quem ejus, in qua vivimus,  
societatis mores præscribunt, & à quo, in voce, ad-  
spectu,



specu, aliisque adjunctis spectato, ea, quæ merito laudatur, Pudicitia est dicta.

Addo denique facere non parum, ut ad Pudicitiam, sic universæ ad Continentiam, & à Musica, & à Poetica abstinere, quatenus ab utraque sunt, & cantilenæ, & ex voces, quæ suavitate quadam fusæ, aliud nihil sunt, quam libidinis incentiva.

Nempe hac de causa nostra est sententia solum Sapientem de utraque recte, & ut virtutem decet, verba facere, quod cæteri illecebris utriusque facillime capti, utrique indulgeant; solus sapiens damno, cuius causa sunt, perspecto, eas eliminat; declarando Musicam esse inter cætera, ut bibacæ, & pecuniarum facile prodigam, ita segnitiei amantem, & ad omne bonum honestum generosumque opus inutilem: Poeticam vero, inrer cætera, esse eam, quæ homines semper in vitia, ac potissimum in libidinem pronos fecerit, etiam ipsorum Deorum exemplo; cum ipsos ut ira inflammatos, sic libidine furentes induxit, effecitque, ut videremus non eorum modo bella, pugnas, prælia, vulnera, odia, dissidia, discordias, ortus, interitus; sed etiam querelas, lamentationes, vincula, cum mortali genere concubitus, mortalesque ex immortali procreatos, cæteraque id genus, à quibus sane homines, quibus mens fuerit, abhorreant.

### CAP. XV. De Lenitate adversus Iram.

**A**D hæc Lenitas, sive Mansuetudo, ad quæ etiam Clementia & Misericordia referuntur, ita adversus Iram, Vindictæve cupiditatem comparatur, ut laudatissima Virtus sit; quoniam, tam impator, rissimum Immodica, gignit insipientemque, ac po- Iram mens effervescentem, caligineque suffunditur, micat ardor ex oculis, pectus rumpitur fremitu, dentes

dentes quatiuntur, vox strangulatur, horrent capilli, & facies succensa minasque intentans ita est horrenda, foedaque aspectu, ut mens tam sui impotens, quam omnis decori oblita videatur: Lenitas vero sic mentem sanat, sanamve potius sic continet, ut neque ipsa emoveatur, neque passio in corpus exeat, qua quidpiam præter decorum fiat.

Cæterum, cum Ira accendi effervesceque ex acceptæ injuriæ opinione soleat; injuria vero inferatur ab hominibus præ ipsorum aut odio, aut invidia, aut despicientia; Qui fieri poterit, ut sapiens ita injuriam toleret, ut erga inferentes lenis atque placidus maneat? Nempe rationis præsidio fretus, quo & jam dixi illam adversus fortunam se comparaturum. Quippe injuriam habet in rebus fortuitis, matureq; agnoscit non esse in sua situm facultate, ut cæteri hominum sint iusti, passionibusque non abripiantur; ac ideo tam parum irascitur commoveturque ob injurias illatas ab hominibus, quam ob incommoda, aut damna, quæ à fortuitis casibus, univèrseque ab aliis causis extra facultatem positis, adveniunt.

Non commovetur, exempli gratia, propter feroces, aut algores, qui à tempestatibus inducuntur; quoniam tempestatum suas vices obeuntium hæc natura sit, quæ immutare ipse non possit; qua mobrem neque commovetur ob injurias, quas inferunt petulantes & improbi, quod illi pro sua natura sic agant, & ut secus agant, naturamve mutant, in ipso non sit. Neque vero aliunde esse contrarium putat rationi ac sapientiæ malum malo esse (scilicet præter nocumentum quod exasamus, quod accidit, accersere sibi sua opinione intrinsecus ac sine pudoris, quod, ita desipere ut molestiam animi ejus attigerit, & ad læstiam admittens, illi quasi gratam. Ac

Ac par est quidem virum Sapiensem bonæ famæ  
ram catenus habere, quatenus despectui non sit;  
quidem nonnullæ etiam voluptates ex bona fama  
proficiscuntur, uti ex mala, & ex contemptu ipsam  
consequente, aliquæ molestiæ; Verum bonæ famæ  
ara est habenda, non tam aleiscendo injuriam,  
ut irascendo in inferentem ipsam; quam bene  
anoxieque vivendo, neque contumeliæ aut male-  
ficentiæ veram ullam causam occasionemve præ-  
tendo. Nempe hoc præstare nostræ opus est, non  
vero ut alius sua non utatur malignitate.

Quo fit, ut si etiam, qui tibi est insensus, ac se-  
ro inimico gerit, quidpiam postulet, id dene-  
gandum ipsi non sit; si modo & liceat, & possis  
proinde securus ab eo fieri, qui à Cane non diffe-  
rat. sitque adeo quadam quasi ossa placandus.  
Quanquam nihil satius tutiusque est, quam illius  
malitiæ, ut vitæ innocentiam, sic propriæ consei-  
entiæ securitatem opponere; &, quod superest,  
ostendere se injuria superiorem esse.

Profecto vero, cum fieri etiam possit, ut Sapiens,  
quod ante dicebam, vocetur in jus, & non modo  
injuriam, sed etiam calumniam, accusationem,  
damnationem patiatur; Cogitat tunc quoque, esse  
quidem situm in sua potestate, ut bene & ex vir-  
tute vivat; sed non, ne ceteros erga se malignos  
injustosque experiatur, neve ab ipsis præter fas  
& æquum accusetur, causamque apud Judices eti-  
am iniquos dicere teneatur. Quare, neque accu-  
satoribus, neque testibus, neque iudicibus irasci-  
tur suis; sed bona fretus conscientia, nihil de sua  
lenitate tranquillitateque remittit; & se hoc quo-  
que casu superiorem habens, spectat ipsum intrep-  
ide, & in iudiciis animose intrepideque versatur.

Neque porro est, quod quispiam obijciat repuga-  
nare hisce, quæ de lenitate jam doceo, id quod  
supra

supra de famulorum castigatione dictum est. Quoniam & ad dyscolos solum castigationem redigimus; & illam in familia, non secus ac in Repub. animadversionem in scelestos, necessariam esse manifestum est; & ut Princeps, aut Magistratus civium scelera citra iram punit, ita potest Paterfamilias citra iracundiam famulorum delicta. Non repeto autem id, quod dictum est, de indulgentia erga illos, qui bonæ alioquin indolis, diligentesque exstiterint.

Hicce addo virum Sapientem non leniter modo injurias laturum, non mansuete modo veniam habiturum; sed officiose etiam illi, qui sese in meliorem frugem receperit, gratulaturum. Quippe, cum Initium salutis ipsa peccati notitia sit, ideo gratulatio instituenda est, ut sicut ob talem notitiam peccati horror incutitur; ita illius quod fieri debuit, quodque deinceps faciendū est, pulchritudo exaggeretur, studiumque illius magis incalascet.

### CAP. XVI. De Modestia adversus ambitionē.

**A**D Modestiam quod atinet, sufficere pene ea possunt, quæ superius deducta sunt, ubi ostendimus Sapientis non esse, affectare Magistratus, honoresve in Repub. summos: verum se ita continere, quasi in angulo quopiam delitescat. Quare & inculco hic solum, quod consilium cuique amicorum do: Occultus seu Privatus vive (sed cum eam tamen cautione, nisi quod ex parte Reipub. intervenerit) quando, ut vel ipsa docet experientia, Is bene vixit, qui bene latuit.

Nimisquam certe est familiare, ut videamus illos, qui ad summum succedunt honorem, dijici invidia, quasi fulmine; ac sero demum agnoscere, satius multo esse quietem parere, quam sudando,  
&

& per angustum ambitionis iter luctando, regere imperio res velle, coque evehi, unde nihil sit aliud, quam casus & magnus & præceps timendus. Quid, quod isti, quos gloria honoreq; præfulgentes vulgus suspicit, infelicitissimi adeo sunt, quod intra pectus gravissimis molestissimisque curis corrodamur. Cave scilicet credas illos vivere animo securos; quandoquidem fieri non potest, ut qui esse timendi videntur, ipsi multos non timeant.

Et licet videas illos classes longe lateq; demittere, imperitare legionibus, stipantiū turba circumdari, cave putes illos degere tranquille, aut omnino sinceræ ullius voluptatis participes fieri: quoniam hæc omnia ridicula, ludibriaque, & insomnia sunt, quatenus & metus, & curæ sequaces non metuunt revera strepitus armorum, non reverentur fulgorē auri, non splendorem purpuræ; verum audacter inter Reges, rerumq; potentes versantur, ac vulturis Poetarum instar, ipsa præcordia depascuntur.

Cave quinetiam existimes proficere quidquam nostro in corpore istam regni gloriam, nobilitatem, gazam; cum videre præsertim liceat, non discedere citius febres, si in picturis textilibus, rubentique ostro jacteris, quam si in veste plebeia cubes: ac nos nihil lædat veste purpurea auroque & monilibus pretiosis onusta carere, si nobis modo plebeia sit, quæ frigus arcere à corpore possit. Quid vero si pannis, stramentisque lætus doceas quam vani mortales sint, qui non intelligentes quam ea sint parva, quæ beatam vitam faciunt, ad hæc, quæ habentur magnifica, animis attonitis inhiant? Magnificentior, mihi crede, sermo tuus in grabato videbitur, & in Panno: non enim dicentur tantum illa, sed probabuntur.

Certe, & tamen si aliunde domus ipsa argento non fulgeat, auro non renideat, citharis non reboet,

aurea juvenum simulacra lampadas manibus tenentia, ut suppeditent lumina epulis nocturnis, non habeat; nihilo profecto est minus jucundum corpora curare molli prostratos in gramine, & propter quidem aquæ rivum, ac sub altæ arboris ramis, & tempestate præsertim verna, qua herbæ floribus consperguntur, cantus avium mulcent, perflant Zephyri, tota denique natura arridet.

Quare, & cui sic vivere in agris, aut in hortulis suis licet, Quid est, quamobrem honores ambiat, & non potius sese modeste contineat? Nam & aliunde quærere gloriam ostentatione virtutis, scientiæ, eloquentiæ, nobilitatis, opulentiæ, famulitii, vestium, formæ, incessus, & similibus, ridiculæ est vanitatis; ac in hisce omnibus Modestia exigit hoc solum, ut ne quid præ rusticitate, insulfitate, neglectu nimio adversus decorum peccetur. Scilicet, ut ante dicebam, æque vilis est abjecti animi ob ista inolescere, & ob jacturam absentiamve eorundem animo demitti.

Hinc, si forte Sapiens aliquas majorum, aliorumve statuas, Imaginesve habuerit, longe erit, ut eas ostendet, gloriamve ex iis quærirer; & licet illas non negligat, sollicitè tamen in porticibus, potiusquam alibi, collocet, ac servet.

Sic vero neq; sollicitus de sepultura admodum erit, neque de ea quidpiam sumptuosum mandabit. Id solum ipsi curæ erit, quod possit successoribus utile jucundumq; esse; ratus, quod ad se, corpusve mortuum attinet, interfore parum, quo se modo habeat. Quippe vanitatem etiam ultra mortem propagare insanum est: uti & prætextus quo aliqui nolint, ut ante objiciebam, dentibus ferarum laniari: Nam si id quidem malum sit; qui non facerbum ignibus torreretur, in melle situm suffocari, rigescere sub marmore, terræ pondere obtritum urgeri?



## CAP. XVII. De Moderatione adversus Avaritiam.

**S**equitur Moderatio, seu illa animi dispositio, qua quis parvo contentus est, quaque profecto nullum majus adesse homini bonum potest. Nempe esse parvo contentum, res est omnium ditissima; quando & grandes divitiæ sunt ad legem naturæ composita paupertas. Scilicet modo non esurire, non sitire, non algere, contingat; felicitas divinæ par est; & cui hoc habenti, nihilque aliud aventi defunt cetera, utcumque pauper vulgo habeatur, is ditissimus nihilominus est.

Quam vero res honesta est hæc paupertas, læta cum sit, contentaque eo, quod est satis; hoc est, iis naturæ divitiis, quæ ad hoc sufficiunt, ut, quod dixi, non esuriat, non sitiat, non algeat! Sane quando istæ Naturæ divitiæ terminatæ sunt, facileque parabiles; earum vero, quæ juxta inanes opiniones concupiscuntur, nec modus ullus, nec finis inveniri potest: Gratia sunt habendæ naturæ beatæ, quod necessaria paratu facilia; & quæ parata sunt difficilia, non necessaria fecerit.

Et cum oporteat virum sapientem in ea esse spe, ut tota vitæ serie defuturum sibi nihil sit; nonne hanc spem abunde fovet perfacilis rerum istarum tenuium parabilitas; cum alioquin illa, quæ sumptuosa sunt, bene sperantem perinde non faciant; & hacce de causa homines vulgares tametsi plurima possideant, perinde tamen, ac si illa defectura sint, congerendis semper, quæ nunquam cumulo perfecto habeantur, laborent?

Unde & debet facere ad hoc, ut contenti simus facile parabilibus, simplicissimisq; rebus, meminisse quemadmodum ne omnes quidem in unum congestæ divitiæ quicquam virium habeant ad animi

perturbationem præclara aliqua ratione solvendam; mediocres autem, passimque obviæ, & ad obtinendum comparatissimæ res, incommodam corpori indigentiam tollant, cum & aliunde ejusmodi sint, ut cogitanti mortem, dimittere ipsas haudquaquam sit grave.

Miseræ sane hominū mentes, cæcæq; eorum pectora! Nolle videre ipsam naturā nihil sibi aliud dicere, quā ut summoveant à corpore id, quod propter indigentiam dolet, & quod superest, fruantur jucunda, & sine cura metuq; mente: Non vero ut se tota vita ad id habendū comparent quod sit ad vitam necessarium; atq; ita quidem inhiantes, quasi tum quoque victuri sint, cum vita frui desierint; non pervidentes utpote, quam sit lethale omnibus nobis ab ipso exortu pharmacum propinatum.

Quod si ea, quæ sufficiunt, & ad quæ nemo pauper est, delicias quoq; quas hominū vulgus deperit, non ministrant; iis tamen natura non eget; neq; desinit interim sinceras ex tenuibus simplicibusque id genus rebus voluptates suppeditare, quæ admodum dictum jam est. Unde & sapiens sic est affectus, circa eas res, quæ pecuniæ cupiditatem afferunt, (quo nempe amor, ambitioni, quotidianis sumptibus copiam suppetant) ut, cum procul ab iis omnibus rebus absit, non sit, cur pecuniam magnopere desideret, vel curet omnino.

Quod dico autem, Divitiarum, quæ juxta inanes opiniones concupiscuntur, nec modum ullum nec finem esse; ideo est, quod cum parvo natura satietur, inanis opinio cupiditati præiens, cogitet semper aliquid, quod non habeatur, & quasi adhuc desit, cupiditatem ad illud vocet. Unde & efficitur; ut cui Pauca non sufficiunt, satis illi esse nihil possit; sed quo plures opes congestas habuerit, eo plures sibi reputet deesse.

Quam.

Quamobrem, cum nunquam penuria sit parvi, debet vir Sapiens, cui illud adest, grandes, quod dicebam, putare divitias; siquidem illis nihil deest, cum cæteræ quantumvis magnæ, parvæ sint, quoniam deest illis, quod sit infinitum. Ex quo consequitur, ut cui sua non videntur amplissima, licet totius Mundi dominus evaserit, miser tamen sit; quippe cum miseria indigentia sit comes; & illi, qui adeptus totum Mundum fuerit, defuturi sunt Mundi cæteri, quos vana opinio haud secus monstrabit, quam pauca habenti totum istum Mundum concupiscendum monstraverit.

Vis proinde quempiam divitem facere? scito non divitiis ejus adjiciendum, sed cupiditatibus detrahendum esse. Tunc enim solum, cum inanibus cupiditatibus resecis, sese ad naturam composuerit, nihilque amplius, quam quod illa exigat, concupierit, sentiet se revera esse divitem; quia tunc solum sibi nihil deesse sentiet. Unde & hoc illi inculcandum est; Si ad naturam vives, nunquam eris pauper, Si ad opinionem, nunquam dives. Exiguum natura desiderat, opinio immensum.

Hæc certe animi dispositio, seu mavis facultas, qua sibi ipsi temperando, quicquid necessarium naturæ non est, ex cupiditatibus detrahitur, una cum adjuncta simplicissima ac facillima rerum necessariorum parabilitate; hæc, inquam, dispositio eandem parit securitatem, quæ habetur ex placido secessu, devitationeque multitudinis; quando illius beneficio, versanti etiam in societate, mediaque multitudine, nihil amplius deest, quam seorsum agenti.

Ex eodem vero capite est, quod quisquis unquam sibi fiduciam securitatemque ex rebus externis, qua optima ratione licet, comparare aggressus est, is possibilia quidem paratu, tanquam à se non aliena

quæ sivit ; at impossibilia pro alienis habuit. Quin etiam possibile bene multa non attigit ; ac ea omnia, quæ obtinere nihil fuit necesse, abdicavit.

Porro hujusce abdicationis detractionisq; memoratæ defectu ; quantæ quæso miseræ est, hominem, ut pertuso vase continuo haurire, neq; mentem unquam explere ? Nam, ut taceam multis parasse divitias, mutationem fuisse, non finem miseræ ; sive quia curis se onerarunt, quibus antea erant immunes ; sive quia locum fecere insidiis, quibus & captati & impetiti fuerint : ut inquam id taceam ; hoc saltem miseræ est summæ, te, quo pascaris uberius, eo majore fame cruciari.

C A P. XVIII. *De Medicritate inter spem desperationemque futuri.*

**D**Enique vero, cum omnis universe cupiditas ad id feratur quod non habetur, & concepta habendi spe, quasi habendum proponitur ; unde & spes cupiditatem lactans, quadam cum voluptate est ; uti & opposita desperatio fovens metum, ne quod concupiscitur, non habeatur, non est sine molestia : ideo aliquid subjiciendum est de Medicritate, quæ tum generatim adhibenda est, circa id, quod concupiscitur, ac esse aut speratur, aut desperatur futurum ; tum speciatim circa vitæ durationem, sive potius perpetuitatem, cujus ut cupiditas accenditur, ita desperatio discruciat.

Itaque illud mente imprimis generatim tenendum est ; id, quod est futurum, ac in rebus quidem contingentibus, neque omnino nostrum, neq; omnino non nostrum esse. Videlicet, ut neque illud, tanquam eventurum haud-dubie speremus, quod aliquo casu interveniente diverti valeat ; neq; etiam, tanquam haud-dubie non eventurum desperemus,

mus, quod possit, à quo avertatur, nullus casus intervenire: sicque efficiatur, ut non destituti omni spe, sine voluptate aliqua non simus; aut omnino frustrati spe, molestia quapiam afficiamur.

Illud certe discriminis inter Sapiensem Stultamque est, quod Sapiens expectet quidem futura, sed ab illis tamen non pendeat: interim autem & potiatur præsensibus (animadvertendo quanta sint ea, quamque jucunda) & præterita grate recorderetur: Stulti autem vita, ut supra dicebam, ingrata ac trepida sit, quod tota in futurum feratur.

Quam-multos nempe videre licet, qui non meminere præterita bona; non fruuntur præsensibus? Futura modo expectant, quæ, quia certe esse non possunt, conficiuntur & angore & metu, maximeque cruciantur, cum raro sentiunt frustra se aut pecuniæ studuisse, aut imperiis, aut opibus, aut gloriæ; Nullas enim consequuntur voluptates, quarum potiundi spe inflammati, multos labores magnosque susceperant. Ne quid dicam de istis aliis, qui minuti, & angusti, omnia desperant, ac ut plurimum sunt malevoli, invidi, difficiles, lucifugi, maledici, monstrosi.

Dico vero sapientem vitam præterita bona grate meminisse; quoniam queri satis non possum, quod nimis ingrati adversus præterita simus; quod quæcumque percepimus bona, non in memoriam reducamus, nec inter voluptates numeremus; cum certior nulla sit voluptas, quam quæ jam eripi non potest. Præsentia videlicet bona nondum tota in solido sunt; potest illa casus aliquis incidere; futura pendent, & incerta sunt; id solum, quod præterit, inter tuta sepositum est.

In bonis autem præteritis non illa modo habeo, quibus potiri consensum fuit, verum ipsam quoque malorum, quæ potuerant nobis incidere, devitati

onem; neque minus ipsam ab iis, quæ inciderunt, ac esse potuerunt diuturniora, liberationem, ac una ipsam recordationem, reputationem, gratulationem, quod fuerint tolerata constanter.

Quod attinet porro ad cupiditatem producendi in immensum vitam; innui jam illam viro Sapienti idcirco esse rescindendam, quod in promptu sit desperatio, quæ sine molestia angoreq; non est. Facit vero huc cogitatio illa, quod ex infinito tempore ætatis non major voluptas possit percipi, quam percipiatur ex hoc, quod videmus esse finitum; si quis modo illius fines recta ratione dimetiatur.

Quippe, cum ratione dimetiri fines voluptatis, nihil aliud sit, quam reputare, ut ante dixi, Voluptatem summam non aliam, quam vacuitatem tum doloris, tum perturbationis esse; constat illam neque maiorem, neque minorem fieri longinquitate temporis; neque minorem remissiore, vel ejusdem brevitate reddi.

Et quamvis sperata productior, seu longioris ævi voluptas videatur voluptatem præsentem intensiorem facere; id tamen apud eos, qui voluptatis finem non recta ratione, sed cupiditate inani metiuntur; quique sic se habent, quasi cum non erunt, seu vita desierit, sint sensuri molestiam ob privationem voluptatis, quam sentirent si superessent. Ex quo factum est, ut ante monuerim exquisitam notitiam, quod mors nihil pertineat ad nos, præstare, ut hac vita mortali fruamur, non quidpiam temporis incerti adjiciendo, sed immortalitatis cupiditatem abjiciendo.

Quamobrem, cum præscripti sint à natura fines voluptati corporis, ac illos temporis æterni desiderium adimat; necesse est mens, seu ratio superveniat, quæ, ut par est, ratiocinando de hujusmodi finibus, ac desiderium eliminando sempiterni temporis,



poris, vitam undique perfectam constituat, efficiatque, ut ea contenti, haudquaquam ipsa temporis infinitate indigeamus.

Quinetiam, ne tunc quidem voluptate frustrabimur, cum rerum mortalium conditio excessum è vita molietur; quippe, prout optimæ vitæ perfectum, atque adeo delectabilem nanciscemur finem; discedentes videlicet tanquam convivæ vitæ pleni, & debite persuncti eo munere, quo persuncturi accepimus vitam.

### C A P. XIX. *De Fortitudine universe.*

**F**ortitudo superest, quam alteram partem Honestatis esse ideo diximus, quod comparata adversus Metū, & quicquid incutere eum solet, præstet; ut qui se non timide & ignave gerunt, sed animose & fortiter, gerere se honeste & decore dicantur. Cumque res late pateat, tum videtur potissimum sumpsisse occasionem ex bello, in quo qui sese fortiter, atque adeo honeste gerunt, gloriam præ aliis adipiscuntur; exindeque fit, ut Honestum fere intelligatur id, quod est populari fama gloriosum.

Esse autem & hanc virtutem comparatā ad voluptatem, quatenus exposita est, vel ex eo intelligitur, quod neq; laborū persunctio, neque perperis dolorū per se ipsa allicit; nec patientia, nec assiduitas, nec vigiliæ, nec ea ipsa, quæ laudatur, industria, ne Fortitudo quidem: Sed ista sequimur, ut sine cura metuq; vivamus, animam, & corpus, quantum efficere possumus, molestia liberemus.

Ut enim mortis metu, exempli gratia, omnis quietæ vitæ status perturbatur: & ut succumbere doloribus, eosq; humili animo imbecilloq; ferre miserum est; ob eamq; debilitatem animi multi parentes, multi amicos, multi patriam, plerique

etiam seipsos penitus perdiderunt: sic robustus animus & excelsus omni est liber cura & angore; cum & mortem contemnit, qua qui affecti sunt, in eadem causa sunt, qua antequam nati; & ad dolores ita paratus est, ut meminerit maximos morte finiri, parvos multa habere intervalla quietis, mediocrium non esse dominos, ut si tolerabiles sint, feramus; sin minus, & quo animo è vita, cum ea non placeat, tanquam è theatro exeamus.

Quibus rebus intelligitur, nec timiditatem ignaviamque vituperari, nec Fortitudinem patientiamque laudari suo nomine, sed illas rejici, quia dolorem pariant; has optari, quia voluptatem.

Quod dixi porro Fortitudinem comparatam esse ut adversus Metum, sic adversus omnia quæ incutere metum solent, eo tendit, ut intelligamus eadem esse mala, quæ ut præsentia cruciant, sic futura metuuntur; atque idcirco addiscamus ea, quæ futura aut ipsi nobis fingimus, aut quomodo-cumque apprehendimus, non metuere; ea vero, quæ præsentia sint, patienter constanterq; ferre.

Ac ex variis quidem malis, quæ ipsi nobis fingimus, neq; rei sua futura sint, præcipua sunt, quæ vel Diis metuimus, quasi ipsi aut mali sint aut esse mali authores possint: vel à morte, quasi ea secum, futurumve post se malum aliquod sempiternum trahat. Ex iis autem quæ & sic metuimus, ut advenire valeant, & sic interdum præsentia sunt, ut nos molestia afficiant, ea sunt, quæ aut Dolorem corpori inferunt, aut Ægritudinem in animum inducant.

Et quæ Dolorē quidem creant, sunt morbi, flagra, ignis, gladius, id genus alia; quæ vero Ægritudinē, ea, quæ dicuntur mala externa, cujusmodi sunt aut publica illa, tyrannis, bellum, everasio patriæ, pestis, fames, &c. aut privata, aut servitus, exilium, carcer, infamia, orbitas, & quæ id genus alia sunt.

Id

Id vero discriminis est inter hæc omnia ex una parte, & Dolorem Ægritudinemq; ex alia; quod dolor atq; Ægritudo mala per se sint, ista omnia non sint, nisi quatenus ad dolorem ægritudinemq; referuntur, ut causæ: Neq; enim, nisi dolorem & ægritudinem parerent, foret quamobrem refugerentur.

Et pauca quidem ex ordine attingenda de istis sunt: sed adnotandum prius est, Fortitudinem non quasi natura, sed quasi rationis consilio ingeneretur, esse habendam. Differt scilicet Fortitudo ab Audacia, Ferocitate, inconsulta Temeritate, quæ in Brutis etiam animantibus reperitur, quippe cum propria sit virorum, & ex consilio quidem seu prudenter agentium; sicque metiri illam oportet, non corporearum virium robore atq; impetu, sed firmitudine animi, honesto instituto seu proposito constanter hærentis.

## CAP. XX. De Fortitudine circa Metum Numinis.

**V**idetur autem esse imprimis de duplici quodam gravissimo metu dicendum: Quia si quid unquam mentis finem, summamve, quæ animi sit propria, voluptatem peperit, ipsa fuit expunctio earum opinionum (adde & ipsis affinium) quibus metus maximi ipsi menti incutiebantur. Scilicet miseri mortales in eo semper sunt, quod non sanis quibusdam decantur opinionibus, sed quopiam rationis experte affectu, ut non desinientes proinde ratione id, quod revera malum est, parem, neque minus intensam perturbationem suscipiant, quam si illa revera essent, propter quæ turbantur.

Quod solet porro priore loco maximum metum incutere, maximamque adeo perturbationem creare in hominum mentibus, illud est, quod existimantes

stimantes esse quasdam Beatas atque immortales Naturas, censent tamen ipsis inesse contrarias hisce attributis voluntates, actiones, passiones, cuiusmodi sunt sollicitudines, negotia, iræ, gratiæ, ex quibus contingat ut malis detrimenta maxima, & bonis præsidia ab ipsis naturis, hoc est, Diis, adveniant. Nempe homines innutriti propriis, hoc est, humanis affectibus, similes sui Deos fingunt, & admittunt; & quicquid affectuum suorum non est, illud reputant ab ipsis alienum.

Quamobrem & dici non potest, quam infelix se genus humanum reddiderit, cum talia Diis tribuit, ac Iras præsertim acerbæ adiunxit, ob quas animi formidine Divum facti humiles, non-nemini membra correpunt pavore, seu tonitru cælum murmure percurrit, seu terra intremiscit, vacillatque sub pedibus, seu ventorum vis ac tempestas mare commovet; seu quid aliud demum occurrit, ex quo mentem subeat velle Deos à se misero exigere pœnas.

Non ita vero, qui ratione edocti didicere deos securum ævum agere; naturamque eorum esse à rebus nostris longius semotam se junctamque quam ut erga nos aut gratia aut ira tangerentur. Sane vero si tangerentur, hominumque etiam vota exaudirent; quæso te, quam brevi perirent omnes homines; qui continuo, ut multa, ita perniciofa in se invicem comprecantur?

Quamobrem cave, ne reputans Deum esse immortale beatumque animal, ut communis notio de Deo suggerit, quidquam ipsi attribuas, quod aut ab immortalitate alienum sit, aut à beatitudine abhorrens: sed quicquid de illo opinabere, fac, ut valeat salva immortalitate beatitudineque constare.

Scilicet Dii revera sunt; evidens est enim illorum notitia, ut superius deduximus; at quales vulgo homines existimant, minime sunt; si quidem quales  
iplos

ipſos eſſe quibuſdam adiunctis, ſeu proprietatibus opinantur, ut cum immortales ac beatos dicunt; non tales deinde tuentur, ſed aliis adiunctis contradicentibus eoſdem negant; ut dum illos dicunt negotium habere, aut exhibere alteri; itaque, & gratia teneri; quæ ut ſuperius attigimus, præ imbecillitate, metu, opisque externæ indigentia contingunt.

Neque vero propterea erit, cur reputeris impius; quoniam impius revera eſt, non is, qui vulgaris Multitudinis Deos tollit; ſed is, qui Multitudinis opiniones Diis adhibet: Non enim germanæ prænotiones ſunt, ſed ſuſpiciones falſæ, eæ, quæ de Diis ab hominibus è vulgo traduntur.

Qua ratione quoque non is pius eſt, qui præ Deorum metu ad nullum non lapidem, nullam non aram vertitur, nulla non delubra ſanguine reſpergit; ſed is, qui pacata mente omnia contuens, de Diis vera ſentit, ac illos animo, non ſpe quidem pretioſe inductus, ſed ob maiestatem eximiam ſupremamque naturam colens, tacetur reſpectu ipſorum venerationem omnimodam; & genere etiam orationis utitur eas ſuggerente cogitationes ex quibus nullæ venerationi contrariæ opiniones naſcantur; neque adeo patitur id, quod cæteri in quorum animis contrarietas hæc maximam ingenerat perturbationem.

*Quæ Impietas hic reperitur, reſutata ſuſe habetur iis in locis præſertim, quibus oſtenſum contra Epicurum eſt, & eſſe Deum Reſtorem Mundi, & Gerere Deum ſpeciatem curam Hominum, Sect. 1. Phyſ. lib. 4. cap. 5. & 7. Addendus jam locus, qui circa Religionem, cum diſſutatum de Juſtitia eſt in Ethica, lib. 2. cap. 5.*

CAP. XXI. *De Fortitudine circa Metum Mortis.*

**Q**UOD deinde Hominum mentes terribilissimo metu percellit, Mors est; quoniam nescio quid semperiterni mali juxta fabulas præstolantur suspicianturque (& quod est quidem mirum, in ipsa, quæ contingit, privatione sensus; quasi & tunc ipsi forent aliqui) ignari nempe, quæcunque sunt prodita esse in Inferis, quæque etiam ante memoravimus, figmenta esse Poetarum mera; aut si quid veri contineant, id nobis contingere in vita; scilicet ob metus inanes, ob sollicitudines vanas, ob cupiditates insatiabiles, ob cæteras demum passionibus, quæ sic miseros mortales excruciant, ut ipsorum vita plusquam Acherusia reddatur.

Tu igitur, ut hisce te eximere terroribus possis, reputare assuesce nihil ad nos pertinere mortem, ac ejusmodi quidem argumento, Quod quicquid nobis sive boni, sive mali est, cum sensu sit; Mors autem privatio sit sensus. Dissolutio nempe est mors; & quod dissolutum est, sine sensu manet: Adeo proinde, ut videatur Mors est contemptu perfacilis; quoniam agens irritum est, ac dolorem frustra minatur, ubi patiens est à medio sublatum.

Enimvero Homines vulgares Mortem refugiunt, interdum quidem, quasi dolorum maximum, interdum vero quasi omnium, quibus in vita fruimur, cessationem. Abs re vero ipsum non-vivere, seu non esse, terrori est; quoniam nihil vitæ in eo superest, ut dignoscere liceat, esse non-vivere quidquam mali.

Quo fit, ut illi prorsus desipiant, dum, cætera inter exhorrent indignanturque; se iri potest mortē laniatum à feris, crematum ab igne, corrosus à vermi-



vermibus ; Quippe, quod non videant nullos fore se, ut se lugere possint peremptos, laniatos, exustos, in putrorem versos. Itemq; dum ægre ferunt non versaturos se amplius cū uxoribus, cū liberis, cum amicis ; nullum ipsis officium, nullum auxiliū prastituros : Quippe, quod non ratiocinentur, neq; fore tum sibi ullum desiderium huiusmodi rerum.

Igitur, quæ omnium malorū maxime horrendū existimatur Mors, nihil, sicut dixi, ad nos attinet ; quia dum nos sumus, mors non adest ; & dum mors adest, nos non sumus : adeo proinde, ut neque ad vivos, neque ad mortuos pertineat ; quoniam alteros quidem non attingit, alteri vero nulli sunt.

Exquisita porro notitia, quod mors nihil pertineat ad nos, prastat, ut hac vita mortali fruamur, non quidpiam incerti temporis adjiciens, sed cupiditatem immortalitatis abiciens. Nihil enim mali in vita est illi, cui egregie perspectum est nihil esse in vitæ privatione mali. Adeo proinde, ut quemadmodum cibus non qui plurimus, sed qui suavissimus est, diligitur ; ita vitæ tempus, non quod longissimum, sed quod iucundissimum, fructuose captetur.

Neque vero ille non ineptus est, qui timere se mortem dicit, non quod præsens dum fuerit, mœroris quicquam afferat ; sed quod donec futura est, animum mœrore conficiat. Quod enim, quando præsens est, molestiæ nihil exhibet, id dum expectatur, nequicquam contristat. Si quid certe in hoc negotio incommodi, aut metus est, morientis est vitium non Mortis ; neque molestiæ quicquam est in ipsa, magis quam post ipsam ; ac tam stultum est ipsam timere, quam senectutem ; quoniam quemadmodum senectus adolescentiam sequitur, ita mors ipsam senectutem.

Adde, quod saltem sperandum est, aut nullam fore in extremo illo anhelitu dolorem, aut, si sit, fore

fore aliquantulum in ipsa brevitare solatii ; quod nullus sit dolor longus, qui sit magnus ; ac persuasus esse quisque debeat, si ipsa animæ corporisque distractio cum cruciatu fiat, se saltem post illum dolorem non posse dolere.

Ridiculus quoque est ille, qui Juvenem admonet, ut honeste vivat, senem, ut honeste moriatur ; quod hæc se jungerenda non sint, sed vera eademque esse meditatio debeat honeste vivendi & honeste moriendi. Quippe quod & juveni possit mors immatura contingere ; & seni tum vitæ aliquid superfit, tum qui postremus actus est, sit pars etiam quadam, imo coronamentum vitæ.

Perspectum profecto esse utrique debet, tametsi possint homines parare sibi securitatem ad cætera quod attinet ; ad mortem tamen ipsam quod spectat, versari omnes homines quasi in civitate, quæ muris & praesidio careat.

Potest aliunde Juvenis felix mori, qui cogitet nihil aliud se in longiore vita manere, quam quod eatenus viderit, fueritq; expertus. Potest & Senex vivere infelix, qui commoda vitæ, quasi in vas pertusum congesta, præterfluere sinat, nec rerum satur unquā sit, ut tanquā vitæ satur convivia cedere, capereq; velit æquo animo quietem securam.

Cave scilicet ullum senem esse felicem reputes, quod senex diem obeat ; sed si honorum quidem sit satur, ac plenus.

Denique multo magis ineptus ridiculusque ille est, qui esse ait bonum non nasci,

*Aut natum, Dicis quam-primum claustra subire.*

Si enim persuasus hoc dicit, quamobrē non statim abit ipse è vita? id nimirum illi, si rem modo serio deliberavit, promptū est. Sin joco dicit, insane facit ; cum hæc non sint res, quæ locum admittant. Sed nempe est in ipsa vita quidpiam per se amabile ;  
illique

illique idcirco non minus objurgandi sunt, qui mortem concupiscunt, quam qui ipsam timet. Quid esse profecto tā ridiculum potest, quam mortē appetere, cū vitā tibi inquietā feceris metu mortis; aut prae vitæ tædio currere ad mortē cū genere vitæ effeceris, ut currendam ad mortem foret.

Id itaque potius curandum, ne tibi vita displiceat, neque dimittere eam velis, nisi te aut natura vocet, aut intolerabilis quispiam casus. Ob id scilicet meditandum est, utrum commodius sit, vel mortem transire ad nos vel nos ad mortem. Etenim malum quidem est in necessitate vivere; sed in necessitate vivere necessitas nulla est: quando natura nobis dedit ut aditum ad vitam unum, ita exitus ab ea multos.

Quaquam, si interdum contingat, ut fugiendū ac properandū sit, antequā aliqua vis maior interveniat, quæ libertatem auferat recedendi: nihilominus nihil est tentandum, nisi cum apte poterit, tempestiveq; tentari. Cum vero illud tempus, quod fuerit diu captatum, venerit, tum demum exsilendum est. Neque enim par est dormire illum, qui de fuga cogitat: neque non debemus sperare etiam ex difficillimis salutarem exitum, si nec proficemus ante tempus, nec cessemus in tempore.

*Quæ reperitur etiam hocce loco Impietas, refutata fuisse habetur cum diximus esse Animis hominum immortales contra Epicurum in Sep 3. Phys. memb. post. lib. 14. cap. 3. Et quod hic specialim, ad calcem de voluntaria morte habetur, impetitum fuit ibid. lib. 13. c. 4.*

## CAP. XXII. De Fortitudine adversus corporis dolorem.

**A**D Dolorem quod attinet, corporeum intelligimus; qui profecto solus, ut Mali, ita Summi Mali rationem

rationem haberet, nisi nostra culpa dolorem animi accerferemus, qui evadat etiam, ut jam ante dictum, corporeo deterius. Nam concepta quidem animo ægritudo propter jacturam divitiarum, honorum, liberorum, & similium, ejusmodi est, ut plerumque habeatur, ac fiat gravissimis doloribus corporis intolerabilior: sed nimirum id nostra opinione, quæ si foret sana, non commoveremur, quatenus ista extra nos sunt, neque nos revera attingunt, sed interveniente solum opinione, quam ipsi nobis facimus; sicque intelligeremus nullum esse revera malum præter dolorem corporis, nihilque dolendum esse animo, quod sit à dolore corporis præsentis futurove sejunctum.

Itaque, qui sapiet, cavebit, ne quempiam dolorē in corpus accersat, quidpiamve committat unde sibi dolor creari possit in corpore, nisi aut declinandi gravioris doloris, aut comparandæ uberioris voluptatis gratia id fiat, ut jam aliquoties incalcatū est. Quo magis mirari par est esse aliquos, qui cæteris habentibus Sanitatē, quæ status est Indolentiæ, tanquā rem bonā, defendant, tamen esse habendam ut aliquid indifferens; Quasi vero quis nisi verbis ludat, aut plane desipiat, reputare pro eo dem possit, in dolore esse, & dolore vacare.

Porro autem, si necessitas quæpiā aut naturalis constitutionis, qua corpus morbis obnoxium sit, aut factæ exterius violentiæ, quā ut se res humanæ habent, defugere interdū non liceat (Nam Sapientē quoque ac innocentē virū posse aliquando & in jus vocari, & damnari & cædi, & varie torqueri, manifestum est) dolor ē quempiā fecerit; tunc Sapientis est ipsum ferre æquo fortique animo, ac patienter aut solutionem aut relaxationem ejus præstolari.

Non diu certe perseverat in corpore continens dolor; sed summus quidem, valdeve intensus, brevi definit:

desinit: aut enim solvitur, succedentemque habet, nisi omnimodam indolentiam, saltem mitigationē magnam; aut solvit, sicque finitur morte, cū quod ab eo doleat, nihil sit. Qui dolor vero moram rāhit, diuque in corpore perdurat, is sane & remissior est, & non multos est dies, imo horas non multas, absque aliqua in ipso corpore voluptate.

Et non-ne observare licet prolixiores morbos plus habere per intervalla jucundi, quam mali, dolentisve in corpore? Quippe ut taceam accensā sitim voluptatem bibendi augere, & refectiōni locum dant & interfandi vires patiuntur, & ludos aliquos admittunt, & longas plerumque habent intercapedines, per quas vacare etiam studiis negotiisque concedatur. Vnde & planum sit dolorem ut in gravitate brevem, sic in longinquitate levem esse solere, ut ejus magnitudinem celeritas, diurnitatem allevatio consoletur.

Quamobrem illud sæpe succurrat, Neque intolerabilem, neque perpetuum esse dolorem; quod omnis videlicet sit, si longus, levis; si magnus, brevis: dummodo finium ipsīs rebus præscriptorum memineris, nihilq; adjeceris ex tuo opinatu, quo graviolem ducas, ac facias, quam sit; & te querelis onerans impatienterque exasperans, eo solum proficias, ut intolerabiliorem reddas: cum ex opposito nihil sit, quod dolorem allevet magis, quam ipsa constantia, & quasi patiendi assuetudo, ex qua fit, ut sapiens, qui sapiens laborat, etiam per ipsam mali corpus afficientis vehementiam, latari interdum ac ridere possit.

Testari profecto de nostro Metrodoro id possumus, qui semper intrepide se, ut adversus mortem, ita adversus dolorem gessit. Nam de nobis quidem nihil attinet decere, quibus familiare prope modū est, eos adesse morbus vesicæ ac viscerum, ut nihil  
ad

adeorum magnitudinem accēdere possit. Et compensatur tamen cum ipsis omnibus animi latitia, quam capimus memoria rationum inventorumque nostrorū, eaque constantia qua beatos habere dies illos non definimus, quibus huiusmodi morbis atque doloribus torquemur.

Atque hæc quidē causa est, cur superius dixerimus Sapientem, tametsi torqueatur, posse nihilominus esse beatum; quoniam & quam necessitatem frangere non potest, patientia emollit; & quantum potest animum suum à dolente corpore abducit, cumque ipso amplius, quā cum fragili querulaque parte versatur. Cogitat quid honeste, quid fortiter fecerit; & memoriam in ea, quæ maxime miratus est, quæque maxime delectarunt, spargens, recreat se bonis præteritis; adversus quæ longe abest, ut sit insipientium inore, ingratus.

Cogitat & se nihil posse facere ea virtute ac sapientia, quam profitetur, dignius, quam si dolori, hoc est, rei omnium toleratu difficillimæ non succumbat; si se erectum teneat, si patientia hostē tam infensum ejiciat; si victoriam demum reporter, cujus deinceps recordatio sit jucundissima futura: at per indolentiam præsertim, quæ successura sit tanto gratior, quanto, ut ex mari perocelloso, evaserit in portum tranquilum.

Quod si in gravi etiam dolore allevamenta Sapienti non desunt; quid esse putemus de leviori dicendum, aut de privatione quoque alicujus vel membri, vel sensus? Haud abs re sane dictum est ante, tametsi fuerit oculus captus, fore nihilominus felicem. Videlicet, si ipsa nox beatam vitam non adimit, cur adimat dies, cum similis est nocti? Utunque vero tunc aliquæ corporis voluptates absint, & varix tamen adhuc supersunt; & quod caput est, ipso animo multis delectari variisq; modis licet, et. ā si non adhibeatur adspetus. Etc.



Etenim, cum ipsi Sapienti vivere cogitare sit ; ejus cogitatio non ferme ad investigandū adhibet oculos advocatos. Illi certe, cujus doctrinæ dedimus aliquando nomen, sine varietate colorū licebat vivere beate, sine notione rerum non licebat. Atq; hic vir impediri animi etiā acie adspectu oculorū arbitrabatur; & cū alii sæpe quod esset ante pedes non viderent, ille in infinitatē omnē peregrinabatur, ut nulla in extremitate consisteret.

**CAP. XXIII. De Fortitudine adversus animi ægritudinem.**

**D**ixi jam ægritudinem, quæ animo concipitur, concipi solere ob ea, quæ reputantur mala externa, quibusque opposita bona maxime concupiscimus. Res etiam adversas, & prosperas, seu secundas dicunt ; observareque licet eundem esse humilem abjectumve animum, qui ut adversis deprimitur, ita prosperis insolescit. Quo fit, ut quæ forent hoc loco dicenda speciatim de malis ægritudinem inducentibus, & quorum occasione fortitudine opus est, intelligi debeant ex iis, quæ attigimus circa bona quorum cupiditates sunt, & propter quæ est temperantia opus.

Id hic generatim sufficiat, quod obiter quoque insinuavimus, esse ægritudinem non natura, sed opinione mali, qua necesse est omnes esse in ægritudine, qui se in malis esse arbitrentur, sive illa ante provisa & expectata sint, sive intervenerint. Nā quæ fit, ut non minus lætetur, cujus filius sit interfectus, sed id tamen nesciat, quam si revera viveret; ac pari ratione, si fama detractum, si peculium furto ablatum, atque ita de cæteris? An non id facit opinio sola? Nam si natura faceret, quo momento filius abesset à vivis, exprimeretur  
jacturæ

jacturæ sensus in paterno animo ; neque secus jactura famæ peculiique sentiretur.

Quare, ut ægritudinis sensus exprimaturn in animo, necesse est opinio, non natura interveniat. Quoque minus dubites, si ille filium supposititium esse germanum existimet, & germanum pro filio non habeat; renuntiata germani morte, nullatenus movebitur ; renuntiata supposititii, vehementissime angetur; idque proinde non natura, sed opinio sola præstabit.

Exinde vero hoc saltem constat, ista, quæ nos angunt, non esse nobis re ipsa mala, quia extra nos sunt, neque nos per se ipsa attingunt; sed opinione solum nostra in nobis mala fieri; & ex hoc esse, cur jam ante Rationem esse dixerimus, quæ vitam jucundam, seu beatam faciat, dum opiniones abigit, ob quas animas occupat perturbatio. Scilicet ægritudo est, qua & animus conturbatur, & illius tranquillitas jucunditasque evertitur.

At quomodo tandē potest ipsa ratio hasce opiniones expellere? Nempe quatenus, ut est ante dictū, comparat se Sapiens adversus fortunā. Hæc quippe externa, quæ opinamur bona, quorumque jactura ægritudinē in animis parit, fortunæ quoque bona dicuntur, quod nostra revera non sint, sed pro ipso fortunæ arbitrio adesse & abesse possint.

Unde & sapiens ista habet non magis sua, quam alinea ; neque ipsa sic possidet, quin sit ad eorundem amissionem comparatus. Quippe opinionem illam exuit, qua bona hujuscemodi reputantur falso, ut propria, ita & inamissibilia; illam vero induit, qua esse ambigua & fluxa, uti & sunt, persuasam habet; sicque providet, quid acturus sit, si facere se contingat illorum jacturam; providet, inquam, ne tunc se inani mœrore conficiat; sed æquo ferat animo id à fortuna reperti, quod non dederit nisi commutato.

Iis

Iis sane, qui huiusmodi bonis privari opinantur malum, id gravissimum accidit, ut quæ possent saltē leviora præmeditando fieri, & quasi vetustate minui, præmeditatio malum adaugeat, sicque stulta fiat cogitatio mali quod futurum sit; aut fortasse ne futurū quidē. Scilicet eo casu odiosum est satis malum omne cum venerit; &, si forte non venerit, frustra omnino suscipitur miseria voluntaria, ac efficitur, ut quis nunquam non aut excipiendo, aut cogitando malo angatur. Nā & qui semper cogitet posse sibi aliquid mali adversive accidere, evadēt hoc illi sempiternum malum.

Quod si Sapienti quoque contingat, ut propter factam aliquam in usu bonorum fortunæ assuetudinem, illam opinionem non prorsus expungat, sicque saltem exigua ipsi fortuna interveniat, ob quam in ægritudinem saltem mediocrem incidat, unde & fieri possit, ut mœreat; tunc ægritudinis levatio in iisdem duabus rebus ponitur, quæ paulo ante sunt circa dolorem insinuata. videlicet Avocatione à cogitando molestia causave, quæ illam induxit; & Revocatione ad ea, quæ agnovit esse animo grata & jucunda.

Potest siquidem animus Sapientis parere rationi, & que duxerit, illam sequi. Vetat autem ratio intueri ea, ex quibus creetur foveaturque molestia; sicque abstrahit ab acerbis cogitationibus animum, ut illum convertat ad cogitandum bona, futura, aut præterita, eaque præsertim, ex quibus noverit illum delectari.

Ac facile quidem molestiæ importunæque cogitationes recurrunt; sed isti tamen avocationi, revocationique insistendum est; quoniā animus, jugi deflexione assuescit paulatim molestiam quasi eludere, neq; alia ratione tempus ægritudinem sensim minuit, quā quia exhibet occasiones varias, quibus distractus

distractus animus assuescit sensim non cogitare & quasi oblivisci ea, quæ ægritudinem induxerunt.

### C A P. XXIV. De Iustitia universe.

Iustitia restat, quā totā esse ad alterum prædiximus, quamque idcirco homini, ut in Societate degenti convenire constat. Et certe ipsa est quasi communis nexus, sine quo constare nulla potest Societas; cum virtus sit, qua unicuique id, quod est ipsius, tribuitur, & ne ulli fiat injuria, cavetur.

Atque ut exordiar ab eo, unde dicere de cæteris virtutibus cœpi, haud absimilia profecto sunt, quæ dici quoque de ipsa possunt. Ut enim prudentiam, temperantiam, fortitudinem copulatas esse docui cum voluptate, ut ab ea nullo modo nec divelli nec distrahi possint; sic de Iustitia judicandum est; quæ non modo nunquam nocet cuiquam, sed contra, semper alit aliquid, tum vi sua, atque natura, quod tranquillet animos; tum spe nihil earum rerum defuturum, quas natura non depravata desideret.

Et quemadmodum Temeritas, & Libido, & Ignavia semper animum excruciant, & semper sollicitant, turbulentæque sunt; sic cujus in mente iniustitia concedit, hoc ipso quod adest, non potest turbulenta non fieri: etsi vero molita quidpiā est, quamvis occulte fecerit, nunquam tamen confidet id fore semper occultum. Quod si qui satis opibus hominum sibi contra conscientiam sepi esse, & muniti videantur, Deorum tamen numen horrent, easque ipsas sollicitudines, quibus eorum animi noctes atque dies exeduntur, à Diis immortalibus supplicii causa importari putant.

Quæ autem tanta ex improbis factis ad minuendas vitæ molestias accessio fieri potest, quanta  
ad

ad augendas tū ex conscientia factorum, tū pœna legū, odioq; civium? Et tamen in quibusdā neque pecuniæ modus est, neque honoris, neque imperii, nec libidinū, nec epularū, nec reliquarū cupiditatum, quas nulla præda unquam improbe parta minuit, sed auget potius, atque inflamat; ut coercendi magis, quam dedocendi esse videantur.

Invitat igitur vera ratio bene sanos ad Iustitiam, æquitatem, fidem; neque homini infanti, atque impotenti injuste facta conducunt; qui nec facile efficere possit, quod conetur, nec obtinere, si effecerit: & opes, vel fortunæ, vel ingenii liberalitati magis conveniunt; qua qui utuntur, benevolentiam sibi conciliant, &, quod aptissimum est ac quiete vivendū, caritatem; præsertim, cum omnino nulla sit causa peccandi:

Quæ enim cupiditates à natura proficiunt, facile explentur, sine ulla injuria; quæ autē inanes sunt, his parendum non est. Nihil enim desiderabile concupiscunt, plusque in ipsa injuria detrimenti est, quam in aliis rebus emolumentis, quæ injuria parantur.

Itaque ne iustitiā quidē recte quis dixerit per seipsā optabilē; sed quia jucunditatis vel plurimū afferat. Nā diligere, & carum esse jucundum est; propterea, quia tutiorem vitam, & voluptatem efficit pleniorē. Itaque non ob ea solum incommoda, quæ eveniunt improbis, fugiendam improbitatem putamus; sed multo etiam magis, quod cum in animo versatur, nunquam sinit eum respirare, nunquā acquiescere.

Ac possent hæc quidē pene esse satis; sed subiiciendum tamen est quidpiam, partim de jure, sive justo, à quo Iustitia denominatur, ut intelligi plenius possit, quæ illius origo sit, quos inter versetur, quo fructu colatur; partim de quibusdā iustitiæ

affinibus virtutibus, cujusmodi sunt beneficentia, gratitudo, pietas, observantia, & amicitia.

CAP. XXV. De Iure, seu Iusto, à quo Iustitia dicta.

**I**mprimis ergo, cum iustitiā esse ex eo dictā constet, quod jus alii debitum tueatur, seu id, quod justum est, exsequatur; nosse operæpretium est quid sit id, quod jus justumve censere oporteat.

Itaque, cum iustitia ad commune bonum sit excogitata, necesse est jus, seu justum, quod spectat, tale quidpiā sit, quod sit omnibus singulisque, qui sunt societatis participes, bonum. Et quia unusquisque id, quod sibi est bonum, natura duce expetit; necesse est id, quod est jus seu justum quidpiam secundum naturam sit, ac naturale ideo dicatur.

Nequicquam vero hoc non attingo; quoniā contingit aliquando, ut id quasi jus, sive justum in Societate præscribatur, quod Societatis bonum non sit; ac ideo, quia non naturale, sive contra naturā sit, non debeat, nisi ex abusu, ac nomine tenus justū reputari; cum id, quod veram juris seu justī naturalis rationem habet, ejusmodi sit, ut sicuti præscribitur, ita sit revera utile ac bonum.

Quocirca, ut proprie loquamar, jus sive justum naturale nihil aliud est, quam tessera utilitatis; seu ea, conspirantibus votis, proposita utilitas, ut homines adinvicem neque lædant, neque lædantur; atque adeo secure degant, quod, ut bonum est, sic natura duce quisque expetit.

Utile proinde ac bonum pro eodem hic habeo, censoque, ut quidpiā sit justum, seu jure servetur, duo quædā exigere; unum, ut utile sit, seu ad communem utilitatem, hoc est, securitatem, spectet; alterum, ut sit ex communi Societatis consensu præscri-



præscriptum. Neque enim quidpiam est complete justum, nisi quod Societas communi consensu, communive pacto inito censuerit servandum.

Hinc fit, ut utrique istorum juris, sive justî nomen tribui soleat: Siquidem tam utile ipsum dicitur jus esse, quod cui competit, seu quod illi tribui, servarive est justum; quam ipsa communis Societatis pactio præscriptiove, quæ & dicitur Lex; ut puta, quasi id, quod est cuique utile, seu justum, præscribens.

Ac sunt quidem, qui existiment ea, quæ justa sunt, esse secundum propriam, invariataque naturam justa; & leges non ipsa justa facere, sed duntaxat præscribere juxta eam, quam habent naturam: verum res non ita se habet, seu eo potius modo quo se habere observatur cæteris in rebus, quæ sunt utiles, ut quæ ad sanitatem spectant, sexcentæque similes, quæ utiles istis, noxiæ illis sunt, sicque à scopo sæpenumero tam communiter, quam privatim aberrant.

Et certe cum res unaquæque qualis est secundum naturam, talis esse deprehendatur ubique, semper, & omnibus; quippe quod invariata sit: Quæso ea, quæ justa hi dicunt, ubivisne, ac semper, atque omnibus justa non sunt? An non pervidere deberent ea, quæ sunt legibus constituta, ac idcirco legitima justave habentur, non esse perinde apud omnes nationes constituta atque recepta; sed partim quidem ut indifferentia à plerisque negligi, partim ut noxia à cæteris respui, ac injusta conferri? An non & sunt quidam, qui ea, quæ non sunt universe utilia, talia nihilominus putent; atque idcirco ea complectantur, quæ accommodata universe non sunt, si respectu modo suæ societatis deprehendant esse utilia, & generale aliquod præ se ferre emolumentum?

affinibus virtutibus, cujusmodi sunt beneficentia, gratitudo, pietas, observantia, & amicitia.

C A P. XXV. De Iure, seu Iusto, à quo Iustitia dicta.

**I**mprimis ergo, cum iustitiā esse ex eo dictā constet, quod jus alii debitum tueatur, seu id, quod justum est, exsequatur; nosse operæpretium est quid sit id, quod jus justumve censere oporteat.

Itaque, cum iustitia ad commune bonum sit excogitata, necesse est jus, seu justum, quod spectat, tale quidpiā sit, quod sit omnibus singulisque, qui sunt societatis participes, bonum. Et quia unusquisque id, quod sibi est bonum, natura duce expetit; necesse est id, quod est jus seu justum quidpiam secundum naturam sit, ac naturale ideo dicatur.

Nequicquam vero hoc non attingo; quoniā contingit aliquando, ut id quasi jus, sive justum in Societate præscribatur, quod Societatis bonum non sit; ac ideo, quia non naturale, sive contra naturā sit, non debeat, nisi ex abusu, ac nomine tenus justū reputari; cum id, quod veram juris seu justī naturalis rationem habet, ejusmodi sit, ut sicuti præscribitur, ita sit revera utile ac bonum.

Quocirca, ut proprie loquamur, jus sive justum naturale nihil aliud est, quam testera utilitatis; seu ea, conspirantibus votis, proposita utilitas, ut homines adinvicem neque lædant, neque lædantur; atque adeo secure degant, quod, ut bonum est, sic natura duce quisque expetit.

Utile proinde ac bonum pro eodem hic habeo, cenleoque, ut quidpiā sit justum, seu jure servetur, duo quædā exigere; unum, ut utile sit, seu ad communem utilitatem, hoc est, securitatem, spectet; alterum, ut sit ex communi Societatis consensu præscri-

præscriptum. Neque enim quidpiam est complete justum, nisi quod Societas communi consensu, communive pacto inito censuerit servandum.

Hinc fit, ut utrique istorum juris, sive justî nomen tribui soleat: Siquidem tam utile ipsum dicitur jus esse, quod cui competit, seu quod illi tribui, servarive est justum; quam ipsa communis Societatis pactio præscriptiove, quæ & dicitur Lex; ut puta, quasi id, quod est cuique utile, seu justum, præscribens.

Ac sunt quidem, qui existiment ea, quæ justa sunt, esse secundum propriam, invariataque naturam justa; & leges non ipsa justa facere, sed duntaxat præscribere juxta eam, quam habent naturam: verum res non ita se habet, seu eo potius modo quo se habere observatur cæteris in rebus, quæ sunt utiles, ut quæ ad sanitatem spectant, sexcentæque similes, quæ utiles istis, noxiæ illis sunt, sicque à scopo sæpenumero tam communiter, quam privatim aberrant.

Et certe cum res unaquæque qualis est secundum naturam, talis esse deprehendatur ubique, semper, & omnibus; quippe quod invariata sit: Quæso ea, quæ justa hi dicunt, ubivisne, ac semper, atque omnibus justa non sunt? An non pervidere deberent ea, quæ sunt legibus constituta, ac idcirco legitima justave habentur, non esse perinde apud omnes nationes constituta atque recepta; sed partim quidem ut indifferentia à plerisque negligi, partim ut noxia à cæteris respui, ac injusta conferi? An non & sunt quidam, qui ea, quæ non sunt universe utilia, talia nihilominus putent; atque idcirco ea complectantur, quæ accommodata universe non sunt, si respectu modo suæ societatis deprehendant esse utilia, & generale aliquod præ se ferre, emolumentum?

Quamobrem dici ad summum potest, illud universale esse justum, habereve justī naturā, quod utile est, sive conforme prænotioni de justo, quæ est mox descripta; nam speciatim quidem, ut utilitas apud varias gentes variatur, ita & justum varium est sive uni quidem sic habitum justum, ut alteri injustum sit. Atque ita dum quærirur idemne apud omnes sit jus, sive justum? Respondeo, generatim quidem esse idem; utile nempe aliquid in societate mutua, verum spectatis singulatim tum regionibus, tum causis apud varias variis; fieri, ut non sit idem apud omnes.

Atque, ut ex istis aliqua deducam, quod experientia comprobatur utile esse ad mutuos usus in societate, communive eorum participatione, quæ esse justa reputantur, illud justī naturam habet, si tale quidē sit, ut utilitas ad omnes attineat: Quod si tale quidem quis ponat, & contingat tamen, ut mutuo sociatis utile non sit, id jam veram justī naturam non habet.

Rursus, &, tamen si interdum ex eo, quod fuerit justum habitum, utilitas excidat; si nihilominus interdum utilitas aliqua sit, ac ideo ad prænotionē, quæ habetur de justo, congruat; id pro illo quidem tempore est justum: Certe apud illos, qui sese inani loquacitate non confundunt, ac res humanas generalius perspiciunt.

Denique ubi nulla nova interveniente rerū circumstantia, ea quæ fuerint habita justa circa actiones hominū, deprehenduntur ad prænotionē habitā de justo non congruere, ipsa justa haudquaquā sunt. Ubi vero novatis rebus, ea, quæ fuerant decreta justa, desierunt esse utilia; ea quidē illic existere justa, quanto tempore ad mutuā conciviū societate permansere utilia; deinceps vero statim atque desierunt esse utilia, desierunt simul esse justa.

CAP.

CAP. XXVI. *De Origine Juris, ac Iustitiæ.*

Sed, ut *rē* altius, & ab ipso, quod aiunt, ovo repetamus; tam videtur esse antiquū esse quidpiam jus, sive justum, & coli justitiā apud homines; quā sunt ipsæ eorum inter se societates antiquæ.

Nam initio, cū homines ferarū ritu vagarentur, & incommoda varia tum à feris, tum ab inclementia cœli paterentur; prestitit quidem naturalis quædā eorum inter se conciliatio (quippe ob formæ animæque, seu morū convenientiā) ut in varios cœtus coirent, ac illis etiam incommodis aliquatenus providerent (extructis videlicet casis, comparatisque tum adversus feras, tum adversus ipsū frigus, munimentis.) Verum quod unusquisque bene sibi esse quā alteri mallet, ideo frequentes erant rixæ de cibatu, de feminis, de commodis aliis, quæ sibi invicē præripiebant; quousque animadverterunt, non posse se tuto commodeque degere, nisi pacta inirent de non lædendo se invicem; atque ita quidem, ut si quis alterum læderet, cæteri lædentem punirent.

Itaque is fuit primus societatis nexus, qui ut supposuit posse unumquemque habere quidpiā proprium, seu quod posset dicere suū, utpote aut tanquam primo usurpatum, aut tanquam donatum, pretiove acceptū, aut tanquā propria arte quæsitū, aut aliis modis habitum, ita fecit illud unicuique ratum. Talis autem nexus, sive talis pactio, nihil aliud fuit, quam communis lex, ad cujus observationē omnes tenerentur, & quæ attribuerit faceretve certum unicuique jus, sive facultatem utendi re suā; unde & ipsa quoque lex fuit quasi commune, sicuti jam dixi, societatis jus.

Ac non memoro quidem, ut tota societas suam

Quamobrem dici ad summum potest, illud universale esse justum, habereve justī naturā, quod utile est, sive conforme prae notioni de justo, quæ est mox descripta; nam speciatim quidem, ut utilitas apud varias gentes variatur, ita & justum varium est sive uni quidem sic habitum justum, ut alteri injustum sit. Atque ita dum quæritur idemne apud omnes sit jus, sive justum? Respondeo, generatim quidem esse idem; utile nempe aliquid in societate mutua, verum spectatis singulatim tum regionibus, tum causis apud varias variis; fieri, ut non sit idem apud omnes.

Atque, ut ex istis aliqua deducam, quod experientia comprobatur utile esse ad mutuos usus in societate, communive eorum participatione, quæ esse justa reputantur, illud justī naturam habet, si tale quidē sit, ut utilitas ad omnes attineat: Quod si tale quidem quis ponat, & contingat tamen, ut mutuo sociatis utile non sit, id jam veram justī naturam non habet.

Rursus, &, tamen si interdum ex eo, quod fuerit justum habitum, utilitas excidat; si nihilominus interdum utilitas aliqua sit, ac idcirco ad præ notionē, quæ habetur de justo, congruat; id pro illo quidem tempore est justum: Certe apud illos, qui sese inani loquacitate non confundunt, ac res humanas generalius prespiciunt.

Denique ubi nulla nova interveniente rerū circumstantia, ea quæ fuerint habitā justa circa actiones hominū, deprehenduntur ad præ notionē habitā de justo non congruere, ipsa justa haudquaquā sunt. Ubi vero novatis rebus, ea, quæ fuerant decreta justa, desierunt esse utilia; ea quidē illic existere justa, quanto tempore ad mutuā conciviū societate permansere utilia; deinceps vero statim atque desierunt esse utilia, desierunt simul esse justa.

CAP.



CAP. XXVI. *De Origine Iuris, ac Iustitiæ.*

SEd, ut rē altius, & ab ipso, quod aiunt, ovo repetamus; tam videtur esse antiquū esse quidpiam jus, sive justum, & coli justitiā apud homines; quā sunt ipsæ eorum inter se societates antiquæ.

Nam initio, cū homines ferarū ritu vagarentur, & incommoda varia tum à feris, tum ab inclementia cœli paterentur; prestitit quidem naturalis quædā eorum inter se conciliatio (quippe ob formæ animæque, seu morū convenientiā) ut in varios cœtus coirent, ac illis etiam incommodis aliquatenus providerent (extructis videlicet casis, comparatisque tum adversus feras, tum adversus ipsū frigus, munimentis.) Verum quod unusquisque bene sibi esse quā alteri mallet, ideo frequentes erant rixæ de cibatu, de feminis, de commodis aliis, quæ sibi invicē præripiebant; quousque animadverterunt, non posse se tuto commodeque degere, nisi pacta inirent de non lædendo se invicem; atque ita quidem, ut si quis alterum læderet, ceteri lædentem punirent.

Itaque is fuit primus societatis nexus, qui ut supposuit posse unumquemque habere quidpiā proprium, seu quod posset dicere suū, utpote aut tanquam primo usurpatum, aut tanquam donatum, pretiove acceptū, aut tanquā propria arte quæsitū, aut aliis modis habitum, ita fecit illud unicuique ratum. Talis autem nexus, sive talis pactio, nihil aliud fuit, quam communis lex, ad cujus observationē omnes tenerentur, & quæ attribuerit faceretve certum unicuique jus, sive facultatem utendi re suæ; unde & ipsa quoque lex fuit quasi commune, sicuti jam dixi, societatis jus.

Ac non memoro quidem, ut tota societas suam  
M 3  
illam

illam puniendi, sive coercendi facultatem in aliquos paucos sapientes, ac bonos, aut etiam in unū, qui sapientissimus optimusque omnium reputaretur, transtulerit: adnoto solum illos fuisse in societate habitos justos, colentesve justitiam, qui iuribus suis contenti, aliena non invaderent, sicque nemini facerent injuriam; illos vero injustos, injustitiamve exercentes, qui non contenti iuribus suis, in jura aliorum involarent; sicque aut rapiendo, aut cædendo, aut alia ratione nocentes lædentesve injuriam inferrent.

Et fuit quidē aliquousque tranquilla ac felix vita hominum, & maxime quidē sub illis sive pluribus, sive uno, qui essent principes seu Reges sapientissimi optimique, qui toti in eo, ut saluti utilitative publicæ prospicerent, varias condiderunt sanxeruntque leges consentiente populo, quibus dissidia apud ipsum, aut exoritura anteverterent, aut componerent si exorirentur. Attamen, ut se res hominum habent, transiit demum res in Principes ac Reges non bonos; unde illis dejectis, aut etiam occisis, rediit summa ad populum, atque adeo ad turbas, ob factiones varias ambientium imperium; quousque inimicitiiis dissidiisque languens populus, ac defessus vi ævum colere, regi iterato à magistratibus, seu principibus voluit; tametsi, cum antea principum arbitria ut plurimum pro legibus essent, leges quibus vellet regi, pepigit, sicque interdum recidit sub leges, hoc est, arcta jura.

Sed ne ad Posteriora tempora descendam, ac præcipuum caput duntaxat attingā, quod spectat ad tutandum vitā, cujus (ut carissimæ omniū rei) cura fuit ab initio, ut securitas factionibus, seu legibus communibus stabiliretur: Videntur sapientissimi, optimique illi Legum conditores, cum ad  
vitæ

vitæ societatem, & ad ea, quæ homines invicem agunt, attenderent, declarasse nefandum esse hominem interficere, & ignominiam non vulgarem (utpote quæ esset conjuncta cū minutione capitis) interfectori decrevisse; partim quidem permoti, illa, de qua jam dixi, hominum conciliatione inter se, qua attenta homines deberent non perinde esse proclives ad consimile sibi animal, ac dissimile aliquod ex iis, quorum cædes est concessa, perdendum; partim vero & maxime considerantes, averfari id homines debere, quod nullius foret ad vitam transigendam emolumentū, ac malignitati solum verti posset.

Nempe ab initio, illis quidem, quid ad constitutionis utilitatem attenderunt, nulla alia fuit opus causa, qua se ab agendo quidpiam simile continerent; qui vero non potuerunt satis, cujus ea momenti esset, capere, ii magnitudinis poenæ metu à patrandis temere mutuis cædibus abstinuerunt; quod utrumque etiam nū deprehenditur evenire. Etenā, qui considerant quanta sit hujuscemodi constitutionis utilitas, ii comparati ad constantē illius observantiā sunt; qui illius vero intelligendæ capaces non sunt, ii se comparant præ metu poenarum, quas leges intentant, quasque Prudentiores quidā adversus illos, qui utilitatis rationem non habent, statuerunt; & majore quidem parte multitudinis illas, ut legitimas, admittente.

Quippe à principio nulla earum legum, quæ si ve scriptæ, si ve non scriptæ ad nos usque pervenerunt, transigendæque porro in posteros sunt, violentia quadā constitit; sed mero, ut jā dixi, utentium consensu. Videlicet mentis prudentia, non robore corporis, aut imperioso obsequio multitudini præcelluere, qui has lege Populum rogarunt; ac illud quidem, inducendo nonnullos ad confide-

randum quid utile foret (cum prius, ut par erat, non assequerentur) aliis vero ipsa pœnarum magnitudine metum incutiendo. Neque enim alio uti medicamine ad curandum imperitiam utilitatis licuit, quam pœnæ à lege præscriptæ timore. Nam & nunc quoq; ipse est solus, qui vulgares homines in officio continet, obstatque ne quidpiam seu in publicum, seu in privatum commodum peccent.

Quod si omnes possent per æque & nosse, & mente tenere, quid utile sit, legibus haudquaquam egerent, sed suapte sponte ab iis caverent, quæ illæ vetant; agerent, quæ illæ præscribunt: quando vel agnoscere solum quid utile, quid noxium sit, ad inducendum horum quidem fugam, illorum vero prosecutionem, satis superque idoneum est. At vero comminatio pœnæ adversus eos, qui, quid expediat, non prospiciunt, est necessaria. Siquidem pœna impendens cogit eos refrænare impetus, qui ad actiones pravas instigant, ac ad agendum, invite licet, quod sit consentaneum, compellit.

Exinde sane Legum-latores, ne eadem quidem involuntariam esse omnis multæ immunem statuerunt; non quidem, ne affectantibus voluntariam prætextum ullum facerent imitandi ex proposito, quæ alii facerent inconsulto: verum, ne non satis cautionis atque diligentia hac in parte adhiberent, sicque bene multa, quæ revera forent involuntaria, contingerent. Neque enim hoc non utile fuit propter easdem causas, ob quas se mutuo conficere voluntaria eade prohibuit. Adeo proinde, ut cum eorum, quæ involuntarie fiunt, alia quidem ex causa improvisa, inobservabilique naturæ humanæ contingant; alia vero ex nostra negligentia, incogitantiaque imminentis discriminis: idcirco volentes avertere socordiam, quæ in proximorum cederet perniciem, ne ipsam quidem

quidem involuntariam actionem abire omnino ultam constituerint, sed peccati hujus frequentiam poenarum metu sustulerint.

Quinetiam ego existimo, cædes quoque lege permissas non aliam ob causam esse factas solitis illis per lustrationes expiationibus obnoxias (idque eorum consilio, qui isthæc præclare invexerunt primi) quam quod esset in animo, homines à cæde voluntaria nimis-quam frequenti abstertere.

Siquidem homines vulgares aliquo passim indigebant, quo, ne temere facerent quod non conducere, arcerentur. Unde primi illi id intelligentes, non poenas modo decreverunt, sed alium insuper timorem, cujus non esset ratio perinde patens, incusserunt; declarando illos, qui quomodocunque interfecissent hominem, nisi lustrationibus uterentur, fore impuros.

Nimirum pars animæ bruta, sed in qua affectus passionese sunt, diversimode quasi instituta accessit ad eam, quæ passim jam viget, mansuetudinem; adhibitis contra affectus impetus ferini iis cicurandi artibus, quibus ab initio usque usi sunt, qui multitudinem rexerunt. Ex quibus est illud inter cætera, ne homines se invicem in discriminatim occidant.

C A P. XXVII. *Quos inter Jus ac Justitia versetur.*

**H**is vero dimissis, cum requiri possit, ob ea, quæ præmissa sunt, Interquosnā tam ipsū Jus, ejusque violatio, quæ Injuria est, quam ipsa Justitia, & quæ Injustitia illi est opposita, reperiat; idcirco res intelligenda ex comparatione inter homines cæteraque animalia est.

Quemadmodum igitur, inter quæcumq; anima-

lia convenire non potuit, ut nec læderent, nec læderentur adinvicem, nulla est Juris Injuriæve, seu Justī & Injustī ratio : Pari modo, neque est ulla censenda inter eas nationes, quæcunque non potuere, aut noluere, ut adinvicem neque læderentur, pacisci.

Etenim Justum, sive Jus, quod servare Justitia est, nisi in mutua societate non est; Justitiaque adeo bonum est Societatis, quatenus quisque sociatorum potest secure degere, experisque ejus anxietatis, quam continens metus nocumenti creat; ex eoque fit, ut quæcunque animalia, aut quicunque homines inire non possunt, aut nolunt societatem inter se, neque adeo quicquam pacisci, tali bono careant, siue nullo juris justitiæque vinculo, quo securi degant, inter se teneantur. Unde & fit, ut non alia ijsis securitatis ratio super sit, quam ne lædantur, sic lædere, ut etiam lædi, cum læserint, non possint.

Quare &, sicut, dum animalium, quæ nihil inter se pepigerunt, unum lædit aliud, dici quidem potest esse illi noxium inferre ipsi nocumentum aut noxam; at non tamen esse respectu illius injustum, inferre ipsi injuriam, quia nullo jure, nullave pactione, aut lege de non lædendo ipsum, tenetur : Eadem ratione hominum quoque, inter quos nulla pactio societatisve intervenit, si unus lædat alium, is dici quidem potest nocens, noxamve aut damnum afferens; verum non injurius, seu injuriam faciens, quod nulla pactio, aut lex sit, qua ad non lædendum teneatur.

De Animalibus autem loquor, non quasi sint aliqua, etiam ex gregalibus, sociatimve viventibus, quæ pacta ineant inter se, ne adinvicem lædant, aut lædantur; sicque possint adinvicem justa, si non lædant, injusta, si lædant, censeri; sed quasi  
exinde



exinde intelligi possit, inter homines quoq; ipsos Justitiam per se nihil esse, quatenus reperitur solū in mutuis Societatibus, pro ea cujusq; regionis amplitudine, in qua possunt pacta de non inferendo accipiendove nocumento iniri : cum alioquin & in homine solitarie spectato sit nulla ; & quæ in una Societate Justitia est, in alia plerumque, ob pactiones contrarias, Injustitia habeatur.

• An vero inter homines ipsaque animalia intervenire Justitia potest ? Non sane : Nam si homines quidem possent, ut cum ipsis hominibus, ita & cum aliis animalibus stipulatione quadam pacisci, ne nos occiderent, neq; ipsa quoq; à nobis indiscrete occiderentur ; eatenus præclare liceret ipsa inter & nos Justitiam rationē exigere ; illud videlicet ad mutuā securitatē dirigeretur : At quandoquidē fieri nequit, ut quæ sunt rationis expertia animalia, communi nobiscum lege contineantur, hanc ipsam ob causam non licet id adipisci utilitatis, ut majorem securitatem ex aliis animalibus, quam ex ipsis rebus inanimatis impetremus. Adeo proinde, ut quo reddi securi ab ipsis possimus ; supersit utamur ea facultate, quæ in nobis est, eorum necandorum.

Requies fortassis obiter, quī fiat, ut animalia etiam occidamus, à quibus nihil esse, quod timeamus, videtur ? Nempe possumus id plerumque facere præ intemperantia, & feritate aliqua ; uti & præ immanitate crudelitatemque sævimus in eos homines, etiam extra societatem positos, à quibus fieri potest, ut nihil timeamus. Sed videlicet aliud est peccare adversus Temperantiam, illiusve species, cujusmodi est, ut sobrietas, sic lenitas, seu mansuetudo, five mavis humanitas, naturalisve bonitas ; aliud peccare adversus Justitiam, quæ inita pacta legesve supponit.

Nec vero illud dici potest, concessum nobis lege esse

esse interficere aliqua ex illis animalibus, quæ naturæ humanæ exitialia non sunt, aliove quopiam modo hominis vitæ non officiunt. Neque enim, ut fatear, ullum est ex lege concessis, quod permissum excrescere in multitudinem ingentem, nobis perniciosum non sit; retentum vero ea copia, quæ vulgo habetur, usus aliquos non præbeat ad vitam.

Etenim & ovis, & bos, & quodcumque aliud huiuscemodi, donec mediocri copia habetur, subsidia nobis aliqua vitæ transigendæ necessaria confert: at vero, si in quantumcumque, & superantem longe eum modum, quo jam possidetur, ubertatem abeat, tunc sane vitæ nostræ officiat, aliud quidem usum suo robore (quippe ad id pro indole sibi nativa comparatum) aliud autem, vel ex eo, quod alimentum nobis ex terra proveniens absummat. Quocirca & propter hanc causam vetitum non est huiuscemodi animalia interficere; & eo quidem modo, ut retineatur copia, quanta ad usum vitæ conducit, quantumque regere difficile non sit.

Non enim, ut circa leones, lupos, universeque cætera, quæ vocari solent fera animantia (sive illa parva, sive magna sint) accipere non possumus quandam ex ipsis multitudinem, quæ reservata, quodpiam subsidium ad vitam necessarium præstet; ita se habet res circa boves, equos, & universe cætera, quæ appellitantur mansueta animalia. Ex quo fit proinde, ut illa exterminemus penitus; ex his id solum, quod consentaneum modum excedit, rescindamus.

Unde, ut hoc quoque breviter attingam, reputandum est, etiam apud illas nationes, in quibus delectus circa esum animalium est, fuisse rem apposite ad jam dictas causas præscriptam ab iis legibus, quæ sunt his similia complexæ; & quod ad ea spectat, quæ edendo non sunt, fuisse utilis, ac

non

non utilis habitam rationem; & ob causam quidem cujusque regionis specialem, cujusque constitutionibus adhærere nos, qui illic locorum nusquam degimus, nihil est necesse.

Ex hisce autem intelligimus haud abs re fuisse habitum, etiam ab usque initio, circa occisionem aliorum animalium, ipsorumque hominum discrimen. Nam ad alia quidem animalia quod spectat, consentaneum est primos illos, quæ ea, quæ forent nobis agenda, vel non agenda, præscripserunt, occidere nullum vetuisse. Etenim quæ utilitas respectu eorum præcipitur, ex ritu agendi contrario (illi scilicet, de quo ante circa homines diximus) est nata. Neque enim poterat fieri, ut homines mutuo cum animalibus viventes, tuerentur sese incolumes, nisi conarentur illa propulsare.

At vero ad ipsos homines quod attinet, cum aliqui Ex iis, qui erant pro illo tempore venustiores (iique, qui, ut probabile est, suasores fuere primæ illius pactionis, de qua ante dictum) recordarentur, ut illicmet, ubi mixtim vivebatur, à cæde interdum abstinaissent, propter ipsam, quæ ad salutem attinebat, utilitatem; revocarunt quoque in memoriam aliis, dum in unum congregarentur, ecquid rei tum contigisset: quo abstinentes ab animalis congeneris interneceione, vitæ societatem tuerentur, quæ generatim causa est privato cuiq; propriæ salutis, utile autem fuerat ante secedere à societate coeuntium aliorum seu animalium, seu hominum, aut damno certe afficere nullum, ne non modo animalia, quæ diversa genere erant, sed ne homines etiam, qui erant congeneres, & ad noxam inferendam comparati, irritarentur. Quare & ob hanc causam continuere manus ab animali congeneri, quodcumq; se in communionem rerum necessariarum præbuit, quosdamq; in ipsam societatem ausus contulit.

Proce-

Procedente autem longius tempore, & proge-  
nie utrinque longe succrescente, ac depulsis, quæ  
generis erant alieni, animalibus, secretionequæ  
ipsum facta, cœpere quidam ratiocinando (&  
non sola, ut prius, sine ratione memoria utendo)  
consilium de eo, quod foret utile, dum adinvicem  
convenirent. Nempe conati sunt validius inhibere  
illos, qui se invicem temere imprudenterque con-  
ficerent, & mutuam auxilium imbecillius redde-  
rent, ob præteriti temporis, quibus res sui simili-  
bus male cessisset, oblivionem. Adnixi ergo hoc  
facere, eas legum constitutiones, quæ etiamnum  
per civitates nationesque perseverant, induxe-  
runt; consentiente ipsis, ut jam inculcatum, mul-  
titudine sua sponte; quatenus persensit quàm ma-  
ior exinde utilitas degentibus in mutua congre-  
gatione proveniret. Pari modo videlicet ad secu-  
ritatem conducit, illud, quod perniciosum est,  
citra indulgentiam perdere, & id, quod ipsi exter-  
minando utile est, servare.

Probabile igitur est, factum ob has causas, ut cæ-  
terorum animalium licita cædes fuerit, hominum  
vero prohibita: tametsi immoror hic nimium.

### CAP. XXVIII. *Quam merito jure Justitia colatur.*

**S**UPEREST ergo, ut cum justitia communi pactio-  
ne sit constabilita, unusquisque existimet se sive  
natum, sive adscitum, ea conditione societati, in  
qua degit, nomen dedisse, seu in illam admissum esse  
ut sive expresse, sive tacite, in pactio-  
nem illam ne lædat, lædaturque, consenserit. Quare & standum  
esse pactio-  
ni, aut à societate exeundum; quoniam  
non alia, quam qua receptus conditione est, in  
ea toleratur. Ex quo sequitur, ut cum naturæ  
sponte

sponte nolit se lædi à cæteris, non lædat ipse cæte-  
ros; sicq; non faciat alteri, quod sibi ipse fieri nolit.

Possunt certe exinde leges positæ censerī in Sa-  
pientum gratiam; non quidem ne ipsi quid injuste  
agant, sed ne quid in ipsos injuste agatur: Nam  
ad ipsos quod attinet, sunt sane ita comparati, ut  
etiam sine legibus nemini inferant nocumentum.  
Quippe, quod præscripserint modum suis cupidi-  
tatibus, easque ad naturam compulerint, cui ni-  
hil sit necesse re injusta gratificari. Neque enim  
ulla voluptas, quæ secundum naturam sit, causa  
est, ut alii patiantur injuriam, sed quæ cupiditas  
ex vanis opinionibus effrænis creatur.

Cum enim natura, ut exemplo dicam, fecerit  
herbas, fruges, fructus, ac una ipsam aquam, res  
paratu facillimas; non ea voluptas, quæ ex ipsis  
famem sitimque expectando, maxima percipitur,  
causa est latrociniorum, cæterarumq; injuriarum,  
quæ vulgo patrant homines; sed inanis cupiditas  
vivendi lautius opulentiùsque, atque idcirco dite-  
scendi, ut sit, quod in sumptus sufficiat. Quod  
idem dicendum de iis, qui simplici veste, simplici  
domo, simplici conjugio, similibusque, præ ambi-  
tione, luxu, libidine, aliis passionibus, non contenti,  
plura appetunt, quam quibus natura indigeat.

Quinetiam, cum Sapiens, ut ante innuebam, sui  
ipsius causa omnia faciat, nihil est omnino, quod  
magis sui causa facere possit, quam dum præclare  
justitiam colit. Quippe dum suum cuique tribuit,  
ac nemini nocet, servat tueturque sanctam rectam,  
quantum in se est, Societatem; quæ nisi salva sit,  
salvus esse ipse non possit; & neque cujusquam in  
se provocat injuriam; neque multam, pœnamve  
ullam, publicitus infligendam meruit: sicque nihil  
sibi male conscius, omni perturbatione caret,  
qui fructus est Justitiæ omnium maximus; quem-  
que

que proinde dum colligit, quid majus sui causa faciat ?

Neque vero est, cur existimes, posse illum, qui clam, nemineque conscio, violaverit aliquid juris, pactorumve eo sancitorum, ne quis faciat patiaturve injuriam, pari esse securitate, vacuitateque perturbationis ; siquidem, ut ante dicebam, quamvis occulte fecerit, nunquam tamen confidet id fore semper occultum. Nam scelera quidem secreta esse possunt, at secreta esse non possunt ; neque prodest quicquam peccanti latere ; quoniam non, ut felicitatem, sic fiduciam latendi habet.

Sane & quantumvis id millies impræsentiarum lateat, occultumve sit ; incertum est tamen, an ad mortem usque sit futurum occultum. Plerumque enim improborum facta primo suspicio insequitur ; deinde sermo, atque fama ; tum accusator, tum index. Multi etiam sæpe se indicaverunt ; alii quidem per somnum, alii per delirium, alii per ebrietatem, alii per quandam incogitantiam. Adeo proinde, ut vir scelestus, etsi Divum genus hominumque, ut dicitur fallat, ut id tamen perpetuo clam futurum sit, diffidere debeat.

Unde & efficitur, ut quamvis Injustitia non sit aliquid secundum se malum, quatenus quod hic est injustum, idem alibi justum reputatur ; at malum tamen sit in eo metu, quo exstimulante conscientia, suspicatur quid, vereturque, ne quæ injuste patrata sunt, animadversores scelerum non lateant : nihilque adeo est, ut securius, sic ad degendum placidam pacatamque vitam conducentius, quam innocenter vivere, & scœdera pacis communia factis nullatenus violare.

Quare & cum Justus Injustusq; ea sint antithesi, ut sicuti ille est maxime omnium perturbationis immanis,



immunis, sic iste, ex opposito, sit perturbationis plenissimus; ecquid esse illi utilius, quam iustitia; isti nocentius, quam iniustitia potest? Quid enim? Possuntne esse cuiquam utiles angores, sollicitudines, diurni & nocturni metus?

Cum tantum ergo bonum Iustitia, tantum Iniustitia sit malum; illam unice exosulemur, istam impense abhorreamus. Et, si quando forte animus vacillet, dubique hæreamus, quid agendū sit, quid facto sit opus; aliquis Vir Bonus nobis eligendus est, ac semper ante oculos habendus; ut sic, tanquā illo spectante, vivamus, & omnia, tanquam illo vidente, faciamus.

Valebit certe hoc consilium, non modo ne quidpiam agamus, quod injustum sit; sed etiam, ne quidpiam occulte adversus honestatem peccemus. Scilicet ille erit nobis quasi custos, ac Pædagogus, quem quia animus verebitur, ejus autoritate etiam secretum suum sanctius faciet. Illo præsentente non facerem: absente, cur faciam? Ille id carperet, quia malum; cur ipse malum sponte non fugiam? Sic itaque fac omnia, tanquam spectet aliquis; nam si verearis sic aliquem, eris ipse cito verendus.

### CAP. XXIX. De Beneficentia, Gratitude, Pietate, Observantia.

Sequuntur jam illæ virtutes, quas affines esse Iustitiæ ideo diximus, quod ipsæ quoque ad alterum sint; & nisi perinde legibus pactionibusque præscribantur, non desinant tamen quandam ex decoro, ex officio, ex usu, obligationem similem illi, quæ Iustitiæ est, præ se ferre.

Talis vero imprimis est Beneficentia, ad quam ii tenentur, qui aut opera, aut pecunia adjuvare indigentes

digentes possunt; cum nisi operam quidem præstent, barbari, immites, inhumani audiant: nisi pecuniâ, tum paria audiant, tum præterea sordidi, tenaces, avari, aliaque id genus: Sin autem præstent, tum audiant comes, benigni, officiosi, tum liberales, munifici, magnifici, &c. adeo proinde, ut vel sui, suæve utilitatis gratia ad Beneficentiam (sed ita ut fiat citra Prodigentiam) teneantur.

Etenim, qui illa utuntur, ii sibi, ut jam attigi, benevolentiam conciliant; &, quod aptissimum est ad quiete vivendum, caritatem: qui non utuntur, malevolentiam, & quod ad moleste vivendum est comparatissimum, contemptum & odium. Cave autem saltem, ne circa res parvas beneficus non sis; ne id emolumentum perdas, quod exinde habendus sis etiam circa magna gratificabundus.

Haud abs re vero superius dixi esse non modo præclarius, verum etiam jucundius, beneficium dare, quam accipere; quoniam is, qui dat, non modo ea re major atque superior est, sed & quasi fœnus, gratiam, colligit; cum interim res nulla sit, quæ majus pariat gaudium, quam gratia. Similis est nempe beneficus fonti; cui si mentem des, ecquo non sit gaudio perfusus, cum tot sata læta, ex sui diffusionem, quasi ridere observabit?

Talis deinde est Gratitude, ad quam reciproce tenetur, qui beneficium accipit: Nimirum, nisi velit odio, probroque quam-maximo esse. Neque enim injuria exosa est omnibus hominibus Ingratitude; quod cum nihil sit magis secundum naturam, quam propensum esse ad habendum bonum; contra naturam maxime sit, non esse propensum, grateve affectum in authorem boni.

Cum nemo sit porro in Benefactorem magis grate affectus, quam Sapiens; licet sane asserere, Sapientem solum referre gratiam scire, quatenus  
solus

solus debitam gratiam amicis & præsentibus, & vita etiam functis habet.

Cæteri enim fere duntaxat gratiam habent præsentibus (idque aliunde, ut plurimum, quo possint beneficium aliquod novum provocare) at absentium, quotus est quisque, qui grate commeminerit? qui, si possit, in liberos, in amicos, in res ipsius, vices rependat? Vita autem functorum quotusquisque est, qui caram habeat memoriam? qui non lætetur quasi solutam agnoscendi obligationem? qui in eos, quos illi habuerint percaros, aut obsequium, aut etiam beneficentiam, si possit, testetur?

Talis rursus est Pietas, Gratitude sanctissima species. Ea videlicet primario erga Parentes attenditur, quibus nemo est, qui non amplius, quam cæteris hominibus debeat: quando potest quidem alia debere cæteris; at parentibus sese ipsum debet. Vnde & fit, ut si ingratitude adversos alios exosa sit, ea, quæ adversus parentes est, sit maxime horrore execrationique.

Dico autem primario, quoniam secundario, & quasi ex consequutione extenditur ad consanguineos, fratresque cum primis, quibus parentum interventu, quasi vinculo sic adstringimur, ut intelligere debeamus non posse nos illos amore magno non prosequi, quin ingrati simus adversus Parentes, Avos, cæterosque nostri authores; scilicet rem illis ingratam facientes, qui fuere sua benevolentia omnes à se sive exoriturus complexi.

Non est vero Pietas sejuncta à Caritate in patriam, quæ ipsosmet etiam parentes consanguineosque complectitur; nosque & nascentes excipit, & natos alit, ac tuetur. Cumque, ut parentum interventu tenemur affectu erga consanguineos,  
sic

fic generalius erga concives Patriæ interveni-  
teneamur, tum maxime sane tenemur erga Magi-  
stratus, atque Principes, qui qua ipsam patriam  
legesque turantur, id in nos speciatim beneficii  
conferunt, ut ipsorum freti præsidio degere secure  
tranquilleque possimus.

Talis præterea est Observantia, seu venerabun-  
da affectio, qua erga illos omnes tenemur, qui ali-  
qua re supereminet. Quare & partim conjuncta  
est cum Gratitude, & Pietate, quatenus non li-  
cet gratum animum magis apertum facere, quam  
debitam venerationem gratumque cultum exhi-  
bendo Benefactoribus, Parentibus, Principibus,  
omnibus dignitate præfulgentibus viris; partim  
maximo cum decore iis exhibetur, qui ætate, &  
sapientia, sive virtute, re omnium spectatissima &  
merentissima, antecellunt.

Speculat porro ad Observantiam, quæ Religio est,  
Sanctitasque adversus Deos: videlicet, quos co-  
lere, non aliter, quam parentes teneamur, non sane  
ulla spe pretiove inducti; non quasi aliquo ac-  
cepto ab iis, aut sperato bono; verum, ut ante di-  
ximus, propter illorum majestatem eximiam, su-  
premamque naturam; utpote, quia venerationem  
justam habet quicquid excellit, & nullius naturæ  
major quam divinæ est excellentia; quippe cum  
æterna, & beatissima sit. Ex hoc sane efficitur, ut  
ipsi quidem intelligentes Deos, nec sibi fingere ul-  
lam molestiam, nec alteri quærere, pie sancteq; co-  
lamus naturam excellentem atque præstantem.

*Quod ex duabus Observantiæ & Religionis causis,  
Beneficentia nempe, & Præstantia Divinæ na-  
turæ, Epicurus non admittit priorem, id fuit im-  
pugnatum cum speciatim in Ethica, lib. 2. cap. 5.  
tum generatim cum de Providentia in Sect. 1.  
Phys. lib. 4. cap. 6. ageremus.*

## CAP. XXX. De Amicitia..

**T**alis postremo est Amicitia, ad quam reciproce tenentur, qui amantur reciproce. Merito vero ipsa nobis erit instar coronidis; quoniam omnium rerum, quas ad beate vivendum Sapientia comparaverit, nihil est majus Amicitia, nihil uberius, nihil jucundius. Inter cætera sane eadem scientia confirmavit animum, ne quod sempiternum aut diuturnum timeret malum, quæ perspexit in hoc vitæ spatio Amicitia præsidium esse firmissimum, ac una cum securitate maximas parere voluptates.

Nimirum, ut odia, invidia, despicationes adversantur voluptatibus; sic amicitia non modo faultrices fidelissima, sed etiam effectrices sunt voluptatum tam amicis, quam sibi; quibus non solum præsentibus fruuntur, sed etiam spe eriguntur consequentis ac posterit temporis: Efficiturque adeo, ut cum solitudo, & vita sine amicis, insidiarum & metus plena sit, ratio ipsa moneat Amicitias comparare, quibus partis confirmatur animus, & à spe pariendarum voluptatū sejungi non potest.

Cum Amicitia autem comparentur ob usus, utilitatemve, eo modo, quo serimus terram, ob proventus futuri spem; Ipsi quidem primi congressus, copulationesq; consuetudinum, instituendarum amicitiarum fiunt propter utilitatem, propterque voluptates, quæ exinde sperantur: at vero, cum usus progrediens familiaritatem effecerit, tum amor efflorescit tantum, ut etiam si nulla sit utilitas ex Amicitia, tamen ipsi amici propter seipsos amentur. Etenim, si loca, si fana, si urbes, si gymnasia, si campum, si canes, si equos, si ludicra, exercendi, aut venandi consuetudine adamare solemus,

solemus, quanto id in hominum consuetudine facilius fieri poterit, & iustius?

Quærendi vero interim, parandique amici cum delectu sunt: ante enim circumspectendum est, cum quibus edas & bibas, quam quid edas & bibas. Et licet visceratio cibatiove sine amico, leonis vita ac lupi sit: is tamen amicus diligendus est, cujus consuetudine nullum suavius sit condimentum. Quamobrem quærendus quidem est amicus, cui nihil candore, simplicitate, bona fide antiquius sit; sed & danda opera est, ut is sit non difficilis, querulus, omniaque deplorans, sed qui morum facilitate, alacritate, iucundia, spe, suavem reddere vitam possit.

Consistit porro, cohæretve, seu perseverat Amicitia in mutua participatione voluptatum, sive bonorum, quibus frui, donec vivimus, licet. Non est vero tamen propterea necesse deponi in commune amicorum opes, ut ille censeret, qui & omnia Amicorum communia dicit; quippe hoc diffidentium est (ne non sint nempe futuræ omnium satis constantes voluntates). Qui vero diffidunt, ii non sunt amici; sed illi duntaxat, qui possunt plena confidentia capere quicquid opus est ex ipsis amicorum bonis (tamen si ab illis adserventur, neque in commune congesta sint) haud secus, quam ex suismet; reputando scilicet illa non esse sua minus, quam si ipsimet ea possiderent, atque adservarent.

Ac stupent quidem homines vulgares, id dum audiunt: sed nihil est, quod ipsos moremur; neque enim quidquā fidei aut constantiæ in amicitia, benevolentiaq; hominum huiusmodi est; cum neq; harū rerum capaces sint, neque ullius sapientiæ partis, quæ commendationē aliquā mereatur. Quinetiam, qui è mediā multitudine est homo, non intelligit quid



quid privatim, publiceque utile sit; neque constituere inter mores pravae honestosque discrimen potest.

De Sapientibus ergo loquimur, quorum est quoddam quasi foedus, ut ne minus amicos, quam seipsum diligant; quod & fieri posse intelligimus, & saepe usu evenire videmus; ut proinde perspicuum sit, nihil ad jucunde vivendum reperiri posse, quod conjunctione tali sit aptius; ac propterea intelligamus, non modo non impedire rationem, si summum bonum in Voluptate ponatur, sed etiam, sine hoc, institutionem amicitiae non posse reperiri.

Videlicet, quia nullo modo, sine Amicitia, firmam & perpetuam jucunditatem vitae tenere possumus, neque vero ipsam amicitiam tueri, nisi aequae amicos & nosmetipsos diligamus; idcirco hoc ipsum efficitur in amicitia, & amicitia cum voluptate connectitur; nam & laetamur amicorum laetitia aequae ac nostra, & pariter dolemus angoribus.

Quocirca eodem modo Sapiens erit affectus erga amicum, quo erga seipsum; quosque labores propter suam voluptatem susceperit, eosdem suscipiet propter amici voluptatem; ac ut habere se laetaretur, quae sibi aegro assideret; & coniecto in vincula, vel inopi succurreret; ita laetabitur se habere, cui, si aeger fuerit, assideat; si conjiciatur in vincula, laboreve inopia, succurrat. Ac neque id modo, verum etiam erit ita affectus animo, ut & dolores gravissimos subiturus pro amico sit; &, si occasio propoſcerit, mortem etiam appetiturus.

Novimus certe evenisse (idque Patrum etiam nostrorum memoria) ut quibusque plenam fiduciam securitatemque parare fas fuit ex societate hominum, pari sententia affectuque viventium, in suavissimo freti pignore, quam suavissime inter se vixerint, ac plenissima necessitudine juncti praepotarint sine lamentis, pro illo, qui foret ad mortem destinatus, mortem subire.

ATQUE

ATQVE hæc sunt quidem, quæ dicenda habui circa Ethicam, eamque, ut ab usque initio contestatus sum, præcipuam Philosophiæ partem. Tu, quisquis es, cui adspiranti ad germanam sapientiam gratificari in animo fuit, ista age, ac meditare; ratus ipsa esse elementa honeste, atque adeo bene beateque vivendi.

Meditare, inquam, interdiu noctuque; & sive quidem ipse tecum, sive cum fido socio, qui persimilis tui sit, & cui dicere valeas; Soli quidem sumus, sed hoc magis nobis disquirere verum sine invidia licet: Hæc ego non multis, sed tibi; tu quoque non multis, sed mihi; sed nempe alter alteri satis magnum theatrum sumus.

Et nonne agnosci posse neminem cum viro illo comparari, qui & de Diis vera sentit, & omnino intrepide adversus mortem est comparatus, & de ipso naturæ fine bonorumque extremo sic ratio-cinatur, ut intelligat ipsum posse facillima facilitate adimpleri compararique, ac id, quod in malis tolerandum est, aut esse duratione breve, si vehemens sit; aut, si diuturnum, toleratu leve; & sibi metipso denuntiat nullam erga se fatorum necessitatem esse, sed vigere in se liberum arbitrium, ac nullam sibi, aut perexiguam intervenire fortunam posse; & quæ cætera inculcata sunt.

Sane &, cum tu vir huiusmodi evaseris, eveniet, ut nunquam sive vigilans, sive in somnis perturbare (neque enim eris in somnis, ob mentem bene compositam, alio affectu, quam per vigiliam) sed ut quispiam Deus inter homines vivas. Nihil quippe mortali animali simile habet homo, qui in immortalium bonorum possessione ævum traducit.

**HÆTENUS EPICURUS.**

**FINIS.**

ui  
e-  
u,  
ti-  
e;  
ne

ve  
er-  
em  
ne  
tu  
al-

lle  
no  
de  
io-  
ili-  
na-  
ve-  
&  
ne-  
m,  
tu-

et,  
ere  
m-  
ut  
ppe  
or-